

德清縣新誌

羅迪先
署簽



01340127
部-1104

書	
號	
函 十 冊	
登錄號 18850	

總理遺像



總理遺囑

余致力國民革命，凡四十年，其目的在求中國之自由平等。積四十年之經驗，深知欲達到此目的，必須喚起民眾，及聯合世界上以平等待我之民族，共同奮鬥。現在革命尚未成功，凡我同志務須依照余所著：建國方略，建國大綱，三民主義，及第一次全國代表大會宣言，繼續努力，以求貫徹。最近主張開國民會議，及廢除不平等條約，尤須於最短期間，促其實現，是所至囑！

德清縣新志

總目

- 一 總理遺像遺囑
- 一 縣圖
- 一 序言
- 一 凡例
- 一 目錄
- 一 與修職名

德清縣新志序

方志之作其源最遠如莊孟墨翟所稱晉乘楚檮杌宋周魯春秋百二十國寶書比附今著實皆一方志而已自封建變郡縣幅員日擴而分地紀述之書亦孳乳寢多分析而下逮則爲譜牒爲傳誌綜括而上達則爲省志爲國史降至今日世界棣通所涉益繁又將擴而爲民族史世界史其所以上綴而下繫者如其間所述社會組織禮俗習慣人民利病雖或樊然散雜而各不相侔然以其並不斤斤於一姓之興亡與拘牽於所謂史筆史法之褒貶有時其所留遺之斷片鱗爪反得供吾儕披沙揀金之憑藉而有以見地方分化發展之往跡與其當時當地起居食飲服習之實相斯方志之所以可貴也士遠不學自不足語於史事但私心所冀首能博搜全國新舊郡縣志而又得精文字諳掌故與通曉方今新史學體例之鴻修碩學會聚一堂優與廩祿而又不畀以吏事不拘以歲月俾得相與勤搜博訪旁參曲證稽異同而究終始盡簡練而薈

德清縣新志

沈序

萃之以成長編如李燾畢沅之所爲再簡焉以成一省之通志恢焉以成一國之通史如左邱明之藉春秋以著內外傳司馬遷之藉楚漢春秋百二十國寶書以著史記斯非特足以信今而傳後且將於吾國史學界特放異彩開一嶄新之紀錄其當躊躇滿志固有非言語所能形容者學力兩絀懷不能達竊有憾焉建國十八年夏士遠恭承簡命備員浙府簿書餘暇輒爲同人言之於時中央又適有籌設通志局之命於是方則會同廳處草創則例一方則移咨各省分令各縣徵集省府縣志私以爲向所蘊蓄於中而不得一施者今庶幾因緣時會而一成之詎知府縣舊志佚存過半徵集綦難甚有報費百金而不可必得者新志則又人事擾擾不暇以爲其能如期徵送者百不及一而通志局之籌設又以費絀事鉅暫置緩圖未幾予亦奉調入都不知其果何如矣今程生鳳鳴郵寄其先德景川先生所纂德清新志屬以文冠其首予大喜過望亟以知所先務許之假令通國之人盡以程生之心爲心舉通國之州縣志而

盡修之則吾曩所期望之通志通史其或可以旦夕遇矣遂爲叙方志之所由始與夫蛻化之梗概上綴下繫之情況及吾所私冀而終不克實施者雜綴如右以歸之中華民國二十一年三月吳興沈士遠序

德清縣新志序

修志之役自昔稱難然處今日其難有更甚於昔者縣志爲一邑之官書與國家政教法令相關繫有清以前國體政體相沿未變從事修志者賡續前書苟其大致無乖則仍其體例循其目錄僅有拾遺補闕之勞可無創制更張之作建國以後制度典章異於曩日於是昔之所尙每與今相背馳今之所尊多與昔相鑿枘且或事屬創舉而歸納無從或名義雖同而事實迥異強爲附麗則駁而不純予以剪裁則疏而多漏其難一也修志易起爭議每如聚訟體例之因革人物之記載稍有同異非難卽來言史法者恆執古以相繩尙臆說者又憑私而逞意故往往屬稿未成而中道廢止或編纂已竣而束置不刊徵諸往時已多先例况今學尙多殊新舊異趣鄙夷掌故者以斷爛朝報相譏守闕抱殘者以懷舊思古自命則更差池臭味出入主奴各趨極端莫衷一是其難二也有此二難動可掣肘而程先生景川以一人之力總全志之成衡量古今沈

德清縣新志

陳序

一

澆新舊體例雖仍舊志損益咸合時宜附新政於法制之門入代議於選舉之志屏封蔭而不采刪災祥而不收諸如斯類獨運匠心苟所謂難迎刃而解盡八年之力成一邑之乘豈徒使文獻有徵蓋亦所以示今日修志之範也功亦偉矣稿定而先生遽歸道山哲嗣志和同學曾預協纂之功復襄校刊之政稟庭訓而承家學繼先志而竟全工然則先生雖未親觀成書亦可以無恨矣余感修志之難而深慶德清新志之付梓有日也因弁其首以落斯志之成

中華民國二十一年三月浙江省教育廳廳長慈谿陳布雷序

續修德清縣志序

志以史一邑也經歷兵燹而修志亟改革政體而修志愈亟不窮其原曷竟其委不闕其舊曷牖其新况山川戶籍非攬其要領無以施經畫也史治文物非實其本末無以謀教養也正賦雜徭之興廢非詳其沿革政事何自修明也風俗人才之消長非辨其淳駁選舉何能公平也是故兵燹而後祇慮文字散佚纂志者乏考訂之資改革而後則一邑之風土政教駁駁乎有更張一切變動不居之象其有待乎志乘之編輯以鑑夫古今之得失者不綦要歟民國建元之七年政府檄各省區所屬縣刻期修志德清之志自嘉慶中葉縣令周紹濂重修迄今凡百餘年未有起而綴之者咸豐洪楊之變兩次城陷圖書冊籍燬盪於兵舊志出於灰燼不絕如縷同光以來國家多故識時俊傑留心世務藉規進取而鄉邦之掌故父老之傳聞里閭比鄰之陳蹟率皆不屑措意聽其隱現而存亡噫世變如彼士習如此膺修志責者苦矣德清爲浙西名縣吳羌餘

德清縣新志

序

一

不孕育清靈禮樂冠裳彬彬稱盛蔡沈名族代有聞人最後號大儒享大年等身著作足備斯邦文獻者尤幸蔭甫俞先生挺芳於其間今日者先生雖邈其孫階青太史暨私淑後進尙能傾芳漱液據先生之蘊蓄撫楨曲園遺集並蒐采故實軼聞成一邑信史新舊兩吳令尹或徵集名隽而創其草或馳書都會而討其實或薈萃付梓而董其成靡不喜神劬思用襄盛舉於戲懿已稟既定前武康令總纂程君森介舊令尹吳君鸞臯問序於余余閱之重有感矣政體之改革也君民遞嬗各總時宜而立國之精神道德尙焉經國之綱要風教先焉國有國粹寧容舉所固有者而悉弁髦之處此道統絕續風化乘除之會稍越軌物政體攸乖德清修志之愷大要尊崇道德斡旋風教諸君子瞻前矚後儻猶抱一髮千鈞之思乎第不知後有述者以爲何如也

中華民國十年仲夏之月錢塘道道尹張鼎銘謹書

續修德清縣志序

德清山水冠兩浙地勢幽而風俗厚魁儒碩彥接踵代興清初稱極盛焉降及中葉蔡公之定俞公樾先後以道德文章爲海內學者所宗仰由其道以淑於世者相望也焉 羣童年侍任西蜀聞先榮祿公言乾嘉之際吾族科第絡繹而學術得於蔡公獨多先伯高祖昆季皆受業公門成名進士先曾祖爲公典試河南所取士後以侍御出守湖杭聯爲姻婭公尙在朝也迨先伯曾祖典浙闈試得俞公樾卷歎爲奇才擢置高第其兄壬甫先生又爲先王父先本生王父癸卯同年故先榮祿公每謂德清知名之士與吾家有香火因緣豈偶然哉焉 羣心識之垂二十年歲乙卯奉檄宰清邑以爲二公之流風餘韻必猶有存者甫下車亟爲訪問乃蔡公後嗣尙在髫齡而俞公文孫階青太史遠處宣南無由親炙先賢事業邈焉罕傳於是有文獻無徵之懼而披覽志乘自嘉慶中邑令周君紹濂重修以後至今百有餘年政治之沿革民俗之盛衰人才之隱顯

德清縣新志

序

二

都無記錄爰商諸邑紳程君森等籌款續修而以程君總其事程君曾於改革後爲武康令有政聲嫻習吏事篤敬鄉賢具良史才而尤悉本邑掌故延總編纂凡八閱寒暑而告成釐爲一十四卷復郵請俞紳階青鑒定黃紳苒園覆審於是嘉道以來之事蹟燦然備矣夫崇學術以溯師資原焉 羣一人之私言也因鄉先生之嘉言懿行蒸爲善良風俗德清一邑之公言也時勢所趨非蔡俞二公所及料且其間利當興弊當革則雖更歷數十百年而無變清之爲邑西北多山東南多水賦稅頗繁重而民務蠶桑俗尙敦龐至今日而稍靡矣居是邦者保持其愛戀鄉土之念激起其推廣實業之心通變而不倦因時而制宜卽起蔡俞二公而質之當不以斯言爲河漢也夷考有清定鼎之初吾鄉侯君元裴爲德清令創修縣志百餘年後周君續之共和改建以異籍人來官者始於焉 羣兩代開國咸以豫人宰斯土樂觀全志之成抑何其遇合之巧相值也侯周往矣百年歲月彈指駒隙吾願後之來者勿使侯周專美於前又焉 羣私

心所禱祝者矣程君議以全書付手民請爲序爰誌其略願清之人以興起焉
中華民國十二年九月前知德清縣事調知吳興縣事固始吳雷撰

德清縣新志

序

三

弁言

德清之有志，蓋始於有宋。嘉熙間，邑令章公鑑，輯餘不志，凡上下兩卷——餘不者，以溪名也。明嘉靖初，邑令方公日乾就餘不志增修之。及清康熙十二年，邑令侯公元棐更增益之，遂爲今德清縣志——列卷凡十，分帙維四，蓋粲然備矣。嘉慶十二年，邑令周公紹濂。本侯志另輯續志十卷凡二本。今餘不志及明增修本均已不可考，所存祇侯志十卷，及周續志亦十卷而已。民國四年，吳公鸞舉長德邑，以時距嘉慶續修縣志之年，已更百有八稔，慮閱時太久，地方文獻之無徵也，遂倡重修邑志之議。延邑之賢碩，分任考訂搜訪之役，而以程先生景川總其成。歷時八載，而稿具，亦綦繁且難矣。原稿曾就邑老俞太史陞雲請校正，並黃先生苒園覆審。不幸燬於火；而程先生已先歸道山。不獲身與校刊之事，見其成就，良可慨也！程君志和，景川先生之

德清縣新志

弁言

四

哲嗣也，出所藏原稿副本，方盛來德未匝月，卽以刊刻爲請。嘗以邑之不可以無志，猶國之不可以無史；况縣爲自治單位，已垂定制，則縣志整理之業誠不容稍緩矣。惟是各縣舊志，陳陳相因，分類不密，取去不嚴，以近代目光爲衡，苟非重加刪改修整，以求合於科學方式，其所保存之文獻掌故，亦祇足以供參考資談話而已；求其貼後世社會及執庶政者以益厚民生之方針，或獲一單統詳確之人文地理觀念，洵不可能之事已。程稿竣編在民國十二年，去今已歷八載。讀其文，卷次多仍前志，稍稍增益，蓋非重加修訂者，其體例祇可謂爲再續，以承於周志之後也。第周志之後，以至前清之末，邑經太平軍之役，及光緒維新，其間百有餘年，凡戶籍之興替，政俗之更張。自不可以無記。原稿久歷歲月，始克蒞事，業艱而功劬，復得於灰燼之餘，獲其副冊，寧非幸事！則斯志之刊，非程君紹遺志之私，抑亦邑人之公

願，所以昭示來茲，以免散佚云爾。至補編之修，宜如何變更體例，整理增損，以求符合於時代思潮，而切於實用，自非經久長之考訂編輯調查統計，專任時賢以董其事不爲功。惟有假以時日，徐圖之耳。民國二十年，八月，十四。縣長金鳴盛。

續修德清縣志序

辛未秋十月任化奉省府令權篆是邑沈災初淡滿目瘡夷田廬之淹沒既多
繭稻之收成均少力圖救濟籌款爲難朝夕營營志期小補重以內憂莽伏外
感戎興治安警察隊之編練義務保衛團之徵集倉儲購穀之籌措區鎮鄉閭
之改編以及育嬰治蟲屏水清丈各種建設新政紛至沓來而經費闕如謀緊
縮則爲條例所拘求簡便又於成案不合責之民而民無以應請諸上而上不
之許此中情況當亦闔邑任事諸君暨人民所同感受者也德清立縣肇自唐
天授中密邇省會聲名文物在有清康乾間冠蓋滿京華矣其後代有達人洎
同光朝南埭俞氏經學詞章爲全國所傾仰且遠及東瀛故其縣在浙西著名
者也按其疆域截長補短方五千里耳上枕天目下承苕溪山水錯縱佔五之
一焉居民十八萬三千餘丁耳老弱及不能生產者居五之二焉名雖爲縣實
逮大邑之鎮市然以密邇省會凡劇縣之事無得免者較邊隅僻遠加煩難焉

德清縣新志

王序

一

計每年應供之款需銀十二萬餘元人民生活費平均每人以六十元計需銀
一千一百餘萬元以數千方里地十餘萬人肩此重負幾何不貧且困乎豐稔
之年尙可支持偶爾荒歉飢寒且不免倘饑饉薦臻將何恃以爲生乎吁可懼
也已考春秋二百四十年間從未見書數國大饑者先王之溝洫尙存人事理
也民國以來秦隴晉豫直魯諸省頻年遭旱赤地千里致人相食今沿江各地
同被水災蕩析離居者不知若干萬雖曰天禍抑亦人事之未理乎德邑幅員
狹小杼柚空虛旱何以資灌溉澇何以禦洪流地利何以益興工業何以增進
閭閻何以乂安倉廩何以充實人材何以成實用民氣何以見作新俾天不能
災人不能禍以抵安平和親康樂之境此皆良有司與邑中明達所有事也任
化不敏方奉 國府成憲謹承之不暇奚由致其力徒託空言以見志云爾昔
司馬遷作史記書河渠書平準傳貨殖願亭林類天下郡國利病勒爲一書待
後人改革皆史職也豈獨周禮土均土訓誦訓之所掌爲然縣志邑史也文獻

外邑之利病咸所應志茲程君志和因其先德景川先生所纂續修縣志將壽梨棗丐余弁言於次余師太炎章氏爲曲園居士入室高弟此志又爲階青太史鑒定爰直據已志以著淵源所自且願邑之賢士大夫共加意焉時中華民國二十年十二月三十一日縣長臨海王任化

續修德清縣志序

修志本難，而閱時久遠，復經變亂，舊帙散佚，蕩然靡所考鏡者，則修之尤難，蓋邑之有志，將以沿流溯源，徵文考獻，而攬山水之靈秀，覘風俗之盛衰，考政治之得失，皆於是乎在，纂修之難，實與史事無能軒輊，故欲葺而擱筆者有之，圖始而鮮克終者亦有之，德清之志，自嘉慶間重修，凡百有餘年，邑紳程先生森，搜葺前聞，網羅今代，綜述百年間事，若因若革，井井有條，非胸有成竹，鑪錘在手，固未易執簡而操觚也，然程先生之纂修是志，已八閱寒暑，脫稿後又八閱寒暑矣，歲月遷延，迄未鐫之梨棗，一竟其功，殊爲憾事，幸今邑侯金公鳴盛，倡議編印縣志，並令由教育局組織委員會，凡民國十二年至二十年所應志者，廣續補編，以冀完璧，瑞桓適於今歲，忝長教育，共襄斯舉，樂觀厥成，或亦文字之別有因緣也，況夫德清爲浙西

名邑，枕天目之靈峯，挹苕溪之秀水，儒林宦海，代有聞人，而曲園俞先生，尤以經術文章，名震中外，我知後起之秀，必有披覽是書，以參酌古今，使政治風俗，日臻完美，爲他邑冠焉，是爲序。中華民國二十年八月十五日教育局長孫瑞桓

續修德清縣志序

天目之陽苕水出焉龍飛鳳舞淑氣所萃吾邑當苕溪流域川原之秀偉人物之豐昌清代科第相望名儒輩出故老所傳述志乘所紀載所謂大夫九能山川能說登高能賦過其地者未嘗不景慕而流連也而舊志雖存已繇歷歲時亟待修輯邑人食舊德而服先疇宜有修志之役而其間值政體更變百度維新學校之興廢賦稅之增損疆里之申畫法度之釐定其繁要過於舊志邑之士大夫乃續修德清縣志延程君景川總其成徐君葉生施君容齋等分其役載筆謹嚴稽事詳實宋子京修新唐書事則增而文則損此志有焉余家自元代居邑之南埭村歷六百餘年耕讀傳家勉承邦君子後陸雲旅次宣南未得預校讐之列稿既具猥以郵致囑鑒定焉余不敏而樂觀厥成議付剞劂而程君遽歸道山其哲嗣余姪婦翁志和君不棄荒陋而問序於余喜舊澤之延長冀新猶之丕煥誦清芬而詠先烈願與邦人共勉之庚午十二月俞陞雲

德清縣新志序

吾縣自清嘉慶十二年邑令周公修輯續志後百餘年間蓋無此作矣夫縣志所以志一縣之山川疆域民風吏治地畝戶口賦役財用人才文教之盈虛消長者也文獻無徵則興廢治亂之故進化遭遞之跡泯焉難求是將何以觀古而驗今縣事之待舉者莫亟乎此程景川先生有鑒於斯彈精竭力搜羅舊聞歷時八載事未竟而卒哲嗣志和上承先志孜孜於此者亦八年始告厥成名曰新志志列十爲卷十四今而後吾縣百餘年間山川疆域之變遷民風之淳漓吏治之良窳地畝之廣狹戶口之衆寡賦役之增損財用之奢節人才之盛衰文教之隆替皆得一一而覽之而向之所謂興廢治亂之故進化遭遞之跡泯然難求者燦若列星洞如觀火而觀古驗今之道亦於是乎著是程先生喬梓編修之功之在吾縣者豈淺鮮哉中華民國二十年十一月邑人許炳堃

德清縣新志序

德清舊有侯周兩志周志成於清嘉慶十二年迄今百有餘歲矣光緒癸卯甲辰間先師武昌黃公大華重宰德邑論及修志屬意不才自維譴陋遜謝未遑民國四年邑人士懼掌故之闕失慨文獻之無徵謀所以賡續前志而修輯之吾友程景川先生不憚繁難毅然受總纂之任劬勞掇拾綿歷歲時稿成而歸道山哲嗣志和克紹先志守護遺編奔走籌謀久而勿懈始獲於今歲付諸剞劂可謂業艱而功鉅矣其間邑之執政者復屢以覆審相屬余唯唯否否不敢贊一辭固猶是昔之志也夫志猶史也一邑之志卽一邑古今之得失繫焉輓近世變日亟綱紀失墜目禮教爲腐化以放蕩爲自由乃至父子之恩傷夫婦之道苦人禽之判蓋已幾希吾邑風俗敦龐艷稱志乘乃以橫流所激盪不免漸潰其防閑昔杜君卿有言作志在辨疆域徵沿革知要害察風土余願覽斯志者更景仰夫先民之嘉言懿行於人物一編三致意焉彰往而開來聞風而

德清縣新志

蔡序

一

興起庶使迷途知返薄俗還醇然則斯志豈僅備疆域風土之考抑亦繫人心世道之防得失之故寧止一邑而已哉余重有所感雖未敢預校讎之役特於其成也書數語於簡端兼以誌程氏喬梓之功云爾

中華民國二十年十月蔡煥文

德清縣新志序

一邑之志一邑之文化繫焉吾邑舊志續修於嘉慶中葉距今百有餘年其間戶口之息耗物產之盈絀社會風俗之隆替邈焉不可復紀卽如政治之因革人物之盛衰其詳亦靡得而聞焉蓋自紅羊劫後以及革命之役官書之所記載私家之所著述飄零散佚鮮有存者後之人考獻詢文輒不勝杞宋無徵之感程景川先生博聞多識嫻悉掌故爲邑宿望民國初年宰武康有政聲大府檄調辦安吉清鄉旣竣事解組歸邑人士延先生主修志事先生慨然任之於是搜集遺聞訪求故實凡有關一邑之風土政教一一筆之於書其或代遠年湮無徵不信有疑蓋闕猶仍史例間嘗竊議國體旣更志例爲創事綜異代秉筆斯難擬截至遜清末年爲一編其體裁一仍前例民國紀元則別爲一編以續之顧先生已歸道山不獲商榷然以先生蒐討之力纂述之劬使百餘年一邑文化之所繫旁搜遠紹勒爲成書以信今而傳後其爲功豈淺渺哉邑人黃

續修德清縣志序

吾邑邑志失修久矣先公少鏞府君嘗欲鳩集巨資及時續修且曰曲園先生文章學術爲時祭酒倘得及其猶在聚合邑彥晨夕諮訪相與商訂體例秉爲程式其所成就自有足爲後世模楷者失時不爲將無及矣於時曲園先生關心文獻每當返里省墓亦時時爲先公言之創議者再事不果行騶童時侍側固不能有所獻替然已心識之矣他日先公又召騶而詔之曰國之史家之譜牒與省府州縣之志實有相爲表裏者吾家自台灣公通籍以來代有聞人銅士公之詩子高公之經學尤卓然成家聲稱一時譜久失修遺徵莫究予甚懼焉騶又謹誌之勿敢忘建國四年固始吳公來令吾邑深維歲月益久先正之典型恐愈不足以資考詢乃亟集欵開局踵事增修而以程丈景川總其成程丈既受命勤搜冥討無懈無怠閱八寒暑以成是書可謂慎矣又請黃君蕻園覆審焉俞丈階青鑒定焉俞丈曲園先生之文孫也家學淵源鄉邦重望凡所

是正壹以老成爲型去年之夏會稽金公韻和復徇程丈哲嗣志和之請舉付手民壽諸梨棗而吾邑之續志遂得於時觀成嗚呼盛矣騶頻年奔走學殖益落偶有述作漫不檢點散佚過半去春三月自開化入都晤如皋冒鶴亭丈爲言子高公逸事甚悉間又出示所藏清史稿得遍觀儒林文苑諸傳於曲園先生傳中見叙子高公學術授受源流證所夙習彌多不合他傳亦時有所出入相互商兌頗有新獲私欲蒐集放佚參伍比附而又質之以先輩之傳記證之以遺書之著述薈成傳譜藏諸宗祏於以存徽音示子孫且以備異日史官之採擇刪補焉人事卒卒不暇以爲顧先澤之猶存緬遺言之在耳心滋愧矣故騶於續志之刊他不能有所贊益惟以俞程兩家之能善成先志而騶之不自策勵而莫克負荷也書以告吾邦人且以志吾私憾焉建國二十一年三月邑人戴道騶謹序於秣陵之試院

續修德清縣志序

志爲官書縣志一邑之官書也當無事之秋創見之會希邁常之舉尠猶遇事必書積以成志周禮四方之志外史職之故自昔有備采風供天府之說而俾通志國史之取材也晉乘楚檣杙與魯春秋同垂不朽亦皆歸之然則所志初雖一邑其所繫不綦鉅耶清邑接壤會垣鄰錯五邑復當杭湖之衝賦稅特重人口孳蕃蓋古上縣也穿城一溪水勢奔放當天目之下游正苕溪之幹流利希而患時見宜若何以修治之穀產不豐力田不足以事蓄羣趨重於蠶絲桑綠如海比戶育蠶胼手胼足而豐收難期繅製失法宜若何以救濟之康乾之會蔚起人文科甲鼎盛冠蓋京華勳業彪炳嘉道以後浸衰矣而曲園俞先生樾特以經術文章顯著述繁富名震亞東學者宗仰而東瀛人且問業焉是直超胡氏臚明遑論冠蓋京華耶凡此已不可以無所志且也咸同之間洪楊軍興邑則板蕩焉戊戌政變歐化東漸邑與維新焉辛亥革命推覆帝制邑經光

復焉變革頻仍何止國政抑亦風俗移易人事滄桑尤不可以不志嗟乎邑志之修不其亟耶夫修志之例有二後凌前替囊括舊志者曰重修保存前志另爲廣繼者曰續修邑有侯令元斐之康熙志並周令紹濂之嘉慶志嘉慶志蓋康熙志之續也嘉慶迄茲有年矣余既復邑之三年乃集邑老秉承階青俞太史陸雲而議所以繼焉旋固始吳公鸞皋來令是邦勤求治理庶政修明欲覽觀縣志而不得曰文獻之憂也毅然以是役責諸余余將以成素志非如大夫里居而敢曰修志也任事之初急將舊志重付剞劂以挽垂絕并商榷今纂體例如爲重修則較諸舊有固冀少完惟範圍浩博觀成非易乃決廣續而另有所拾遺補闕別爲創制於是搜葺前聞網羅今代從事探討歲月相繼每卷成就吳侯而正郵呈俞公而定焉凡八閱寒暑而銓次以竣余因之有感矣夫生百年以後綜述百年間事若者是因若者是革欲沿流溯源無或稍漏誠憂乎其難况中經變亂卷帙散佚蕩然靡所考鏡旁搜博采取材已難方今科學昌

明思想變革新潮澎湃欲砥柱而迎合之非運用適應時代之精神其所成且將視爲封建史斟古酌今不尤難耶是今纂之難實勝於章實齋氏之所謂志有五難也且考獻必兼徵文余不文無以副徵考徒撫拾陳言備供邑人參考而已故非敢曰修志也皆

中華民國十二年四月前武康縣知事邑人程森景川父謹撰

德清縣新志

凡例

- 一、修志體例釐定至難舊地方志發凡定目詳略懸殊廣隘迥別取法已屬不易縱旨趣有定規制有繩緣各有所宗迄無定例實齋章氏永清亳州等志人咸稱之而後世猶有訾議其難可概見已
- 一、自來修志之例有二有保存前志卽爲賡續者有後凌前替另爲創制者創制之作比諸固有自是別有系統更多精采不知範圍既廣觀成非易財力人力俱有所困爰擬今志例於續修而亦不無拾遺糾謬補所缺略庶於賡續之中仍示別有所創
- 一、邑之有志始於清初計修自侯令元斐者十卷續自周令紹濂者亦十卷侯志止於康熙十二年曰前志周志止於嘉慶十二年曰續志今志繼自嘉慶十三年迄民國十二年謂之新志蓋合前續志而爲一志以

德清縣新志

凡例

一

收先後一貫之效此例於續也

- 一、候志體例謹嚴而事實難免罅漏周志叙事甚簡且擬撰補遺而未果今若以事異重修不予增補則既失之獻將於何徵况際此革故鼎新光華復旦尤不宜墨守舊法一成不變爰有見前志而增之者注曰續某志未見而補之者注曰某志補以別之猶有所未備者又撰補遺以足之此續而又有所創也

- 一、今志事實係乘內政部所頒修志事例概要搜輯惟概要本供通志所應用通志邑志規模有別故斟酌損益以力所能及者爲限

- 一、前志既分卷爲十分門亦十今志分卷有增而分門仍舊其所增事實別加子目以納之另撰大事記入藝文志

- 一、前志輿圖多不精確今志各圖從事專繪期裨實用

- 一、前志文字頗見精深今但求其暢達且除沿用漢字或兼載注音符號

外不收他種文字

一、前志每門類前輒撰小引以爲題識此仿自陸清獻靈壽志亦史法也茲多踵之

一、查通志府志叙事必注以所引之書今倣之然亦有無注者則訪稿耳

一、前志選舉表列有封蔭議之者曰若父以子貴舉其子可概其父抑子叨父蔭傳其父卽及其子何另列爲其言已近理矣今且以封蔭有背於時不予采錄

一、前志人物傳必待百年論定去取從嚴今除有革命顯著之事跡外其餘去取如例

一、前志雜志載有災祥異聞今除有事實可徵及天時人事發現殊狀可供科學研究者外餘均屏列

一、邑自清咸豐末葉至同治三年中經兵燹檔案無存宣統三年改造民

國檔卷復遭遺失其他官私著述亦鮮欲求掌故失所憑依僅陳水南俞曲園兩先生及錢學洙邑令遺書堪供參考餘偕施君容齋等從事搜訪而已抑且搜輯兼施造次下筆闕疑重複知所難免後之君子詳加審焉

德清縣新志

目錄

卷一

輿地志一

沿革 疆域 山水 橋梁 形勝 城郭 屯戍 市鎮 區鄉 附

劃區

卷二

輿地志二

寨柵 街巷 田土 風俗 物產 氣候

卷三

建置志

縣廨 公署 學校 倉廩 會所 舖舍 賢祠 壇廟 寺觀 教

德清縣新志

目錄

一

堂 坊表

卷四

食貨志

戶口 農桑 糧賦 徵權 鹽鹺 俸給 生活

卷五

法制志

禮儀 鄉約 保甲 軍政 役法 司法 郵政 新政

卷六

職官志

縣令 主簿 巡檢 典史 教職 武職 警職

選舉志

典試 同考 學政 進士 舉人 貢生 武科 特科 代議 徵

召 薦辟 鄉飲

卷七

治行志

名守 賢令 良佐

人物志 一統編

列傳

卷八

人物志 二分編

儒行 名業 文苑 武功 忠節 孝義 方技 厲賢 隱逸 方

外

卷九

人物志 三特編

德清縣新志

目錄

二

列女

卷十

藝文志 一碑刻

學碑 署碑 祠碑 橋碑 寺廟碑 善堂碑 雜碑

卷十一

藝文志 二

紀載 論議 諭敕 著作

卷十二

藝文志 三

題詠 歌謠 詩話 藝術

卷十三

雜志

遺蹟 遺聞 坵墓 其他

卷十四

補遺

德清縣新志

目錄

三

德清縣新志

與修職名

主修

前德清縣知事調知吳興縣事 固始吳鸞皋

前德清縣知事 湘潭袁思古

前德清縣知事 金華黃人望

前德清縣知事 長興楊雲

前德清縣知事 紹興金鳴盛

德清縣知事 長 臨海王任化

鑒定

前清史館纂修清翰林院編修國史館協修 邑人俞陞雲

覆審

德清縣新志

與修職名

一

財政部秘書 邑人黃開甲

總纂

前武康縣知事 邑人程森

纂輯

清金華府學教授 邑人徐士駢

前浙江省立工業專門學校教授 平湖朱蒼許

前浙江省第十區菸酒稅徵收局局長 固始饒炯

清德清縣儒學教諭 紹興姚師錫

協纂兼督印

前浙江省長公署諮議 邑人程鳳鳴

參閱

中國國民黨直屬浙江省德清縣區黨部常務委員 邑人許孫鏐

前 德 清 縣 政 府 秘 書 嵯縣茹管廷
歷任德清吳興等縣教育局局長前長興縣政府秘書 富陽孫瑞桓
前 德 清 縣 政 府 科 長 紹興李安

參 校

浙江省立民衆教育館輔導部主任 邑人蔣錫恩
前 德 清 縣 教 育 局 局 長 邑人蔡景謨
歷任餘杭德清等縣教育局局長 邑人程鳳琴
浙江省政府教育廳科員前浙江省視學 紹興沈光烈
浙 江 省 政 府 教 育 廳 科 員 邑人胡保樑
德清縣公款公產保管委員會常務委員兼主席 邑人張友才
歷任吳興蘭谿等縣教育局局長前德清縣政府科長 邑人程鳳來
采訪主任

德 清 縣 新 志

與修職名

清 富 陽 縣 儒 學 教 諭 邑人施 涵
清 布 政 司 理 問 邑人徐肇基

製圖兼校對

德 清 縣 教 育 局 課 長 邑人徐克芳
前 德 清 縣 政 府 科 員 邑人嚴明揚
校 對

浙江省政府教育廳事務員 四川周兆熊
浙江省立民衆教育館輔導員 邑人姚 穎

德清縣新志卷一

總纂程森

輿地志一

沿革

沿革考

德清縣稱繁疲難

(新唐書地理志)德清上(宋史地理志)德清緊初曰上(元史地理志)德清中

(談本烏程之餘

不鄉

(路史)烏程有餘不鄉(注)今德清縣東百武有餘不鄉

及故東遷縣南鄉地

(按)即今新市鎮

後為武康縣

地唐天授二年分武康東境十七鄉置武源縣

(按)武源縣治在今縣北下關山南(談志)縣民戴德永奏武康東界十

七鄉枕溪澤通舟楫饒魚稻竹茗桑麻之利請析置一縣以界內有武永塘遂置武源縣勅依所請(注)縣東十八里臨大溪有武永塘東為石塘西境接連數里(按)勞鉞府志作武

承塘此後各志俱屬湖州景雲二年改名臨溪以縣臨大溪也(談志)景雲元年勅全從之未知孰是

為武字者並復舊名新置者議而改為二年改武源為臨溪縣天寶元年改名德清縣屬吳興郡徙縣治百寮山乾

元元年仍屬湖州吳越因之宋寶慶二年改湖州為安吉州仍為州屬元屬湖

州路元末張士誠置吳興郡為郡屬明屬湖州府清因之府志民國初隸錢塘道

德清縣新志

卷一

一

道制廢直隸浙江省

沿革表

清邑自三代迄今設置沿革歷歷可考於史為上邑焉附表於后

設置沿革表

夏 古防風氏國

商 封禹地

春秋 屬越

戰國 屬楚

秦 烏程縣地又屬郿郡

漢 隸會稽又隸吳郡

三國 永安縣地

晉 武康東遷二縣地

南北 同 上

隋 武康縣地

唐 德清縣 天授初置武源縣景雲初改臨溪天寶初又改德清屬湖州

五代 德清縣 屬湖州

宋 德清縣 屬湖州後屬安吉州

元 德清縣 屬湖州路

明 德清縣 屬湖州府

清 同 上 同

民國 同 上 初隸錢塘道道制廢直屬浙江省

疆城

縣治在前湖州府治南稍東九十里

東西廣九十三里

德清縣新志

南北袤六十六里

面積共六千一百三十八方里 浙江經濟紀略

東至石門 即今之崇德 界九十里以大麻村東邊為界

西至武康縣界三里以金鵝山為界

南至仁和縣 即今之杭縣 界三十里以唐棲水北添設府碑為界

北至歸安縣 即今之吳興 界三十里以渚前瀆為界

東南到仁和縣 即今之杭縣 界三十三里以宋瀆水中分為界 又海寧界九十三里

西南到錢塘縣 即今之杭縣 界一十五里以仁德斗門為界

東北到歸安縣 即今之吳興 界五十四里以郚浦中流為界

西北到歸安縣 同 界三十五里以渚前瀆為界 明制勞志見府志

自東上南至浙江省城九十里

山水

吾邑西北多山其來龍去脈已見侯志山水總論察其大勢盤旋當以方山爲主自西繞東約有四十里然侯志與地類山水連貫而書今分山自山水自水凡有關係於山水者羅列之已見前志而無新事實可補者不贅餘同

縣城山

鳳凰山即百寮山之止脈在縣治後西北隅帶郭有百步嶺城內有鳳凰臺侯志補

咸豐辛酉太平軍佔城欲從西門外通至北門外羊皮澆役民夫鑿斷鳳凰山以成戰河旋即中止以據堪輿家謂傷鳳凰頸大不利於風水云采稿

市亭山續侯志出陶器大者容三十石小者容二十石名之曰礪志談今無

焦山續侯志石人頭一謂古溪塘緯石今已折在柏樹側戲臺前出地尺餘欲斜光滑

縣南山

吳羗山續侯志即乾元山劉宋沈麟士隱居於此講經授徒從學者數十百人時

德清縣新志

卷一

三

人爲之語曰吳羗山中有賢士開門教授若城市志談後建祠於山陽志勞南史云麟史作麟士居差山南齊書云居餘干吳差山以羗爲差以餘不爲餘干殆傳寫之譌

丁山續侯志向有裴休墳在今裴墳庵前已湮沒

吳憾山續侯志一名馬鞍山又名城山唐李光弼偏將軍辛孜築城於此討平朱覃姚廷等賊號將軍城談勞兩志

倉山即吳憾山舊有便民倉故又名倉山

金鵝山續侯志在縣西南五里遠望四面易形前樹沈麟士述祖德碑已湮沒宋淳祐間別少師葬於此改名金黿山志勞

洛山續侯志在縣南二十九里十七區邊界與杭縣合境四面皆平原惟此山突起高聳溪流環繞入東昔有高士自洛陽來隱於此登巔望洛故一名望

洛山談志勞志同

縣西山

梅花山 在縣西三里

東山嶺 在縣西四里昔日產茶今漸滅

木梁山 在大壯嶺

饅頭山 在大壯嶺之西北形似饅頭

烏石嶺 在縣西十二里太堡塘東

八寶山 在仙童塢

龍洞山 同上

王姆山 在縣西瓜山之西南

前山 在縣西十七里與武康縣接壤

縣北山

東主山 續侯志 沈恪以功封東興侯奉敕鎮吳興郡家居此山名東主山

德清縣新志

卷一

四

柯田山 補侯志 俗稱柯家山又名柯家園在北郭外沈戎嘗與姚恢爭宅見

齊眉山注 清嘉慶間嚴處士元照築別室與名流相切磋卒後即葬於此

六稜山 在北門外楊家塢出六稜石堅瑩如晶

百梁山 在縣北東衡村之南

屯山 在縣北十三里之屯山村

北尺山 在縣北十五里東衡村北

縣東山

烏山 在三里塘本名烏巾又名德清俗稱烏牛山山南有堯皇廟戴侯祠山北即九曲里

齊眉山 續侯志 山高十丈周十五里舊名囚女山東有囚女漾 張志吳均後

漢青州刺史姚恢與海昏侯沈戎卜居柯田山恢女密報戎戎先居之姚氏囚女於此山三世不復養女後人名之 談有女獄城記 字今

呼齊眉山明通政章嘉植家此因改稱也 志胡

碧雲山

在關村之北有石門龍眼勝跡

連山

續侯志

兩山相連故名前山有翠嶺馬回山之西有峭壁下有七石山澆通外港過板橋卽山前農民數十家居之後山有西施畫橋在西施澆橋有尖小足印係後人穿鑿附會爲西施足跡以作點綴

蠡山

續侯志

在連山之東接三仙橋柳浪浮珠卽其處橋北兩岸皆柳雨過浮漚如珠故名西施梳妝臺址在其東南角前臨觀音漾陶朱古井在山頂水旱不涸松嶠天梯在廟內廟側有枯樹一枝高出廟脊鄉老稱爲桅檣上掛薜蘿稱爲縈索以山形如舟故也碧山鳳翥竹林雲屋在山右石池劍躍在山北迤東有峭石如環洞亦一佳處南首有松竺庵左右有石池

西茅山

在蠡山東

東茅山

續侯志

古稱珠山蓋因西茅山管家山左右起伏如龍而東茅山居其中

德清縣新志

卷一

五

形圓如珠故名

管家山有宋王孫趙孟頫夫人管仲姬之墓葬此

敢山

續侯志

據父老言山崖有闕澤墓現不可考

鳳山

龍山均與闕山相聯三山形如筆架

輝山在鍾管村三里與隔岸龍山相對爲三山之餘脈大溪至此一束輝山有

似門欄向禁開山清雍正乾隆間被奸民私開四次

見周志

猶房屋闕一大

門失其關閉知縣查克薩勒碑永禁形雖孤小而殘巖峭壁景極清幽山

麓有鎮北塔嘉慶二十五年知縣何太青建

果山

續侯志

在縣東北四十五里新市鎮南

名勝志

宋淳祐間宰相游似嘗愛其山

水及謝事遂占籍焉父仲鴻在蜀常棲果山因磊石作山以擬之不忘本

也

胡志仙潭鑑志

按果山俗稱假山故老相傳唐浙西觀察使李錡有莊宅在鎮乃營此山
歲久入官宋淳祐間游似寓居於此山前有桃源洞東有洗墨池又東有
東山榜鱉有巖屋一區四週有流觴曲水河今則俱泯矣

新市鎮志

馬跡山亦古石疊成者在今西園上西成橋之西舊咏有馬跡秋蕪者謂此然
歲月滋久踪跡荒落詢之故老皆莫知剏發之由存其遺址而已或曰川
劉府中舊物也

渚山在明僉事陳霆居第之東北隅致仕後得地於隣氏因營此以自娛地在
洋溪之南本一州渚也故名渚山有可仙洞呼鹿岩貯月巖飛雨泉漱石
灘長春塢扣鯽橋春溜池馴象嘯猿透墩靈鬼卓劍了髻等峯捲雲滾猊
碧霞洞天等石

按馬跡渚山今已無蹟可尋嶽崎僅存者果山數峯而已

新市鎮志

水利

按德清之水其源委匯會前志詳矣要而論之清邑地勢處高下之間下故
奔注而易澇高故流濫而易涸然傷澇之患更劇故防禦之功尤急前志載
胡嘉生陳元望水利議所言利弊甚悉大約謂高築圩塘可以截堵是也顧
高而弗厚厚而弗堅則岸善崩而又不免嚙蝕蕩決之患終非完計故留心
久遠者必以時循行阡陌視其塘之舉廢而勸懲之又必喻其同圩居民使
不吝輸其地以爲塘埝則障之者厚不靳其力以加擣杵則護之者堅且厚
矣又密插柳枝或植水楊或種芊芑隨土性所宜使植根與塘脚蟠結永無
剝蝕崩圯則塘工成而并獲杞柳薪芻之利矣其有殷實之家若能獨力修
築者官司必令地方報舉給予獎勵其地方貧瘠及地廣人稀之處業佃之
民星散而不能協力者又當設法經理使築之高厚且堅而長吏親視其成
焉又當歲加巡視見有缺壞卽填補之凡築塘之士卽取諸近塘河濱塘成
而河深又卽爲蓄水之利能如是則邑之田庶免水澇之患雖瘠土可爲沃

壤誠父母斯民者至急之務也

水源考

餘不溪

在縣治南一名清溪卽苕溪水從縣城至縣東北十八里爲武承塘卽稱

石塘東岸爲東石塘西岸爲西石塘連接數里入郡界今吳興縣北至峴山漾

卽碧浪湖與北流水合爲霽溪經圖溪名餘不者以溪水清澈餘流則否且云霽

溪者以衆水合流互相盪激霽然有聲也方輿紀要

按不花萼跗也詩小雅鄂不韡韡鄭箋承花者鄂也鄭樵曰不象萼蒂形

武康志前溪源出洞峴兩岸桃樹十餘里春水時至亂紅蔽流皆花英也故

名餘英東流別出封渚合於天目之苕水則花瓣消而不僅存矣故又名

餘不江左六朝獨以前溪著合餘英餘不而言之者也唐析餘不之十七

鄉置武源縣卽今德清分餘英餘不而言之者也武康縣志

德清縣新志

卷一

七

源自天目山自瓶窰而趨入大溪南北分爲四支南入勞家埭門今稱仁德埭門

民國元年樹有公立石碑杭縣德清縣合界再下爲龜迴壩北入新民橋再下爲峻明橋水流見下

東流水

大溪入南水城應接清河卽縣河橋口由峻明橋繞城河之進水併穿東水

城直下下蘭山之轉水灣分二支水過漲時分由清河橋入縣河出西關會城河之水至斜港

按東水城搶水石如爲水所淹則四鄉田禾亦被淹築城時之標準也

東趨梅子橋蔡家高橋而入關山溪

北趨俞塘灣轉東而入關山溪經三思村前分二支再東爲摸魚齧轉北

爲曲溪灣錢家潭吳興德清連界菱湖荻港湖跌漾錢山漾碧浪湖貴涇港直下

而注於太湖此餘不溪之正流也侯志謂安溪奉口爲縣之西南會武康

前溪之水紆徐逶迤行乎百寮吳恙之下至下蘭山折而東北爲苕溪漾

誤似

按前溪水係由茅公橋出風水墩漾進西門而入餘不溪然其大支與北流水匯合而出德武橋苧溪漾在闕村之東南而趨新市北趨高升橋三官蕩漾龍山橋摸魚斫而至菱湖又自城溪大虹橋出水分爲三支

一趨烏山港丁家橋拱元橋半潭漾至十字港會杭縣東南來水東向新

市一經荷葉浦北向茅山高橋蔡家高橋錢家潭南德清北吳興而至菱湖

一趨丁家橋四仙橋蠡山大橋小橋俗呼喚子橋出茅山高橋與前流會合

一趨戴坊頭至中片墩分二支

在左者爲東大港以中片墩爲中心點沿七里塘天字圩之東會西大港之支河水

至雷甸村之西入富公橋出富民橋俗呼碼頭橋而繞白雲鄉之慶雲橋俗稱庫橋

順德橋接運河進水向小白雲橋而東注在右者爲西大港中片墩爲中心點合

吳家橋吳菴山前港無思庵橋下初鳴廟前港之安福橋水趨橫港廟公圩前陸家

漾浮五聖堂漾而繞天字圩中片墩東大港又由神林村之和嘉橋經雁蕩漾章

德清縣新志

卷一

八

道橋六安橋均十區七區出陸家漾浮五聖堂漾中片墩前而繞天字圩其西南來之

黃蒲漾一名王婆三白潭水經長木橋摸魚橋近揚墩村上高橋下高橋與東流會

合亦趨橫港陸家漾浮五聖堂漾而繞天字圩出東大港而下注焉

勞家埭門今稱仁德埭門外爲苕溪裏爲十七區坐上四莊與杭縣合界其進水

西由小油車橋楊柳村之外隄埂而注雁蕩漾東由大油車橋大善橋南

公漾太平橋而注雁蕩漾出神墩高橋和嘉橋橫沙塘亂石橋吳家橋即蒲

扇橋吳菴山前接三里塘之水北向烏山港之丁家橋東向中片墩之西港見其上

上爲奉口水會合餘杭板橋張山橋之水出大環橋而注三白潭又出神

林村之和嘉橋而注雁蕩漾與前流匯合見侯志與地考山水總論謂出

內河龜迴壩於今不合

龜迴壩外南水城裏十七區水由大溪入綠野橋濟富橋東木橋出山前之吳家橋

與前水相合此餘不溪之旁流也

南流水按係來水

一由杭縣武陵橋一名五林杭縣德清合界經黃蒲漾白雲橋雷甸村大海漾十字港與東流會合而注菱湖

一由奉口埭門下接勞家埭門水經由大港而至東大港見此南來水之常道也有時天目水弱杭州水盛則下游為南水所擁乃循中片墩之東西港而進三里塘繞烏山港之丁家橋四仙橋而出蠡山但其白雲橋正支仍由十字港而至菱湖前

西流水

大虹橋出水因三里塘來水之撞接則城溪去水乃分注於縣河而向西北據父老言前清乾嘉間縣河四時西流後竟游魂不定其遠因在武康德清連界之沙村近因在南郭外之馬厄河壅塞所致

北流水此水西北合流故不專列西流下

德清縣新志

卷一

九

武康阜溪至獅山漾清水港併合前溪出廣乘橋即黃趨王母山塘德武界石牌樓港西向沙村均武康界而出西塘為大支然由沙村之三里塘過洛舍之大通橋而入洛舍漾者亦一大部分

又湘溪自駱楊橋至永安橋德武界茅公橋今改熙春橋會合餘不溪進水經西門外風水墩洗馬灘德武橋直趨洛舍而入洛舍漾者為一支北趨墅園頭通仙橋而入東衡村者為旁支又入下跨塘橋而經一區之戰勝圩與

前溪阜溪匯歸於王母山塘者為一支上參武康縣志並采訪冊故近城西北鄉與東南鄉每因武康杭州之水合天目來源而加劇兼之上游南湖下游沙村碧浪湖日就淤淺水患頻仍矣

德清雖澤國而有吳興崇德兩路出水倘上游之南湖濬通分殺若溪水勢下游之太湖宣洩以為衆水歸墟自不致有泛濫之患但四境之陸塘低窄田工不修又無水門斗牖之設隨時蓄洩宜乎高田常苦旱卑田常

苦潦突有心民瘼者當勸令農民自力按段鬻泥培築高大圩圍即以開通汊港並相設埭壩以盈涸爲節宣斯早潦有備而各固吾圉衆擎易舉德邑不居然成沃壤耶水利備考

河渠

縣城

市河卽餘不溪詳水源考及縣南水

清河卽縣河見東流水

縣南水

餘不溪

俗稱大溪自勞家埭門下貫清溪之轉水灣出關山溪至錢家潭西爲德清境卽若溪

勞家埭門

今稱仁德埭門民國元年樹有公立石柱石碑

西屬杭縣東屬德清修築費各負其責水

由大溪瀉十七區用段木爲閘泛濫時上四莊派人監守焉

大埭門

在勞家埭門之下清溪廟之上

前清道光三年及三十年黃霉時決口同治七年又

德清縣新志

卷一

十

被決各村屋牆坍塌壁倒水深四五尺不等光緒十六年改築石塘十丈埭門塞焉民國五年重修

上菱田

在清溪廟之下

前清道光三年及二十九年與大埭門同日衝倒今則外

有積地矣

石塔灣

在上菱田之下五聖堂前

自仁德埭門至此水勢一曲前清道光三年及二十

九年與大埭門上菱田同決光緒十六年建木墩以阻急湍今已壞

楊灣

續候

下楊灣接近險塘水勢至此又一曲舊例水發時家於此者晝

夜看守凡遇出險以鑼鳴警爲專責工作時免其勞官長踏勘時則搬移檯桌供其役焉

蜃潭

見候

險塘

續前屬下楊灣自龜迴壩至勞家埭門十里統稱險塘

塘內十七區與杭縣北鄉接壤

名匯溪向遇出險杭縣民來德告急故曰險塘

前清光緒十六年邑紳許士奇許士英施涵徐

士駿徐肇基等請省憲加撥上年以工代賑項下銀九千元修東水門龜廻

場險塘大垧門並潯洛舍沙村胡家壩塘前壩將東首泥塘改築石塘五十丈與大垧門同時

興工甫竣中段忽陷數丈片石難撈侯志歷潭處由石作賠修至今無恙

此處外臨大溪內有烙鐵澆水深塘薄為塘之最險向惟泥質宣統

元年四月二十八日晚西首石塘接界處塌陷如刀切塘身僅存尺

餘出水面四五寸鄉民鳴鑼到縣邑紳蔡煥文許德修程森徐師善

等請知縣姚肇椿立發木椿銀三百餘元連夜堵塞五月初旬竣工

烙鐵澆民國三年邑紳許炳堃許德修徐師善徐允一程森等測得塘外

水深三丈六尺澆亦近似平時水平線請撥縣稅公款四千五百元內潯縣河

銀四將澆填塞過半自澆口至泥塘石塘接界處內外下椿以固塘

身除挑縣河兩岸瓦礫僱工運往外另買荒土以助培修澆長六十

餘丈澆腹約六丈澆口丈餘今將澆口釘椿永杜甬泥此處工程九莊會修餘則按莊

德清縣新志

卷一

十一

自理

南關澆通龜迴壩今亦下椿加闊三丈高與塘平河南客民於南首作埕養魚

衆議禁止以免剝削

西聖堂在南關澆之上曾由金應生募款重建堂供玄武像向為官長踏勘及農

民守塘時憩息所民國四年霜降前忽裂陷二十餘丈由程森電稟

屈巡按使映光准即併工加修沿塘下椿填闊丈餘知事吳鷺皋主

其成許德修徐師善徐允一董其事十七區民分其工並擬沿塘植

柳禁止牛踐以期永固

東聖堂在濟富橋南塘今圮

龜溪續侯志名勝志名孔愉澤餘不溪之中流也留青日札云孔愉放龜左顧遂

作一鼎其文曰孔敬康鼎沈之於水即其放龜處也胡面溪有孔侯

祠今稱上除不廟祠內有孔侯墓貞諡清嘉慶十三年邑人重修

龜迴壩續前志 卽龜迴橋在見山門外年久漸損清光緒十六年知縣陳鳳

誥詳請由上年水災以工代賑款銀六百元重修壩上建二椽皮置

開木施涵徐士駿許士英監工

內河卽龜迴壩河爲十七區船隻進城之孔道溪水進壩經綠野橋濟富

橋出吳家橋民國二年自壩口至甯紹會館前里人挑濬

戰河在龜迴壩外經小南門吊橋繞焦山後出東門吊橋與餘不溪合流

水發時船隻繞道於此以避險平時水淺不能暢行

金蓮澗續侯志 在吳堯山陰金蓮庵後水清不涸

新橋港在南郭外倉前舊稱白米塘若溪之水入新民橋出毛公橋永安橋

白米塘前清南漕白米於此曰春解督糧道故名塘有毛公橋永安橋

峻明河水由大溪灌入至赤土山前一趨馬厄河一趨城河

馬厄河在縣城西南隅本赤土山後崗鑿之成河錢鏐嘗墮於此因名胡志

德清縣新志

卷一

十二

與侯志吳伐越乘馬過此失足故名說異水由峻明橋出風水墩漾兩岸日就坍淺亟須開濬

城河前志補 自峻明橋繞市亭山入西門城右有赤土山與馬厄河相又隔

故馬厄河塞則城河之水盡入西門而東趨矣

南新泉續侯志 按此泉在小南門外橫街土地廟之西山脚下俗稱師姑泉

金鵝池池深五尺在金鵝山頂因名

石隱泉前志補 在金鵝山陽石壁峭立四五丈刊有隸書三大字壁之中广

漢音有長方石泉約三尺水清不涸卽石隱泉也

黃沙塘在小南門外

朱家壩名同十四都見侯志民國六年一月鄉民卸石自修

丁山壩

徐家壩

塘前壩

張家壩

石壩

東壩

西壩

楊林壩

半夜澆

縣西水

洗馬灘

洛舍漾

在其東魚菱之利匪鮮

沙村在洛舍之南光緒十六年知縣陳鳳誥詳請由上年水災以工代賑

德清縣新志

卷一

十三

款開濬可由西塘直達菰城否則須繞洛舍出大通橋於縣城北流水有阻今又漸淤矣

胡家壩

塘前壩

楊家澆

縣北水

東主泉

老雅潭

半月泉

今圯北即冷然閣

白砂潭

戴灣

在神林村今淤以上均侯志補

在楊灣長半里許祇有進口利蓄魚

見侯志

前志入縣北今按區莊所屬應入縣西武康在其西南德清

清光緒十六年請款修築

同上

在武德橋與武康縣接壤

在東主山五石庵後係沙泉非石穴

在玉巖山頂右高四尺餘中有潭深尺餘徑二尺許侯志謂即東主泉否

泉為米泔汁深約四尺中有石縫泉所出焉終年不涸石檻

在楊家塢六稜山集聖寺東側石底有六稜石砂水潔異常大旱不涸趙子昂烹茶常汲於此

在趙孟頫土神廟前大溪至此一曲並無灣澆故灣應作灣

四角渡 在縣北十三里官莊村
光緒年有亡目僧募修

三角渡

南湖 在鍾管村西南一里形圓如鏡廣袤百餘頃西北出
五福橋入龍溪迤東入洋溪每年魚菱收穫恆豐

倭斷涇 在鍾管村東南明時倭
匪至此盡遭覆沒故名

荷花塘 在鍾管至新市水
程要道長三里許

縣東水

沙灘 在東水城外及大虹橋上下兩處日就淺阻亟須開濬有石作尤宜遷
移父老言南水落北清嘉慶道光年時入縣河今山小虹橋入十溪

蔣灣 侯志入縣南 吳羗山下之匯澆不通船隻光緒十六年開濬長橋河
實在東門外

傾淤泥於此

三里塘 塘內圩田自九曲里至烏山南均以此塘為捍衛清光緒八年十
五年宣統元年三年均沒塘身二尺許低傾處尤宜及時填築

七里塘 水陸均通唐棲塘內圩田清同治四年
後客民佔墾者多塘身低陷急宜修理

陸家漾 在中片墩西港前下
高橋南來水匯於此

德清縣新志

卷一

十四

浮五聖堂漾 與陸家漾相連向有小墩上供五
路神相傳大水不沒故名堂近圮

橫港 在廟公圩前下高橋下初
鳴之水由此而繞天字圩

觀音漾 在蠡山前
通新市鎮

蠡山漾 續侯 卽范蠡湖
志

東施澆 在蠡山後昔通蠡
山港今有隄埂

西施澆 在連山後有西施畫
橋昔通外港今半塞

半潭漾 在蠡山之南與
大海漾相聯

大海漾 在雷甸村北通十字港
為杭湖要道餘見侯志

運河在縣東南二十里自杭州入五林渡又北五里卽唐棲鎮又東入崇

德縣境 方輿 昔之德清武康兩縣糧艘於此為孔道 侯志 補

談家漾 在虹化橋裏九曲里之
水匯於此而出大溪

蔡家漾 在蔡家
高橋

宣家漾

三官堂漾

龍潭漾 在東衛村東隅

旗鼓漾 在屯山之陽

苧溪漾在縣東北三十五里可數百頃 胡志 苧溪以貢苧名 寰宇記 漾南白兔

下舍漾北龍山橋關山溪漾東梅林新市鎮漾西關村蔡家高橋

西葑漾在縣東三十五里 同蒲蓮雜生葦柳相映湖鄉一勝處也 栗志

山水渡 在縣東北三十里當關山漾之中北有山水村清光緒年里人於南北岸各築一亭為過客憩息之所

長漾渡 在縣東北三十里當葑溪漾下關山東與龍山橋相聯絡

關山溪 即苧溪又名龍溪中有關山漾出湖珠縣屬特產也

曲溪灣 在關山溪之下

錢家潭 德清吳興合界

德清縣新志

卷一

十五

用里漾 水從洋水灣大橋注此

新塘漾 水從用里漾匯於新塘鄉

韶村漾 在韶村之南水出樹環橋進十二里塘繞新市鎮小南柵

荷葉蒲 在韶村漾南東北即徐家莊

太史漾 在安慶橋北一名桑育高橋南通唐樓鎮要道蘇杭汽船經此

洋溪在新市西柵外龜溪之水 不即餘 北流至菰城與苕霅合其餘派別注

而東合洛舍苧溪二漾之水至鎮之西柵折而東北亦流至菰城而

入太湖 新市鎮志

夫椒澆 在新市西柵外句城之東俗呼胡椒澆春秋時此地為越北境疑即夫差敗越處鎮志

市河 凡四柵之內為商船民艇所經行者皆曰市河鎮志

仙潭 續侯志 舊記有云苕城之南屬錢塘北有一潭不可測假饒兵革亂如

麻此地安然儘過得則仙潭之名早著矣相傳有二 見侯志 今皆淺濁

淤狹艤艇艱之新志

南柵漾在南柵之外由漾而南通大麻崇德之官塘鎮志

花園港在果山之北乃南漾分流與東北之水合鎮志

金龍澆一名丁祖壩在句城南漾墩如棋布方圓斜橋不一其形鎮志

三里匯在小南柵外通詔村荷葉浦匯北即劉宣教故里鎮志

西柵漾洋溪之水與梅林高橋前之水俱東注至熙春橋外匯合而成巨漾東北流以趨湖州城歲旱時市民多汲於此鎮志

蔡家漾在西城橋內轉而西南蠶時取其水以纜絲視他水纜者獨重鎮志

吳興蕩在北柵外二里許又名六畝蕩舊歸安縣童運村所入水道也鎮志

師姑蕩在清風橋之東塊往北右有宣梵尼庵瀕塘岸故名由塘而東出大河通舍山塘路鎮志

九井續侯東嶽行宮前一宮內康王祠前一覺海寺前一永靈東廟前一

後街中一通仙橋下一步雲橋下一熙春橋下一透仙橋下一舊有

九井寒泉即此其民居所有不為通衢眾汲者不與焉鎮志

大麻瀆在縣東南七十里大麻村跨瀆有國順橋

張公漾在大麻東南四里南界海甯縣

大漾在大麻西南三里清道光末季被海水灌注泥沙淤塞水旱時沙墩高聳舟楫苦之現雖時加疏濬以工鉅款細不能盡除

湘漾與大漾毗連

花家漾在海卸村西

白蕩漾在大麻塘北西杭縣

大麻塘傍運河蘇杭要道也東界崇德九里塘橋東塊有界牌西界杭西

聖堂西首有界牌塘長五里有三橋

牛女河在大麻塘北望仙橋畔

橋梁

橋梁為交通之一舟車所經行旅所涉便利濟也且察水源而備旱潦尤與民生地利相關豈僅免其深礪淺揭而已哉今循侯志分其四至而增

補之其路徑以縣城爲起點但亦有不能順序者緣又港紛歧攷察難週
不無闕漏耳無新事實而見前志者不贅

縣城

通濟橋 續前志俗呼縣橋石傾陷南北堦建屋者侵佔不少

阜安橋 續前志俗呼長橋清道光三十年知縣廖宗元蒞任見橋形斜欲邀邑紳蔡彤
章程維鈺募款修整立碑於橋南觀音堂內咸豐十年二月二十六日太平軍

至取務前黃士選家湖縹數十箔疊東面澆以桐油燃點爲炬光徹兩岸縱度盡燬
僅存西面一截同治三年春退十年知縣華學烈勸捐建復董其事者邑紳蔡兆騏
丁覺源沈駿飛等民國二年中洞橋梁斷陷橋面脫
符邑紳沈光裕等募銀九百二十元重修均無碑記

清河橋 見前志俗呼孩兒橋

縣南

峻明橋 續侯志嘉慶十八年知縣易鳳廷重建里人戴高賈廷棟姚啓恆董其事立碑
於留嬰堂廳東廊光緒十四年復圯十八年知縣程熙增議建典史湯鍾英邑

紳徐士駿施涵徐肇基許德修往募前邑令陳鳳誥銀一百五
十元又新市絲商俞錫麒銀三百元十九年冬歲事高廣如舊

關富橋 跨馬厄河橋狹水急前志略之
在峻明橋之北赤土山之南

德清縣新志

卷一

十七

新民橋 在便民倉西南前志未載建自何年莫考清咸豐十年兵燹燬光緒二十四年
江西分宜縣知縣邑人丁毓現母林氏暨丁毓瑚捐募銀二千六百元建立今

呼新橋

茅公橋 現改熙春橋在便民倉之西北民國五年十一月拆卸估
計工費銀二千五百元邑人丁炳祺戴毅山發起建造

臙脂橋 在白米
塘上

永安橋 在茅公橋之
北武德合界

吊橋 前志補在見山門外俗呼戰河清光緒二十六年僧天福
福緣助洋一百元雷甸龐計氏龐春梅助洋八十元重修

綠野橋 俗呼馮家橋在
吉祥寺之西

黃耆橋

濟富橋 在黃崗東
聖堂之北

花墩橋

神墩高橋 舊名永
福橋

安東橋 在十七區三庄清咸豐辛
酉兵燹南埠邑人徐玢修

章道橋

太平橋 在十七區四庄清光緒年里人募貲重建

六安橋

年豐橋 在十七區九庄裏塘清嘉慶年河道總督徐端獨建

保寧橋

捐貲修復如舊

在金山之陰昭應侯祠前向係渡船農夫耕耘出入要道清嘉慶年因隆

亂石橋

在吳堯山前兩坵以亂石疊成故名

縣西

裝駕橋

在西門外魯班殿前不通舟楫

狀元橋

在上莊圩向傳舟渡與白虎圩渡船為丞相帽形清康熙間蔡氏祖孫相繼大魁改築石橋故名舟楫四通

德武橋

續侯志清嘉慶間圯里人復建光緒二十四年又復斜欹知縣黃大華捐廉元百元會邑紳施涵項實田蔡祖同里人高世榮沈康伯等募貲二千八百餘元

重建二十五年冬工竣堅固壯麗較勝於昔

德清縣新志

卷一

十八

華光橋

在武德橋西數百武有中橋接連

武德橋

在縣西北十七里內即楊家澗

章家橋

在縣西北七十里西界武康近前山

大通橋

俗呼大橋在洛舍市清咸豐十年兵燬同治七年里人馮壽祺唐際泰姚之江募建

縣北

金隄橋

續侯志

在松雪里與慈相路分界處上通山澗下通羊皮澗橋鋪石

板梁衢莫辨也

野橋

續侯志

泉水清潔雖旱不乾惜潭淺橋欹亟宜修浚

通仙橋

俗呼新橋在仙童塢北清同治初年有亡目僧募貲重建

俞公橋

在屯山村清光緒初年里人重建

東衡橋

在東衡村清咸豐庚申年兵燬同治初年里人徐宗璞沈魯莊等募貲重建光緒戊戌年里人沈光裕募銀一百九十二元置橋欄

千秋橋

在東衡村北清光緒癸卯年里人沈光裕等募銀九百八十五元重建至乙巳四月告成

長生橋

在縣北鍾管東清同治十年修

聚賢橋

在鍾管村俗呼集英清光緒二十一年修

里人橋

俗呼談家橋

悅濟橋

永安橋

洪興橋

以上三橋俱在鍾管

長安長橋

在鍾管北一里

星興橋

在鍾管後村

泗塘長橋

在星興橋南百餘步

雙龍橋

俗呼雙橋因兩橋接連故名

古環秀橋

在鍾管之青登

永春長橋

德清縣新志

卷一

十九

橫塘長橋

在鍾管之青登

福壽橋

五福橋

與福壽橋相距百餘步

縣東

普濟橋

續周志

俗呼吊橋下即戰河水發時漁船泊此網魚清同治七年四月衆姓重建

月衆姓重建

大虹橋

續侯志

年久失修橋上滿佈木蓮籐航行過此相約不開口遠近皆知相傳橋下有燕巢城內科甲必盛均屬迷信應破除之

小虹橋

續周志

民國三年五月邑紳沈光裕等募銀八百七十八元重建橋

有清雍正四年重修七字被石匠鏤去

琵琶橋

沿三里塘之半舟楫不通

四仙橋

舊名普濟橋見侯志

向用石柱上架以木而橫鋪石板於上清光緒二十五

年圮邑紳俞樾創捐募建統易石而廣其制許德修監其工

吳家橋 在吳堯山前亂石橋東水出西大港

無思庵橋 在山前港之東無思庵在焉

北橋 在下初鳴廟前港河狹流急勞家埭門水又於此出焉

下高橋 在下初鳴東南

上高橋 在中初鳴東南二橋相距不三里向屬十六都即今十六西區侯志云屬十七都

富公橋 在雷田村清光緒八年龐學洙募修

富民橋 在雷甸村今稱馬頭橋有杭湖輪船埠

茅山高橋 在縣東十五里建自何年莫考清咸豐十一年燬於兵燹宣統元年知縣林祖賢捐廉銀三百元知縣王遜善捐廉銀一百元者民馬寶三等募捐重建

陸墅橋 在雷甸村舊名陸墅鎮遭水患遷於新市此橋在雷甸北市亦古蹟也

天福橋 俗稱小虹化橋在東水城外九曲里大溪之水於此入也

東昇橋 在縣東十三上區俗呼東廟橋此處河闊橋狹而長旁無欄楯行人遇風雨恐滑顛有旬旬而過者清光緒三年邑紳施涵勸募杭垣富紳胡光鏞捐助錢一

德清縣新志

卷一

二十

千千文鳩工改造橋面加闊水門分為五洞旁護石欄更今名民皆頌胡公之德董理監工者施孝達及耆民卞某

湖墩橋 在湖墩村續侯志 清同治初年里人季禮端高發雲等募捐重建

天順長橋 在十三下區橫塘港水門七洞前志未載今補清同治年間生員施孝達募料固壯麗被勝於昔至二十七年冬告竣人皆稱沈君有志竟成

青石橋 在橫塘港口水門七洞前志補

俞家橋 在忻村清咸豐十年兵燬同治間生員沈駿飛等募捐重建

雙橋 在忻村齊政寺之右

介福橋 在勾壘村西北民國四年里人趙文美等募捐重建

蔡家高橋 毀於洪楊之役清光緒六年里人募資重建平政高橋茅山高橋查與此橋三橋相望距各三里故有九里三環橋之稱

梅子橋 清同治五年邑人徐玢補葆元等募捐重建改稱安功橋橋之北堦有路亭備行人憩息

安濟橋 俗呼關村大橋

楊家橋

姚家橋

鳳山橋 在鳳山之麓

龍山橋 在龍山之麓與松山鄉接壤

高新橋 在縣東北二十五里清光緒年人重建

白雲橋 一名雲塘橋續前志 在雷甸村之南清咸豐庚申年兵燹燬光緒庚子二十

七年庚子九月興工辛丑十月落成計費銀一萬一千七百九十四

元四角董事馮延年盧聚齡施涵等七人知縣程贊清詳請給獎佛

嫗沈妙元募貲最多（合龍日男女行橋異常擁擠自橋頂潮湧而

下踐踏而死者五人其母妻前往者一時買棹紛集謂由石匠索取

香金置筓斗於橋邊所致錄存示誡）董事名見碑記

五福橋 在五林港清乾隆間里人重建咸豐年兵興時隔河築礮臺與此相對同治年人重修

慶雲橋 侯志即北庫橋 相傳為平章游似庫藏之所

德清縣新志

卷一

二十一

游平橋 相傳元平章游似宅於此

普善橋 俗呼破船橋

後鎮橋 在庫橋北普善橋西

南莊橋 在庫橋南舊有市河更鋪

石灰橋 在順德橋內相傳建長橋時所用石灰積於此故名

順德橋 續侯志 在大善寺之東里人沈順德建故名橋跨支河臨大塘外即

運河

廣濟長橋 唐樓鎮志 一名通濟一名碧天明宏治甲寅有僧陳守清創建北叩

燕京蒙周皇太后及諸王公主賜賚以成橋凡七洞跨運河杭縣德

清合界嘉靖庚子呂延潤重修塞其二洞以固橋身新市陳霆撰碑

記清康熙甲午年復修

虹化橋 在九曲里與北岸文明塔相對大溪之水於此出也

百祥迴橋 在東門外大溪之右文明塔隔岸清光緒六年里人募捐重建

小白雲橋 在雷甸之東清光緒二十九年以雲塘橋餘款重建

環橋 在雷甸西北十六西一莊

永福橋 俗稱箬帽橋

南墩橋

攔魚橋

鐵店橋

螺螄橋 以上五橋俱在安國鄉

趙家橋 在下舍村

旋子橋 在三里塘烏山土主廟西

洪家橋 在丁家橋南民國四年邑紳許炳堃募建

丁家橋 在烏山港烏山土主廟東侯志名永定

德清縣新志

卷一

二十二

拱元橋 在東門外南埭俗呼廣遠橋與乾元山對故名清咸豐十年兵燹光緒十一年里人俞樾創捐重建勒碑於橋堦并題其聯於石柱四仙橋亦有焉

紹隆橋 俗呼三仙橋在蠡山之西即柳浪浮珠處

蠡山大橋 在蠡山南

蠡山小橋 在大橋東俗呼啞子橋

劉家橋 在蠡山前內港

萬壽橋 在蠡山之楊梅灣北通齊眉山漾民國三年馬寶天募造

西施畫橋 在連山後西施澆橋上有後人附會西施足印(見前)

平政高橋 續侯在大橋小橋之東蠡山前之大港也為餘不溪東流之直

徑清咸豐十年兵燹光緒元年知縣唐煦春捐廉生員沈駿聲募建

如舊

東莊橋

文明橋 俗呼楊水灣大橋清咸豐十年橋面被兵燹同治七年邑人徐本英徐玢募捐重修東莊橋並與焉

西莊橋續候清咸豐辛酉年兵燬光緒庚子年里人募建

永安橋與西莊橋相對同時被燬同治末季建復

曹公橋在永安橋北清道光二十七年重建

匯南橋在文明橋之南清道光二十九年重建

永濟橋在文明橋北

羅安橋水門五洞北通士林村清光緒三十年修

新塘橋一名小新橋北通士林村清咸豐年燬光緒二十年重建

永寧橋一名大新橋為德清至新市要路毀建年月同上

永濟橋在新塘覺華寺南通荷葉浦清民國五年重建

子思橋北通白彪

安慶橋前志

一名新后卽桑育高橋北有太史漾荷葉浦通新市南通唐棲為蘇杭汽輪要道（清宣統元年龍湖輪船於橋南撞沉夜航溺

德清縣新志

卷一

二十三

斃四五十人）向有外委一員守兵四名同治四年移駐洛舍

通聖橋在詔村八勝寺東俗呼樹環橋

東環橋在十二里塘關帝堂前久圯

萬安橋在十二里塘北向通新市

德興橋在大麻村東南二里許南界海甯里人金鸞捐建俗呼斜坂橋清光緒二十九年里人金有恆等募捐重建更名新橋

望仙橋續前志即大麻高橋清咸豐十年燬於兵光緒元年里人金樞張祖聖等募捐重建因工巨費細未能告成杭州富紳江西補用道胡光鏞捐錢一千文鋪

砌橋步旁護石欄工竣咸頌胡君之德焉

衆安高在大麻村西北

油車橋在大麻村西北九里

白馬高橋在大麻村西北與徐家庄接壤

永福橋在大麻村西南與杭縣接壤俗呼蕭家橋向用木梁清咸豐六年里人郁懷英獨資改建石橋易今名

花園環橋在大麻村西橋古石蒼建年莫考清光緒末年傾圮籌費困難改築木橋

賢德洪橋 在大麻村西一里俗呼魚橋清光緒二十九年傾圮里人徐德常募建

天王橋 在大麻西南清道光年重建

大洋橋 在大麻西南三里清乾隆年重建

廣枝橋 在大麻村南市

南星橋 在大麻村南民國二年里人費錫乾金炳熬等募捐重建

流芳橋 在大麻村中市前志未載明崇禎年節婦徐胡氏(生員徐彥鯉之妻)獨資建造

顧家橋 在大麻濱外隄清光緒二十三年里人徐星初徐德常等募捐重建

國順橋 跨大麻濱俗呼南平橋

太平橋 在大麻北市即北平橋清光緒三十年里人徐德常徐星初等募捐重建

中九里塘橋 在大麻塘上望仙橋西向為官款建修清宣統元年被水冲塌商旅舟楫俱有裹裳之苦恐請官款緩不濟急里人金有恆等募資重建

上塘橋 即中塘橋之兩端為大下塘橋 麻塘上九里之三橋也

五林橋 一名大洞高橋五字一作伍見侯志 與杭縣連界在白雲橋南清雍正丙午年李衛重建

德清縣新志

卷一

二十四

金環橋 在縣東天交漾清光緒三十四年邑人徐祖慶耆民王殿章等募捐重建

烏鴨橋 在十三上一莊

虎嘯橋 在十三上一莊

西廟橋 在十三上一莊

慶雲橋 在西廟橋東一里橋門五洞俗呼矮楊樹橋清光緒三十四年重建

新市鎮

熙春橋 續前 在新市鎮西柵外古有熙春長橋自龍舌圩接連西柵歲久崩圮石沒水中上鐫熙春二字明弘治十一年鎮義民童茂得此橋

石於水中乃捐貲募衆重建於柵上跨據南北

發祥橋 明萬曆間撤熙春橋改建通楊葛句城諸村相傳建後科甲之盛多濱水之家續周志

迎春橋 舊在熙春橋南堍之西歲久為居民所佔橋亦湮塞明正德乙亥年鎮人童逸重價購其地掘而通之捐資修建

透溪橋 在西柵外受洋溪水折而東流合北柵外大河之水而北注歲遠傾頽正德年鎮人童顯捐資重修擴充舊制

馬公橋 從熙春橋而東爲入市第一橋清乾隆二十年里人重濬今復淤迹存

五馬橋 向通游家潭今漸淺迹尙存

通濟橋 俗呼行龜橋後因火識邑侯熊德陽改名躍龍橋

保寧橋 續前明弘治初重建今呼朱家橋

廣福橋 在太平橋南

太平橋 在保甯橋南清光緒二十一年里人鍾選青等募捐重建

普安橋 俗呼八字橋今因河流填土橋已拆除

善政橋 清乾隆中年里人將橋下重開今又塞迹存

永豐橋 向由會龍橋達楊樹灣

會龍橋 今塞

米漾橋 在劉宜教祠前清乾隆四十二年延燒焚斷重建

會仙橋 在小南柵明嘉靖初年建今呼新橋

德清縣新志

卷一

二十五

圓覺橋 久湮今王氏天井中有古橋遺迹籬蔓其上不能翻掘

朱雀橋 在步雲橋北通屠家堡

東伏龍橋 在河泊所西南清乾隆初年里人重開今復塞

萬象橋 在鎮南通明因寺

順濟橋 在河泊所東北隅

長壽橋 在明因寺東南通假山

駕仙橋 今呼日輝橋

孩兒橋 在明因寺東北通楊家倉

萬年橋 在楊家倉內

明月橋

興隆橋 與明月橋相望南接楊家倉北達永靈廟

普濟橋 在永靈廟之東

清風橋 在永靈東廟之西今呼亭橋與明月橋近

阜民順濟橋 在普濟橋東明成化年間建造

通仙橋 見前 今呼仙潭灣橋

羅木橋 續前 舊傳橋桁皆羅木故名清乾隆四十六年里人募貲重建

西伏龍橋 在安東橋之南

透仙橋 普安橋北小橋

安康橋 今呼東八字橋

積善橋 在透仙橋北

菩薩橋 在積善橋北明弘治年重修

迎聖橋 在覺海寺前明弘治年重修今呼寺前橋

利通橋 南接北街西通寺前橋

拜星橋 在覺海寺後

德清縣新志

卷一

二十六

元武橋 古稱狀元橋以近吳相宅也清同治十一年里人鍾丙熙募建餘見周志

接凡橋 在覺海寺池內

集福橋 在新市小南棚

龍帶橋 在西棚外俗呼西長板橋同治間重修

形勝

全國統一內戰息迹當力謀建設以繁榮斯土本何取乎形勝雖然縣為自治單位論形勝以防匪亂即所以圖自治也保衛桑梓須悉其大勢考清邑四塞平原無險可恃形勝本難言侯志形勝序其言也簡使生是土者莫詳焉今以利害言東則大麻扼運河之要道踞崇德之上游新市尤為重要航運四達無虞坐困吾邑東方之門戶也東南黃耆橋楊墩白雲橋五林橋上接杭州下邇唐棲雷甸實居關鍵東北錢家潭偕吳興同壤禦患非合力不足以見功要以曲溪灣十字港雷甸為遙應則杭湖之往

來自相安於無形南則十七區之四莊田圩河港毗連杭縣餘杭小舟如織雖非馳騁之所亦足以擾吾邊而其臨溪之新市場即仁德埭門直通省道橫渡塘涇武康互相聯絡可以前控大溪後防又港一邑有警兩被影響章山橋王母山塘皆當其衝矣無事不妨各自爲政有事務宜連同手臂則水陸交得其捍衛北則洛舍近吳興之埭頭東林山迤北則荻埭爲吾邑西北之管鑰洪楊時馮氏民團依大漾而守湖城亦蒙其屏蔽此四境之形勝足以固吾圍者豈可徒恃一城一池爲無憂哉邑治向有盤詰廳四處東南城上有望樓承平時之設備前人非不關心然沿城陸路太堡塘東衡里須駐警衛團水路則西門城外南門新橋須駐巡船東門小南門之吊橋須設役立柵亦舍遠圖近之一策也聊固我圍盍其審諸

城郭

承平之世謀所以利交通興市場城郭無所用之然際此民生凋敝匪患

頻仍此斗大之圍未始不足以資障亦宜有所論列也故繼形勝言之考德邑西南迫近杭縣武康邑治有水城因水勢激湍不能加以啓閉逝者如斯不舍晝夜又以焦山鑿斷過脈使溪東小南門實逼處此無展發餘地西門外從此水患多而成甌脫矣當時築城既就唐宋舊址不能遷於十字港左近控杭湖之咽喉似應捨棄溪南居民沿溪築城而將舍亭山三宅河朱家角之兩岸圈入城內以開城河之工而開馬厄河則水道澇洄秀逸更勝明邑令方敏跨河以疏二河爲得策何耶城堞毀於兵燹清代例有修城費而官員無修理者市亭山南城礮臺傾圮多年宣統時邑紳修整之市場繁盛無需乎城若云防禦城亦要焉

屯戍

綠營

左營德清汛兼顧桑育橋白雲橋等汛千總一員 步戰兵二十二名

守兵十一名 桑育橋汎委一員馬兵 守兵四名白雲橋汎守兵三名湖州府志卷四十一 營房向在東門馬頭上久圯

左營新市汎兼顧大麻地方把總一員 步戰兵四名 守兵十三名

大麻汎守兵三名同營房尙在

左營分防各汎隸湖州協鎮管轄

防守德清各汎千把一員防輪 外委千把一員防輪 馬步戰守兵丁三十四名船四艘同上

上項千把汎守自光緒三十三年至宣統二年均陸續奉裁綠營全廢改設警察以保公安

水師

德清東門馬頭上同治初駐炮船兩艘保護釐捐分卡光緒間添設南水

城礮船一艘保護絲行隨撤是項礮船光緒二十六年以前歸省防湘軍水師後營二十七年至宣統三年歸湖防統領民國

德清縣新志

卷一

二十八

元年廢湖防統領改設水上警察

雷甸 駐炮船一艘隸屬同上

唐棲水北 同上

大麻 同上

新市五柵同治初各駐炮船一艘保護五柵釐捐分卡光緒三十四年前歸菱湖楚軍水師老左

營宣統元年至三年改歸湖防統領

洛舍大橋駐炮船一艘隸屬同上

陸警民國四年至十年編設

德清縣設警察所在治城

所長知事兼

駐一等警佐一員 巡長二名 巡警十五名

縣署分駐所置巡長二名 巡警二十名原有小隊改稱

下舍地方置警察分駐所 巡長一名 巡警四名

新市地方置警察分所 舊巡檢署

駐三等警佐一員 巡長一名 巡警十名

大麻地方置警察分駐所 巡長一名 巡警四名

洛舍地方置警察分所 駐大廟

駐五等警佐一員 巡長一名 巡警十名

鍾管地方置警察分駐所 巡長一名 巡警四名

水警 同前

德清縣城設水上警察分隊屬菱湖第十二隊

向駐分隊長一員 六年一月 飭駐雷甸 水巡一名 巡船一艘

雷甸置水上警察分隊屬菱湖第十二隊

暫駐分隊長一員 向祇巡長 巡船一艘 常駐巡船二艘 向祇一艘

洛舍置水上警察分隊屬菱湖第十二隊

駐分隊長一員 巡船二艘

新市置水上警察分隊屬烏鎮十三隊

駐分隊長一員 巡船四艘

大麻置水上警察分隊屬唐棲第一隊

駐水巡長一名 巡船一艘

保衛

城區設保衛團 民國三年春裁撤肉業商團五年六月省令知事吳鷲臬編設

駐團總一員 義務 團董四員 義務 牌長二名 團丁十八名 常年經費由各

商擔任分兩牌一駐紫陽觀一駐佑聖觀

新市置保衛團 民國元年二月創立民國保衛局三年奉令改組新市鎮保衛團分西北東南兩處四年一月知事吳鷲臬飭令歸併

駐團總一員 團董十員 義務 甲長三名 牌長二名 團丁二十六名 偵探

五名伙夫三名另設會計書記幹事各一員除常年經費由各商擔任外知事吳鷺皋月給津貼分區駐札一東嶽廟一大觀堂

洛舍置保衛團

駐團總一員團董二員均義務牌長二名團丁十六名常年經費由各商擔任駐大橋堍

大麻置保衛團

民國四年冬成立駐中市總管廟

演武場續侯志

在城山之陽久廢不用民國四年知事吳鷺皋改爲森林場種松樹千枝

市鎮

唐樓市續侯志義士唐珏字玉潛宋末會稽人也元僧楊連真伽利宋攢宮

金玉發掘諸陵珏乃貨家具召諸少年收他骨易遺骸瘞於蘭亭山後而樹冬青識焉後嘗隱寓於此因名唐樓云唐樓志

又南宋時有唐樓寺或以此得名同上

按南宋以前南北往來取道臨平而唐樓爲下塘僻處復裏鮮問津者吳張士誠以軍士往來由伍臨港一名五林渡開至北新橋而唐樓至

杭始成大河其時名新開河明正統七年巡撫周忱自北新橋起迤

北而東至崇德縣界修築塘岸建造橋梁而唐樓始爲南北孔道唐樓志

水南繁盛十倍於水北水北自大善寺起至添設府止爲德清境

隸白雲鄉自治區所謂鎮者概稱之詞也於杭縣曰鎮於德清曰市仍舊名耳

新市鎮

續侯志

晉屬東遷縣境府志建置表東遷考

宋初脫五代之亂人樂更生重本力穡祥

符以來士知向學有登巍科躋上仕者建炎南渡密邇行都衣冠鱗

集而又四阻溪澤足於漁稻蓮蒲之利寡求而不爭井闢田野之民大抵知尚禮義而賤勇力明自成化以前謀饗殮者以興販爲能養子弟者以讀書爲諱婦女裙襦尙存元制之陋男子車服共誦出衆之歧後雖儉變爲奢厚變爲薄而僑商滿巷本土之淫風不宣居貨盈廩暮夜之大盜不起亦足以見俗性之良習染之正有先民之遺風矣

新市鎮 咸豐庚申辛酉太平軍於此安民避難者遠近來歸商販日集詎拔館時竟付一炬零落萬狀今則航路四通復臻繁盛

區庄 前志鄉都改中附市鎮村落及赴縣距離備查

- 一區一庄 范家壩 離城五里
- 二庄 枯柏樹 離城五里
- 三庄 爻頭門 離城七里
- 四庄 官四角莊 離城十二里

德清縣新志

卷一

三十一

- 二區一庄 青堡塘 離城十五里
- 二庄 瓜山 離城十五里
- 三庄 王姆山 離城十五里
- 三區一庄 白羊 離城七里
- 二庄 仙童頭 離城十八里
- 三庄 屯山 離城十五里
- 四庄 東衡里 離城十八里
- 五庄 齊眉山 離城十里
- 六庄 賈塢里 離城五里
- 七庄 下塔埭 離城五里
- 四區一庄 俞山塘 離城十里
- 二庄 石塘 離城十里

夏市野頭 蔡山家 梁前家 劉轉水橋 胡仲家 東下塘 直坎頭

三庄	洛舍	離城二十里
四庄	洛舍村鎮	離城十八里
五庄	步古頭	離城二十五里
六庄	洛舍	離城二十里
七庄	南草塘	離城十八里
八庄	戈亭	離城三十里
九庄	東曬墩	離城二十五里
十庄	錢家潭	離城三十里
十一庄	湯家墩	離城三十里
五區一庄	曲溪灣	離城三十里
二庄	三司	離城二十五里
三庄	河蕩里	離城二十里
關村	關村	離城二十里

四庄	葛山子	離城二十里
五庄	關家澗	離城十八里
六庄	蔡家高橋	離城十八里
七庄	關山澗	離城二十里
八庄	南橫	離城二十里
六區一庄	洋溪	離城二十五里
二庄	橫澗	離城四十里
三庄	五福橋	離城三十五里
四庄	鍾管村	離城三十六里
五庄	魚橋頭	離城三十六里
六庄	鍾管村	離城三十六里
七庄	鍾管村	離城三十六里

北大塘

仰家灣

曲溪灣

澗里 姚家灣 梅家田橫

周家墩 漢河坎

西橫 高陸橋

沈蕩 吳家灣

八庄 長安村

離城四十五里

九庄 東南灣

溪口墩

離城四十五里

十庄 長安

長安長橋

離城四十五里

十一庄 後村

離城四十五里

十二庄 前村

離城四十五里

十三庄 沈家灣

吳家柵口

離城四十五里

七區一庄 白彪村

離城三十六里

二庄 西白彪

離城三十六里

三庄 青登村

離城四十里

四庄 東白彪

離城四十里

五庄 後墩村

離城四十五里

六庄 陽泰村

離城四十里

七庄 雅市

離城二十里

八區一庄 雅市

離城二十里

二庄 士林村

離城二十里

三庄 士林村

離城二十里

四庄 賜笑灣

離城二十里

五庄 新塘村

離城二十五里

六庄 徐家墩

離城二十五里

七庄 水北

離城二十五里

八庄 章家墩

離城二十五里

九區一庄 楊家壩

子思橋

魚船坎西廟前

離城二十五里

二庄 韶村

離城三十里

三庄 十堡畝

離城三十里

十區一庄

西岱舍

離城三十里

二庄

東岱舍

離城三十里

三庄

梅林村

離城四十里

四庄

燕子窠

離城四十里

五庄

羅濠里

離城四十里

六庄

後窰

章後母莊村

離城四十里

十一區一庄

北橫登

離城四十里

二庄

東甸場

離城四十里

三庄

十堡東里

橋槽姆西頭

離城四十里

四庄

賴及萬里

離城四十五里

五庄

谷明

離城四十五里

六庄

六安塘

離城五十里

德清縣新志

卷一

三十四

七庄

杜家埭

離城五十里

八庄

新市

離城四十五里

九庄

新市

離城四十五里

十庄

新市

離城四十五里

十一庄

新市

離城四十五里

十二庄

新市

離城四十五里

十二區一庄

汲水橋

章龐家

離城四十八里

二庄

南塢

陳家

離城四十五里

三庄

石蓮裏

北塢

離城四十五里

四庄

後皋

豐年

離城四十五里

五庄

上頂村

橫坎

離城四十五里

六庄

休村

中潭裏

離城三十六里

七庄

雙樑林橋村

離城四十五里

十三上一庄

烏鴨橋

離城四十五里

二庄

卞家埭

離城四十五里

三庄

虎嘯橋

離城四十里

四庄

西葑漾

離城四十里

五庄

西廟橋

離城四十里

十三下一庄

三來

離城四十五里

二庄

中塔

離城四十五里

三庄

白龍潭李家壩

離城四十里

四庄

界徑裏

離城四十五里

五庄

茅林

離城三十五里

六庄

後樓

離城四十五里

七庄

上舍

離城四十五里

八庄

紂舍

離城四十五里

九庄

蘇林村

離城三十五里

十庄

白馬高橋

離城四十五里

十一庄

上塘圩

吳家莊

離城四十五里

十二庄

牌頭

離城四十五里

十三庄

打枝里

離城四十五里

十四上一庄

向陽里

離城六十五里

二庄

小麻村

離城六十五里

三庄

大麻村

離城七十里

四庄

程堂庵

離城七十里

五庄

海卸

離城八十里

十四下一庄

七家灣

離城八十里

二庄

徐家莊
章家河頭

離城三十五里

三庄

鄧家壩

離城三十五里

四庄

河墩橋
北圩

離城三十五里

五庄

東塢二頭
北圩

離城三十六里

六庄

石屑澆

離城三十里

七庄

西葑橋

離城三十里

十五東一庄

灌石

離城二十五里

二庄

劉王橋

離城二十五里

三庄

北公坎

離城二十五里

四庄

南莊

離城二十五里

德清縣新志

卷一

三十六

六庄

勾壘村

離城二十五里

十五西一庄

東環橋
金環橋

離城二十五里

二庄

桑育村

離城三十里

三庄

東水港
汲水港

離城二十五里

四庄

南洋橋

離城二十五里

五庄

徐家橋
柏樹下

離城二十五里

六庄

東柵口

離城二十五里

七庄

蘭家灣
余家灣

離城二十五里

八庄

烏家地
橫家地

離城二十里

十六東一庄

姜家壩

離城三十里

二庄

武林高橋

離城三十五里

三庄

庫橋

離城二十七里

屠家坎
魚行頭
獨家圩

田葉浦
陸家灣
姚家角
錢家澆
沈家角
張家墩
陳家坎

四庄	楊葉圩	大麥漾	離城二十五里
五庄	塘北樓	離城二十七里	
六庄	破船坎	三家壩	離城二十五里
七庄	木香棚	衛家坎	離城二十五里
十六西一庄	雷甸村	馮家橋	離城二十五里
二庄	北漾墩	中初鳴	離城十二里
三庄	伊家灣	黃婆漾	離城十二里
四庄	洋墩	三白潭	離城二十里
五庄	木紅橋	離城二十里	
六庄	灰家澆	增福橋	離城二十里
七庄	黃耆橋	姚家坎	離城十五里
八庄	中初鳴	蓮珠橋	離城十五里
下高橋		離城十五里	

九庄	仲家坎	離城十五里	
十七區一庄	神墩高橋	離城十里	
二庄	金鵝山	許家墩	離城五里
三庄	神安橋	山灣裏	離城五里
四庄	雁蕩漾	張家壩	離城七里
五庄	楊灣	徐家橋	離城十五里
六庄	丁山壩	離城七里	
七庄	大山塔	離城三里	
八庄	東壩	計家灣	離城五里
九庄	西壩	黃梅壩	離城九里
十八東一庄	雙溪頭	潘家河	離城五里
二庄	杓米橋	丁家角	離城十五里
		朱家橋	離城二十里

三庄	箸帽橋	東村	離城二十里
四庄	下舍村	東南灣	離城二十里
五庄	洋水灣	東莊橋	離城二十里
六庄	里橋渚	丁家角	離城二十五里
七庄	鄭家灣		離城二十五里
八庄	大市村		離城二十五里
十八西一庄	九曲里		離城七里
二庄	中片墩	東蕩頭	離城七里
三庄	總管橋	西草頭	離城十二里
四庄	胡家橋		離城九里
五庄	伊家坎		離城九里
六庄	雙忻橋	胡家壩	離城十二里
		馮家坎	
		北沙圩	

德清縣新志

卷一

七庄	甘家圩	離城九里
八庄	半潭漾	離城九里
	安德口	
	龍脰澗	
	荒田頭	
	平峻橋	
九庄	蠡山	離城十二里
十庄	大橋頭	離城十里
十一庄	東茅葑圩	離城十里
	西茅山	離城二十里
城南區一庄	東門	本城
	南門	
二庄	大南門	本城
	小南門	
城北區一庄	西門	本城
	北門	

按侯志列有十七都自乾隆大造後定爲二十四區一百八十一莊大莊又分上下莊而城區不與焉每莊有地保一名今稱爲鄉警所以稽戶口便徵收也所列地名道里乃稽清戶房存縣之冊與侯志鄉都村莊道里微有

不同列表如右藉備查考

劃區

清宣統二年爲籌備城鎮鄉地方自治劃分區域據原章以附廓地爲城區有
人口滿五萬者爲鎮不足者爲鄉新市固稱鎮而人口有差無已擴其範圍以
期適法於是鎮區之名決而清邑城鎮鄉三區始備復次以舊有區庄分別劃
定曰城區曰新市鎮曰洛舍鄉曰文墅鄉曰仁壽鄉曰松山鄉曰三山鄉曰新
塘鄉曰安國鄉曰白雲鄉曰雷甸鄉曰龍潭鄉曰大麻鄉計一城一鎮十一鄉
三年三月照章按人口多寡選出城鎮鄉議員與董事而組成焉八月因文墅
鄉區小人少以所屬一區一庄二庄歸併城區三庄四庄歸併洛舍鄉而裁之
民國三年二月初奉省令將自治各機關一律取銷改設自治辦公處籌辦城
鎮鄉自治事宜新市鎮區另設自治辦公處四年七月奉令各縣仍應劃分區
域設置自治會惟大縣不得過八區德邑計劃六區以舊有之城南區一二庄

城北區一庄一區一庄至三庄三區一庄七庄十六東區一庄至七庄十六西
區一庄至九庄十七區一庄至九庄十八西區一庄二三下庄四庄至十一庄
爲第一區 一區四庄二區一庄三庄三區二庄四區一庄至七庄又八下庄
十一下庄爲第二區 三區三庄至六庄四區八上庄九庄十庄十一上庄五
區一庄至八庄茅山區一庄六區一庄至十三庄七區一庄至七庄爲第三區
八區一庄至八庄九區一庄至三庄十五東區一庄至六庄十五西區一庄
至八庄十八東區一庄至八庄十八西區三上庄六庄爲第四區 十區一庄
至六庄十一區一庄至十二庄十二區一庄至七庄十三上區一庄至五庄十
三下區一庄至十三庄十四下區一庄至七庄爲第五區 十四上區一庄至
五庄爲第六區未實行而仍以城鎮鄉之名著採訪稿 十七年奉令設置村
里初名街村清邑計設里九村九十八至十八年四月奉令籌辦區制區設區長大
縣劃區不得過十小縣不得過四本縣斟酌地方情形分五區以城區及舊雷

甸鄉爲第一區設區公所於城內舊有松山鄉洛舍鄉龍潭鄉爲第二區設區公所於洛舍舊有三山鄉安國鄉白雲鄉爲第三區設區公所於下舍舊有新市鎮區北部及新塘鄉爲第四區設區公所於新市鎮舊有新市鎮區南部及大麻鎮爲第五區設區公所於大麻各鄉人口及土地尙稱平均
金鳴盛補註

卷一勘誤表

頁	面	行	字	原	文	更	正	備	注
五	後	三	一	(續侯志下)		加(一作闕)三字			
五	後	九	一	麓		麓			
六	前	三	四	麓		麓			
十一	前	七	五至七	姚肇椿		周琛			
十一	前	七	元字下	脫句		親往出險地點督率人夫			
十八	前	五之二	二	咸		咸			
二十一	前	五	二十五	庚子		(衍文刪除)			
二十一	前	六	九至十	脫字		翌年			
二十一	前	十一之二	十三	咸		咸			
二十三	前	六之一	五	門		門			
二十五	後	一之二	三	簾		簾			
二十七	後	六	二十八	澗		澗			

書名			
版別		冊數 4	紙
議價	A	議價章	年
編號	字第 1063		月 日 号

北京市圖書業同業公會印制



德清縣新志卷二

輿地志二

寨柵 見侯志卷二

清邑各寨現已撤廢柵僅新市鎮存計東南西北及小南等隅五處治城各水門柵偶值地方不靖臨時用之平時廢置南廓峻明橋有橋柵其各地有由民自設者其餘均廢

廂巷 見侯志卷二 按今城廂各坊其名已廢巷名亦易僅丁家等一二名稱猶舊大抵舊坊改以街名巷易以街循侯志治城道路遵民政廳令併稱街巷分列於左

街巷

直街 在縣治前縣橋下直南一帶至十字街口止

縣東街 在縣治東至官碼頭止

縣西街 在縣治西至西門城止

南門大街 自十字街口起至大南門城止

德清縣新志

卷二

務前街 自十字街口起至清河橋止

十字街口 北直街南阜安橋東務前街西南門大街

上下河沿 上自城弄起下迄小弄止

溪東街 自阜安橋南城起向東至東門城止

小南門街 自阜安橋南城起向西至小南門城止

直街各街

丁家街 通西城

談家街 通丁家街及公園前

高踏步街 通公園前及張仙街

潘家街 通公園前及張仙街

九曲街 塞今

趙家街 通務前街

餘不街 通務前街

戚家街 通祝家街及趙家街

新菴街 通務前街

縣東街各街

風牌街 通北城

胡家街

城隍街 通河干

南門大街各街

城街 分上下岸中隔以大街

敏仁街 通戴家街

戴家街 通敏仁街

張仙街 通直街及公園前

德清縣新志

朱家街 通張仙街

務前街各街

新菴街 通直街

祝家街 通直街

餘不街 通直街

五井街 通趙家街

磚瓦街 通河干

趙家街 通大街

上下河沿各街

紫陽街 通大街

牌樓街 通大街

秀街 通大街

航船街 通大街

沈家街 通務前街

殺猪街 通務前街

小街 通務前街

溪東街街

莫家街 向係民產
非官街

橋街 屬於阜安橋通濟橋
清河橋者每橋各四

橫街 凡四一為陳家街其南段現改名公園前一自丁家街通
談家街一自趙家街通餘不街一自戚家街通餘不街

此外市鎮中之街巷如在新市鎮者其數目之多與名稱之繁過於治城特表出之以俟夫續鎮志者之羅列焉

田土 已載續志
今列總數

全邑田計四千五十六頃三十九畝四釐二毫

德清縣新志

卷一

三

地七百九十九頃六十六畝五分一釐六毫四絲

山三百四十頃八十一畝六分三釐

蕩五百五十六頃九十八畝六分七釐三毫

按田有圩田及地山蕩成田之分地有稅地及山成地之別山蕩無變革科則不等已見前續志餘詳食貨編

若論土壤向有東肥西瘠之稱約計肥者六成瘠者四成

風俗

德清四阻溪澤山明水秀士知向學地利差厚而徭役亦簡田野之民尚禮義賤勇力重農桑務績紡科第彬彬文士輩出萬家之邑淫風罕聞百年以來大盜不作而東隅之市聚廬盈千其民多才智務商業者甚蕃

陳志

嘉道年間文運少衰而勤儉之風如舊咸豐庚申辛酉兩遭兵燹民鮮子遺田野荒蕪同治三年恢復後流亡漸集一二老成因切戒心而以詔後起故風俗

未至澆漓迨歐風東漸有新知識者漸棄舊習謂舊非新是亦原進化之理使於新舊間去非存是而參互之則亦齊一變至於魯魯一變至於道之道也前志風俗不詳今自清代至國初誌之如左

冠禮 男子二十歲士大夫家間一行之其餘甚鮮將婚前一日夫婦有結髮之禮卽是冠禮行時由喜娘翦取新婦髮一縷堂中設神馮香燭糕果邀親族之有福壽者爲之梳櫛加以紅綠絲線而編之謂之結髮俗謂上頭從知前冠服如制禮之子必叩謁尊親屬而尊親屬勉之平輩賀之

笄禮 女子加笄不論年歲於將嫁時行之邀親族之齊眉者爲之梳櫛加笄於髻贊禮者祝之蒸糕以餽親鄰名曰上頭糕

婚嫁 憑媒請字媒或一人至四人大概二人爲常

議婚以門楣爲重有門當戶對之諺亦有專擇男女才貌者守舊之家每決命於籤卜宜改革之

卜吉後訂親用銀幣者謂之聘金間用首飾茶棗饅糰花果城市或專用綢綾謂之傳紅居少數男家紅帖金簽書曰求吉女家答曰允吉並有回盤是謂定親今則文明漸進男女家祇用戒指照相片互相掉換以爲定嫁娶時女家不較聘禮男家不論妝奩亦美俗也

將婚納幣謂之六禮示期謂之道日女家答以帖曰謹遵台命謂之准日婚期前一月書禮之家女之至戚必宴女謂之豫嫁女則專事鍼黹不出閨門

婚前數日男家送鳳冠蟒袍朝裙霞珮玉帶此爲明制十不投中男投女不投之一交拜時必服之並有七事衣四季裙襖釵釧笄簪等類謂之擔上頭盤鄉間則衣飾可略而酒肉饅糰必加多

女家整設櫥箱器物送至婿家謂之妝奩必有犒或因此而論多寡焉及期女家笄女而醴之父母兄弟致訓祝以男家之備妝奩禮女亦居多數奠雁古禮也吾邑

行之者罕

娶時婿有親迎有不親迎者另有至戚以為之親迎謂之迎親迎親者持蠟燭籃為女家燈綵所需也懷茶盞歸為自己得子預兆也今則此風稍減矣迎親有迎席取平火把火盆取旺導以鼓樂殿以花轎或兩家盛陳儀仗以示排場今則轎置棉被銅火爐謂之護轎

花轎到門女家或閉門或用椅欄之納開門包乃去椅轎始進門農家者流備工且主政每

多口舌將上轎先有二人執燭驗視謂之

上轎時女冠服用明制見紅綢蒙首兄若弟抱上花轎謂之抱嫁男家有尊舅禮銀即

此親族從之謂之送嫁轎既出女母輩閉門哭謂之哭蠶花城市無此俗按古禮女非大歸不歸

故哭以送之今乃數典而忘其祖矣

婦未出轎或有豔妝童女二人至轎前啓簾迎揖者謂之迎龍其時新郎在別室設座列炬閱關雎篇至戚二人導引登堂謂之請郎喜娘扶婦出轎送

德清縣新志

卷二

五

嫁者必向轎撒錢謂之撒轎撒錢之意本欲勞觀者讓路反致擁擠拾錢無謂也以為可避花煞雖心理

作用而實陋習出轎後喜侍娘引與立婿右參拜天地本易經乾坤定位之意隨拜壽

星王母福壽之神和合喜神謂之拜堂然後東西對立對拜舊禮曰交拜今給證婚書換指戒再鞠躬以代交拜

交拜時有伺先後跪起者謂之佔先氈氈上連接米袋謂之接代親戚之有子福者捧燭前導謂之捧花燭新郎牽綵引婦入房謂之洞房挑去紅綢謂之挑舅姑

先坐牀夫婦拜舅姑出謂之坐牀夫婦乃坐互飲杯酒謂之合卷償相致祝詞以

果四投謂之撒帳姑為洗面並擲賜儀畢乃卸蟒服而換紅衫至堂前前列絳炬

設盛饌婿與婦南向坐有敬酒者有獻果者謂之前宴撤宴後拜見舅姑舊禮四

戚屬或拜或揖今改鞠躬謂之見禮均有贊舅姑率子婦謁於祖先謂之廟見越日婦引夫省親謂之小回

門見婦家備禮來婿家謂之望朝婿家設筵宴婦家謂之接朝

三日新婦祀竈神作羹湯以食翁姑所謂三日入廚下洗手作羹湯也

三朝內各處有餽房鬧房之俗謂之鬧新房年少者與會淋漓然有惡作劇者未

免傷雅今漸革除

將近月婦歸寧塔隨之謂之大外舅必館甥於貳室塔亦寄宿焉彌月夫婦

告歸遺以盤盒饌果分致戚屬

今則刪繁就簡有借明倫堂行文明結婚禮者證婚必延達尊爲之而媒介與家長傍列也去鼓吹炮燭用奏樂唱歌來賓致頌詞或演說主人答謝畢男女家就堂筵宴

喪葬 人將斷氣子婦輩跪哭號叫送終之禮也先拆帳以爲魂有所出重衣

裳以爲體不露羞屍首蓋帛避人觸目也點燈燭幽也擊磬醒迷也令道家

以六輪經辨生肖所忌批斗書於大門外告於戚屬戚屬辦油被生芻素饗

往唁謂之有用僧尼佛婆唸夜經者謂之

報喪時戚族之有服者遺以白布謂之

迎材時子婦輩跪於大門成服時麻衣麻鞋麻裙腰束草帶手持哭喪棒此

德清縣新志

卷二

六

制也士大夫家用之今用西禮臂纏黑布或衣黑衣簡矣

殮時先焚薦枕防傳染也長子捧頭次子捧脚示親愛也洗其胸示潔也梳

其髮示齊也執雙燭向屍省視昭慎重也而於農日照蠶花於商日照財源

誤矣裹以綿衾殉以被褥使屍骨完整也衣冠可用古裝十不投中生投死不投之一然亦少見

週朝殮謂之小殮小殮用子蓋三朝殮謂之大殮加大蓋設畫容銘旌帷堂牌位示

想像也桌底設履桌邊設椅設杖或嗜好物昭遺澤也

殮後子若婦在旁伴宿者謂之伴材材上點七燈出殯後移於靈座終七爲

止矮櫬孝子百日內見客時用之或席地而坐

七七內朝晚供食必舉哀謂之朝啼夜哭逢七則以長櫬供一燭一飯一紙錠跨置

大門檻或僧或道向外搖鈴子孫跪於後三招魂也俗謂

神回謂魂歸也用斗書上所註之日延僧道設醮於堂檻櫬儀視做七自大門至寢

室皆如之以平時冠服向床內設假尸送終時若干人此時亦必若干人哭

而奠之兼焚遺衣或紙衣俗稱喪轉所謂因俗成風也

題主 喪者栗主初書某某神王擇日東請達尊爲大賓戚族爲陪賓至日設儀仗迎大賓於堂孝子墨纓捧主跪呈陪賓轉遞大賓前乃將王字點墨蓋硃向巽方先呵生氣致祝辭孝子謝捧主入幃此惟有力者爲之

五七上真亭 真亭者真容亭也壻家上之豐儉不一惟其祭饗必於夜午敲門而進喪家乃開門而出擲以甌類互相號啣謂之敲門羹飯無女壻者他戚仿之

領帖 擇日分訃戚屬弔焉謂之開弔大家則於三日前大門外豎喪牌至期弔者至則子婦匍匐叩答期功以下立竊前向客左右揖客答揖晚間弔奠畢孝子送喪牌叩弔客遂閉竊

停材 惑於風水者千家一律而清邑停材者百無一二無論有力無力百日內必先浮厝以爲安

出殯 鄉鎮行之鄉用船有於沿途擲麵包米糰者鎮與他處無異城中除世家外罕有出殯者其因東南門皆城靈柩不登城無可繞道故也

除靈 二十七月禫祭後告於戚族戚族奠而送之謂之送座送時各穿素服親丁用白餘用元色化座歸盡吉服進門時跨火薰浣謂除不祥也並飲饌糖謂入甘境以示泰來也有道喜者失之矯矣

陞祠 題主後送主入祠戚族皆往焉無祠者於除靈時焚化之

營葬 僅以輓砌謂之浮厝不用輓而築以三合土包以草泥謂之登棺白雲葬用輓滾砌棺不震而更堅久通曰葬葬日謂之登位至戚必以牲醴祀之

丙舍 俗稱材亭鄉俗之不葬者營亭厝之

揭骨 鄉俗每俟數年後清明冬至前破棺檢骨置甕中謂之揭骨向視爲惡習他若火葬水葬自昔無忍心行之者

方向 青鳥家準之然有貧乏者用竹扁擔向天一擲卽以其地點方向而安

其槩謂可避煞地本無煞泥於干支五行生尅之數始有神煞中國之不振多由此今厲行陽曆廢陰曆亦破除迷信之基也

客死 不論尊幼不得入於其室謂不利後嗣也相沿成俗明知違心亦難矯枉矣

祭祀 士大夫家祭高曾祖禰爲四親爲五服曾祖下並祭生忌辰

歲朝清明夏至中元十月朔冬至除夕必祭雖祭品豐儉不同而無有廢之者清明十月朔則謁先塋曰掃祭

四季大祭主管僧錄亡者名諱送施主謂之關紙於祀後焚之

祭墓亦有屆清明前後之分祭新塋必於節前行之又清明節懸紙幡於墓樹謂之飄白紙

四時祀六神按禮月令春祀戶夏祀竈秋祀門冬祀行

呂氏春秋作非

夏祀中霤中

霤者室中土神卽所謂住居土地也今俗加以家堂神失五祀之本矣鄉農

且祀陰溝茅廝之士云關育蠶尤無謂夫夏火令也祀竈慎火也俗以八月初三日爲竈君生日家家敬祀之按竈君書言神姓張名單字子郭似實有其人矣上古茹毛飲血本無竈庖犧氏始創烹飪則竈神當爲庖犧氏或謂日必舉火則竈神當疑祝融氏竈而畫旣濟卦竈背書火燭小心使人觸目防災也假神以祀之或蔬食菜羹瓜祭之意耳

舊臘月二十三日舉俗送竈謂以一家善惡奏聞於天祀以果品外並供赤豆糯米飯糖塌餅以爲媚以柔甘神必隱惡而揚善且除夕接竈有故意遲至鷄鳴者謂早來神性急遲來神性和糾察可以或寬神權時代假神以警頑愚是神道設教或有微意故五祀詳於月令科學昌明知所反矣

雜儀 彌月湯餅週歲晬盤生日祝壽無處不同另有做陰壽者至戚亦祝以糕桃燭麵在人子不失爲孝思在他人未免謂爲過當

賽社 寒食西門外向有龍船會鄉人迎總管神戴侯而以廟內之神船爲殿

畫船旗鼓雜其中所謂夕陽簫鼓幾船歸也又有撩船數十艘皆樹小旗兩

排列十數槩鑼一鼓一
船首一人持竿吹喝

互相競駛以爲樂相傳戴侯因援競賽人溺力盡而斃

故以此爲紀念

寒食夜城鄉十里內武裝戴侯葉侯柳侯神像四人肩之燈籠火把鑼鼓外加以大纛旗帥旗三軍司命旗巡行街巷間並以天壇地壇迎春壇焦山丁山上下蘭山爲經由之地至清明前一夜止周禮鄉人儼方相氏掌之儼所以逐疫也後之仿者禮是形非矣

屆清明日各村肩戴葉柳三像前繼後繼狂奔街市間店舖設香燭以示敬惟東壩社紆回盤旋異於他社名曰旋社或謂戴侯溺於水水有漩渦勢故像其形然以此每生事端致各商肆有戒心亦偷俗也午後各社迎神上險塘至清溪古廟內演戲牲醴以享之十七區各庄乃始省視塘身而加土至今援以爲例

戴侯上塘必何家埭人擡之謂戴侯於洪楊一役時其神像由該鄉匿於濠內得免因自據其功他社不得任其事成積習矣

總管會清明後各社分行之初以併行輒多爭鬥入訟雖非賽會消耗無謂或云春社畢蠶事與各家關門不相往來縣署且爲免役減訟宜先有此娛樂

新市於寒食日起至清明日止迎姚桂二將軍想像下置酒罈每至酒家必索酒其直趨狂奔滋生事端與治城同今漸革

三月二十八日俗謂東嶽誕自二十六日起街市布幔幃天懸燈結綵有設燈謎於商肆前以助興者紫陽觀東嶽神前設供品備極古雅檯上有鼓吹

清香

燈綵輝煌男女雜遝如游不夜城俗以南方爲火位故懸燈以厭之或

云此爲商人娛樂今已減殺

新市元宵後有夜會紮地戲燈綵名曰關陽鼓清明後覺海寺有香市村農

婦女結伴成羣名曰軋蠶花游手混雜莫之能止四月望前朱家橋土神生日大街懸燈結綵有紫鰲山者極一時之盛商店舉行之今亦減殺吳堯山觀音大士像逢歲旱須由淡竹塢農請下之懇官往祈兩歲潦由十七區農請下之官乃祈晴時禁屠宰縣署停徵係遇災慰遣之舉城隍會 有三班六房衣裳齊楚故事臺閣亦最盛每於夏初行之近年停輟惟九月初城隍廟香市猶昔太均會 有太均神者一稱衛房聖母鄉俗以爲保子故有社會四五處光緒間各社醵貲出夜會燈彩地戲極精妙火樹銀花不足多也亦過費矣辟昏 凡不入祀典者均謂之淫祀而淫祀莫多於五聖堂到處有之或謂五聖卽五通或謂明太祖夢戰士索食乃令民間立矮屋數椽以安之卽五人爲伍之意鄉間衝要地每多此有司宜令除之昔有祀狐仙者可怪也入民國漸衰矣

女巫俗稱關仙婆鄉農病多關仙

如查家宅請保許類

關仙請神俗云夜菩薩用鼓樂

道士三牲甚至設筵多席破產不悔大抵由於四隣之饕餮者慙惠其事而享其餘爲明理者所不屑爲已懸爲厲禁按迷信惑人女巫最烈彼蓋假託淫昏之鬼胡言亂道愚者信以爲真且囑病者忌醫藥誑保許謂可保許愈其無礙也則詡其功死則諉爲命每見十有九死者可哀亦可恨矣

次問卜卜用六神爲生尅

如青龍白虎朱雀玄武勾陳騰蛇之類

次拆字字用加減爲附會總不

外五行四方爲歸宿假使以健者僞爲病者試之則亦有鬼神隨其身信乎是以拆字問卜關仙齋鬼諸陋俗均宜力除

湖屬信鬼神好淫祀每至春間婦女不分老幼俱豔妝入廟燒香當事者非不禁此風竟不能絕新府志不知鬼神之有無乃心理之作用此可以語上而不可

以語下也惟中國向迷信多神一似動植飛潛之類均能作祟於人間

有牛鬼蛇神花

妖木魅等名

以爲天不能誅人不能殺惟有敬之而已數千年迷信禍害甚於水火

何造化之不仁耶傳云將興事於民將亡事於神人定勝天亦可以知所返矣辭而辟之於以正清俗也

業務 業務上之習慣分農工商三種工業如木工土工金工石工染織工茶食工等其就事先由介紹者雙方說合至則按工給值視各該業之狀況及受雇者手藝之優劣以定工資之多寡設或彼此不洽可互辭分手至工商業學徒習業須扣足三年方可滿業三年內無工資至第四五年謂之半作每年給資半數第六年起學業既精按夥友待遇計日或計月給資嗣後工會成立已有所改革農工有約定全年者曰長工有半年者曰短工傭資均須預付有暫雇者按日計工曰忙工勞資兩方無論農工商凡有交際或相處均一律平等從前學徒易受虐待今已化除各受雇者均有受補習教育之機會

商習 清邑城市商肆從前因擴充營業盛放鄉賬顧客歸帳延欠尙少近因

生活日高銀根艱窘收賬漸感不易爰均縮小營業交易力主慎重卽對殷實主顧亦須按節清賬且因無巨商亦無供過乎求之情況店員對客現漸言語和平應酬周至肆主向上行採貨全憑介紹須訂擔保約據方可照單批發每貨一批付現四五成夏秋兩節略事結束年終收清均浙江經濟紀略參采訪稿

時節

新曆推行舊曆廢止星期休業之制於一般民衆尙難普遍終歲勤勞者應有相當之娛樂休息時期以調節之歲時令節印於民衆腦海者深確有保存之必要况掌故所關亦難偏廢惟陰曆既廢宜改於國曆行之潛移默化因風成俗亦易事焉分載於左清明重五兩節並須參閱賽社

元旦 國曆一月一日爲元旦民間慶賀演劇宴會鼓樂歡欣萬狀慶賀卽稱拜年亦曰拜節對尊長須躬謁餘互投名片而已元旦演劇城鄉通行其劇場在城必擇戴廟鄉鎮各就社廟爲之宴會鼓樂隨地而有直至落燈節始已一

月三日曰小年朝上午祀祖先遺像並行春祭

立春 立春節除舉迎春鞭春儀節外民間頗重視之有新春大如年之諺

燈節 自一月十三日曰上燈起至一月十八日曰落燈止鄉農製各色紙燈

爲龍馬獅魚花籃之形

獅燈有非紙製者

赴市競賽迎之者須燃花炮並贈錢物以爲

酬

元宵 一月十五夜爲元宵曰上元亦曰元夜各家於此夕供糕糰食瓜仁芋頭徹夜觀燈

花朝 花朝或云爲二月二日惟清邑則定二月十二日俗稱百花生日兒女子競製彩紙旗繫於花枝以祝之

禳辰 三月三日爲禳辰本上已修禳而名厲去疾介祉之意於提倡衛生甚宜又婦女未截髮前競簪齊菜花諺云三春戴齊花桃李羞繁華本團聚興盛意耳與二月二日簪蓬葉之諺曰蓬開先日草戴了春不老之意殊方而同趣

德清縣新志

卷一

十二

清明 清明節除掃墓祭神外賽社觀社及作客踏青舉俗若狂良以此時農作較閒過此則育蠶插田其忙已甚休息娛樂厲意慰藉又故事屆日家家插柳於門相傳元人入主中土防漢族嚴編十家供養一蒙人以監之漢人約於此日起義屠殺之以柳爲號焉

立夏 立夏日羣兒最樂有就野煮飯飯後稱人之舉成人咸贊助之故權體重不限於兒童

重五 五月五日爲重五亦有端午端陽天中節之稱後漢禮儀志朱索五色卯爲門飾有辟惡辟凶之意蓋五月陽氣已甚疾疫易生宜事防衛注意警惕在清邑則門貼紙符堂懸鍾馗像家製艾虎蒲劍壁灑雄黃酒薰蒼白煙及兒童纏五色繩佩腰黃袋卽本防疫意非闌迷信又楚人以竹筒貯米投水祭屈原今之作粽或卽紀念三閭大夫意又越王勾踐始創競渡本爲習水戰隋書指爲弔屈而清邑遂亦有龍船競渡以弔戴侯繼元之事惟重五正值農忙因

預移於清明此尙武精神最宜保持之又民間有於此日行夏祭者
七夕 七月七日爲七夕考牽牛織女本列宿纏次後人附會遂有天孫下嫁
渡河之說其事原誕聊資騷人吟詠而已惟閩秀向有設瓜果穿針乞巧之舉
係閩中之樂事女子解放俗亦隨革

中元 七月十五日爲中元隨上元而名雖係釋道之節會然爲民間秋祭之
期本古素饌祀先之遺風故此祭尤加敬焉

中秋 八月十五日爲中秋推行新曆宜定最近秋分之望日皓月當空爽懷
極望最宜欣賞清俗以月餅相愧遺或賓朋相讌集入夜供果餌於庭或相約
爲郊野之遊

重九 九月九日爲重九亦曰重陽考漢時嘗有佩茱萸飲菊酒之舉晉宋間
尤盛清俗則家供栗糕人約登高

冬至 冬至亦曰長至一陽來復漸趨晝長民間舉行冬祭其祭桌下咸置火

爐祭如在也其前夜曰冬至夜務使火不斷種以取旺相且有冬至大如年之
諺故先時有於是日慶賀者今革

臘八 十二月八日爲臘八夢華錄有佛家七寶五味粥之說是日寺廟有以
諸果煮粥餉檀越者今漸衰

除夕 年終爲除日其夜爲除夕一歲之總結束期各界莫不逐逐終宵至明
始已人家以懸祖先遺像而敬禮之曰供真堂燃紅蠟曰守歲向時尚有謁尊
長曰除歲者今稀矣

按國慶紀念等日另詳法制編此誌民間固有時節也

物產

物產不貴珍異求適民生五穀蠶絲而外蔬果魚菱草木禽獸莫非日常所見
思有以生之阜之以爲民用者如果百物凋耗須仰給外來則漏卮日甚而吾
民憔悴矣清邑物產前志詳矣特產於何方用途何若種植如何製造如何價

值低昂推銷多寡何者爲特產若者爲普通則前志所未備也茲復分門別類提要鈎元一一補之然品類多祇舉其著者成鄉土物產志

絲繭類

絲有三期曰頭蠶絲曰二蠶絲曰秋蠶絲繭亦如之頭蠶絲最光潔織物成雲錦餘稍次亦有堪與匹者

繭向以鮮者繅絲過期則成蛾口綿自繭行興盛農多售鮮者而繭行則焙之乾留製改良絲或運滬售製

按以繭繅絲之法及其副產物之種類另於食貨志育蠶目內詳舉之

五穀類

類別見侯志吾邑爲澤國豐年不敷自食全恃外縣如長興廣德無錫等處來購以爲接濟故米價每石自六元以至十餘元若遇歉歲尤昂地多桑而麥粟少種不足以爲輔助品故不詳列之且前志已舉其名目今提著其應用與種

植耳

水稻

選種法 欲求豐收宜選良種稻之選種有二法曰穗選曰鹽水選選雖不同然以重量爲標準則一也

穗選有親穗子穗之別親穗由主幹所出非分蘖而出者也其粒較子穗所生者重且大故古時選種往往截取穗端蓋穗花之開自上而下穗端先熟枝其實大

親穗種子所生之稻其身較高與子穗種子混用即分蘖所出之種則長短不一稻枝遂形參差

親穗種子較子穗種子所結之實成熟較早故選穗宜去子穗留親穗

鹽水選種法 用水一斗入鹽三四觔以棒調和投入穀再三攪拌斯時種子之重大者沈於水底輕小者浮於水面乃淘去浮者留沈者而用之

鹽水選種無苗而不秀秀而不實之患其種子均發芽開花結實亦多一畝之田可增收十分之二或十分之三鹽水選過後於未播種前約四五日浸諸池中或桶中使種子飽含水分重量增至三倍以上播下之後發芽迅速而整齊浸種宜用草薦或蒲包麻袋入種子於內勿使日光直射得其熱度又須時換清水毋令腐濁三四日後取出濾乾則播種時不致黏連不勻齊參

陸稻

一名旱稻性狀與水稻同非有特殊之點不過陸地可種耳

陸稻性稍耐旱生長期間需水量較水稻爲少此水陸稻之區別也下種時亦可分秧

陸稻常比水稻少收品質風味及黏性亦遜而含蛋白質及澱粉較多故以營養價值論實不遜於水稻氣候與水稻同土質亦以細軟而可得水分處

爲宜

品種 有粳糯及生芒無芒之別成熟期亦有早中晚三種著名者有雀不知種味最佳量豐耐旱力弱早不知種質味俱佳量豐耐旱力强他如尾張糯紅殼糯紅廣粳等均可利用缺水之處栽之若遇過旱而無灌溉則亦槁矣德清多圩田地成田不多遂罕有種之者識之以備農家採擇也

麥 種於冬收於初夏農人種之者稀不足爲大宗副產物

粟 春種秋收產量視麥尤遜

菽 諸豆備產已詳前志內惟龍瓜豆今稀

茶葉類

茶 爾雅檟苦茶郭註早采爲茶晚采爲茗一名苻音陸羽云其名有五一茶

二檟音三設音四茗五苻詩誰謂茶苦其甘如濟茶卽茶也頭茶氣芳二茶易

餒三茶味薄茶子可製油極清香

按宋王穀知德清縣時蔡京爲相括責民茶租甚急初邑境產茶最盛穀令民盡伐去論曰枝可復栽若租額一立永爲子孫害矣自是德清茶租最輕胡志產東山嶺者爲最佳昔人云半月泉中水東山嶺上茶即此銷於菱湖洛舍暨城內各處每年不過數百觔茲相現亦種茶以寺僧漫不講求所產不多地茶味薄鄉民祇備自用而已年來洋銷極盛價增數倍吾邑西北多山林斫伐將盡宜種植茶樹以補之又印度錫蘭日本產茶年年增進不已中國茶逐漸退落有經驗之華商屢擬改良製法裝法以與競爭可見天產品必恃人功以善其後

桑芽 采桑樹嫩芽以火焙乾形與茶相類水泡以飲甚名貴

布帛類

絹 純爲絲織品鄉間婚嫁用之不敷售

綿綢 純爲綿織品新市出者柔靱光滑勝於他處大麻次之香市時爲大宗

出品綿經棉緯者俗稱假綿綢有絲緯者稱絲緯綿綢

絲綢 純絲織成織用土法不能生色

線綢 絞絲成縷而織成衣後可數十年不敝仙潭文獻今無

棉布 俗稱土布銷於新市唐棲爲多城內較少近年洛舍設機僱工能織各

種色布城內貧民習藝所招藝徒織之足以抵制洋布挽回利權又大麻杜布闊者二尺緊而潔狹者尺八粗而鬆銷於臨平亭趾博六等處該鄉婦女咸以紡織餘費助家用

棉紗 鄉婦自紡之除織布外合線售於市近今洋紗盛行內地雖有紡紗廠終不敵進口之多

毛絨織品 創自學校女生手工科凡衫袴帽袋套襪等均能以手織成各處於冬季暢銷昔人謂天衣無縫今亦云然

苧麻 德清苧溪以多苧得名爲湖屬之土產寶字記又洛舍等處多苧故鎮志

曰苧西鄉今苧以洛舍等處所出爲多市肆收積以時逐利而賣之若采剝其皮分縷以績布卽苧縷也夏布汗巾舊惟有臯村盛出嗣新市鎮婦女皆務織此以青白苧縷間合而成稍存鬚絡甚堅整可喜遠人多購之鎮按苧麻現銷洋莊彼以我之原料而成熟品還售於我光彩耀目近年細縷夏布

價勝紗羅吾邑婦女坐食者多何不仿之苧葉浸以石灰攪入米粉爲糲極青翠苧根剝去黑皮入銀並酒可以安胎震亨謂根能補陰而行滯血也子近蠶種則蠶不生本草綱目

白麻 卽苘麻亦名糝音頓質少脆鄉人取以捆屨多生卑濕處皮可績布莖蘸

硫黃引火甚速

本草綱目

絡麻 色綠有子性宜水亦稱綠麻每種田畔

葛 詩爲絺爲綌服之無斃卽此遇山處處有之根可作粉止渴解酒本草綱目

黃草 產生西北鄉諸山禹貢所謂卉者卽黃草也見羅泌路史績爲布色黃細者亞於葛製爲衫袴甚離汗而竟與葛匹人不置意故表而出之

玉石類

漢玉 中初鳴下初鳴桑育高橋地中時掘有雜角古玉及圈環步墜等物質堅色多紅黃時人謂之西土漢玉佳者極珍貴漢時殉葬以玉現無古墓不

可考宋高宗臨安建都德清爲近畿首邑時有玉器琢坊於此營業後漸遺留於地中

六稜石 體六稜明似晶質極堅鋒芒可割玻璃長不及寸產北門外楊家塢浮沙中雨後時現

白石 潔白似玉質脆出瓜山

以上二種南京賽會時采呈之

黑石 方山一帶多產黑石擊之多火或謂下有煤礦

餅餌類

糉 一名角黍昔人所以弔屈原也或火肉或豆沙端午年終每家裹之爲餽遺珍品

糕 年糕雖不及蘇州之佳而每家臘尾製爲餽遺品藏至中元節切片油炸供祭祀雪糕作方形以用於喜慶者爲多蛋糕本爲尋常品今乃夾以豆沙

豬油耐久不壞餽遺極佳

粉糰 其形不一家家能作之用場最廣遇事或隨時均需之

方餅 豆沙豬油爲餡昔惟鄭氏一家邑人以爲餽遺珍品今無

燒餅 麵衣內裹以豬油或雞蛋鍋內煨之火上烤之業此者山東人夥

大餅 純用麵粉鍋內煨透每張一二觔亦山東人所製他處仿之

麻酥 城鎮茶食店之佳製也自蘇州稻香村分於新市品類不勝枚舉各店亦競進

酥糖 有黑白二種下舍仁昌號創始分八塊其他南貨業分兩塊均暢銷

造釀類

昔烏山張烏巾善釀東林山沈東老亦善釀酒藥十八味云是東老所傳今惟紹興人知之他邑不能探其秘酒以紅白燒三種命名

紅酒俗名紹興酒有上元紅竹葉青等名色實不亞於紹興產然祇行銷於本

邑不能與紹酒爭馳因業此者盡紹幫焉

白酒 鄉間於臘月自造年頭供客水短味甜酒釀糯米拌酒藥蒸之發酵聚

津味甘色白小販和糟挑售名曰甜酒釀竟於此求生活也

燒酒 乃紹酒之糟粕用甌蒸水爲汽成酒故曰燒酒味香而辛

土醬 鄉間於伏天自造煮黃荳和麵粉日曬夜露霜降後用之名曰霜降醬味甚鮮

涼粉 用薜荔子名鬼蓮蓬即木蓮夏日採揉以井水茄汁點之如豆腐加以糖

醋薄荷名曰涼粉沿街攤售性極寒與暑氣相搏食之多致疾如用石花菜作之較妥但貪利者不願改也

蚊煙 以浮萍鱉骨鼈甲硫磺研末拌入木屑紙裹成條焚煙驅蚊氣臭有毒病者忌之

豆腐 以黃豆帶水磨成醬乳範以方布加以相當熱度使之凝固復用石膏

點之乃成窮壤荒村均有製售爲素食佳品

豆腐乾 向年張紫陽號四遠馳名聞其製法去皮壳加香料柔韌耐久乾隆間曾入貢故名貢乾游客以爲餽遺品今則迥不如前

烘豆 秋初嫩黃豆煮而烘之形似綠珠亦可磨粉老少皆宜城鄉以爲佳品農家供客泡以佐茶

香油

俗名油菜春初起
菜摘之曰菜心菜

於仲夏成熟榨其子以爲油香而肥香菜餅卽油菜子榨油之渣爲四鄉土產壅田喂豬飼魚甚佳

飯乳 一名鑊乳純以糯米搗爛在鑊內以鏟刀勻推薄不成塊香不黏齒鄉間以爲餽遺品或客至泡鑊乳湯以餉之

飴 以米粬麥芽造之仙潭文獻載飴飴以赤豆沙猪油裹者爲上次用芝蔴粘面軟謂糖塔餅硬謂葱管餠或寸金糖

蜜糖 蜂所釀也蜂所釀採以枇杷花爲最故枇杷多者蜂必多中初鳴黃耆

橋等處盛蓄之以釀蜜蠟有黃白二種爲蜜糖之渣滓

醃菜 分菜乾冬菜雪裏紅三種菜乾以白菜薹心菜芥菜蘿蔔菜鹽醃日曬藏至夏季煮肉良冬菜冬至後以花葉菜曬乾切細鹽醃盛罇中故名大麻農家多業此售於市鎮雪裏紅冬至後用千頭芥照冬菜醃製售於市亦出大麻鄉

芝麻醬 小磨坊內麻油滓俗呼芝麻醬夏季拌食物最香美

芥菜滷 封藏罇內埋於走路下年久化爲清水能治肺癰肺萎甚良鄉之善者常造藏施送

蔬茹類

筍 毛筍小南門外丁山產者最柔美他種筍四鄉有之冬筍甚少因竹山不多不願掘傷也邊筍出地下莖夏秋有之

餘見
侯志

菌 土菌春夏秋森林中有之味美而有毒或云飲地漿可解病者忌之煮時

必以銀器燈草試之有毒則變色無則如故松花菌至寒露時始發生大都無毒出方山者最柔沃以菜油浸之較耐久製為罐頭品可行銷於遠處

溫菘 一名蘿葡音羅 一名萊菔莖辛甘葉辛苦性溫蔬中所食者乃其莖有

紅白二種紅者生食尤甘脆但升氣不如熱食之降氣消穀解酒毒毒草

綱目為蔬中美品蘿葡葉亦可醃食

鮮菜 分數種黃芽菜葉黃皺而肥大莖扁而心捲雖不及北方產亦佳蔬也

菘即白菜頭白葉青脆嫩甘軟亦可醃藏名鹽齋菜以上二種大麻鄉盛植

之花葉菜出大麻種法與白菜同梗長葉碎故名 芥菜大麻鄉多種干

頭芥製雪裏紅本草綱目有瘡瘍痔疾便血者忌之同兔肉食成惡邪同鱈

魚發水腫

黃瓜 即胡瓜北人避石勒諱改名黃瓜生熟可食不宜用醋病後忌食小兒

多食生蟲月令王瓜生土瓜也入草部本草綱目按黃瓜與落花生即長果相反花

德清縣新志

卷二

二十

生油與黃瓜同食發喉症但本草不載

白扁豆 即羊眼豆嫩時可入蔬食老則去壳取肉販於市鍾管洛舍出最多

芋 芋有六種別名蹲鴟紫最良白次之味甘性滑可耐饑葷素甜鹹作食品皆美本草綱目

云有小毒多食滯氣困脾光緒二十三年宣統元年三年水災米貴鄉人有以此充饑者

一(中片嫩有周老四者遇寇至餓將斃啖熟芋皮一團而免從此食芋不棄皮於陵仲子得井上半季三咽然後耳有開目有見信不誣也)芋子八九月間販用赤糖切煮設攤而售甚佳芋莖亦可作乾然以飼猪者居多

果實類

甘蔗 有青皮紫皮兩種青皮心不空渣無屑潤肺滋胃近時南鄉植之銷於

唐棲

白桃 陳志俗稱水蜜桃一云小暑桃內外俱白多汁而甜中初鳴黃耆橋馬

家池潭產最佳

枇杷 有紅白兩種南鄉中初鳴上初鳴等處盛植之白尤勝

柚 小曰橘大曰柚埤雅柚屬柚皮極苦不可向口俗作香袍蓋因皮厚故以攻皮之工名之大於香

櫟近時客民植之多酸味劣於廈門香櫟皮香烈味苦肉酸可作供品銷於唐棣去滴蜜餞平肝消痰陳者尤良衢橘向出衢州邑無此種今亦植之銷路甚廣

香瓜 海東青純綠雪瓜純白味香而甜勝於他種各鄉種之阜安橋攤售櫛比銷於本城及武康居多金洋瓜黃皮白肉味亦甜出新市南柵白馬里

西瓜 瓢有紅黃白三種東南鄉盛植之大麻村有大而皮薄者曰着皮紅曰三白瓜最著名消暑止渴侯志入蔬茹類惟瓜白可作乾脯入食類五代郃陽令胡嶠於回紇得西瓜種始入中國

說鈴

菱 有四角兩角青紅色之分水鄉種之爲出產大宗銷於江蘇之江北新市一帶菱行菱亦可磨粉久服快身

本草綱目

陳志有鷄腰菱文武菱

文獻塔村

之鷄腰生噉殊佳柏林圩之沙角熟淪頗勝野菱四角小而刺較大菱爲香業此者多漁家可補助生計

栗子 金鵝山山灣里出者最著有五毫較他處柔懦而不蛀壳薄味甘不亞於良鄉南京賽會時采呈之

藥材類

何首烏 山鄉最多九蒸九曬久服烏鬚黑髮地上莖謂夜交藤寧神安睡

土參 色白味甘形如黨參出城山瓜山方山寺僧曾有曬乾蒸食者謂可補氣異於苦參

朮 白朮色白質重根極柔細香烈異常健脾上品出方山甚少彌貴武康尤良

土三七 玉塵山開元宮前後出人參三七能止血去瘀生新傷科所用

金鎖銀開 色綠花細白味苦搗汁能治喉風極效出玉塵山積穀山

鵝郎草 形似蒲公英能除鴉片癮

俗稱洋土

以其汁入雅片化爲水上海曾少卿

發起禁煙會時煎服戒去者甚多本草失載

南天竹 質似草亦似木侯志入竹木類四時不彫冬生紅子作穗植於庭中取其汁漬米作烏飯食之健故曰牛筋草又名烏飯草志胡南天竹子解砒毒葉同礬煎以氣衝目能治天絲打

款冬花 卽枇杷花耐霜雪降肺氣止咳葉可蒸露與花同功陳志謂旋覆花誤

省頭草 一名佩蘭草婦女好綴髮際故曰省頭除胸中痰癖其氣清香生津止渴煎水浴風病

藿香 氣香味辛性微溫止霍亂吐逆開胃快氣

艾 搗汁服止傷血崩血霍亂轉筋等症艾葉灸百病本草綱目艾絨製印泥亦入藥

青蒿 香甚烈連枝擣傅金瘡止血止疼陳者治骨蒸熱

薄荷 莖葉辛溫清頭目治風熱發汗塗蜂螫蛇傷

德清縣新志

卷二

二十二

菖蒲 名水劍草一寸九節者爲上品根汁治喉痺霍亂尸厥本草綱目石菖

蒲葉細小盆種作供玩

桃葉 治頭痛止霍亂腹痛桃枝亦稱桃菊云除不祥菊者以桃枝作帚也本草

綱目

紫蘇 莖葉治心腹脹滿霍亂轉筋開胃下食解魚蟹毒本草綱目

千里光 煎湯洗浴能治濕瘡極效蔓生北門城隙間

以上侯志補

竹木類

毛竹 宜於山平原罕植也淡竹四鄉多有然不爲大宗出品竹芽及地下莖

尖卽爲筍前見

方竹 寺院庭園植之爲拄杖最宜 紫竹亦寺院庭園種植品舍亭山溪秀壇及他處均有此種

竹實 卽竹米萬歷二十九年竹實人采以爲食志竹間或開華小白如棗花結實如小麥子無氣味而瀉江浙人號爲竹米爲竹山荒年之兆不久其竹卽死陳承本是因竹地年久失滋養力故衰敗民國元年德武安孝竹山多患此

楊柳 蕃殖於河岸池塘見於詩詠者最多

冬青 四時不彫 石南經霜紅刺杉 側柏墳墓上爲陰木林學家並不講求

櫟 詩唐風集于苞栩秦風山有苞櫟又稱杼實名橡斗不結實者曰械卽瑟彼柞械是也又似櫟不堪充材用橡似栗而澀壳可染皂實可飼猪漂去澀性可作豆腐盪粉皮洪楊軍興時竟有以此充饑者

柘 有刺而葉小較櫟爲低葉可飼蠶見青蠶目

樟 有香樟烏樟二種香樟之大者每塑神佛像其油可煎爲腦入藥

柳 子可榨油作燭

德清縣新志

卷二

二十三

松 近與櫟同爲柴料暢銷上海唯價稍遜吾邑西北多山伐而不植大半濯濯宜補救之松花攪以米粉可作糰

柏 質堅長至三丈值甚昂

棟 長甚速用作桔槔中抽水板少蹺裂

榆 水車腹板船櫓最爲要需皮味苦洪楊軍興時磨浸爲粉雜以麸壳充饑府志謂雜沙糖食之皆死性與蔗餠相反此前人所未言也

桐 長甚速與他樹並列似爭相超過橫破其皮長更速直破其皮則易大子圓細立秋後落葉

檀 性重質堅絲車軸油車榨牀必選此木

楮 廟宇中置者最多作器具甚耐久黃者爲佳

銀杏 雌生白果黃昏開花有光隨即卸落人不能見參府志及本草綱目下初鳴土地廟有雌雄兩株大逾抱高數尋果實纍纍他如金鵝山關山及城內曹孝子

祠戴侯廟內者雖數百年老幹皆單純無果銀杏肌理白膩取刻符印製作器具甚良其他種類雖多鄉農以爲野樹不注重之

花草類

萬年青 家庭種植品子紅獨穎者云能催生廣東萬年青根能治小兒急驚風

玫瑰花 中初鳴產者香色味勝於他處每年約十餘萬朵銷於本邑及杭縣宣統末年南京賽會時采陳之

菊 綠心白瓣氣香味甘歷久不變下舍雷甸多種之今名德菊不亞於滁菊每擔約值三百元銷於本邑及杭縣南京賽會時采陳之

菸 卽烟草一名淡巴菰東門外烏山下舍玉字圩西門外淡竹塢最著名葉質柔靱香味濃厚銷於江浙每年數萬劬江蘇省鎮江江北等處烟號署曰烏山名烟若製爲雪茄當可與呂宋齊驅南京賽會時采陳之

德清縣新志

卷二

二十四

牡丹 其皮可入藥名丹皮寺觀園林均植之妙元寺玉樓春同光時極蕃盛今損

吉祥草 葉如建蘭而闊厚涉冬不凋妊婦臨蓐置室中可免血瘕阻音葉勁如箭色瘁必數日乃復值喜慶事必與萬年青同供之

玉蘭 一名木筆花開於仲春每與牡丹同植園庭人采其花製爲煎餅名玉蘭餅香而肥木香薔薇同助點綴

梅 有紅綠白三種其花繁而不實者頗供雅賞園庭不可無此蠟梅色如黃蠟開於冬季芬芳撲鼻雙葉者尤雅麗其樹皮浸水磨墨有光采

桂 秋時著花小山叢桂人多愛之瓣小而香烈色如金到處見之然吾邑曾於天啓三年文廟前大桂開花數十朵各九瓣大如茉莉慈相寺半月泉桂樹花皆七瓣殊可貴矣

紫薇 俗號怕癢樹手搔樹本枝頭自動故名又名百日紅自春徂夏花最久

用東向枝梢半劬鈎藤四兩生薑三錢煮黑棗一劬能愈偏正頭風
野水荷花 葉似玉簪莖有節高出水上花有黃紫白三色滋生極速而不能
供田地魚畜之用聞其種來自日本民國元年始見於湖墅及拱宸橋以上
嗣則充塞於杭嘉湖航路大吏令人打撩竟不能絕其種抑打撩者多隨便
處置故勞而無功時人謂之革命草五年以後經冰凍始絕

毛羽類

寶寶好 家家看火山一云灼身黃嘴紅下喙有毛腹微灰大於翠青鳥蠶時鳴
如其聲四月至六月止據老農言蠶室中聞其聲警惕忘倦

青葉貴哨 黑身短尾形似竹鷄蠶時始鳴過此則否

催春鳥 一云似鸚鵡一云似梟鳥俗呼貓頭鳥大寒後初鳴聲浪爲囀囀二三

月間作春起也四五月作春去也一名喚春鳥過此則變聲矣

鴨 大麻產者最肥碩有重至五六劬者冬至後售於市價倍於常俗呼冬黃婆又名白露鴨

德清縣新志

卷二

二十五

因至白露胎毛始脫冬至後皮肉肥大也
種子購自無錫不論風雨必須趕放於河

黃雀 出十三下區橫塘港叢蘆中九月後用網捕之餽遺以爲珍品新志

麻雀 一名瓦雀冬間聚於竹林張網捕之亦供爲饌

四喜 形似喜鵲而小蓄之善鳴

綠頭子 身綠而小形似黃頭公綠頭善鳴黃頭善鬪時人以爲玩物

竹雞 多居竹林形如鷓鴣差小性好啼見其儔必鬪李石續博物志白蠟聞

竹雞聲化爲水自呼曰泥滑滑

鵲 俗名喜鵲謂其能報喜兆也爲巢時必啄鶯之羽以飾梁巢高則早巢低
則澇又名靈鵲

鴉 名烏鴉又名老鴉頸白習俗聞其鳴者多唾之謂其能報惡兆也故鴉鵲
爲弋人所不慕事近迷信

鹿 似獐而有梅花斑點能食毒蛇今少見

驪

似鹿而無角

有角

方山一帶有小滿後產子時鄉人獵取小驪剖取母

乳售於人極能長力以德清武康爲最佳

野山羊 卽獬羊頭有雙角而尾小民國三年鄉人於金鵝山獵一頭大如驢得善價以其血可活血腿可健步也

綿羊 卽吳羊無角而尾大新市出產爲大宗銷於上海香港年約數萬頭供

本邑食者亦多其毛並銷上海

參觀皮毛條見後

野麕 亦惟方山一帶之損害種植亦能噬人以其皮爲箱爲鼓最堅韌壯健脾蹄健足獵者居奇也

獬 徧身有刺俗呼刺栗茹食死人骨能除蠱患

黃鼠狼 卽鼫鼠不論山鄉平野時所恆有其毛可以爲筆

水獺 水居而食魚前爪治魚鱗肝治傳尸勞皮銷洋莊拔其毫尖以爲裘價較曩時倍徙

德清縣新志

卷二

二十六

鼠 鼠類不一有水鼠含奇臭田鼠損稻家鼠耗物且傳疫（光緒間上海鼠

疫華洋界斷絕交通輪船出入必檢查租界居民必畜貓違則有罰）疫之初起身熱有結核十九難治鼠有害於人甚大宜有以除之

豪豬 俗名蒿豬一名箭豬卽釋獸律修毫脊有棘鬣射人如矢道光二十一

年德清山中曾見之

新府志

按其豪如錐白本黑端長有五六寸怒則張之不

能射人據老農言凡芋苻蕃薯此猪能鬆其土乃張其毫將身滾而取之爲山鄉所時有

豺 俗呼爲豺狗遇狗引爲類虎特畏之

本草綱目

遇虎能護人爲獵者所不弋

皮毛 新市有皮毛行除收各種獸皮外以羊皮羊毛爲大宗羊皮銷於石門爲土羔皮洋毛銷洋莊猪毛向多壅田今亦爲出口貨矣

鱗介類

蚌珠 出關山溪十字港一帶每年大伏後至立秋鄉民泅入深淵摸之大蚌

中常有珠如豌豆者光圓滑潤可銷洋莊價值不貲惟蚌珠每有細系以爲吐納故長圓而有腰箍者居多可剖作二珠有五色白者爲上業此者多鍾管人估客每至新市鍾管而品評之按取蚌者有珠無珠均能鑒別惟無珠者從不縱之河恐天產品亦有時而絕何愚耶

種珠 將魚鱗搗爛裹以五村后圩田中土搓圓嵌於蚌壳內蓄諸池一二年後取出之似真珠惟光浮質輕有底近銷蘇浙遠販四川獨鍾管人能爲之考此種珠年久者光足價高每因本短利輕不能久蓄業此者漸減於前料珠 出六區八庄草塘里內用廣東白泥料外以鯨鱗搗爛澆之烘以火加工如前光足爲上銷於廣東上海等處勝於魚目矣

鯉 西吳里語 德清長橋下鯉味特佳今鮮沙溪上下十里皆有鯉西門南門外爲最美鯉伏溪中用長竿鐵刺識其淵居所族而箝取之剖去其殼鞭其肉使淤泥不停潔白似玉以淪以膾湯宜茱萸膾則薑酒甘膳鮮輒稱珍味焉他

方所產烹之失和則腥靱

逆魚 此爲清溪特產餘杭章濬謂是鯮魚 見食鯮魚詩序註 按鯮魚郭註卽刀魚太

湖備考刀魚卽刀鱗又名湖鱗一名梅鱗漁人鱗之以鬻惟逆魚嘴團首尾不昂似說文所釋之鱖魚與鯰魚之尖嘴昂首異盛夏梅雨大水時至魚逆水而上始自太湖溯餘不溪西逆武康之塘涇巽陡門楊墳又西逆餘杭之安溪瓶窰凡二百餘里與水逆爭故曰逆也水初盛時萬千爲族漁者截流舉罾一網可數劬列地守罾以夜繼日乃至數百劬魚之長者五六寸子實腹中如指厥身圓直丙丁脊骨一痕餘無纖微芒刺骨輒味甘子尤香烈炙以豨膏而乾臘之可以經歲可以行遠初水魚最大二水差小三水小矣至瓶窰者子出腹空復順流而下瑣細瘠薄無足珍者湖錄此魚黃梅時溪中處處有之惟德清最多過黃梅則不復見矣 按魚游本多逆水者此魚獨得名以其逆流則美順流則劣也

白魚 見侯志物產類與逆魚同時而至肉亦肥嫩

按新府志載鯪即紅白魚俗呼黃白魚又有青梢紅梢之別談志四五月水漲漁人競於苕霅間釣網得之有一二十觔者鄉人以爲珍味避暑錄話太湖白魚實冠全國菰城文獻紅白魚出太湖惟近烏程一方有之蘇常所無也烏程羅志梅後十有五日入時最盛謂之時裏白湖錄隋大業記湖州貢土魚此魚身白而翅青略有紅色故人謂之紅白魚新府志黃梅前後餘不溪中最盛漁船百餘艘競於此撒網取之楊灣以上文明塔以下則寥寥矣按正字通鯪性好假腹平著地故名如是又即是魴非白魚矣

鯪魚 即草魚以其食草也一名鱒魚

鱒魚 即花鱒俗名包頭魚其頭腦甚肥人以爲美品

鱖魚 即鱖魚俗名白鱖魚味價均不如鱒

青魚 俗呼溪魚玉篇謂大青魚名鱮或作鯖喜食螺螄肝腸極肥美膽可入藥治目大麻鄉盛蓄之冬間售於上海

德清縣新志

卷二

二十八

以上四種鄉人蓄諸池蕩年底販於遠處爲出產之大宗其魚花來自九江內河無之

鱖魚 即鱖魚形似鱖而大俗名鱖正字通鱖魚尖魚縮項闊腹穹脊細鱗色

青白腹內肪甚腴

魴魴 背有青點俗呼一點青較他處肥大三月間出餘不溪其餘則不

鱖殘魚 博物志吳王闔閭江行食魚鱖半煮棄其殘餘於水餘子未死化爲

此魚故名二三月間出下水城

銀魚 出唐棲港順德橋一帶或謂銀魚即鱖殘魚但鱖殘魚長而大出春二三月銀魚細而小出秋七八月是兩種矣

養魚種竹范大夫致富之原今蠡山有范蠡湖傳是養魚處

螺螄 溪河中處處有之邑之東西鄉有螺螄行爲飼青魚所必需

大螺 有巨如胡桃者光緒間韶村某農於河中罾獲一螺竟如海螺有識者

重價購去以治喉症無不立效

昆蟲類

蛙 俗名田鷄專食害穀蟲捕捉懸為厲禁犬所不食而人每食之抑何貪口腹而不知戒耶

蜘蛛 種類不一能捕飛蟲有毒螫人飲牛羊乳能解花蜘蛛出竹叢中以瓦焙乾能治喉瘋甚效

竹蠹蟲 淮南萬畢術云竹蟲飲人自言其誠高誘註云以竹蟲三枚竹黃十枚勻和每用一大豆許燒入酒中令人飲之勿至大醉即問其事必得其誠

本草綱目 凡審疑難重案采催眠術者或用以代

青蒿蠹蟲 生青蒿節內和珠砂汞粉丸粟粒大一歲一丸治小兒急慢驚風
蒼耳蠹蟲 生蒼耳草梗中以麻油浸之和白梅肉三四分搗泥貼疔腫立愈

本草綱目

害稻蟲

螟蟲 稻髓蟲 青尺蠖 苞蟲 黃捲葉蟲 泥子蟲 黑象鼻蟲 椿象蟲 浮塵子蟲 蚜蟲 扁蠅 飛蝗 阜蟲

種類甚多類皆吸收稻之液汁或穿禾心使其萎縮為害頗烈

預防法 春前將畦畔雜草田內稻根拔而煨化之蓋害蟲或卵時在根際也且草灰亦可以作肥料

誘殺法 蟲既生長滅除甚難夜間於田畔點撲蛾燈使蟲投火墮水

驅除法 用菜油煎樟腦灑於苗水間用竿微敲之則墮水盡死然此等方
法須田隣同時並作獲效更速

治蝗法以白糖入玻璃瓶中調以溫水緊閉其口置室之溫暖處數日後發生微菌塗蝗腹上釋之飛去使互相伴合傳染雖百萬之多亦可糜爛殆盡農業淺說

雜類

漁網 大小不一用苧線穿組而成有圈蕩網形如被冬季圍於河蕩捕魚有

兜網形如磬長大而無底漁人於船頭撒之均爲本邑漁婦手工品
絲網 以細絲成之工尤縝密網領設浮標魚觸之卽難脫去出土林村郁家
墩銷於唐棲居多

燈芯梗 椽梗來自台州燈草來自蘇州將燈草裹搓捍上名爲燈芯梗緊貼
異常係新市一帶女工特別品暢銷各省陳久愈佳自洋燭盛行日就衰減
鐵品 四鄉隨地錘製之鐵非土產業此者亦非土民

竹節 雷甸環橋鍾管前村爲最著行銷四遠每年鉅萬

紫花 凡男女家定親花果用五色綾綢紮成盆景極鮮艷

像生 凡婚時紮成壽星王母八仙縛於燭臺上亦稱花燭

彩蛋 用鵝蛋彩畫仙佛極精緻男女家定親時多用之以上三種多出新市

蘆簾 金鵝山姬家灣出石蘆細而勁鄉農編爲簾育蠶時佈山棚水潦時扞

魚池

笆斗 錢家潭出楊條勻挺柔靱製笆斗銷於遠處鍾管人業此者亦多

氈毯 將羊毛浸水和泥以手搓揉而成出鍾管

梭篋 織綢綿布之扣也用細篋密排中穿以綾出鍾管

陶冶器 現無陶窑冶坊故無出品昔曾有之今徙武邑

痘苗 出天花者體上之落痂也種天花時研末綿包男塞右鼻女塞左鼻取
嚏爲止三日身發熱七日起漿又七日結痂鄉人每以痘痂售諸痘醫醫必

選擇紅潤者

稀痘從孩頭上落痂每先訂定

封藏固密行銷於浙東及江南間城內施桂萼堂

最著名故各處痘苗痘醫以德清爲首出近則牛痘盛行天花可免保全更
多矣

火哺 新市有哺坊選鷄鴨蛋之有交精者以火烘之數日浴以水蠕蠕動
至期破壳而出其將成形而不出者名曰哺坊蛋煮食之愈頭眩

氣候

溫度在華氏寒暑表最高九十七八度之間最低三十度弱濕度最高至二十五六度止
浙江經濟紀略

德清縣新志

卷二

三十一

卷二勘誤表

頁	面	行	字	原	文	更	正	備	註
三三	前	十二	十八	毫		毫			
三四	後	十一	十八	父		又			
十八	後	十二	十一	枝		(衍文刪除)			
				醬		漿			

卷一卷二各頁後面
脫輿地二字

德清縣新志卷二終

德清縣志卷三

建置志

侯志名宮室考周志改為建置今仍之

德清縣名 見卷一輿地志沿革應與參看

夙稱繁疲難歷代為上縣或為中縣入民國元年以戶口錢糧計定德清為一等縣惟以民刑訴訟甚簡故司法列入丙等舊屬湖州府同年廢府直隸浙江省三年隸錢塘道似昔嘉湖道道制廢仍隸於省

縣廨 查侯志凡縣屬各廨列縣治而附以廨舍今併稱縣廨而以屬署麗焉

清咸豐庚申年燬於太平軍同治三年軍退知縣陳邦傑租貫民房為行政所光緒元年乙亥知縣支恆椿詳請省欵一萬二千元與典史廨同時興建較舊時微有不同邑紳蔡兆驥董其事三年丁丑落成

治廳三間 即大堂中有暖閣設公座印箱以符體制新知縣到任接印點卯或決犯或驗屍回署壯息役循列排衙偶一坐之有額曰莊敬知縣支恆椿題又額清慎勤知縣

德清縣新志

卷三 建置

周祖升題民國成立均廢棄改設地丁與抵補金徵收櫃

中堂三間 即二堂本名梅花堂知縣侯元業改(見侯志)向為知縣審事處民國改縣署法庭二年審檢所成立改為檢察預審庭自審檢所撤消後知事兼理民刑訴訟即

為民刑庭東耳房為收發處西耳房為號房堂有額曰博愛知縣支恆椿題今廢

後堂樓屋五間 侯志名正署官室考名知縣廨向惟三間後改五間為縣官辦公室東西廊房各兩間

幕廳三間 在中堂西前名花廳有澄懷草廬額知縣吳念椿題更有聯曰潑墨裁雲案無積牘種梅鋤月政有餘閑知縣程贊清題均存疏影額今廢紅綠梅已更種東一間

為縣官會客室西三間為行政科廳前平披三間為書繕處

書房 在後堂之東南平屋各三間

司法官室 三間在中堂之東

司法吏室 四間在司法官室之前

廚房六間 在書房之東

東耳庫房 一間在治廳之左

西耳庫房 三間在治廳之右曾為驗契稅契室後又一間西又三間

玄壇廳

三間在幕廳西即前圖架閣庫址應西廊屋兩間廳前平屋三間為財政科辦公處向供玄壇像故名

刑幕室

五間向住刑名幕友今圮

錢幕室

五間向住錢穀幕友今圮此二處即前圖俸給庫址民國四年知事吳鷲皋改築小園計平屋一亭一土山一

六房

東八間西七間今駐警察

內井

在治廳右下

戒石亭

今廢址存

儀仗庫

今廢址存

儀門

平屋五間

監所

在儀門西平廳三間為監獄員辦公處廳前朝東平屋四間朝西平披三間廳西又有南北平屋各四間東西平屋各一間除禁重犯外餘為罪犯習藝所

版榜廊

今廢址存

看守所

在儀門東前平廳三間後平屋三間廳東又有南北平屋各二間此乃民事或刑事未決犯之拘留處

女看守所

三間在監獄舍後即前義役倉址

德清縣新志

卷三 建置

二

土神祠

三間供漢丞相蕭何像俗以何為獄神也

譙樓

五間向駐臨時警察

申明亭

今圮

旌善亭

今圮

外井

在申明亭前今塞

石碑亭

向在譙樓外左右今圮

香亭舖

向駐陰陽學久廢

藥局

久廢

照牆

照舊址加東西轅門直下有官河埠二曲尺形東首被佔不通

石碑亭

在照牆外今遷

基地

見侯志

按舊圖照牆東舖房吏舍今為民居何時承佃失考

屬署

舊稅課局

在務前街基募承佃已載前志今僅存石碑坊

舊河泊所 在新市鎮順濟橋西南久廢地存

主簿廨 即河廳向在大南門外山川壇左兵燹毀（另建見下）

警察廨 在清河坊餘不街之右面街東向下至河岸即預備倉址光緒二十六年邑紳施涵等具稟潘令即於其址建造河廳請移邑廟歲修所提錢糧釐耗項下每兩制錢三文漕

餘項下每石五文至光緒三十三年止撥洋一千三百元又以經費不敷稟請王令續撥洋八百元共二千一百元 治廳三間左又二廳三間後廳三間花廳三間頭門三

間廳左又一間民國元年廢主簿改為警察行政署 基地見侯志左首有財神堂亦為公產今圈入焉

典史廨 見侯志民國元年典史奉裁其廨以原係公產撥歸地方作公共機關之用（參看自治公所）

下塘巡檢司 本在五林港明洪武中置隆慶三年以下塘衝要鹽盜出沒因徙於此乾隆中裁缺（府志）地存

新市巡檢司 現改新市警察分廨其詳見下

新市警察分廨 在新市積善橋西即巡檢司署同治初燬光緒十三年巡檢周濤就地籌款建復二十八年巡檢汪承謙預借役食銀重修 治廳三間左書識房一間

右班房一間中花廳三間左右廊房各一間後樓三間左右廂披各一頭門一左右門房各一隔街照牆一堵基地見侯志民國元年廢巡檢改為警察分所

公署 仍侯志以不屬於縣治之署廨入之

察院行臺 見侯志後改為太平倉兵燹屋燬基地分撥忠義孝弟貞節祠及官立德清高等小學堂建舍

德清縣新志

卷三 建置

三

駐防廨 即侯志布政分司原址屋毀於太平軍基地內一畝四分餘民國十一年由浙江官產處標售歸民間承購

水利通判署 在唐樓水北西屬德清計地二畝一分東屬杭縣明嘉靖三十五年巡撫胡宗憲巡按御史周斯盛奏請添設實主捕盜清初裁廢民國四年經浙江官產處

標賣歸民間承購現存乾隆二次南巡赦免江浙錢糧石碑一塊為杭德界石

統捐局 總局租賃新市民房五間分局租民房五處德清分局租馬頭上縣河口民房雷甸分局租碼頭橋民房又橫塘港常駐巡船一艘

郵政局 光緒二十六年新市設二等局於大街城內設分局民國四年同升為二等局租民房可通匯兌

電報局 民國三年由杭縣唐樓移設治城租賃民房電話局附

鹽公堂 向在德清市亭山倪宅稱鹽公堂同治三年匪患肅清後設鹽棧於新市西柵外官督商辦房屋租賃

菸葉捐分局 在雷甸市民國三年由新市統捐局接辦六年七月設專局於硤石鎮始與統捐分離

學校

學校考

夏日校殷曰序周日庠三代建學之名也秦始皇燔書坑儒偶語詩書者棄市愚弄黔首僅二世而亡自漢武帝建元元年罷黜百家孔學始著光武己酉初

起太學修明禮樂文物煥然及梁武帝天監四年始立州郡學唐高祖武德七年詔州縣鄉皆置學玄宗戊寅令天下州縣里皆置學明太祖洪武二年詔天下郡縣皆立學府設教授州設學正縣設教諭以禮樂射藝書數設科分教生員各有定制清因之於生員外復有廩膳生視邑之大小而定多寡迨光緒間廢八股停科舉延至宣統盡撤盡學官廣設學堂學校之風氣乃變於是人才不專以舊學爲尙矣夫以新學而存國粹乃立國之命脈文化因發達而文明學部後改教視興學爲要政故設各種學堂以育人才意至遠也按學校昔爲舊在縣治西南隅即大南門宮牆內射宋大中祥符庚戌縣令劉洞創建明道中縣令竇充徙建阜安橋北紹興中縣令楊鍊重修宋沈與求重修嘉定丙子知縣黃耕增靈星淳熙三年縣令趙汝歸大加修繕縣令沈杞復加葺治元至正中攝縣尹事朱康復大修建元董在德清至正後燬於兵明正統六年知縣王敬徙於今所侯景泰五年知縣王瓊鑿池建石橋於上王志參嗣後歷有修葺

德清縣新志

卷三
建置

四

清道光二十四年知縣盛隆復修蔡廣颺撰記咸豐十一年辛酉洪楊餘軍據城被燬同治四年知縣劉蘭敏詳請省款二千緡重建邑紳蔡兆騏丁毓琨胡汝聯馮壽鏡丁覺源沈駿飛監其工

孔子廟

謹按孔子具德配天地之量期世界於大同誠千古之聖人即萬世之師表也自漢武帝罷黜百家而孔道始尊故特詳其生卒與廟之原始暨先賢先儒之姓名而於法制祀孔典禮亦羅列靡遺蓋欲使覽者由尊敬而至於教化普徧焉爾

史記孔子生魯昌平鄉陬邑其先宋人也父叔梁紇娶顏氏名徵在禱於

尼丘魯襄公二十二年生

公羊傳襄公二十一年十一月庚子孔子生今以爲二十二年蓋周正十一月屬明年故歧

生而岸

頂故名曰丘字仲尼魯哀公十六年四月己丑卒年七十三哀公諱曰尼

父按綱鑑孔子生於周靈王庚戌二十有一年冬十一月卒於周敬王壬

戌四十有一年夏四月夏正建寅故爲七十三歲

嘗考自魯哀公十七年立孔子廟於故宅魏文帝黃初二年令魯郡修舊

廟置百戶吏卒守衛之

孔廟有南北朝宋文帝元嘉十九年冬十二月修

孔子廟時尙在闕里也京師之有孔子廟始於北魏太和十三年閱十七年爲梁武帝天監四年初立孔子廟時淮南皆爲魏境孔廟隔絕梁主始創立之及唐高祖武德

二年始詔國子學立周公孔子廟貞觀四年詔州縣皆作孔子廟唐書卷十五

宋理宗壬戌三年蒙古修孔子廟此外或曰仲尼廟史記孔子世家孔廟北魏書高祖紀

太和十三年宣尼廟宋書禮志孔父廟孔顏廟隋書禮志孔聖廟唐皮口休請韓文公配饗太學書文宣

王廟冊府元龜唐大歷十三年宣聖廟闕里志宋淳化四年夫子廟宋歐陽修襄州穀城縣夫子廟記先聖廟闕里志元大德

初先師廟明史太祖紀洪武三十年文廟明會典永樂八年要以稱孔子廟爲最古且最普徧文

廟爲最後文廟蓋從文宣王諡而來孔子之道生民未有非一言一行之

美可以節惠定諡者比明儒邱濬論之詳矣今文宣之諡旣早罷廢則文

廟之稱似亦不必沿明之舊又元大德十一年始加封孔子大成至聖文

宣王而宋崇寧三年已詔文宣王殿以大成爲名是大成殿不因封號而

名者也明嘉靖九年定孔子諡號曰至聖先師孔子因改大成殿爲先師

廟大成門爲廟門不知殿因封號而名當改也不因封號而名則不必改今擬仍以大成爲殿名說文堂殿也御覽引說文殿堂之高大者也廣雅釋宮堂堊墜也初學記引倉頡篇殿大堂也商周以前其名不載秦始皇始作前殿玉海又謂秦孝公強盛時大築冀闕由是夫子殿初見明孝公以前堂殿本通呼漢魏以來始爲王居所專然以漢書黃霸傳之上殿依顏師古注卽丞相所坐屋也古者屋高嚴通呼爲殿不必宮中證之漢時丞相所坐屋尙得稱殿故今可仍之

大成殿

宋高宗甲子十四年國學大成殿成帝謁孔子廟崇寧初詔辟雍文宣王

殿以大成爲名宋史百五卷禮志一

至聖先師孔子神位

唐以前孔廟以周公南面而夫子坐西墉貞觀二年房延齡等建言周公

尼父俱聖人然釋奠於學以夫子也乃罷周公升孔子爲先聖時雖廢周公祭而夫子位未改貞觀十一年尊孔子爲宣父開元二十七年詔夫子既稱先聖可諡曰文宣王夏主仁孝立學校於國中尊孔子爲文宣帝被王者服釋奠用宮懸至是二京國子監暨州縣夫子始皆南向以顏子配唐書卷十宋真宗大中祥符五年改諡孔子爲至聖初諡元武宗大德十一年加孔子號曰大成至聖文宣王明世宗嘉靖九年改號孔子爲先師不稱王易像爲主配位止稱先賢先儒不稱公侯伯祀宇宜稱廟不稱殿孔子神位題至聖先師

泮池發浚如舊

神廚廢今

下馬碑

二塊今嵌南向牆內書奉旨文武官員軍民人等至此下馬清康熙二十九年上諭也

照牆

在隔河姚宅後清同治四年重修有宮牆萬仞四字遼清乾隆十三年詣闕里時御題例

崇聖祠

前志稱啓聖祠清道光二十四年知縣盛隆修同治四年知縣劉蘭敏於請款項下不敷外勸捐重建

德清縣新志

卷三

建置

六

始封啓聖王

元至順元年始封孔子父叔梁紇爲啓聖王母顏氏啓聖王夫人顏子堯國復聖公曾子邾國宗聖公子思子沂國述聖公孟子鄒國亞聖公程顥豫國公程頤洛國公

始立啓聖祠

明嘉靖九年大學士張璁言先師祀典有當更正者叔梁紇乃孔子之父顏路曾皙孔鯉乃顏淵曾參子思伋之父三子配享廟庭紇及諸父從祀兩廡原聖賢之心豈安請於大成殿後別立室祀梁紇而以顏路曾皙孔鯉配之上以爲然明史卷五十一禮志二

正殿 肇聖王木金父公 裕聖王祈父公 詒聖王防叔公 昌聖王伯夏

公 啓聖王叔梁公

東配先賢孔孟皮 曾點 孟孫氏

西配先賢顏無繇 孔鯉

東廡先儒周輔成 程珦 蔡元定

西廡先儒張迪 朱松

清雍正元年三月上諭啓聖王至明嘉靖時改啓聖公應自叔梁公以上至木金父公凡五代並追封爲王爵木金父公爲肇聖王祈父公爲裕聖王防叔公爲詒聖王伯夏公爲昌聖王叔梁公爲啓聖王其啓聖祠內係專祀叔梁公故以啓聖爲名今合祀五代應更名爲崇聖祠清會

孔子廟位次

正殿

至聖先師孔子

東配 復聖顏子回 述聖孔子伋

西配 宗聖曾子參 亞聖孟子軻 宋神宗熙寧七年夏五月詔以孟子與顏子並配孔子 明太祖讀孟子草芥寇讐之說大不然之

德清縣新志

卷三 建置

七

五年國子監請釋奠命罷孟子祀踰年帝曰孟子辨異端闢邪說發明孔子之道應配享如故蓋因刑部尙書錢唐與樞祖胸受箭之諫也 明史

東序先賢 閔子損 冉子雍 端木子賜 卜子商 有子若

西序先賢 冉子耕 宰子予 冉子求 言子假 顓孫子師 朱子熹

東廡先賢 公孫僑 林放 原憲 南宮适 商瞿 漆雕開 漆雕哆 司馬耕 梁鱣 冉孺 伯虔 冉季 漆雕徒夫 宰父黑 公西赤 任不齊 公良孺

公肩定 鄒單 公西與如 邾巽 陳亢 榮旂 左人郢 鄭國 原亢 廉潔 仲會 顏何 縣寬 牧皮 琴張 步叔乘 秦非 顏噲 程顥 樂正克 萬章 邵雍 周敦頤

西廡先賢 蘧瑗 澹臺滅明 必不齊 公治長 顏高 壤馴 赤 石竹 樊須 商澤 巫馬 施 顏辛 曹卣 公孫龍 秦商 顏高 壤馴 赤 石竹 樊須 公夏首 后

處 奚容蒧 顏祖 句井疆 秦祖 縣成 公祖 句茲 燕伋 樂欬 公都子 秋黑 孔 忠 公西蒧 顏之僕 施之常 申根 左丘明 秦冉 公明儀 公都子 公孫 丑 張載 程頤

東廡先儒 公羊高 伏勝 毛亨 孔安國 毛萇 杜子春 鄭玄 諸葛亮 王通 袁 韓愈 胡瑗 韓琦 楊時 謝良佐 尹焞 胡安國 李侗 呂祖謙 袁 羅欽順 呂枏 何基 文天祥 王柏 劉因 陳澧 方孝孺 薛瑄 胡居仁

西廡先儒 穀梁赤 高堂生 董仲舒 游酢 劉德 呂大臨 許慎 趙歧 李綱 范甯 陸贄 九淵 仲淹 歐陽修 司馬光 游酢 劉德 呂大臨 羅從彥 趙歧 李綱 張栻 陸贄 九淵

西廡先儒 穀梁赤 歐陽修 司馬光 游酢 劉德 呂大臨 羅從彥 趙歧 李綱 張栻 陸贄 九淵

陳淳 眞德秀 蔡沈 魏了翁 趙復 金履祥 陸秀夫 許衡 吳澄 顧炎武
曹端 陳獻章 蔡清 王守仁 呂坤 黃道周 王夫之 陸世儀
明倫堂 續前志清道光二十四年知縣盛隆重脩咸豐十一年燬於兵光緒二十三年知縣黃
大華捐廉銀三百元教諭樊耿光捐銀一百元署奉天東邊兵備道邑人徐本衡助銀
三百元職監生戴湘助銀一百元貢生徐士駿施涵徐肇基許德修廩生沈
光裕互相捐募建復規制悉循其舊堂之東墜有俞樾碑記俞陸雲書丹

博文約禮齋 清咸豐十一年燬於兵今未建

敬一亭 同上

會饌堂 清咸豐十一年未建號房 廢

學廨

教諭廨 向在敬一亭後清咸豐十一年燬光緒二十三年教諭任琦勸捐
改建於明倫堂右側訓導廨東之隙地與訓導廨並後作勸學所

訓導廨 同時被燬清光緒二十三年重建與教
諭廨並今爲縣立高等小學校騰宿舍

中門 同時建復

學門 同上

學倉 久圮

德清縣新志

卷三 建置

學庫 今所藏書籍祭器於咸豐十一年被燬

勸學所 清光緒三十三年成立初與教育會合駐清溪書院第一進民國元年

奉令停辦三年八月知事林典詳請巡按使屈借用清溪書院房屋爲浙

江第四模範繅絲廠乃移教育會於教諭廨計平屋兩進六間門房兩間

廚房兩間民國五年一月知事吳鷺臬奉令籌設勸學所爲教育行政之

常設機關詳請以舊教諭廨爲所址奉省令照准

教育局 十二年六月由勸學所改設局舍由局長蔡景謨重修

射圃社學 均續侯志其基地同前未變在大南門街宮牆內市廛週
密向由業戶輸租於學民國二年撥入德清縣教育會

清溪書院 續周志清咸豐十一年兵燬同治八年知縣張文焯詳准撫憲以大麻鎗匪凌勝
貴之宅拆建於此邑人蔡振勳施涵蔡兆麒沈駿飛丁覺源高點董其事並將前

面文昌祠基之半圍入牆內即今第一進之平廳三間也第二進樓廳三間九年秋竣工並於絲魁
星下供文昌像以備縣官致祭第三進樓廳三間後有廚房三間九年秋竣工並於絲魁

善後項下籌款四千二百千文爲基金存放生息以作歲費延師主講朔望開課光緒二
十九年廢四書五經課題改策論邑紳蔡煥文程森徐師善許德溥會商徐士駿施涵等

允以其息爲官立高等小學堂經費並創立於此移神像於文昌閣三十二年學堂遷於
新舍其第一進爲教育會會場第二進爲勸學所第三進與廚房爲縣議會寄宿舍民國

三年設省立第四模範繅絲廠由前廠長稟請借用嗣均撥回充作教育機關場所

織簾書院久廢地存

呂成公書院本名東築讀書堂宋謝夢生有讀書堂記歲久迹泯僅存廢地

履齋書院久廢地存均見前志

通俗教育講演所民國五年三月由知事吳翼皋籌設附於勸學所

通俗圖書館民國十年由知事彭彝聘程森籌備成立以已停省立第四模範繅絲廠屋為館址

公衆體育場同年由程森向丁紳炳浩募捐基地五分餘合原有地共畝許墊資創建場址即在通俗圖書館前

小學

務本學塾清光緒二十七年由士紳許炳堃蔡煥文創設用學堂新法躬親教授全縣景仰塾址先在許炳堃宅旋炳堃留學日本由黃開甲繼借設城內戴侯廟真身樓為

全縣小學之濫觴

縣立清溪高等小學校暨清溪國民學校原名官立高等小學堂附初等小學堂清光緒二十九年邑紳蔡煥文程森等具稟程令就原有務本學塾改

德清縣新志

卷三 建置

九

設三十年二月成立以清溪書院為學舍及停止之膏火為經費三十二年邑紳徐士駿等將察院行臺廢址建築校舍四月落成乃將高小學生遷入焉所建計平屋三進十五間又門房兩間頭門在忠義祠而出入由義路是年秋復裁訓導乃將清溪書院初小學生遷入訓導廨街廨燬於年光緒丁酉歲教諭任訓導夏勸捐重建計平屋兩進六間又門房兩間廁所兩間另闢察院餘址為操場在新校舍西忠義祠榮蔭軒後共約十畝民國二年遺愛學校邑廨太停辦遂以初等學生移駐此處計平廳三間平屋六間門房三間共約二畝

書院移交存典錢四千二百千文又移交賓興錢三千千文清宣統三年秋起至民國二年止該校因每年短少串票捐錢二百千文漕餘捐錢四百千文除提存款錢一千三百四十千文支銷外共存錢五千八百六十六千文光復後以錢一千作銀一元又交書院田五畝三分一釐八毫地一畝四分七釐四毫

經費民國五年分經費計絲捐銀約八十元碗茶捐銀約一百八十元地租銀三十元存城鎮各典一息銀約六百元義舉捐銀一今改典業捐一四十二元學費銀

三百七十餘元縣稅銀八百元
合計銀一千七百三十餘元

尙德國民學校原名

城立第一初等小學校

清宣統元年七月成立校舍租賃趙家弄民房

務實國民學校原名

城立第二初等小學校

民國元年二月成立校舍於三年一月稟縣

核准撥給城西稷穀祠房屋九間操場一所計基地一畝三分二厘五毫

誠中國國民學校原名

城立第三初等小學校

民國元年三月成立校舍租賃務前民屋附

有操場

樂羣國民學校原名

城立第四初等小學校

民國元年四月成立校舍於二年七月稟縣

核准撥給小南門佑聖觀房屋三間又借用右首袁氏土穀祠房屋三間

附有操場

明道國民學校民國五年三月成立校舍借大南門外舊蠶桑學校房屋十間

明新國民學校民國五年八月成立校舍租賃張仙弄民屋附有操場

開智女子

高小國民學校

原名城立女子初等小學校清光緒三十年二月成立校

德清縣新志

卷三

十

建置

舍租賃縣東街民屋操場一所

經費原案僅有碗酒白肉兩項捐銀二百八十元學費一百元餘爲縣稅補助

明誠國民學校民國五年二月成立校舍租賃蠡山村民房附有操場

清源國民學校民國五年成立

城區私立

校舍借用戴侯廟真身樓三間廟後附操

場一所

振新國民學校原名

雷甸鄉立第一初等小學校

民國元年三月成立校舍稟縣核准撥給該

鄉土主廟房屋五間操場一所

啓英國民學校民國五年一月成立校舍借用天字圩民屋附有操場

近仁國民學校原名

白雲鄉立第一初等小學校

民國元年三月成立校舍租賃雙溪頭民房

附有操場

育才國民學校原名

洛舍鄉立高小學校

清光緒三十二年正月成立校舍稟縣核准

撥給該鄉關帝廟樓屋六間操場一所

經費

原案僅有土主廟款銀六十元屠宰稅附捐銀七十二元青葉捐銀三十元碗茶捐銀一百元餘爲學費及縣稅補助費

迪新國民學校原名

洛舍鄉立第一初等小學校

民國二年二月成立校舍租賃堂前村民房

操場借用劉王廟空地

以上屬舊第一學區

仙潭

高等小學校

原名鎮立初等小學校清光緒二十九年鎮紳鍾選青沈汝

楷等發起仙潭兩等小學堂請以仙潭書院為校舍

即仙潭文社並文昌閣屋見仙潭書院碑記又

絲業公所

三十二年二月成立三十二年堂外隙地由絲業公所讓為操場

酬銀三百元宣統三年添造禮堂三間知縣林祖賢助銀一百元經董沈

汝楷移助壽禮銀五百元共計房屋三十九間

書院移交存典錢四千千文

光復後提用錢二千五百千文實存一千五百千文

又移交登瀛會錢二

千千文共存錢三千五百千文

如數易為銀圓存作基金其餘為市屋

經費

查原案僅有碗茶捐銀五百五十二元存款生息銀二百零四元市屋租銀一百三十二元學費約四百元縣稅六百元合計銀一千八百八十餘元

正蒙國民學校原名

鎮立第一初等小學校

清光緒三十三年正月成立校舍借用劉王

德清縣新志

卷三 建置

十一

堂房屋五間操場一所

明強國民學校原名

鎮立第二初等小學校

清光緒三十三年八月成立校舍租賃西河

口民房

務本國民學校原名

鎮立第三初等小學校

民國四年八月成立校舍租賃東柵民房

競存國民學校原名

鎮立第四初等小學校

民國元年五月成立校舍租賃曉翠巷民房

附有操場

正本國民學校原名

鎮立第五初等小學校

民國元年五月成立校舍租賃機坊弄民房

育英國民學校原名

鎮立第六初等小學校

民國元年三月成立校舍租賃西柵民房

敬業國民學校原名

鎮立第七初等小學校

清宣統元年正月成立校舍租賃後弄民房

啓明國民學校原名

鎮立第八初等小學校

民國二年二月成立校舍租賃朱家弄民房

操場借藥王廟前隙地

正修國民學校原名

鎮立第九初等小學校

民國二年三月成立校舍借用徐家莊禹王

廟屋四間

求是國民學校原名鎮立第十初等小學校民國四年八月成立校舍租賃鎮南直街民房

明德益智女子國民學校原名鎮立女子初高等小學校民國元年三月成立校舍租賃北柵民房並連操場

經費

查原案僅有運絲捐銀二百四十元碗酒捐銀三十元餘為學費及縣稅補助

毓秀女子國民學校原名鎮立第一女子初等小學校民國三年一月成立校舍租賃朱家弄民房

民房

守貞女子國民學校原名鎮立第二女子初等小學校民國四年八月成立校舍租賃東柵民房

房

葑溪國民學校原名鎮區私立葑溪初等小學校清光緒三十二年正月成立校舍借用葑溪

稽氏宗祠四間操場一所

由稽氏公產撥銀一百四十元為經常費餘為縣稅補助

德清縣新志

卷三 建置

十二

古相國民學校原名松山鄉立第一初等小學校民國二年十二月成立校舍借用鍾管村真

教寺四間操場一所

經正國民學校原名松山鄉私立初等小學校民國四年八月成立校舍借鍾管村校長朱

英住宅十四間操場一所

校長朱英年助二百元為經常費餘為縣稅補助

白彪國民學校民國五年九月定為松山鄉區立校舍借用白彪東村永壽寺

屋五間操場一所

致用國民學校原名大麻鄉立第一初等小學校民國二年八月成立校舍借用民屋

以上屬舊第二學區

進德國民學校原名安國鄉立第一初等小學校民國元年一月成立校舍租賃下舍民房旋

遷蘭村

壘溪國民學校原名安國鄉立第二初等小學校民國二年一月成立校舍租賃勾壘村民屋

競化國民學校原名安國鄉立第三初等小學校民國二年二月成立校舍借下舍村土主廟

大殿五間

箬溪國民學校原名安國鄉私立箬溪初等小學校民國二年四月成立校舍借用宣家橋沈氏

宗祠操場一所

由沈氏祭產年助銀二百元為經常費餘為縣稅補助

日知國民學校原名龍潭鄉立第一初等小學校民國二年三月成立校舍租賃東衡里民屋

時敏國民學校原名新塘鄉立第一初等小學校民國元年三月成立校舍租賃徐家墩民屋

尙志國民學校原名三山鄉立第一初等小學校民國元年三月成立校舍租賃闕村民屋

達材國民學校原名三山鄉立第二初等小學校民國四年四月成立校舍借用鍾管民屋

養性國民學校原名仁壽鄉立第一初等小學校清宣統元年正月成立校舍借用曲溪灣潘

氏旁房附有操場

修德國民學校原名仁壽鄉立第二初等小學校民國二年三月成立校舍借用戈亭村土主

德清縣新志

卷三 建置

十三

廟操場一所

以上屬舊第三學區

合計高等小學校五國民學校四十三共四十八所其正在創設者規定每年四所各校經費除高小及私立初小各叙原案及支用縣稅補助又清溪仙潭兩校立案時向有規定外其餘區款以統收統支暨補助以學生多寡成績優劣為原則故不瑣載民國八年採訪稿

倉廩

常平倉續見志久廢云已入賦為民業不可考其唐樓南倉基原係大善寺禪堂舊址納還官價仍歸本寺執業

阜安倉續周志清咸豐十年兵燬在縣署內典史麻照壁南會改建公共操場

便民倉續前志清咸豐十一年兵燬同治四年知縣劉爾敏詳請撥款重建

按便民倉以民國元年起停止漕糧改徵抵補金致倉廩廢壞民國四年由浙江官產處將基地二十三畝四分八釐平屋一百三間標賣銀一千

六百元爲民業

預備倉 續前志在清河坊已改建警

太平倉 續周志清咸豐十一年兵燬其

會所

縣議會 設正副議長各一人(議員中選出)議員二十人(合邑選出)民國元年成立借

三年三月解散九年復設租用民房

參議會 參議員四人(議員中選出)設縣署內與縣

城鎮鄉議事會 各設議長議員城鎮並設董事各鄉僅設鄉董清宣統三年三月同時成立

縣議會一
律停止

自治公所 縣丞廨久廢清光緒乙亥年知縣支恆椿於縣署請款內開縣丞廨址起造典史

四間頭門四椽民國元年廢典史二年司法獨立借設審檢所三年取消四年

德清縣教育會 初以省城爲教育總會各縣爲分會清光緒三十二年成立稟縣核准撥給

德清縣新志

卷三 建置

十四

閱報社 向由教育會補助民國五年復歸教育會經理

新市鎮教育會 民國元年十月成立借

洛舍鄉教育會 民國元年成立借用

德清縣商會 初名德清縣商務分會以省城爲總商會清光緒三十三年

新市鎮商會 成立改稱年月同上

德清縣農會 民國二年成立與

新市鎮市農會 民國七年成立

太平鄉農會 民國二年成立借用虎嘯

育嬰堂 續周志清咸豐十一年屋燬僅存頭門正廳同治三年丁燮源蔡兆驥沈駿飛許士奇

募建如舊並稟知縣劉蘭敏詳請撫院藩司批准鄉民售絲每銀一元助錢二文肉舖

斬猪一頭助錢十六文光緒十九年徐本衡助錢一千串許善承助錢三百文菱湖絲

商唐元甫助錢五百千文二十三年正應三間圮徐士駿徐肇基等建復之二十七年清

明日頭門火徐肇基沈光裕等籌款重建計存濟大濟亭長發德豐恆豐利錢二千七百

皆赤子子惠元元言
簡意深沈芬書撰

新市鎮育嬰堂

在南市游家潭清同治甲戌年秋郡紳姚鑑邵桂生勸立知縣唐煦春捐廉二百元光緒元年四月落成爲撰碑記其事款見徵信錄

鍾管接嬰所

自清光緒中葉由湖州仁濟善堂董事姚鑑勸設舉宋頤珍經理所務後舉傅廷欄施階厝接辦至宣統三年光復時停辦該所向無公產除日捐猪捐外缺

數由仁濟善堂補給

尙博村接嬰堂

附傅氏鄉賢祠內民國四年八月由傅懋元與妻李氏端臨捐金租辦稟縣批准立案

養濟院

在丁家弄柳侯祠下面俗稱孤老院兵燹後基地築圍墻餘廢

掩埋會

無會所每年冬至後掩埋暴露屍骨清光緒年間邑人許士英王福壽等繼續辦理新市在同治年由費氏主其事光緒年間歸留嬰堂入民國同

救火會

觀音堂餘不廟紫陽觀並縣公安局左側及新市鎮均備有救火水龍經費由各店認捐民國三年新市統捐局於附捐項下提撥新市德清救火會每年各一百五十元呈

省立案

甯紹會館

在小南門龜迴場西南清嘉慶十四年慈溪旅德藥舖主沈益壽集資建造購十

購同圩地三畝二分八釐六毫又城山畝圩屋地三分三釐零淡竹塢義塚地五畝畢家圩義塚山五畝七分凡遇病故無力還鄉者准其停柩一年逾期例於清明冬至前廣告遷葬春秋兩季設醮祭靈重鄉誼也額其廳曰同善堂

鄉誼也額其廳曰同善堂

德清縣新志

卷三 建置

十五

新安會館

在邑之東門外蔣灣圩清道光四年金瑞集資創造咸豐年厄於兵燹光緒元年重建新其廳曰敦仁堂供先賢朱文公熹神位重鄉望也設義園於龍嶽山下以

葬徽人之無歸者新市亦有會館在步雲橋南

四明公所

在新市鎮清時由旅鎮舊寧屬人捐資創建

古越會館

在新市鎮清時由旅鎮舊紹屬人捐資創建

金陵館會

在新市鎮清時由旅鎮江蘇江寧人捐資創建

金華會館

在邑之大南門外民國五年由舊金屬同鄉發起集資組成一在新市鎮

模範醫局

民國四年成立不取醫金設內科外科傷科針灸科兒科租賃民屋爲局址知事吳鬻泉每月助銀拾元

浙江第四模範繅絲廠

民國三年知事林典詳請巡按使屈映光借用清溪書院第一進文昌祠前進起造洋式樓房三間義路側廠屋兩間共洋五百元由廠長徐師善呈報立案中設脚踏木車二十具再繅車四具繅法及檢驗器具照上海乾經廠民國四年至

農工商部出品協會呈解九至十一三至十五條紋絲綾奉給優等獎照嗣因鄉農艱於仿行五年十二月停止

德清縣貧民習藝所

民國四年十二月知事吳鬻泉奉令創一所所址溪東民屋爲所址分習之藝以機織爲主體十年新市亦設一所所址借用東廟習藝分

筆科藤科未久因費絀停辦

森林場 民國四年知事吳翥皋於大南門峻明橋外演武場西門外社稷壇(俗稱地壇)創設二所畝分均見侯志栽種松杉提倡植樹

苗圃 民國五年知事吳翥皋於新市鎮鳴因寺舊址創設

洛舍織布廠 客民楊洪興創於清光緒季年有木機四十具所出格子布愛國布暢銷

農業試驗場 清宣統元年由開毓璇徐師善於南門峻明橋外台貨試辦

絲業公所 初在新市碧玉橋西(即今仙潭學校校址)洪楊時燬平定後絲商與復之東側為仙潭書院鐘鍾丙熙所創始為清光緒三十一年仙潭書院改為仙潭學

堂併文昌閣為講舍絲業公所乃遷於長壽宮並將前面白地讓為操場由學堂酌給修葺長壽宮費銀三百元縣令陳宗元獎以急公好義匾額計服字圩二百四十三號地一畝八分三釐二毫正

米業公所 在新市鎮大王廟內

舖舍

香亭舖 司兵七名今廢

遵臻舖 府志作遵齋舖司兵五名今廢

烏鳶舖 司兵五名今廢

德清縣新志

卷三 建置 十六

按賦役全書以此二處為衝要設舖民國元年裁廢

賢祠

名宦祠 清同治四年知縣劉蘭敏於聖廟請款內同時重建

鄉賢祠 同上又鍾管村尚博由傅雲龍為父羹梅請立鄉賢專祠清光緒二十六年落成

忠義孝弟貞節祠 即前志忠孝貞節兩祠舊址清雍正四年知縣崔宜奉文建(府志)成豐庚申燬光緒十年知縣童叶庚詳請藩憲在絲捐善後項下撥款起建

邑紳許士奇徐士駿許士英施涵董其事因舊址偏隘適祠西有已廢察院行臺改建太平倉兵燬隙地併入之計頭門三間額曰忠義孝弟貞節祠第二進平廳三間供忠義孝弟諸木主第三進平廳三間供貞孝節烈諸婦女主東側墻外披屋二間為看役住宿處西側墻外光緒十七年添造廳屋三間並走廊為官紳致祭息所額曰棠蔭軒前後種值花木西有竹園頭門內西廊豎有知縣吳念椿所書碑記新市在南土主廟東

織簾先生祠 向在織簾書院旁清咸豐年被燬地存

東萊先生祠 向在東萊書院之上清嘉慶七年飭有司防護咸豐間燬碑亦殘闕民國三年由程森搜羅殘碑十二塊樹之墻隅光緒間寺僧曾將祠址為僧房

三賢祠 續侯清嘉慶七年飭有司防護兩浙防明陳寔有二賢祠記咸豐年兵燬地存

陳侯祠久圯

三侯祠久圯去思碑亦毀棄地存

宣教劉侯祠見前志在新市米漾橋西亂後建復

趙文敏祠在禮宸門外戴澗澗稱趙孟頫讀書處即楊林堂別業也故金隄橋南為松雪里清成豐辛酉被燬同治八年邑人談祖功徐幼募建祠外有白銀杏樹二枝園可數抱光緒八年秋大風吹摧連根拔起祠內有綠蘿梅二傳與銀杏樹均為文敏手植同時折其一里人奉為土主神又東衡村北有行祠前有古井猶存遺蹟同治年里人建復

楊忠愍公祠諱繼盛字仲芳世稱椒山先生明嘉靖三十四年官兵部武選司員外郎上疏劾嚴嵩父子被害有家訓行世祠在新市徐家橋清成豐癸丑年鎮人陳子樵

等募捐新之石門舉人譚逢仕撰聯體碑記仙潭志餘

壇廟

先農壇在東門外三里塘琵琶橋西廟燬於兵燹耕田地存清會典載直省府州縣歲以仲春吉亥各於所治東郊建先農壇朝服行禮禮成更采服率屬行耕籍禮祭品羊一豕一鴈一簋各二籩豆各四尊一爵三帛一通志增制壇中正祠五間左右翼七間後立寢室內供先農炎帝神農氏之神先農厲山氏之神先農后稷氏之神田在壇前又云先農壇最為鉅典應列諸祠之前而社稷山川諸壇次之

德清縣新志

卷三 建置

十七

先蠶廟

在三里塘太歲殿後下建石河埠清乾隆五十九年奉文建立先是奉上諭占慶奏浙省鄉民飼蠶每年在軒轅黃帝廟後殿祈祀蠶神向不官為致祭蠶桑本與稼穡並重入該省祀典並御書匾額發往懸掛軒轅黃帝廟及先蠶後殿以祈神貺等因每歲春秋二祭祀以少牢春祭以季春吉日秋祭以九月十六日其儀品如先農壇例並祀軒轅黃帝咸豐辛酉與迎春廟同燬地均存

太歲廟

即迎春廟在先蠶殿前凡立春前一日同城文官朝衣朝冠同至該廟行迎春禮立春日在縣署鞭春牛各官致賀

社稷壇

俗稱地壇在西門外屋垣久圯民國五年知事吳鷲皋改森林場

風雲雷雨山川壇

俗稱天壇在峻明門外壇地存

邑厲壇

在北門外墻屋均圯明洪武三年定制京都祭太厲王國祭國厲府州祭郡厲縣祭邑厲皆設壇城北一年二季後定郡邑厲鄉厲皆以清明日七月十五日十月朔日前期七日邑令預饌城隍神祭日設城隍神位於壇上無祀鬼神位於壇下之東西羊三家三飯米一石（明史五十卷禮志六）民國元年均廢地存

關帝廟

續周志清成豐間燬地存民國十四年知事袁思古建復改關岳廟

關岳廟

在禮宸門外慈相寺南房民國四年知事吳鷲皋奉令創立十四年移關帝廟

正殿

神位 關壯穆侯 左 岳忠武王 右 東配 張飛 王濬 韓擒虎 韓世忠 旭烈兀 附傳 謝玄 賀若弼 李光弼 狄青 劉錡 郭侃 曹彬

徐達 馮勝 西配 趙雲 附傳 藍玉 尉遲敬德 王彥章 常遇春 周遇吉

按森腰裏關岳祀事見兩配諸將史均有傳惟旭烈兀與郭侃事蹟較晦愛附傳於後俾覽者有所考焉

附 旭烈兀傳

旭烈兀蒙古人自鐵木真即成吉思汗東歸中亞細亞之地漸次不靖花刺子

謨本王國其版圖括近今之布哈爾土耳其斯坦阿富汗斯坦比路之斯坦波斯及亞細亞土

波斯灣阿拉伯海北抵高加索山裏海西亞細亞全土舊耳其東西撒馬爾罕巴密爾喀布爾欣都克斯印度河西達黑海地中海阿拉伯比境南濱

木兒蔑里之援潛回故土再圖恢復太宗名諱格使綽兒馬罕擊殺之然回教

徒時猶謀叛於是憲宗名諱又命皇弟旭烈兀元太祖幼子圖賴第六子憲宗時進

伐木刺夷國木刺夷者故居裏海南愛爾布之山邊素奉回教其先世哈山沙

巴哈奪波斯之阿速摸忒堡依山據險者也其俗極慘毒陰謀行刺且久為蒙

古患旭烈兀破其巢穴回教主降滅波斯進兵逼八吉打木刺夷之遺族遁於

德清縣新志

德清縣新志

卷三 建置

十八

密昔兒今之埃及稱哈利發旭烈兀分兵二隊使統制郭侃進攻印度伽濕彌羅地

方即克什侵略入奴隸王朝以絕後顧之憂自率大軍西進襲密昔兒陷的迷

失吉略天方阿刺耶教徒與之連和方欲殲滅回教會憲宗卒乃班師是謂第

三次之西征此西人黃禍之言所由來也浙江高等學校 近世史第七編

郭侃字仲和華州鄭縣人為郭子儀之裔德海子寶玉孫元丞相史天澤器重

之常從旭烈兀破西域數百城得地萬餘里擢為萬戶從軍下襄陽平江南遷

知寧海州居一年卒軍有紀律不入民舍所至興學課農吏民畏服參元史一百四十九卷

關帝行宮在西門裝駕橋東塊係開元宮下院向有正殿三間後有觀音閣三間東西兩廊

左右張魯二仙廟殿右小屋兩間為廟祝住所清咸豐十一年燬同治十年里人

施涵蔡兆驊募建正殿春秋二祀及五月十三日誕辰縣治東正廟尙村闕如權至行宮

城隍廟續前志清道光初年於廟左牆外添造花園廳屋三進並兩廊平屋西首弄下石河埠

亦加修整咸豐十一年燬僅存大殿及頭門暨花園內方舊石孟一具同治間里人許

懷清章正綸陸續拆建光緒間里人陳金錄施逢元籌建寢宮及花園內外房屋並於正

殿內置鐵鑄燭臺香爐一副二殿內置點銅燭臺一副頭門外鐵鼎一屋邑人俞樾撰碑

記墜大殿左廊清知縣湖望行香民國元年禮廢光緒三十三年開毓璇設遺愛兩等小學校於花園內民國二年因費絀停辦今改設縣立小學焉按城隍前代多入祀典本無姓京省封爲王府爲威靈公秩正二品州爲靈佑侯秩三品縣爲顯佑伯秩四品（明史四十九卷禮志六）吾邑傳爲勞鉞牌書威靈公詎以勞公會爲湖州太守之沿襲乎

餘不亭侯廟 續前志歲以春秋二仲月致祭清嘉慶七年浙撫阮元飭有司防護（兩浙防一閣正道光十五年里人重建（見廟內碑記）威豐間燬光緒十六年里人林昌熙募建正殿三間後連平屋三間臨溪戲臺一座俗稱上餘不廟廟右墻內有孔侯墓（詳陵墓）紫陽觀頭門內西首另有餘不土主祠

惠安保濟顯佑侯廟 續前志清雍正八年總督李衛疏言神有護衛漕艘之功奉旨加封保濟春秋致祭會典嘉慶七年飭有司防護兩浙防嘉慶九年加封惠安咸豐十一年太平軍至里人昇神像於東城外之何家埭同治三年事平迎神像返山巔祠屋三間已被燬棄正殿真身樓儀門頭門僅存屋架邑紳許士奇蔡汝驥募修正殿光緒十六年知縣陳鳳誥修葺儀門又經里人募建戲臺並頭門而聿新之

按侯像金面尙黃葉像尙紅柳像尙綠左皂白右皂黑前人以五色定五方並無特別神異之作用惟（侯志）謂神生於嘉定間至延祐二年以義死年四十四歲查延祐爲元

德清縣新志

卷三 建置

十九

仁宗年號二年乃乙卯上溯甯宗嘉定戊辰元年當百有八歲必是寶祐之誤宋理宗寶祐二年爲甲寅溯至嘉定四年爲辛未却合四十四歲則侯生於辛未卒於甲寅可知也墓上有異杏樹廟前有柏樹碑石皆爲數百年古物廟中有義骨砥流匾前爲胡雪田立清乾隆癸酉年十二月許晉重篆光緒庚辰仲冬許士奇許士英鬆新旁柱有談德壽隸書取義成仁大丈夫當如是矣報功崇德我國家禮亦宜之聯又二門有徐樹基書徐本立撰句祈賽徧鄉關萬炬千鈺匝地歡聲迎社至威靈綬越旬五風十雨隔江鼓吹送春來聯蓋侯有蕭山城隍德清總管之諺也

又慈相野橋西行祠清咸豐十一年燬光緒二十八年章正綸施逢元沈鏡濤募建又東門外烏山堯皇上主廟右及新市鎮並唐樓長橋北堦亦有行祠

昭應侯廟 續前志在市亭山有石池石橋清嘉慶七年飭有司防護咸豐間燬同治十以上前清爲通祀

孚惠侯廟 續前志神姓陸名載（北史作載）從宋武帝平關中（見陸通傳）沒後新塘人祀爲土神至趙宋宣和建炎間隣境盜賊竊發所至驚擾土著之民率衆防守夢神遣陰兵來助新塘獲安他鄉人亦來避寓嗣遇水旱祈禱更著靈異隆興元年湖州忠訓郎牒申兩浙轉運使奏請錫額孚惠（見碑記）廟燬於寇清同治年里人募建士林村有行祠地基見侯志

永靈廟 續前志神姓朱名泗晉武帝咸甯五年伐吳次年孫皓降至元帝永昌元年陣亡則侯實生於己亥卒於壬午年四十四歲宋陳錢有永靈神號加封記西廟清咸豐十年燬同治四年程秋舫等募建東廟同時重建

東嶽廟

續前志在城山之陽劉王廟右清咸豐庚申燬光緒十二年里人僅建山門供東嶽神像於紫陽觀按神姓歲（音未詳）諱樂（五岳真形圖）歷代帝王致祭宋真宗封

禪加封天齊仁聖帝又封雄威將軍為炳靈公上后號曰淑明（宋史一百二卷禮志一）為上古之神後世易失考據新市鎮行宮在保甯橋宋姚燾有碑記兵燹後重建

惠應廟

神姓魏名新侯志云嘉泰十三年特賜惠應額按嘉泰為宋甯宗年號祇四年五年改開禧十三年當為嘉定矣一在梅林村一在後莊村

吳大帝廟

在大麻塘口清咸豐年重修

靈應蔡侯廟

神姓蔡名欽廟在關村及蔡家高橋清同治年復建

顯佑沈侯廟

神姓沈名慶之見前志

大王廟

在東門外小虹橋東北漕艘出運時於此祈禱因寇至燬地存一在新市步雲橋西清光緒初年僧恬峯募資建復

按神姓謝諱緒行四為南宋時臨安諸生讀書金龍山宋亡赴菴水死明景泰間建廟沙灣清順治三年敕加顯佑通濟封號（清會典）

禹王廟

在縣東南徐家庄祀夏禹殿宇寬廣

越王廟

在洛舍市祀越王勾踐之神像其廟現存大殿二殿旁陸上警察分所

劉王廟

在城山之陽東嶽廟左清光緒八年建復後殿餘廢神姓劉諱詩字信叔德順軍人宋紹興十年順昌初捷兀朮兵大至詩會諸將議或請全軍而歸詩曰吾軍一動彼

踰其後使敵侵軼兩淮震驚江浙則生平報國之志反成誤國之罪竟以二萬衆破金兵數十萬拐子馬覆焉三十一年為江淮浙西制置使翌年以憤懣嘔血卒諡武穆（宋史

德清縣新志

卷三 建置

二十

三百六十六卷）里人丁炳勳林昌熙為撰聯曰神河昉乎山書生為儒將捷奏順昌祇憑一戰奇勳名垂宇宙地無恙也因故址拓新規模溪隔餘不願續千秋鉅典崇祀馨香一在新市鎮之中市旁有李橫像橫跨部將也病劇以李橫權其軍（新市鎮志）或以為宋劉翰未見有據姑闕之但詩翰均未封王同時有劉光世者破方臘有功以與時浮沈不為秦檜所忌開禧元年追封鄭王方諸二劉遠矣相沿稱王後人混詞也餘見雜志

蘭相如廟

續前志在蘭村俗稱蘭公院南北有二北院民國四年衆社重修旁有廉頗像相傳墓在士林村羅安橋西北按蘭為趙人墓在邯鄲西南德清廟祀之意不可解

或別有因

寺觀

慈相寺

續前志在縣北石壁山陽晉成帝咸和中建號石壁菴後廢（府志）唐元和和中復建石壁院宋治平二年改今額（侯志）清咸豐十一年兵燹同治開僧衆募建各

房而大殿及鐘鼓樓等處均荒蕪光緒三年重建千手觀音殿並頭門餘未復舊觀按明邑令方日乾有游慈相寺詩（府志）甚古雅

大中乾元寺

續前志在天寶橋南（即阜安橋）吳光山之陰前燬於兵後僧建舍二進今亦傾頽矣地存

保慶寺

續前志在西郭外積穀山清咸豐十一年兵燹僅存蔡庶殿手書佛光普照匾一方同治十三年邑人莫興京僧賦緣募建西隅呂祖殿三間懸有嘉慶御筆玉清贊化金字

匾額光緒四年蘇州龐懋高隸書化普若南四字蔡鐸碑已剝落光緒七年重建大雄寶殿邑人陳開萃書額二十四年僧天福募建千手觀音殿父老相傳本名大悲閣建文帝程濟曾避此故俗稱皇宮蟠龍石現存按建文由京口過六合至襄陽往滇陸行或不至此姑存一說而已

延壽寺

在關村侯志謂梁天監中邑人沈慶之捨宅為寺按慶之卒於宋廢帝乙巳景和元年距梁武帝壬午天監元年已三十六年則捨宅當為其後人矣清同治年里人建復

真教寺

續前志在鍾管村清康熙十一年知湖州府同知于焜重修觀書古刹崇光區額今尚存嘉慶間復修咸豐五年改建大悲閣現已荒蕪寺前有雙井年久淤沒

永寧寺

在白彪村

八勝寺

續前志在韶村俗稱大廟清同治年里人募建

慧通寺

續前志初在新市鎮西後建於北柵匪亂廢明金寶有碑記

覺海寺

續前志在新市鎮唐時武康有興善寺廢元和十年鍾思深請於刺史薛戎移額建此(府志)清乾隆十七年四月觀音殿燬所有諸天五十三參悉成灰燼而木觀音像僅存一尊住僧等謀於衆募資重建情里中厲某復刻觀音像乾隆二十五年八月落成殿前植松柏十二枝(詳碑記)洪楊之役贖存金剛殿頭山門同治年脩建靈泉山觀音殿光緒二十四年鐘人鍾鼎文僧維福募建按寺為唐鳥程縣令朱集所捨宋黃庭堅沈清明胡荻均有詩仙澤志餘

梵行寺

續前志在縣東四十五里苦竹村唐咸通初建號永思寺宋治平二年賜今額(府志)

大善寺

續前志在唐樓廣濟橋西唐貞觀中署曰大明寺燬宋治平初賜額永明有禪師卓錫於此鑄鐘凌井俱名永明二年改今名趙孟頫書額嘉靖間為倭所燬隆慶初卓見齋捐五百金寺僧募緣恢復卓明卿復益大維殿文殊普賢像有樓曰淨業殿前有柏樹一蔭蓋故許每陰雨則吐烟暑日有大蟒蛇蜿蜒其上寺中指為怪異清乾隆間大殿歌倚里人錢廷連等倡募重修華南巡儼然有叢林氣象嘉慶間復修廊廡道光十年廣修上人續募重新至十八年告竣咸豐十年七月二十八日太平軍至燬今僅建山

德清縣新志

卷三 建置 二十一

門數椽餘皆荆莽臥碣可慨也(府志參唐樓鐘志)有卓明卿陳效碑記並諸人疏引詩

安國寺

續前志在下舍村清乾隆元年起建嘉慶七年勾壘范彩章同治十三年僧悟緣先後重修頭門伽藍金剛大殿如來羅漢二殿並觀音大士均裝金像民國五年僧通覺募建關帝殿三間

華藏寺

續前志在吳巷山南兵燹後里人捐貲重修復圯未建地存

妙嚴寺

續前志在西郭外大壯嶺東清咸豐十一年兵燹僅存觀音殿並蔡啓樽紫雲閣額蔡之定開妙額同治間僧衆募修並建僧舍數間今亦頽損閣下有池米泔色大旱不涸向有玉樓春牡丹一叢年開數百朵大冠全邑被人鋤掘而死亦可惜也

越山寺

續前志在烏山之陽兵燹後僅建僧舍未復舊觀瀑布泉俗稱越王泉謂勾踐曾至此故名

寶覺慈光禪寺

續前志建於古城之上俗稱城山寺兵燹後至光緒初年住僧募建大殿三間齋堂三間僧房廚房各兩間

開封寺

續前志在積穀山陽兵燹燬清同治十三年里人蔡兆馴沈志宏募建寺前蔡鐸碑記已剝落韓元吉姜夔均有詩(府志)

保寧寺

續前志在大壯嶺之陽即梅塢寺清道光二十年邑人蔡廣颺呈請以寺產印單繳縣貯庫勒石禁賣咸豐辛酉燬光緒間住僧法清陸續募建(民國二年又捨銀四百元補助茅山高橋知事戚思周為題額曰功德利濟)寺內碑石寺前古梅猶存侯志謂宋高宗紹興八年仁懷朱皇后捨宅為功德院按欽宗朱皇后祥符人隨宮北遷不

知崩所開慶間益仁懷父伯材武康軍節度使(宋史二百四十三卷列傳五)捨宅事宜續考

永興寺 續前志在平陽嶺兵燹後僅建平屋數間

吉祥禪寺 在丁山之陽明萬曆間邑人戴懷谷闢丁山下馮吉祥地建禪院即名吉祥開山之祖（餘見前志）清咸豐谷

十一年燬同治光緒間住僧陸續募建前植牡丹已萎後人補種邑令何太青碑記存

報德寺 在東衛里花山清咸豐兵燹後祇建僧舍大殿未復

清勝寺 續前志在關山之陽宋王孫趙孟頫築清勝軒讀書其處元初因以名寺庭前銀杏一株一本三幹皆已合抱蔚秀如錦軒為孟頫讀書時所手植

覺華寺 續前志在新塘村梁天監中郡人沈悅捨宅為寺號華林宋大中祥符元年改今額有經幢唐會昌僧清雲建（府志）清順治五年重修康熙十二年徐倬復建乾隆

八年沈述震續修同治間寺僧因兵燹募費建復

清福寺 在戈亭村清咸豐辛酉年燬廢地存

西蓮禪院 在連山馬迺嶺下今廢

德政寺 在大麻村現存前殿餘廢

宣化禪院 在乾元山頂清咸豐五年冬焚燬丁覺源捐貲建復十一年燬於兵同治七年蔡兆麟沈駿飛丁覺源募建沈芬撰碑記康熙癸丑知縣侯元業撰有六年為牧心

如持兩度登山意自閒聯雍正癸丑鄂渚王武應又有峯末登臨看那上天下地已徐本章要在放開慧眼雲間靛賞問他萬壑千巖本來面目還須打破情關聯同治己巳徐本

德清縣新志

卷三 建置

二十二

立重書虞徽有高士庵碑記吳綺有詩

鳴因寺 在新市鎮大南欄本名明因俗稱南寺清同治間重建殿東有陳洲娘娘像婦女祈禱不絕殿西有祖師堂供運池大師堂前有骨塔三座每年清明冬至葬寺僧及無

主屍骨於其中按寺為吳越國時餘杭令章靖所捨仙潭志餘

廣福寺 在上初鳴兵燹後至光緒初年里人集貲重建

眞常妙覺禪院 在縣西赤崗山久廢

瞻紫禪院 在吳蓋山陰之半山清咸豐庚申年兵燹同治六年住僧浩然邑人丁覺源鄭開熬募建清明前後鄉愚拜香會必由此而達山頂

慈報禪院 在積穀山陽開封寺西半里今為茅庵存有寶珠山茶花

長慶寺 在西郭外玉崗山陽即東山庵旁有東主泉清同治十三年里人建為土地祠

潮音庵 在下市清光緒年間里人重修

寶壽庵 在東衛村百樑山之陰俗稱茅蓬清光緒初年里人建復

采石庵 在蠡山東之半壁山面水背山幽勝可憩清同治後僅建觀音殿巖道風額已被燬

慶雲庵 在吳蓋山陰乾元寺右久廢入民佃

清溪庵 在城山之左麓侯志謂為報恩寺下院實今之大藏庵也邑令周宗建棧有綠萼梅十數株題額曰分梅館清光緒初年里人募建羽士李來因復於庵前遍植梅花芬芳較勝惜無恆產漸形頹壞

金蓮庵 在吳差山之陰山澗向有金蓮因以名庵邑侯侯元業題聯云山厂有泉真可飲竹竿為幕已成隣清咸豐十一年燬光緒年間邑人鄭開泰同僧募建庵左舊有石路通瞻紫禪院四圍修竹頗饒幽靜

琴山寺 在平陽嶺北兵燹燬清光緒二十七年里人募建平屋數椽

紫陽觀 在市亭山陽大南門街大觀供玉清元始天尊上清靈寶真君太清太上老君畫像蓋做釋氏以本性為法身德業為報身並真身為三清其實一人耳山門供玉樞火府天將王靈官陸恩像考道書陸恩嘗從薩堅傳符法而明弘治元年禮科張九功均請停祀（明史卷五十禮志六）清咸豐十一年觀燬僅遺大殿衆妙之門匾額同治間里人募建又二殿移供東嶽神像邑人莫與京段復信等復募建呂祖殿斗姥閣今稱梵雲壇下有方池石橋（山門右土穀祠祀徐不亭侯）

元峯觀 在吳差山陽清咸豐間燬光緒末葉木作張聚和集費建造平屋三間觀內山岸下向有石碑已毀

紫極觀 在太堡塘文墅山陽清咸豐十一年燬光緒十二年里人姚珍三姚文士高世榮周鑑募建廳樓廡樓越二年德清千總詹培材外委陳寶成創建前殿山門供奉呂祖像設鸞壇舊例邑尊委員春秋致祭

佑聖觀 在溪南見山門內清咸豐十一年燬同治八年邑人袁芝齡丁覺源蔡兆騏募建前而緹以墻較舊制更勝許松撰方敏重修記勒碑現嵌殿右牆內天井有鑿花大石

德清縣新志

卷三 建置

二十三

樓二極古舊一在西門城左首下岸即盤詰廳基地今廢

按北極佑聖真君者相傳乃玄武七宿宋真宗以避諱改為真武靖康初加號佑聖助順靈應真君圖志以真武為淨樂王太子修煉武當山功成飛昇披髮跣足建皂纛元旗馭龜蛇以鎮北方乃道家附會之說也明太祖謂平定天下有陰佑功於三月三日九月九日遣使祀之（明史卷五十禮志五）以補許松陳靈所未記（此帝王故智也前清禮廢

開元宮 在縣西百寮山之西清嘉慶二十四年邑令何太青等重修蔡之定撰碑記咸豐十一年燬同治十一年善民沈望之邑紳蔡兆騏募建玉皇殿光緒六年道士施至善募建斗姥閣光緒十三年成衣朱夢龍等集費建軒轅殿三間

得一觀 在縣西赤崗山久廢現存聖堂

五福觀 清咸豐辛酉年因兵燹蕩然無存同治間於鍾管村永安橋東買地一方建築數椽光緒初復營前殿惟後之三清殿尙未建復

紫金庵 在市亭山隅清同治年人重建

集聖寺 在楊家塢六稜山清咸豐辛酉年毀壞同治間里人談祖功僧蓮福修葺光緒十九年住僧慧松募建大殿

五石菴 續周志周宗建旂林勝蹟四大字秀媚勁挺見者重之清嘉慶間日就模糊僧慧撤其居而新之清涼散人惜其真蹟淪亡命工聖治其板鈎摹其上蓋伸其敬仰之意焉（聽雨軒）咸豐辛酉年毀廢碑記石眼（音備）屬（音未詳負重大龜也）亦碎仆泉漸淤

呂祖殿 唐呂岩以元封純陽演正警化孚佑帝君又清嘉慶九年加錫鬘元贊運四字命直省通祀惟祭品不用牲牢在市亭山北按道光季年郭氏設枕山茶樓於其地亭池

器具精雅著名光緒十年邑人徐敦讓許士英徐十麟蔡燮鈞徐永善蔡承志等議建呂
祖殿而地主鄧霖遂輸助焉殿左為大悲閣右為溪秀壇照壁外放生池積三傑購助西
牆外廚房基地沈以震捐助光緒二十一年邑紳徐本奎等稟准縣官春秋致祭
禮節器物視祭玄帝制並列入祀與民國元年禮廢右廊牆上有蔡燮鈞碑記

觀音堂 在阜安橋南堤向為乾元寺山門清咸豐庚申年燬同治初年邑人
重建東廂樓下有斷碣一神座左有道光季年重修阜安橋碑一

威武侯祠 即吳堯山陽橫街頭之土地廟侯史無可
考俗稱宋將楊再興清同治年邑人重建

裴墳庵 在丁山之陽庵前有裴休墓已湮陷
清同治初年比丘了義募資重建

神林祠 即邵先生祠在小南門外神林村諱圭
潔常熱人秉鐸德清有政聲鄉人祀之

萬壽庵 亦在神林村清同治間重建明邑令
周宗建題額曰妙光常朗今尙存

古清溪祠 在仁德門下之溪塘上清明日各社迎載侯神像踏勘
險塘憩於此廟演戲敬之兵燹後建復右首關帝廟同

大悲庵 在大南門外赤土山麓有二泉出紅蟹向為
徐氏所建燬於清咸豐庚申年現存荒址

地藏殿 在峻明橋西東嶽廟之左燬於清咸豐辛酉年同治九年
邑人許秉鈞徐本懿倡議僧宏福募建殿宇三間餘未建

玉皇宮 道家稱昊天上帝亦曰玉皇大帝宋徽宗上徽號曰太上開天執符御曆含真體道
吳天玉皇上帝冬至日祀天於圓丘帝政時代奉為大典而人民亦附會之宮在縣
南金鵝山頂明崇禎十五年知縣符適中建清咸豐庚申年燬同治八年許秉鈞許運隆
徐厚生王雪樵阮葆林認費重建道士李來因監其工後有金鵝潭潭西有斷碑已剝蝕

德清縣新志

卷三

建置

二十四

又開元宮有
玉皇殿見前

巧仙祠 即張魯二仙廟在玉皇門外關帝行宮左清咸
豐辛酉年兵燬同治間泥木石三業集資公建

綠瓢禪院 在西門外之瓜山辛酉劫後荒蕪光緒十三年邑人陳金錄徐本奎僧劍池募建
佛殿山門又於院左建呂祖殿蓋石鑿池栽桃李植桑竹籬垣週繞漸成勝境其
徒法藏與有力也民國五年知事吳鷲皋游其地助銀百元另建一軒
並為文記其事警官陳偉方題曰鶴居馮震曹福餘等復伙助其成

巴公祠 在東衡村大橋北地俗稱祠堂前有古井已湮塞清同治初年遭兵燹光緒七年
里人章恩溪等修葺之（見徐宗璞記）民國二年將市租酌撥日知學校徐留社
祭

高侯祠 在縣東北白羊圩神名傳四川忠州人明天啓丙寅來知邑事有惠政（見治
行傳）入祀名宦祠民感其德立祠於此俗呼高王廟清同治年邑人建復

太均祖殿 在縣北十五里北尺山嶺神姓陸名圭世為昭慶軍人生於熙寧間以祖澤補右
僉兩調泗州真州兵馬都監宣和中大歡發粟賑饑存活百萬計值方臘弄兵東
南大震軍師調圭引兵駐浙江進嚴州與賊戰賊敗而遁暨師還錢塘而卒遂為潮神
淳祐間錢塘江復大決有司隨築隨圯神與三女揭旗空中浮石江面以顯其靈隄賴以
成浙西帥臣徐夔以其事聞於朝乃賜額曰協順廟封爵曰廣陵侯封妻姚氏為花錦夫
人三女為顯濟通濟永濟夫人（府志）後又益以德清徐氏夫人俗稱四殿太均是也
似愈附會德清各廟有賜子太均像大都因求子而設多不知其歷史者也

堯皇祠 在東門外鳥山之陽該以堯皇為土主俞繼撰有耕而食藝而飲相傳中古遺風尙
存廟貌春有新秋有報願與故鄉父老同拜神祇聯另殿三間為戴侯葉侯柳侯三

神行祠清明節必賽社
清同治中年里人重建

柳侯祠 在西門城上兵燹後里人公建俞樾撰有聯句

稷穀祠 在西門城上街清同治間里人重建供西關柳侯像民國元年設務實學校像移西門城上柳祠內

范蠡祠 在蠡山之巔范大夫常隱於此後里民奉為土主神清光緒初年修建

葛仙祠 在東門外葛山之陽葛洪隱此修道因以名祠兵燹後里人修建

海神祠 在大麻區海卸村清光緒初年重修

玉樞觀 在雷甸市建造年無可考傳謂潘洞雷羽士建洪楊時燬同治年里人重建三清殿餘未建復

北聖院 即北聖堂在唐樓水北廣濟橋西明崇禎間修葺後圯清乾隆辛巳住持朱某募建大殿道光初年大善寺僧廣修募費重修咸豐十年燬同治五年道士周笛仙鑲人

姚桐等復建三官殿及客堂六間（唐樓鎮志）

棲霞禪院 在唐樓北聖院西明末僧朗月結茅居此清順治十七年居士朱昉募衆闢地延石庵禪師重建遂改今額道光初廢今占為民居徐士俊有訪石庵大師詩（唐

樓鎮志）

關山祠 在關山之陽吳潤澤隱居於此教耕化民立祠祀之

德清縣新志

卷三 建置

二十五

玉真庵 在新市場楊樹灣即東佑聖祠清乾隆壬寅年重建

緣善庵 在新市明因寺東清順治間建今廢姜銑有碑記

顯親寺 在洛舍北與舊歸安縣連界今廢劉汝康有碑記

張仙殿 在蘭村俗稱百子堂清咸豐時被燬同治六年募建光緒十六年重修按張仙或謂即蜀主孟昶求子者每與太均並重不知迷信之由來也

慧日寺 在蘭村始於宋至元至正時重建明萬曆更新清乾隆五年住持僧明鑑德彰董事孫道林出資復造供釋迦牟尼佛按佛為印度雪山伽毗羅國淨飯王太子名悉達

多初亞利安族有婆羅門利帝利吠舍首院四階級最不平自佛降生後創萬物平等說又感老病死之三苦於十九歲出家四十餘歲得道（釋伽牟尼傳）東方之大宗教

家亦大哲學家也故到處有佛寺後人信之者衆政府以人民信仰自由因聽之

聖帝殿 在鍾管村東供玄武真君像明時倭寇經此相傳神忽顯靈令盡遭覆沒因名其處曰倭斷涇後因殿宇失修遂移像於潮音庵現遺有却寇庇民匾額

水北祠 在大河壩相傳為宋福王二女長為水南土地次為水北土地極靈應墓在皇姑山又有水西廟在庫橋西水東廟在庫橋東皆女主稱曰建興之神按福王唐樓襲封

數世元師由臨平入浙王隨帝駕航海而亡二女慮為所辱投水死屍浮七日不腐里人鳴於當事奏封長為水南次為水北土穀之神唐樓鎮志

文明塔 在下關山之陽每層塔磚有魁星像其塔尖開清道光初被大風吹去塔下有關聖祠今廢以上續侯志

鎮北塔 在關山溪之輝山清嘉慶二十三年知縣何太青語紳士云輝山為惠清之門戶宜建高塔以補缺陷遂糾工建造至二十五年告竣後於其下建何公塔院咸豐十年

塔院燬同治五年僧良明重建光緒十九年里人於院側募建呂純陽殿設餐雲壇壽花鑿池更覺幽勝

教堂

天主堂 一在城內縣西街一在下舍市一在新市鎮十景塘一在洛舍鎮一在戈亭一在關村一在鍾管

耶穌恩典會 一在白雲鄉一在雷甸市

耶穌長老會 一在城內戚家弄一在新市鎮東柵一在韶村一在洛舍鎮一在戈亭一在關村一在鍾管一在白彪一在士林村按天主為舊教耶穌為新教二教規模不同其崇尙一神則同也天主者謂創造天地人物之主（見創世記）耶穌者云上帝之子也始於唐盛於清道光季年通商後各國訂有約章許民自由入教國家保護之

坊表

奉國坊 在德清北門外慈相寺前今圯

文明坊 在新市風橋東明洪武三年為舉人王軫立今廢

臺諫坊 在新市巡檢署東為明刑科給事中陳憲立嘉靖時毀於倭寇

尚書梓里坊 在明東街嘉靖十三年知縣陶廉為工部尚書蔣瑤立久廢瑤後遷菱湖（仙潭志餘）

喬木聯芳坊 在梓里坊東蔣瑤為外族李崑立

德清縣新志

卷三 建置

二十六

按蔣瑤新市人明史作歸安弘治己未進士正德中出守揚州會武宗南巡供費不貲中貴人誅求無厭瑤以法自持致身庇民屢犯上怒竟以忠誠見知累官工部尚書朝野倚重卒年八十有九贈太子少保諡恭靖仙潭志餘

力追陶孟坊 在新市東嶽行宮前清乾隆三十年為胡承裕妻楊氏立

節孝坊 一為節婦姚氏一為節婦張氏立均在鍾管村鐵家墩

節凜冰霜坊 在慈相路西清乾隆十三年為沈凌奎妻張氏立

彤管流徽坊 在小南門外東聖塘清嘉慶二十八年為口華玉妻陳氏立

瑤池冰雪坊 在白米塘清道光五年為嚴州府學訓導蔡黼廷妻徐氏立

附行宮陳蹟

粵稽古聖王巡狩止宿凡車帷壇壝皆名之曰宮行者以警蹕之所在也 被以斯名列諸卷末殊令人念秦皇漢武遊幸之奢而今都成陳跡宮花 寥寂徒供憑弔所謂秦人不暇自哀而後人哀之焉

在運河南岸唐棲境內向由德清辦理大差圖說見周志

南照牆 前宮門 四圍磚牆 垂華門 東宮門 東寶座 西宮門 西寶座 花園 六角亭 馬頭亭 石岸六十丈 又阿哥所 宮門 正廳五間 左右遊廊 軍機處公館一所 扈從大臣公館二所

卷三勘誤表

頁	面	行	字	原	文	更	正	備	註
四	前	五	十	盡		(衍刪)			
四	前	六	廿	文		昌			
十	後	三	四	辨		辦			
十	後	五	十	泉		泉			
十九	後	十	十一	上		土			
十九	後	十七	四	候		侯			

卷二勘誤表內第三頁後面首行十八二字改十七原文又字改毫更正又字改毫



40240101
41
新

德清縣新誌

羅迪先
署簽



德清縣新志卷四

食貨志

戶口 照編起丁

乾隆十六年編審實在丁口六萬三千三百八十七人內市民丁口一千二百六十五鄉民丁口六萬二千一百二十二

二十一年編審實在丁口六萬三千七百七十二人內市民丁口一千二百九十鄉民丁口六萬二千四百八十二以上各丁口內市民一千八百五鄉民五萬五千九百三十九計作定額推入田畝徵銀其餘作盛世滋生永不加賦 府志

嘉慶十一年造報戶九萬四千七百八十三大丁十二萬三千三百零五小丁九萬一千八百十五大口十萬二千六百四十七小口七萬三千七百二十四合計全縣丁口三十九萬一千四百九十一

德清縣新志

卷四 食貨

咸豐間因庚辛兵燹省縣檔冊俱毀無從詳查

同治十一年實在人丁行查未報 署德清縣汪榮任

光緒迄宣統間 光復時檔案散失無考

冊民竈丁戶口無 宣統元年十一月知縣姚肇椿申復文卷

魚丁七百八十戶 同上

民國六年冊報

普通 男十萬一千六百七十六丁
女七萬三千九百五十四口

船戶 男七百九十九口
女四百六十六口 公共處所 男三千七百八十八口
女四百九十九口 寺廟 男五百三十二口
女一百四十三口

合計丁口十八萬一千八百五十七人

按乾隆二十一年迄嘉慶十一年相距不過五十年而嘉慶人口六倍於乾隆所云盛世蕃生 周志 原諛詞耳然敢定嘉慶之人口數實非實豈敢率報乎乾隆之人口數虛因推想當時縱規定照糧起丁而人民懾於照丁起糧未



敢實報當事者亦無非照例編審而已咸同兵燹而後死亡流離前無確計迄於今茲戶口之數半於嘉慶雖自調查所得疑信猶在參半以意度之當不止此數也

農桑

清邑西北多山東南多水山多砂石故近山田地皆礮礮水勢流濫少停蓄故近水田地皆粘埴地必歲鬻泥以培之田必屑豆餅以糞之否則不能望地德之滋生也以礮礮粘埴之故牛鮮能犁必人之強有力者盡力耕治又無水泉灌注之滋故經旬不雨必屛車引水而入無高原放水之便故數日積霖必踏車引水而出又害稼之蟲種類不一驅除爲難或油潑其翼以鍛之或漬於水遍灑以殺之或視苗有萎狀亟剪拔之俾無蔓延或用治蟲新法分別護之除之然此蟲災多在深秋最難補救至收成之薄一畝石許者幸矣甚者僅數斗耳曩者遇是米色不堪充漕卽充漕又無以卒歲因貸米富室而預擬來歲買

絲以償之者不啻十之六七此清邑農民之苦也湖郡蠶絲之利清邑與焉然以瘠地而廣植桑地力不足故芟培之功不遺餘力偶一不謹則葉量頓減又桑性惡濕如逢水澇桑根受浸輒死此植桑之難也育蠶之家桑葉都不足而籩筐薪炭油燭之物又無一可缺必預貸資本於富室而買絲以償之者又十之六七其或天災爲厲或人事不至則蠶利又不可必故有終歲失望而反負富室之資本者此清邑育蠶之苦也

農時則春墾地修桑夏耘田播種芟草澆肥春夏之交除比戶育蠶外耕種副產物又作搜除害蟲事早稻十月間收穫晚稻十一月間收割穫稻既畢播種豆麥及菜并礮穀春米結繩排簾極忙時間在五六七月蠶事田事須同時並舉或蠶事甫畢又急切種田所謂纔了蠶桑又插田也至農具凡墾具蠶具等皆係舊式故如耒耜鎌刀鋤頭水車礮車春臼等件均甚笨重又如蠶籩蠶筐葉筓切刀絲車亦不如新出器用之便

農人數有十四萬五千二百十四人佔全縣人口百分之八十弱現除農業亟須講求及農產物另詳物產外所恃者厥惟蠶桑人莫不言蠶桑利厚我以為其利不厚已如前述然其致薄之因與養育方法有關故育蠶栽桑亟須參用新法日求改良惟成法中自經驗所得者亦非不含有至理向無專書茲並錄之用備采擇焉

育蠶

朱國楨湧幢小品蠶性喜溫和惡寒熱桑葉宜乾忌濕節其寒暄時其饑飽調其氣息常使先不踰時後不失期而舉得其宜則所收率倍常數

徐獻忠吳興掌故蠶室以單衣爲寒暄之節單衣覺寒則添火單衣覺熱則減火四面宜窗南風閉南窗北風閉北窗天時不能損其利惟西南風起天時潮悶蠶最忌日本新法下用地板空其底上用天窗洩其氣或可稍減

湖屬蠶時多忌諱尙鬼神篤守舊法不信改良每有全功盡棄而虧本者可憫

德清縣新志

卷四
食貨

三

也

張履祥補農書蠶畏風雨霧露卽烈日亦不宜食熱葉則繭浮鬆不可絲其害淺食溼葉則潰死食溼熱葉則殭死食霧露葉則萎死食黃沙葉則脹死而人不知備未爲全策也費南輝西吳蠶略葉忌澆肥忌帶熱忌煎燂油腥飼一周須換替替遲則蠶受蒸沈鍊廣蠶桑說育蠶以屋多爲貴如屋不多便須多設曬簷以蠶架架之

吳興蠶書蠶易致病俗稱爲憂蟲受一分病卽減收一分調護之道戒貪戒懶夫蠶之所需者人工桑葉屋宇器具四者備而後可以成功若不量己之有無一味貪多務得必致餵飼缺葉布置少筐擡繅乏人安放無地人旣受困蠶亦受傷此貪之致病也按農家非不知此每因貪多務得致葉騰貴拋棄於河者不鮮

農桑通訣蠶之病一曰殭有紅白二種用白馬糞燒煙薰之可治亦猶馬病用

瘡蠶取其氣相感也凡瘡死身直者必傳染無遺或因風或因人或器具彎者猶

冀收成三之一然臨熟病蠶速捉上山旺火灼之亦能成薄繭竟可因此達彼宜慎防

陳敷農書云蠶傷溼或傷風成黃肥傷冷成亮頭而白哲傷火成尾焦致病之

由雖有數端顧未有不由失葉者甚矣失葉之為害大矣

蠶貪溼葉或氣水葉或沙繭溼熱則成白肚有乾有溼乾者節高身縮而無水

溼者節高而足流白水滿筐游走無定俗稱爬蠶

凡病濕白肚用石灰末勻篩一層於筐俟蠶行起以葉飼之兩頓後再用石灰

化水遍灑葉上令蠶食之病者即死不致遺染無病之蠶一審其足流之水立時亦成白肚故一見即宜早治早捉

又有一種有絲腸而不成繭者今稱縮婆子係山棚上為風吹襲所致與白肚

有明暗之別縮婆子身明亮乾白肚身暗滯

一曰乾口孃蛻至半身而止此有兩種一是蠶病濕尾必黏一是蠶病乾身必

燥此用石灰過重剝去其膚仍無害

德清縣新志

卷四 食貨

四

一曰青蠶或受沙蒸或受風濕並足致此

一曰壯青乃食肥葉而成蠶身分外粗壯色深青而不眠俗謂蠶不眠人然亦間有被醫者毒入內能令

人寒熱以葶藶葉搗汁塗之即愈以蠶畏葶也

蠶懼雷雷鳴時蠶室內須有人護之

蠶種 鄉農無顯微鏡不能別選種子應先擇強健無病之蠶大眠後飼以蕪

胡貢切頭葉蕪頭力旺蠶食之亦力旺老則另棚上之取以生蛾 凡繭尖細

緊小者雄圓慢厚大者雌採時對半審定置於風涼處勿搖動使蛾受驚不

能生子俗謂癡蛾每繭二劬半生子可滿一紙幅紙大者需繭三劬吳與蠶書

蠶蝟變蛾極遲十八天蠶餬繭出口多在子丑寅三時金門黃為上銀門白

次之性極淫出繭即交約以六時為期其氣方足其交亦鬆即解去雄蛾取

雌蛾置紙上生子每幅紙約三百五六十蛾吳與蠶書近時多采改良種由蠶業

改良場製發采訪稿

選蛾 凡出一蛾雌雄各貯一器免其自交不能齊壹折翅禿眉焦尾赤肚等概棄不用對時不見風見風易拆自行拆散者謂之走對以小盃覆之則復

對 廣蠶桑說

布子 子以勻為貴疎不留白密不成堆紙宜掛起俾無力之蛾墜於地有力之蛾踞於紙所生之子方純不雜空缺處須即補越宿補則來年蠶出不齊

廣蠶桑說

蠶之出繭第一日謂之破臙第二日為旺朝第三日為末朝對蛾生子取旺朝最宜 吳興蠶書 客種生子數年變劣地氣限之土種生子數年變優人力為之退化進化之理不可不知 雌蛾無偶生淡子淡子色不變久之自癢

原蠶生子圓轉如錢不與諸蠶同帶紅色者俗以為吉祥之徵名曰喜紅子

吳興蠶書

送蛾 子已滿紙將蛾祝而送之詞曰阿娥轉圓圓今年去了明年來

原蠶 即頭二蠶一名旣珍周禮夏官司馬職禁原蠶注云原再也凡二蠶繭

蛾生種謂之頭二蠶種次年清明後即担而養之 担拂也 名頭二蠶時頭蠶

尚未出也其眠其老甚速纔兩旬即收繭時頭蠶甫大眠也出蛾生子是為

二蠶種頭二蠶繭甚薄若縲絲極折耗鄉民作偽有攬入三眠繭售於繭行

者宜禁其繭殼繭黃蠶沙皆入藥殭者尤不易得治天花有回生之功

晚蠶 即二蠶一名夏蠶時入夏季也蠅蚋咕嘔臭穢生蛆繭多穿頭絲少堅

韌湖屬重蠶桑二蠶歲熟足為頭蠶歲荒之助不可不講求也

柘蠶 與頭蠶同時食柘葉

泥蠶 身花黑亦與頭蠶同時可飼以泥葉

秋蠶 在三蠶之後時入秋季可育至五蠶為止 五蠶絲光而堅可作弦線之用

野蠶 在桑上作繭此為天產品湖屬甚少 清光緒二十七年秋邑之東北鄉桑蠶作繭甚夥每戶搜售於菱湖鎮有多至八九

元者鄉人以為天賦云

春蠶 有三眠四眠兩種同一繭量而四眠出絲重於三眠舊習慣好育三眠是未知四眠之性與物種進化之理耳

浴種 糞例以臘月十二日為蠶生日取清水一盂或加石灰或用鹽瀉浴之再以清水噴去灰鹽能去蛾溺而殺劣子掛於無煙通風處以乾之忌葶麻索及孕婦產婦

鹽種繭細而尖 灰種繭大而鬆

蠶前有禮拜經懺者謂之蠶花懺今漸稀蓋悟其迷信也

護種 清明後穀雨前天暎則置之牀上天寒則懷於胸前宜老翁老婦取其溫和適中也天忽驟熱宜將種放涼處

担蠶 蠶子將出必擇暖室用鵝毛担之如遇陰雨或用草薦圍之或在床內

蠶子先後不齊或以桃葉火炙之或用野薔薇葉俗名做絲花焙燥研末篩於蠶

紙上越一時蠶得葉香螫者盡出青蠶要旨董蠶舟樂府小叙

德清縣新志

卷四 食貨

六

蠶鳥 蠶初出曰烏爾雅翼曰蚝餘諸書曰蟻蠶鳥出齊後採嫩葉切細薄摻

蠶即能食凡未食葉以前即一二日不飼不致餓壞既食葉以後稍饑即斷

絲腸不可不慎育蠶要旨

初眠須六七週倘用火較速三日三夜可趕頭眠同上但日後往往生病廣蠶桑說

不若冷看之妥惟遇寒可用火以免畔癩亦作繭蠶畏冷藏葉底不肯向上食葉謂之畔癩烏兒每重

一錢十六兩可得出火一觔大眠四觔並二十兩為中平之率遺開瑣記蠶初生時

忌屋內掃塵忌敲擊門窗忌哭泣忌淫穢忌煙酒毛髮酸辣香臭各氣忌猛

風烈日西吳蠶略蠶喜靜惡鬧忌新漆油器

飼蠶 初眠後葉略粗二眠後用葉片三眠後連枝與之大眠後惡燥葉可用

清水微灑之董蠶舟樂府小叙每日布葉五六次遇天寒設法暎之廣蠶桑說大約每輟

火蠶一觔廿四兩自收下至上山喫葉一百八十觔十五兩此上上蠶也稍平

者不到此數育蠶要旨按民國五年初時葉價每百觔約一元八九角大眠時每

百舛自三元躍至六七元二葉每百舛自三元躍至五六元究其由來一因桑枝茁葉少於上年二三成一因育蠶多於上年二三成以致蠶多葉少虧耗不貲平均計算每葉百舛約價兩元須在六分以上何如少育之減輕成本耶

眠頭 初眠曰頭眠次日二眠三日輟火四曰大眠已眠者爲眠頭已起者爲

起娘火蠶之眠疾而齊如見紅攪絲卽宜驟音攪分除沙繭音替冷蠶之眠略

分先後須審其眠十之二三方驟惟不可早早則食葉者多不能不多飼飼

多繭厚又難復驟必受鬱蒸之病亦不可遲遲則眠於沙繭者多既不勝檢

捉之煩且致沙繭奄抑之患吳興蠶書朝見眠頭夕定繖夕見眠頭朝定繖其蠶

必佳將眠葉不可多眠則擲置他器曰捉眠頭育蠶要旨董蠶舟樂府小叙頭二眠蠶小不

能捉但去沙屑謂之引替先以蠶網舖蠶身再以葉舖網上蠶自引上凡蠶之眠者皆先吐絲著繭

以纏其足謂之做繭須停火停葉勿使風襲尤不可撞動蠶筐初但伸嘴向

德清縣新志

卷四 食貨

七

上挺身不動再候之則吐珠矣蠶嘴上伸出圓點如綴珠然吳興蠶書

引青 不眠者謂之青條定繭後用礬糠灰摻於面上用葉片剪開貼在繭上

其青自來捉之自盡育蠶要旨有眠於繭底而不上者須繭開面上食葉之蠶而

以底中之眠頭另貯之吳興蠶書

驗眠頭起娘 眠頭身體堅實向明照之色深綠者爲無病疲軟紅黃爲有病

葉繭乾燥沙矢堅結爲無病葉繭潮潤沙矢汚手爲有病俗用清水一盃取

眠頭十個除淨纏脚絲投之皆沈者爲有十分收成九爲九成以次遞減起

娘初蛻昂首張尾色如羊脂者爲無病頭垂尾斂如陳倉米色俗謂之著黃

布衫放葉後卽尾流清水矣吳興蠶書宜檢而棄之

餉食 眠後看繭上有白絲如綿謂之楊花繭然後可以餉食或看其嘴上由

白而黃而黑亦可餉食總以眠頭盡起爲度育蠶要旨眠一次則嘴闊一次衣寬

一次布葉太早恐嘴闊而衣未盡脫餉之腹大則難脫下矣廣蠶桑說

二眠 除糶停葉諸法約同頭眠

出火 火至三眠去之故名出火

一作輟火

近多不用火而其名仍相沿不改

遺聞

除淨沙糶檢淨眠頭用秤較量至大眠後落糶止估計收成分數

出火後問生小蠶隨娘食葉登簇作繭以蠶估計略小離母則斃 西吳蠶略

大眠 與出火同亦秤分兩每輟火一兩犬眠四兩為正額過為蠶長不及為

蠶損恆以此卜收成之豐歉

吳興蠶書

餉食時間比出火可早食葉燥可灑水氣

水葉終不可喫

要旨

大眠起後食葉愈速能一晝夜食葉十餘次則五晝夜

即老矣能多食數次更好蓋此時多食一口葉則上山後多吐一口絲也

蠶廣

桑說

分驟 蠶性喜溫而又惡潮溼每日宜蕪括一回而出火及大眠時為尤要更

有救逆之法如爛肚

傷熱吐水白肚

二種吃水葉

空頭

傷飢布漆

身有黑斑點

必須勤蕪方

不傳染如殭蠶

傷冷癘娘

不上葉生種

時對得不深

可噴燒酒或甘草水又以馬毛鋪蠶器

德清縣新志

卷四

八

內可免諸病

要旨

務本新書云擡蠶要勻要疾若堆聚多時蠶身有汗後必

病損上簇要輕要勻不使擊撞

吳興蠶要

鋪地 大眠後筐簍不敷散蠶地上謂之放地蠶蠶下地易為蟲豸所傷先須

掃淨塵埃用石灰塗塞隙穴以杜絕之鋪用稻草蓋加蘆簾以禦潮濕然後

布蠶其中並排長矮凳飼葉時以便行走

吳興蠶書

縛山棚 蠶老作繭架棚以處之謂之山棚或竹或木離地約五尺

下置火盆

均須

齊平牢固上覆蘆簾湊滿一室毋使稍有空缺

吳興蠶書

一云搭山不宜緊靠牆

壁蠶性好高必至無可高處乃止緊靠牆壁則近牆之蠶將有成繭於瓦縫

間者

廣蠶桑說

一棚高低貴得中不可太高高則不能收火氣亦不可過低低則棚下局促

不便人行

一棚忌悶以疏爽為主疏爽則氣透無悶繭之患故樓下不宜架棚

吳興蠶書

按

鄉屋多清蓋瓦風雨潮溼易侵入與蠶不宜

一棚宜寬蠶多棚小則同宮繭必多遺問瑣記

一棚宜暗老蠶見亮光輒遊走無定蠶上齊後所有窗戶悉宜遮掩吳興蠶書

架草 蠶之成繭不能無所倚傍故棚上須立草帚吳興蠶書一折帚中折而盤旋

之如蓋如筲西吳蠶略兩頭向下其形下大上小遺問瑣記一墩帚以草紐稀鬆縛之

截齊其兩頭如洗帚狀長尺五六寸圍五寸許下如覆盃上如仰盂廣蠶桑說冬

日取稻草用四齒鐵耙批去其散亂者俗名殺蠶茅稻草務本新書臘月刈

茅作蠶蓐卽此普通皆言上簇廣蠶桑說西吳蠶略

上山 蠶將熟脰節瑩徹蠶桑舟樂府小叙謂之通通則老吐絲繚繞謂之繚娘西吳蠶略

若見繚娘須先撩上帚頭用楊條帶葉者平鋪蠶面蠶老輒昂首上升遇楊

條卽緣而上楊條蠶滿提起敲音針展也於盤內次第勻撒草帚上其未老者四

圍檢捉薄葉飼之若十蠶九老趕捉上山可矣凡蠶之老性與眠頭同頭蠶

德清縣新志

卷四 食貨

九

早暮皆眠亦早暮皆老可以齊捉上山二蠶三蠶等至晚卽不眠亦卽不老須隨老隨上不能齊壹也吳興蠶書見老蠶後上山不可太遲遲則繭薄亦不宜

太早早則停山上山一二日始作繭每一帚約上五六十蠶廣蠶桑說蠶忌太稠須疎密得

中與其失之密寧失之疎一忌太熱熱則急於成繭每多同宮及遺溺汚繭

之病吳興蠶書一忌風雷蠶口吐絲遇風卽縮棚上宜四面圍護不使風入又畏

雷上山聞雷卽驚而不成繭宜用蠶蛻紙覆於棚上相傳蠶蛻卽蠶母有母

在足以護其子之畏也故担烏之後蛻紙不可擲棄同上

作繭紙法 蠶老不登簇置之平案上卽無可作繭吐絲滿案光明如砥吳人

效其法以置團扇勝於紈扇卽古之繭紙也宋史景祐四年靈河縣民黃慶

家蠶自成被見五行志據上以觀蠶爲之人爲之耶

擦火 山棚下著火曰擦火亦曰灼山小蠶宜暎老蠶亦宜暎老蠶多溺著繭

卽潮不得火焉能使燥火盆上蓋以灰離棚約二尺不可過高亦不可過低

吳興 又有冷種不必用火凡不用火者絲縷終不如著火之光抽絲時繭亦好做吳興掌故 按客民育蠶每不用火因賣繭不做絲也

或打悶煙因蠶初上山皆聚簾而未升於帶驟進火則損蠶須燒稻草以煙微薰之蠶畏煙即上帶吳興蠶書 蠶得煙即遺溺可免上帶後遺溺汚繭

至排火盆須視屋之大小而斟酌之炭屑忌竹忌栗恐其半生反致爆火視火力之微旺以為加減晝夜須人照瞭以防火患吳興蠶書 先是有鳥鳴曰春葉貴了至是又有鳴曰灼山看

火天使鳥示警意世因灼山兆火房屋財產與蠶俱燬者不一而足甚矣火之可畏生計之艱而不可不時慎也

用灼火宜乘蠶初上山時旺灼之若旺於成繭時則吐絲繅亂不及盤旋縈繞繭必厚薄不勻且多穿頭總以簾上和熱為度用旺火灼一週時後須減炭兩日後可熄火若或驟或熄則成繭縹絲必至闕丑犯切 頭颺緒諸病百出矣 吳興蠶書 跳躍上帶謂之

回山 蠶上山作繭簇簇有聲過四五日後蠶已化蛹音 始可採繭曰回山 亦

德清縣新志

卷四 食貨

十

著作女見譚默 著作堂集 夏蠶多蠅蠅子寄生蠶身俗稱蛆穿繭而出須早採早繅使蛆

不及鑽穴以防繭傷吳興蠶書 稱繭 廿四 或八劬或七劬為一吊兩吊可做絲一

車繭宜置涼爽處恐其受蒸出蛾育 蠶 要旨在未回山宜洞開窗戶使透風退熱

謂之涼山猶炒果退 涼反堅燥採時不貴速而貴淨免致污染有損好繭吳興蠶書

分數 四眠蠶大眠一劬得繭二劬三眠蠶大眠一劬得繭三劬為對花過則得利不及則失利嘗取四眠蠶之眠頭與繭細較之出火蠶一兩約計二百五十五六個大眠蠶一兩約計六十三四個是出火長至大眠實增四之三好蠶每兩計二十二三個次者計二十六七個是一兩大眠個個成繭好者應得三兩次者應得二兩六七錢俗以蠶一劬得繭二劬為對花者猶屬八折算也

擇繭 諺云蠶忙不如繭忙言拗繭之功忙也蓋回山之後毛繭堆積易致蒸損須於二三日中剝淨繭統音 荒 同統抉擇優劣以為縹絲計其時甚促村鄰婦

女必交相援助不取辛工止取繭統一作繭黃亦古之通工易事法也

按城市婦

女亦有拗繭者除取繭統外每日酌酬辛工統不淨則蒙茸難縲必逐繭翻剝去此一層以免絲類

蠶種不同統亦分厚薄丹杵種之統最厚每繭一筋約有統一兩吳與剝時

分單宮雙宮汚頭爛繭穿頭火旺所成蛆頭各置一器黃繭碧繭攪入縲絲則色

帶黃綠價必貶抑惟薄皮繭尙可無礙

縲絲 煮繭抽絲古謂之縲俗謂之做頭蠶絲光而軋二蠶絲鬆而多類音細

稱合羅稍粗者爲串五又粗者爲肥光西吳又有雙宮絲即大層繭縲絲法

不論雙宮穿頭皆可縲製日本人能之中國尙欠講求考蠶絲始於中國今

日本意大利等國且駕而上之業蠶者若再頑固如舊則土絲必在淘汰之

列可斷言也其猛省諸

再縲經絲 民國四年前農工商部展覽會邑城省立第四絲廠呈解九至十

一十三至十五頭號再縲經四絞得二等獎憑上海洋商試驗謂可與著名

德清縣新志

卷四
食貨

十一

廠家齊驅擬定購惜廠已停閉

打緒 釜中貯水八九分大沸後然後下繭用竹爪漏俗稱做四面撥盪候繭

煮透以一手捻住總緒略提數度約棄絲頭四五尺置於鍋邊

分緒 絲頭必有粗類類者未淨之繭統也將無類者用指分開有類者再提

數度逐漸分清以免躓耗 緒頭既清即分緒穿眼環過響旋互繳數轉約長

五寸絲系將絲系嵌入移動鈎針以免直綫引端上軸足踏動板運動車軸

而成絲片抽脫蠶蝟者爲上等繭留有薄衣即沈者次之蝟與薄衣即撈去

毋使湯渾普通細絲約七八繭粗絲約十五六繭添絲接緒細一粗二底腹

面一律勻襯價值更優

繭之生熟雖由鍋水之冷熱然手法眼光均須靈捷不使過生過熟而致沈

颺斷撞之病則結果必佳

尿緒印頭一作映頭本屬好繭因爲次繭所污而有斑點用醋微洗之可以去漬

但做頭號絲亦宜別淨

敲槌同脫車不可傷絲或苧麻或白線紮縛收藏燥處如有粗類用刀挑去
售賣時忌藏暗榔尤忌噴水著潮貪小失大

絲有粗細細銷洋莊粗惟內用然洋莊前有老虎牌鬪鷄牌亦內地之上等
粗絲也細則牌號不一近年廠絲盛行土絲日就低減內地抄客南京蘇州
杭州湖州等處皆爲機織之用盛澤南潯抄去者大都再纜乾經轉銷外洋
自歐戰後工價倍蓰湖屬婦女祇有蠶忙平日閒無所事不如將繭烘乾仿
照絲廠法逐漸纜之以增生計

絲欲其白必須多換湯水然換湯水須在却好地步可以油光滑潤而無呆
滯

鹽水礬水井水山水均不宜用惟流動河水不急不停最適當絲車下必置
火盆上蓋以灰使熱度上升適可而止則條紋綿貼顏色煥亮

近鄉纜絲有至戴廟前汲水者色澤絲量有較優之說

絲行向在南門外倉前今則盡在城內但與唐棲菱湖相近故絲市遠遜新
市多賴武康絲爲銷場也

綿兜 絲有頭蠶二蠶之別綿亦如之頭蠶綿韌二蠶綿鬆同功繭爲上蛾口
繭生種穿頭次之烏爛爲下

凡煮繭時入香油或桐油以免澀或淋桑柴灰以去汙清水漂浸以使潔

右手翻繭左手套綿約五六個繭爲一繡兜上竹環時兩人對扯手繡用力
擎下彎環如兜故曰綿兜每兜須四五繡餘杭南潯方形德清環形而大爲
特產之一

澣統 絲釜中撈出之著衣上岸繭薄者爲著衣厚者爲上岸及烏辣音爛繭繭統之屬不能爲

絲爲綿俗曰下脚亦名篋音大頭又作汰頭煮極熟後以桿敲出蠶蛹置於篋
向河中泔澣之去污成片曬乾之可翻被亦可燃線以成綿綢

綿線 銅叉木柄左手擊之置綿兜漚統於叉有木鋌貫銅錢十數枚上套蘆管其形如錘以右手旋撚成線凡線不論粗細以潔淨勻緊爲貴夏秋婦女得寸得尺以爲消閒

吳興蠶書

吐頭 纛時吐棄之絲頭不能爲絲織品向作絨料近銷洋莊價值疲峭不等今新法與漚統併能纛製名曰紡絲

蛹肉 俗稱蠶蝸肉可製皂油可製燭上海絲經廠有人包購吾鄉除餵魚外惟壅田地

栽桑

蠶桑隨地可興而湖屬獨甲全國德清次於長興吳興不獨盡藝養之宜蓋亦治地得其道焉厥土塗泥陂塘四達水潦易消周禮謂川澤之土植物宜膏原隰之土植物宜叢清邑實兼之淮南子所謂息土也地利既擅人功尤備以桑之喜疏也墾必數四深必尺餘以桑之宜培也壅以蠶沙豆屑以桑之惡砂礫草萊也植

德清縣新志

卷四 食貨

十三

必平原芟必淨盡治地之道能順桑性故生葉蕃大而厚西吳蠶略

桑類 桑地宜高平不宜低濕

種類不一本鄉所植者有早桑卽火桑頭翦葉亦名望海桑葉不翦頭葉大而早擔蠶

時用之有晚桑葉圓而多津古謂魯桑今稱家桑凡不接頭者葉薄而尖古謂荆桑

今稱野桑其實接頭者統稱家桑不接頭者統稱野桑西吳蠶略謂野桑任其

肥長成望海桑誤桑之接頭須同類非同類葉不蕃

火桑宜覓富陽種其大者可得葉數石倘無蟲蛀及水灌其根愈老愈茂年遠

不敗廣蠶說按富陽桑皮堅蟲不能齧最爲佳種但彼地專擅販葉之利其種不

許外出故求之不易得

桑樹側種大麥者食之壤蠶栽桑宜及隆冬遲至二三月者雖未嘗不活易生

蟲 廣蠶說

桑葢 取紫黑者搓散之布於泥土中宜疎不宜密上覆薄灰澆以肥料灌以

清水日漸出秧長至二尺許即可分種近向花園港購買桑秧者居多布子者極少

入蜜熬膏或爲丸久服不饑安魂鎮神（金末大荒民食桑椹全活甚衆平時可收采也）本草綱目

接桑 清明節前將家桑枝已接過者一頭削薄一面如鴨嘴形用刀銛開野

桑未接過者皮二寸許插入之用桑皮或稻草縛之汗泥護之月餘即活西吳

略

接桑發蕪成枝至三四寸長防風吹斷須傍縛本上方無礙桑必攔頭而

有桑拳四五年後枝指紛出葉乃茂密否則直上而葉少 頭葉剪條二葉

留條秋葉不採條頭爲來歲生葉之基 霜降後將枝上老葉捋下代芻飼

羊

修桑 春分秋分乃修桑治蟲之時老株不成材者去之枝已枯不復萌芽者

德清縣新志

卷四 食貨

十四

亦去之修處用鑿剗平使其皮漸自包裹若不修平遂成節疤風吹易折也

桑譜

條有蛀屑蛀眼可將桑條剪斷以鐵絲刺其中蟲自斃如延皮蛀穿心蛀不

能用鐵絲刺者惟多塗菜油或桐油近用洋油蟲亦自死 蟲生皮內者其成蟲

名桑牛即天牛於盛夏時生口有雙鉗其刺如剪新發之枝齧之即折其下

卵必齧破樹皮藏卵於皮內見有樹脂流出之處剔破其皮中有卵如米粒

者取而碎之若已成蟲須尋其出入之戶戶外必有如鐵絲所不能及即用百

部草浸汁灌之無不死者此蟲天未明時必出戶飲露易於下一刮蟻自冬訖春

檢隙凡三猶不能盡須夏月捏頭蟻秋月捏二蟻頭蟻更宜細察留頭蟻一

則二蟻百 白蠶莠蟲等爲害於夏秋之間蟲從葉上經過其葉遍身沙眼

如紗狀不但老葉無用來春發芽穿蕪時葉必減少灑以河中淤泥水較用

煙筋水爲妥桑譜

癯桑即墾去勿令纏染蓋桑癯無治法也

葉價 有隔年做定者價稍低有清明做定者價稍昂至葉行開秤市價低昂本無一定葉價過昂棄蠶於河喪失全功者不少胡勿估計蠶葉適當之為得耶

定葉 以交易時口約為憑不立契據者多此社會之信用也但拋空者至發葉時與前價大相出入每致逃避入訟官廳不能受理則是習慣為法律所拘願鄉農慎之

糧賦

稅糧舊額

宋慶元間

夏稅絹五千八百八疋 計銀六千七百九十五兩零 秋苗米三千七十一石

元至正間

夏稅絲綿及秋糧額見侯志 照宋額多米六萬八千二百四十四石三斗零

明洪武二十四年

德清縣新志

卷四 食貨

十五

夏稅絲九萬五千二十八兩九錢零 計銀三千七百六十三兩零 綿五千三百二十一兩六錢

零 計銀一百六十六兩零 二項 通共銀三千九百二十九兩零 秋糧正耗米八萬八千七百三十五石七斗一

升零 照元時額多米一萬七千四百八十八石四斗

宣德七年奉勅減二三糧額凡納糧一斗至四斗者減十分之二四斗一升至一石以上者減十分之三消耗戶作民田起科 載明會典

正德元年

夏稅絲九萬四千八百二十九兩九錢七分零 計銀三千七百五十五兩零 綿五千二百九

十八兩二錢六分 計銀一百六十五兩五錢零 鈔四百五十三錠一貫四百六十七文 計銀

四兩五錢零 小絹二疋 計銀七錢 馬草五萬二千四百三包六觔九兩 計銀一千五百七十三兩零五項通

共銀六千四百九十八兩七錢零 秋糧正米七萬二千一百九十石二斗五升零 照元時額多米八百七十四石

七斗耗米在外

宣德五年從巡撫周忱奏請行京庫折銀事例凡納銀一兩准折米四石所以

恤官田也 皇明通紀

嘉靖二十年知府張鐸申請均攤官民田一例起科 見嘉靖時府志 民田所由重困各縣同受其累

萬歷四十一年纂修賦役全書將絲綿絹疋并鈔麥馬草等項及京庫折米派剩折米俱改徵銀兩

田四則起科每畝徵銀有三分至九分三釐 時尙無截銀 徵米有四升九合至一斗五升不等連地山蕩丁銀共徵銀四萬四千三百一十一兩七錢九分一釐徵米六萬一千三百九石七升八合零 府志以上侯志補

清糧賦額 按此應與田土及周志內錢糧參看

德清縣 原設版圖一百七十五圖里今編順莊一百八十一莊

實在田四千五百六十六頃三十九畝四釐二毫 舊額田四千五百七十七頃三十八畝三釐一毫各案丈出併清出田共六十九畝六分二釐九毫除丈缺并籍田一頃六十八畝六分一釐四毫外實該前數田有四則科徵不等內

德清縣新志

卷四 食貨

十六

圩田三千九百五十九頃八十六畝九分九釐五毫 舊額田三千九百六十一頃四十二畝一分六釐四毫康熙四

年清查田賦案內丈缺田一頃六十三畝七分一釐四毫康熙十六年籌餉案內清出田一十三畝四分四釐五毫雍正七年請定各省耕籍案內除置買籍田四畝九分外乾隆二十二年止實該前數

每畝徵地漕截折銀一錢二分九釐八毫零 原徵條銀一錢一分七釐四絲零雍正六年奉諭減免十分之一銀一分一釐七毫

零乾隆四年奉旨減免十分之二銀二分二釐二毫六絲零應徵銀八分三釐八絲零應加綿蠟等銀一釐九毫五絲零又攤辦丁口銀四釐二絲零又併徵漕截米折等銀四分七毫五絲零共該前數

共徵銀五萬一千四百兩九錢九分九釐零

每畝徵漕白南糧米一斗五升二合三勺四抄零 原徵米一斗五升四合一勺零乾隆二年奉諭改白徵糙項下豁免

白耗食米四合七勺七抄應加南糧省兵耗米一合零又白糧春耗米二合一抄零共該前數

共徵米六萬三百二十二石一斗一升三合零

地成田八十八頃五十九畝四分一釐三毫 舊額田八十八頃二十二畝九分三釐三毫康熙六年清查田賦案內丈出田

三十六畝四分八釐至乾隆二十二年止實該前數

每畝徵地漕截折銀七分二釐七毫八絲 原徵條銀五分五釐三毫五絲零雍正六年奉諭減免十分之一銀五釐四毫二絲零應加綿蠟等銀四毫四絲零又攤辦丁口銀二釐三毫八絲零又併徵漕截米折等銀二分三絲零共該前數

共徵銀六百四十四兩八錢二分一釐零

每畝徵漕白南糧米七升四合八勺七抄 原徵米七升五合七勺四抄零乾隆二年奉諭改白徵糧項下豁免白耗食米二合三勺五抄零應加南糧省兵耗米四勺九抄零又白糧春耗米九勺九抄零共該前數

共徵米六百六十三石三斗四升九合零

山成田五頃三畝三分七釐四毫 舊額田五頃三畝一釐四毫康熙六年清查田賦案內丈出田三分六釐至乾隆二十二年止實該前數

每畝徵地漕截折銀四分八釐六毫六絲 原徵條銀三分六釐九毫零雍正六年奉諭減免十分之一銀三釐六毫零應加綿蠟等

銀二毫九絲又攤辦丁口銀一釐五毫九絲零又併徵漕截米折等銀一分三釐四毫八絲共該前數

共徵銀二十四兩四錢九分七釐零

每畝徵漕白南糧米五升三勺八抄零 原徵米五升九勺九抄零乾隆二年奉諭改白徵糧項下豁免白耗食米一合六勺零應加南糧省兵耗米三合三抄又白糧春耗米六勺六抄共該前數

德清縣新志

卷四 食貨

十七

蕩成田二頃八十九畝二分六釐 舊額田二頃六十九畝九分二釐康熙六年清查田賦案內丈出田一十九畝三分四釐至乾隆二十二年止

實該前數

每畝徵地漕截折銀七分二釐七毫八絲 原徵條銀五分五釐三毫五絲零雍正六年奉諭減免十分之一銀五釐五毫三絲應加

綿蠟等銀四毫四絲零又攤辦丁口銀二釐三毫八絲零又併徵漕截米折等銀二分三絲共該前數

共徵銀二十一兩五分三釐零

每畝徵漕白南糧米七升四合八勺八抄零 原徵米七升五合七勺四抄零乾隆二年奉諭改白徵糧項下豁免白耗食米

二合三勺四抄應加南糧省兵耗米四勺九抄零又白糧春耗米九勺九抄零共該前數

共徵米二十一石六斗六升零

實在地七百九十九頃六十六畝五分一釐六毫四絲 舊額地七百八十六頃七十五畝四分三釐五毫各案丈

出清出地一十二頃九十八畝七釐一毫四絲又除丈缺并增基地六畝九分九釐實該前數地有二則利徵不等內

稅地七百八十八頃一十畝一分六釐一毫四絲 舊額地七百七十五頃七十八畝八分七釐九毫康熙六年清查田

賦案內丈出地一十二頃一十一畝七分三釐四毫康熙十六年籌餉案內清出地二十畝一釐四毫四絲雍正七年請定各省耕籍除增基地四分六釐六毫外至乾隆二十二年止

實該前數

每畝徵地漕截折銀五分四毫七絲原徵條銀五分一釐零雍正六年奉諭減免十分之一銀五釐一毫應加綿蠟等銀四毫一絲零又攤辦丁口銀二釐一毫九絲零又併徵漕截米折等銀一釐九毫七絲共該前數

共徵銀三千九百七十八兩二錢五分七釐零

每畝徵漕白南糧米七合三勺五抄零原徵米七合四勺四抄零乾隆二年奉諭改白糧省兵耗米五抄又加白糧春耗米九抄零共該前數

共徵米五百七十九石四斗八升二合零

山改地一十一頃三十二畝八分七釐九毫舊額地一十頃六十六畝五分五釐六毫康熙六年清查田賦案內丈出地六十五畝九釐四毫康熙十六年籌餉案內清出地一畝二分二釐九毫至乾隆二十二年止實該前數

每畝徵地漕截折銀三分四釐四絲原徵條銀三分五釐五絲零雍正六年奉諭減免十分之一銀三釐五毫零應加綿蠟等銀二毫一絲又攤辦丁口銀一釐一毫六絲零又併徵漕截米折等銀一釐一毫二絲共該前數

共徵銀三十八兩五錢六分六釐零

德清縣新志

卷四 食貨

每畝徵漕白南糧米四合一勺七抄零原徵米四合二勺二抄零乾隆二年奉諭改白糧省兵耗米三抄零又白糧春耗米五抄零共該前數

共徵米四石七斗三升一合零

便民倉基地二十三畝四分七釐六毫舊額地三十畝康熙六年清查田賦案內丈出地六畝五分二釐四毫至乾隆二十二年止實該前數

該前數例不起科

實在山三百四十頃八十一畝六分三釐舊額山三百三十九頃七十五畝九釐三毫康熙六年清查田賦案內丈出山九十一畝三分四釐五毫康熙十六年籌餉案內清出山一十五畝二分八釐六毫至乾隆二十二年止實該前數

每畝徵地漕截折銀一分四釐九毫四絲零原徵條銀一分四釐二毫七絲零雍正六年奉諭減免十分之一銀一釐四毫二絲零應加綿蠟等銀一毫零又攤辦丁口銀六毫一絲零又併徵漕截米折等銀一釐三毫八絲零共該前數

共徵銀五百九兩三錢三釐零

每畝徵漕白南糧米五合一勺七抄零原徵米五合二勺三抄零乾隆二年奉諭改白糧省兵耗米三抄零又白糧春耗米七抄零共該前數

原徵米五合二勺三抄零乾隆二年奉諭改白糧省兵耗米三抄零又白糧春耗米七抄零共該前數

共徵米一百七十六石二斗三升五合零

實在蕩五百五十六頃九十八畝六分七釐二毫

舊額蕩五百三十頃三畝九釐二毫康熙六年清查田賦案內丈出

蕩二十六頃八十六畝八毫康熙十六年籌餉案內清出蕩九畝五分七釐三毫至乾隆二十二年止實該前數

每畝徵地漕截折銀一分七釐三毫三絲零

原徵條銀一分六釐九毫六絲雍正六年奉諭減免十分之一銀一釐六毫九絲零

應加綿蠟等銀一毫四絲零又攤辦丁口銀七毫二絲零又併徵漕截米折等銀一釐一毫九絲八忽零共該前數

共徵銀九百六十五兩三錢一分四釐零

每畝徵漕白南糧米四合四勺七抄

原徵米四合五勺二抄乾隆二年奉諭改白徵糧項下豁免白耗食米一勺四抄零應加南糧省兵

耗米三抄又白糧春耗米六抄共該前數

共徵米二百四十九石二斗九升四合零

以上田地山蕩

通共徵銀五萬七千五百八十二兩八錢一分零

通共徵米六萬二千四十二石二斗二升四合零

德清縣新志

卷四 食貨

十九

以上咸豐年止府志並周志補

減賦 應與地丁銀一項參看

浙西減賦其數量以清同治初年為較多以曩值太平軍興清社幾屋東南富庶之區精華罄盡民鮮子遺雖有餘生無非犛獨且人心已散勢難驟集清廷不得已實施減賦以樹仁政時勢使然不容假借者也

同治四年減杭嘉湖漕額三十分之八按照科則重輕分別核減永不再加湖州府屬計共減米九萬五千六百十三石零

同年減去德清縣浮糧計錢三萬三千三百七十串永為定章每兩內祇准酌留平餘且糧戶亦不准再有大戶小戶之別無論紳民一體完納

同年推算核定德清縣應減米額一萬五千四十三石

六年核定德清縣應徵米額為四萬五千七百八十四石零

同年核減德清縣糧米科則計原科每畝一斗五升三合五勺六抄零減征三

升七合三勺九抄零除減實徵原科米一斗一升六合一勺六抄有奇減賦全案

荒熟田畝冊報自清同治四年起據縣詳原冊節鈔

原額田四千五十六頃三十九畝零內

年四稟請夏徵原熟田一千五百八十三頃九十四畝零秋徵新墾田七百九十

一頃九十七畝零共原熟新墾續墾田二千四百十八頃七十八畝零內

勘實被水成災十分續荒田一百四十一頃七十四畝零被水歉收田二百八

十五頃十六畝零成熟有收田一千九百九十一頃八十八畝零

原額地七百九十九頃四十三畝零內稟請夏徵原熟地三百十五頃二十四

畝零秋徵新墾地一百五十七頃六十二畝零續後勸墾地五十頃六十七

畝零

原額山三百四十頃八十一畝零內

勘實應徵原熟有收山二百二十八頃三十四畝零請蠲續墾無收山五頃二

德清縣新志

卷四 食貨

二十

十一畝零請蠲原荒山一百七頃二十六畝零

原額蕩五百五十六頃九十八畝零內

勘實應徵原熟有收蕩三百七十三頃十八畝零請蠲原荒蕩一百八十三頃

八十畝零

年六勘實應徵原熟有收田二千四百二頃五十三畝零請緩原熟歉收田五百

十六頃三十一畝零請蠲上年墾本年種及本年墾種續被水旱等田一百

頃四十二畝零請蠲原荒未種田一千三十七頃十二畝零

勘實應徵原熟有收地五百六十七頃二畝零請蠲上年墾本年種及本年墾

種續被水旱等地五十八頃六十八畝零請蠲原荒未種地一百七十三頃

七十二畝零

勘實應徵原熟有收山二百二十八頃三十四畝零請蠲上年墾本年種及本

年墾種被旱山四十四頃二十二畝零請蠲原荒未種山六十八頃二十五畝

零

勘實應徵原熟有收蕩同上請蠲本年新種被水蕩二十七頃七十六畝零請蠲原荒未種蕩一百五十六頃三畝零

年七勘實原熟暨新墾有收田二千一百三十頃四畝九分八釐七毫請緩被水歉收田三百八十二頃十三畝一分一釐一毫請蠲被水無收成災十分田五百十七頃八十二畝一分二釐三毫請蠲原荒暨新墾被水未種無收田一千二十六頃三十八畝八分二釐一毫

勘實原熟暨新墾有收地五百九十五頃七十五畝四分四釐五毫請蠲原荒暨新墾無收地二百三頃六十七畝五分九釐五毫四絲

勘實原熟暨新認有收山二百三十三頃五十二畝四分二釐請蠲原荒新認無收山一百七頃二十九畝二分一釐

勘實原熟有收蕩三百七十三頃十八畝一分二釐三毫請蠲原荒暨新認無

德清縣新志

卷四
食貨

二十一

收蕩一百八十三頃八十畝五分五釐

年八勘實原熟暨新墾有收田八百五十一頃六十三畝一分八釐一毫請緩被水歉收田八百七十三頃五十八畝八分二釐八毫請蠲被水無收成災十分田一千三百三十八頃三十二畝二分請蠲原荒暨墾而復荒田九百九十二頃八十四畝八分三釐三毫

勘實原熟暨新墾有收地六百三十四頃二十三畝六分六釐二毫五絲請蠲原荒暨墾而復荒地一百六十五頃一十九畝三分七釐七毫九絲

勘實原熟暨新認有收山二百七十二頃五十七畝二分六釐請蠲原荒暨認而復荒山六十八頃二十四畝三分七釐

勘實原熟暨新墾有收蕩四百頃九十四畝一分二釐三毫請蠲原荒暨認而復荒蕩一百五十六頃四畝五分五釐

年九勘實熟田二千六百一十頃三十畝四分九釐三毫被蟲歉收田五百六十

三頃八十五畝五分一釐五毫荒田八百八十二頃二十三畝三釐四毫
勘實熟地六百四十七頃四十二畝七分六釐六毫五絲荒地一百五十二頃
二分七釐三毫九絲

勘實熟山二百八十三頃一十八畝三分八釐二毫荒山五千七頃六十三畝
二分四釐八毫

勘實熟蕩四百一頃八十五畝三分九釐三毫荒蕩一百五十五頃一十三畝
二分八釐

十年勘實熟田二千八百六十四頃七畝三分八毫被旱歉收田三百八十五頃
三十五畝二分三釐四毫荒田八百六頃九十六畝五分

熟地六百五十一頃四十八畝一分七釐八毫荒地一百四十七頃九十四畝
八分六釐二毫四絲

熟山二百九十三頃一十二畝九分八釐二毫荒山四十七頃六十八畝六分

德清縣新志

卷四
食貨

二十二

四釐八毫

熟蕩四百一十頃五十八畝八分一釐五毫荒蕩一百四十六頃三十九畝八
分五釐八毫

十年勘實熟田二千八百七十六頃六十畝六分一釐九毫被旱歉收田三百
九十三頃六畝四分二釐三毫荒田七百八十六頃七十二畝

熟地六百五十二頃六十八畝二分五釐八毫荒地一百四十六頃七十四畝
七分八釐二毫四絲

熟山三百一頃九十畝二釐一毫荒山三十八頃九十一畝六分八毫
熟蕩四百五十二頃八十七畝六分七釐荒蕩一百四頃一十一畝三毫

清光緒三十二年災歉田畝册

知縣陳宗元呈報按此册
應與法制志郵政參閱

西鄉

一截一區一庄至四庄勘實被水被風成災十分上等圩田七十五頃五十六

畝三分二釐歉收上等圩田二十四頃八十六畝六分一釐又中等地成田
三頃二十九畝二分八釐又下等山成田二頃一十八畝一分四釐
二截二區一庄至三庄勘實被水被風成災十分上等圩田三十六頃七十五
畝八分八釐歉收上等圩田一十五頃七十六畝五分八釐又中等地成田
二頃九十八畝九分
三截三區一庄至七庄勘實被水被風成災十分上等圩田一百二十七頃七
十五畝三分四釐又中等蕩成田一頃四十七畝一分歉收上等圩田八十
頃八十四畝又中等地成田三頃二十五畝一分六釐
四截四區一庄至十一庄勘實被水被風成災十分上等圩田一百六十三頃
一十四畝六分五釐又中等蕩成田一頃二十三畝五分三釐歉收上等圩
田四十八頃九十六畝六分四釐
又八區一庄至八庄勘實被水被風成災十分上等圩田八十五頃六十六畝

一分八釐歉收上等圩田四十九頃三十八畝六分
又九區一庄至三庄勘實被水被風成災十分上等圩田七十四頃五十三畝
四分五釐歉收上等圩田二十六頃五十五畝二分一釐
又十區一庄至六庄勘實被水被風成災十分上等圩田一百八頃一十六畝
四分八釐歉收上等圩田四十六頃八十八畝三分三釐
以上西鄉共成災十分上等圩田六百七十一頃五十八畝三分又中等蕩
成田二頃七十畝六分三釐歉收上等圩田二百九十三頃二十五畝九分
七釐又中等地成田九頃五十三畝三分四釐又下等山成田二頃一十八
畝一分三釐

北鄉

一截六區一庄至十三庄勘實被水被風成災十分上等圩田一百三頃八十
八畝八分歉收上等圩田二十八頃八十八畝五分三釐又中等地成田九

頃三十二畝七分七釐

二截七區一庄至七庄勘實被水被風成災十分上等圩田六十一頃二十八畝三分八釐歉收上等圩田一十二頃二十九畝六分六釐

又十一區一庄至十二庄勘實被水被風成災十分上等圩田六十頃九十八畝二分歉收上等圩田一十五頃六十一畝七分

又十二區一庄至七庄勘實被水被風成災十分上等圩田五十六頃五十四畝四分一釐歉收上等圩田一十二頃九十一畝一分

又十三區上一庄至五庄勘實被水被風成災十分上等圩田四十九頃八十七畝五分五釐歉收上等圩田一十八頃七十五畝三分八釐

二截茅山區一庄勘實被水被風成災十分上等圩田二十頃一十一畝一分歉收上等圩田六頃一畝三分一釐

以上北鄉共成災十分上等圩田三百五十二頃六十八畝四分四釐歉收

德清縣新志

卷四
食貨

二十四

上等圩田九十四頃四十七畝六分八釐又中等地成田九頃三十二畝七分七釐

南鄉

一截十六東一庄至七庄勘實被水被風成災十分上等圩田四十二頃四十八畝八分八釐歉收上等圩田二十頃二十一畝四分

又十六西一庄至九庄勘實被水被風成災十分上等圩田四十八頃三十三畝三分八釐歉收上等圩田二十九頃四十一畝六分一釐又中等地成田六頃一十一畝四分四釐

二截十七區一庄至九庄及附城三庄勘實被水被風成災十分上等圩田五十頃一畝一分歉收上等圩田二十五頃五十畝五分五釐又中等地成田三頃九十九畝一分三釐

又十八西一庄至十一庄勘實被水被風成災十分上等圩田六十九頃五十

畝五分歉收上等圩田三十頃四畝八分八釐

以上南鄉成災十分上等圩田二百一十頃三十三畝八分六釐歉收上等圩田一百五頃一十八畝四分四釐又中等地成田一十頃一十畝五分七釐

東鄉

一截五區一庄至八庄勘實被水被風成災十分上等圩田三十一頃二十八畝二分五釐歉收上等圩田五頃二十二畝三分又中等地成田二頃一十二畝五分

一截十三下一庄至十三庄勘實被水被風成災十分上等圩田四十頃八十四畝六分三釐歉收上等圩田七頃二十三畝四分六釐

二截十四區上一庄至五庄勘實被水被風成災十分上等圩田一十三頃一十二畝二分歉收上等圩田三頃二十一畝一分五釐

又十四區下一庄至七庄勘實被水被風成災十分上等圩田二十三頃七十

二畝四分五釐歉收上等圩田五頃四十九畝九分二釐

三截十五東一庄至六庄勘實被水被風成災十分上等圩田二十三頃四十八畝五分八釐歉收上等圩田四頃四十一畝二分三釐

三截十五西一庄至八庄勘實被水被風成災十分上等圩田三十二頃一十一畝一分三釐歉收上等圩田四頃六十九畝七分又中等地成田三頃三畝八分八釐

四截十八東一庄至八庄勘實被水被風成災十分上等圩田三十頃二畝一分一釐歉收上等圩田六頃八畝一分八釐又中等地成田二頃三十畝二分四釐

以上東鄉成災十分上等圩田一百九十四頃五十九畝三分五釐歉收上等圩田三十六頃三十五畝九分四釐歉收中等地成田七頃四十六畝六

分二釐

綜上統共勘實成災十分上等圩田一千四百二十九頃一十九畝九分五釐
歉收上等圩田五百二十九頃二十八畝三釐應蠲銀一萬八千七百七十
一兩三錢八分八釐應緩銀六千九百五十一兩六錢七分二釐應蠲米一
萬六千四百二十一石一斗七合應緩米六千八十一石二斗八升四合
又成災十分中等蕩成田二頃七十畝六分三釐歉收中等地成田三十六頃
四十三畝三分應蠲銀一十九兩九錢一釐應緩銀二百六十七兩九錢六
釐應蠲米一十六石一斗九升四合應緩米二百一十八石一升三合
又歉收下等山成田二頃一十八畝一分四釐應緩銀十兩七錢四分七釐應
緩米九石八斗六升六合
統共災田一千四百三十一頃九十畝五分八釐居原額十分中之三分五釐
三毫

統共歉田五百六十七頃八十九畝四分七釐居原額十分中之一分四釐
統共應蠲銀一萬八千七百九十一兩二錢八分九釐
又緩銀七千二百三十兩三錢二分五釐
統共應蠲米一萬六千四百三十七石三斗一合
又緩米六千三百九石一斗六升三合

清光緒三十三年墾荒成熟冊

知縣王濤
善呈報

原額田四千五十六頃三十九畝四釐二毫內歷年保墾成熟田三千四百五
十二頃三十七畝六分七釐四毫本年報墾成熟田一頃三十五畝三分六
釐仍荒未墾田六百二頃六十六畝八毫
原額地七百九十九頃四十三畝四釐四絲內歷年報墾成熟地七百三十九
頃六十一畝八分三釐六毫四絲本年新墾地二頃六十四畝八分五釐三
毫仍荒未墾地五十七頃一十六畝三分五釐一毫

原額山三百四十八頃八十一畝六分三釐內歷年報墾成熟山三百二十四頃一十五畝三釐三絲本年新墾山九十六畝七分六釐仍荒未墾山一十五頃六十九畝八分三釐九毫六絲
原額蕩五百五十六頃九十八畝六分七釐三毫內歷年報墾成熟蕩四百九十八頃三十三畝八分七釐一毫本年報墾蕩一頃一十二畝八分三釐二毫仍荒未墾蕩五十七頃五十一畝九分七釐
以上統共原額田地山蕩五千七百五十三頃六十二畝三分八釐五毫四絲內歷年報墾成熟田地山蕩五千一十四頃四十八畝四分一釐一毫七絲
本年新墾田地山蕩六頃九畝八分五毫統共五千二十頃五十八畝二分一釐六毫七絲計居十分中之八分七釐二毫五絲九忽零
仍荒未墾田地山蕩七百三十三頃四畝一分六釐八毫六絲計居額十分中之一分二釐七毫四絲零

德清縣新志

卷四 食貨

二十七

清末銀米科則高下併計

每畝徵銀一錢二分九釐八毫米一斗一升四合六勺二抄

按此項科則自洪楊軍退後實行減賦起至是銀米兩項計存此率

地丁銀應與減賦等目參看

同治四年減淨成案程安長德每兩正耗銀共徵錢二千三十文截留平餘錢三百二十五文嗣因銀價日長徵不敷解程安長續加錢二百三十五文德清續加錢二百八十六文

光緒二十三年程安長減錢七十文德清減錢九十一文共徵錢二千二百二十五文

光緒二十八年爲庚子賠款每兩加糧捐錢三百文共徵錢二千五百二十五文

時銀圓七錢四分照兌市短錢三十文至五十文不等光緒三十二年竟短

至一百十文鄉民控請湖州府知府及知縣陳宗元出示永禁勒碑縣署

民國元年定地丁一兩完銀圓兩元三角三分時每元兌錢約九百五十文

案地丁之制沿自前代凡徵之於田地山蕩者統名之曰地丁前清舊制名目繁多屬於布政司主管者曰地丁曰河工曰顏料蠟茶曰南絲曰薦新芽茶曰抵課水手曰司存留曰府廳州縣存留屬於督糧道者曰漕項曰漕截均由州縣於徵起地丁內分款報解坐支分案造冊奏銷至是一概廢除向分上下兩忙開徵今以六月起為上忙十二月起為下忙各以兩個月為限逾限加處罰

是年浙省臨時省議會議決地丁以銀為本位各照原定折徵錢改徵銀元以正銀一兩合銀元一元五角為正稅連同糧捐三角光緒二十八年為庚子各國賠款加增見前共一元八角解省其餘以平餘改徵之五角三分為縣稅現名特捐徵收經費前清本取給於平餘自平餘歸納於縣稅後省議會議決地丁徵收法案准各縣

德清縣新志

卷四 食貨

二十八

動支正項以十分之一為限元二兩年照此辦理三年起遵部電另於正稅糧捐每兩一元八角外一律加徵百分之九各縣准支之數按徵數多寡分級支配自七釐至一成不等浙江財政說明書清邑額定八釐

宣統至三年止

額徵銀五萬八千五百四十四兩八錢五釐除荒淤蠲免外應徵銀五萬三千八百十兩三錢二分七釐

民國元年起

除民欠銀一萬八千三百七兩零外按實在民欠並無此數

實徵銀三萬五千五百三零兩浙江財政說明書省議會計算書

特捐項下

教育費四成公益費二成警察費三成準備金一成特捐徵收費八釐於徵起款內扣支不另加徵

附捐項下 係十六年奉
通令帶徵

教育費一角五分建設費一角五分不支徵收費

漕南抵補金

宣統三年辛亥九月浙江光復國體初更浙江都督湯壽潛令免浙西漕米
按漕南亦田賦之一其徵於浙西各屬者多數曰漕糧少數曰南糧徵於浙
東各屬者皆曰南糧此外尚有祭祀孤囚等米係附徵於南糧而分款支銷
焉國體既更漕運停止元年一月臨時省議會議決地丁徵收法案第三條
規定漕南兵米一律裁免但軍事未定以前應否徵收一次由省會議決之
等語迨南北統一都督朱瑞以漕南徵納關係國庫收入將浙省丁漕徵收
法電請提交國務會議旋准財政部咨復經國務會議公決浙省漕南仍應
照舊徵收並交由參議院議決大綱浙省向徵之漕南米一律實行裁免按
照向徵米數改徵抵補金每斗折徵銀元三角其南米向徵折色不及三角

德清縣新志

卷四
食貨

二十九

者仍照舊辦理俟租稅統一法頒布實行即行停止此漕南裁免改徵抵補
金之原委也二年十二月財政部電飭將浙省漕糧照前清舊徵最多之額
徵收等因當以二年抵補金各縣均已開徵得難中途更改應俟三年度遵
示進行由國稅廳籌備處查明前清各縣折徵價目平均爲每石四元七角
五分八釐呈請財政部核定旋奉

令浙省抵補金折價定爲每斗改徵銀元五角修正辦法大綱呈奉令准自民
國三年爲始通飭照辦至附加稅各縣多寡不同現經規定每石以五角爲
限其原收不及五角暨向不徵收者仍照舊辦理間有糧額較鉅之縣並於
五角以內酌減二角以輕負擔浙西漕南向係專串徵收浙東南米有另串
徵收者亦有隨地丁附徵或與地丁並串徵收辦法不一考核綦難自三年
起令飭各屬除專串徵收者照舊辦理外其附帶徵收而於地丁串上加蓋
戳記併串徵收者一律畫出按規定折價折合徵收以昭畫一徵收時期浙

西向於舊曆臘月間開徵與規定下忙地丁開徵日期不相上下浙東各縣本與地丁同時並徵均應適用上下忙地丁開徵日期之規定滯納科罰亦照地丁辦理

徵收經費原是實支百分之五作正開銷自民國三年起遵照部電於正額之外附加徵收經費取之於民以百分之三爲度

元年每石正稅三元加徵收費一角五分准期完納領正稅獎金百分之五過期一月處罰二成三年同

二年每石正稅三元加收附捐七角徵收費一角五分

三年每石正稅五元加收附捐五角徵收費一角五分

四年每石正稅五元加收附捐四角徵收費一角五分正稅罰金減一成

五六年每石正稅三元加收省稅一元附捐四角徵收費一角四分五釐罰

金四角浙西漕糧獨重經省議會議決並呈奉政府核准減收故正稅仍復三角原數

七年每石正稅三元加收省稅一元附捐四角省稅一元自十年度起逐年遞減

德清縣新志

卷四 食貨

三十

另案准加教育費一角 共五角徵收費同上現時徵收費帶徵三分五釐

特捐項下奉令通帶徵

習藝所四成備荒金三成公益費三成內教育費四成自治費三成警費二成準備金一成

附捐項下

教育費三角

建設費三角

附捐均不支徵收費

宣統

至三年止

額徵米四萬五千六百八十三石一斗六升一合除荒淤蠲免外

應徵米四萬二千五百四十四石七斗八升九合

民國

元年

除民欠米一萬四千四百三十八石零外按實在民欠並無此數

應徵米二萬八千一百二石零

實徵米二萬七千七百二十一石二斗五升三勺

浙江財政說明書
省議會計算書

按前清洪楊之役浙省受創最深各縣魚鱗圖籍蕩然無存戶糧莊冊亦多散佚承平而後倉卒起徵編造戶冊鮮能核實其中誤熟作荒誤多作少比比皆是其實承平垂五十年休養生息戶口蕃庶祇有無業之游民安有未闢之曠土蓋經界不正有以致之又承糧之戶每非真實姓名或以堂名或以別號且浙省東西各屬多有糧隨人轉之習例如產在甲莊人住乙莊即在乙莊承糧厥後住所遷至丙庄而乙莊之糧聽其存在始也糧隨戶移繼也糧自糧產自產業戶自業戶各不相連戶籍法既未頒行在官廳本不知業戶之住所浸假而至產之所在地亦失之追呼無計民欠日多此冊籍之不清有以致之皆正供虧短之原因也

浙江財政說明書

查同治四年自客民散勇來邑懇荒所佔畝額大都隨意呈報毫無實在後

雖設立客租局亦未按畝起徵土著被佔之產既不能落糧又不能出賣代爲完納者不一而足倘或業戶不認此產而莊書以業戶冊串爲根據誰爲清查而邀免之耶亦有有戶有產或有產無戶而不完納者名之曰老荒各莊在所不免所以實徵不能如應徵應徵不能如額徵但逐漸報熟由來已久光緒三十三年之墾荒成熟已較同治十一年爲多而民國光復徒有裁吏之議並不將原冊追繳到縣以致上下其手民不少完而賦反短減其弊可勝言哉根本解決在清丈卽治標之法亦非照莊冊按戶清查不爲功緣並識之備采擇焉

徵權

釐捐

釐捐起自同治二年軍興之役浙江仿照江西辦法設立釐金局於新市鎮治城碼頭設置分卡所捐以生絲爲大宗他如羊毛燭芯綿布魚菱等亦爲出口

貨嗣定絲捐比額銀六萬九千一百四十一元貨捐比額銀二萬五千七百四十四元前清直接藩司民國直隸財政廳新市統捐徵收局函報二十年一月全國裁釐

撤局

金鳴盛補注

絲捐清邑麗統捐徵收局

同治二年起捐運絲每包八十觔司碼稱十兩八錢收銀二十餘兩三年擬定先捐後售收捐十六元用絲照百貨章程抽收光緒十年改歸各絲行承認二十八年為庚子賠款運絲每包加十三元用絲正附併計每百觔捐十九元二角民國元年改辦統捐省議會議決運絲每包改正捐十七元滬捐三元二角用絲每百觔改收十元六角三年國稅廳籌備處定運絲用絲各加收五元計運絲每包正捐二十二元滬捐三元二角共收二十五元二角用絲百觔收十五元六角五年以後運絲加附稅二元二角內有撥充學堂留嬰等費另加浙西水利經費一元用絲正捐照常外加附稅一成百貨捐同

德清縣新志

卷四 食貨

三十二

繭捐

光緒二十一年治城新市始有繭行每鮮繭百觔收捐四元乾繭一觔折作三觔每百觔稱十六兩八錢收捐十二元內滬捐二元塘工捐六角雙宮薄皮每百觔捐二元四角歸藩司牙釐總局派委監收民國元年臨時省議會議決每乾繭百觔減收六元內滬捐一元三年國稅廳籌備處加收五元滬捐照舊共收十一元並不剔除雙宮薄皮設德武繭捐局歸財政廳派委監收是年兩縣共收銀七千五百二十九元浙江財政說明書德清居十分之六五年另加附稅及水利經費六年以後以售繭量多清邑另設專局徵收比額最大至五萬元二十年一月奉裁

黃酒捐

光緒二十七年為庚子賠款每黃酒一罈貼印花捐一角五分民國四年六月起又加印花捐一角五分同年十月起每罈又加公賣捐三角嗣以酒為消耗品厲禁於徵隨時增率又指充國稅城鄉鎮合計酒捐銀二萬二千餘元歸南

潯酒捐局辦理查定章每米一石出黃酒六罈由釀造坊認繳
菸葉捐

向歸釐卡併徵光緒二十八年杭州陳四豐菸商創爲認捐民國元年撤銷歸
新市統捐徵收局並設分局於雷甸六年起另設專局於石門灣每年出數約
六千包每包一百六十觔正稅二元四角附加稅二成水利經費一成後又加
菸筋每包納稅一元八分另定公賣費中等菸葉每包二元四角次等一元九
角二分菸筋每包八角
附稅每年提撥本邑雷甸振新學費銀一百八十元德清留嬰堂一百八十元
救火會一百五十元新市留嬰堂一百八十元救火會一百五十元菸類正稅
均爲國稅

鹽鹺

德清素不產鹽亦無場竈與鹽課有關者唯行鹽界限道里盤驗緝私及課稅

德清縣新志

卷四
食貨

三十三

年銷數目到縣住賣程限而已同治以來更定新章統歸新市鹽棧引商呈報
辦理

運鹽道里 引鹽自杭所運至德清住地八十里

不行嘉屬引鹽

盤驗 自杭關盤驗後由杭所運至鹽棧轉銷境內

緝私 引商自辦巡船其先亦歸湖防統領巡緝

按白雲橋上河下港各處以須堵截肩票故唐棲鹽至此爲禁地民間誤犯
之而巡船輒加以科罰實非所宜

課稅 額徵稅銀四兩五錢滴珠銀四分五釐明季鹽課每兩例徵滴珠銀一
分解充京餉前清因之民國鹽歸官賣純屬國稅

年銷引數 年銷正引四百六十六引

候志額同

又計丁加引一千八百八十九引

共銷二千三百五十五引

杭所掣銷

到縣住賣限期 杭州所於德清縣限十四日

佃租

城鎮鄉臨河水閣幫岸每畝徵銀二分四釐向由河廳收解計共銀十四兩七錢九分七釐

學租

南門舊學宮
下舍書院基向由儒學收租銀數同周志學宮基租歸縣教育會後已酌加

地租

新市西柵舊巡檢署基計屋十八間每間徵銀八錢共十四兩四錢

漁丁

前清六百五十三丁十六歲起每丁納銀一錢三分歸河廳辦理丁稅併徵約二元實解銀八十四兩八錢九分民國後亦如上數爲外賦之一非國稅亦非省稅

當稅

德清縣新志

卷四
食貨

三十四

清同治後當帖分繁盛偏僻二則繁盛捐銀四百兩偏僻二百兩年稅五兩不論等則光緒二十三年起每戶徵稅銀五十兩民國元年定章舊帖換新繁盛捐銀四百元偏僻捐二百元年稅一律七十五元治城新市洛舍計存九戶

牙稅

牙稅自清同治後加重迄末葉未減民國定制凡長期繁盛上則每戶捐銀八百元稅銀四十元中則五百元稅三十元下則二百五十元稅十五元偏僻上則每戶捐銀四百元稅銀二十元中則二百元稅十元下則一百二十元稅五元各以十年爲期外加公費五釐

年換牙帖捐率比照長期分別等則加二成完繳十分之一季換牙帖捐率比照年換分別等則完繳四分之一德清無繁盛上則每年約捐銀三千餘元契稅

前清則例賣契銀每兩納稅三分典契在十年內免藩司契尾每張繳錢四百

八十文

宣統元年十月起部定賣契銀每兩納稅九分典契稅六分

民國元年九月起改辦移轉稅賣契千分之二十典契稅千分之十五押契稅千分之十契尾每張繳銀五角

二年罷移轉稅仍照前清章程辦理三年二月後經國稅廳籌辦處核定賣契稅百分之二典契稅百分之一十二月起財政廳詳部核准照買六典三徵收迄今因之

驗契三十元以上二元三十元以下二角加註冊費二角印花一角官契紙每

張五角

驗契項下每三十元以上契紙一張附徵教育費二角

房捐

光緒二十八年爲庚子賠款創辦房捐每店屋一間月租滿錢三千文者加捐一成房主租戶各半民國成立通令各縣以房捐撥充警費三年一月改租在

德清縣新志

卷四
食貨

三十五

一元以上者抽十分之一不及一元者免七月起按月由金庫收支作帳餘款提省撥用每月約解四百五十元嗣逐年加徵數達千元

警捐

卽舖戶捐

由營業舖戶分認每月約解銀一百七十元惟新市光復前歸民團繼歸保衛團支銷嗣後統作警察經費

牛稅

前清照買賣價值每兩抽銀三分由牛保認定牛差繳縣爲數甚微民國初每頭捐一元旋即停免

印花稅

自民國三年起實行原派每年額銷銀一萬元旋即改爲五千元但實在銷數每年不過三千餘元爲國稅

屠宰稅

民國四年九月起猪每頭捐銀三角羊二角翌年起每頭加增一角惟羊稅祇辦冬季每年約徵銀五千餘元嗣增至一萬二千元惟附加地方教育費祇二成

煙酒牌照捐

此捐起自民國初元規定清邑報解每年二千二百元爲國稅

醬缸捐

前清每缸捐銀二角由醬園認繳民國仍之

船捐

民國三年起營業船大號全年捐四元中二元次一元由水上警察發給執照收解水警廳農船免徵但偶裝篷蓋每生礙阻

俸給

有清雍正六年起撥給各縣官佐養廉等項銀兩核定德清縣衙門共銀一千

德清縣新志

卷四
食貨

三十六

七百二十八兩四錢八分內知縣養廉銀一千二百兩又辦公銀三百兩主簿養廉銀六十兩新市巡檢司養廉銀六十兩儒學教諭訓導加俸銀四十八兩四錢八分以查會典載本縣知縣原有年俸銀四十五兩主簿巡檢各三十三兩一錢一分四釐教諭訓導各四十兩均過薄奉旨加祿養廉周志補

雜役銀兩宣統元年知縣姚肇格詳報

門子 每年工食銀十二兩

民壯 每年工食銀二百四兩

皂隸 每年工食銀八十四兩

馬快 每年工食銀四十八兩

轎傘夫 每年工食銀四十二兩

禁卒 每年工食銀四十八兩

捕兵 每年工食銀一百二十二兩

斗級

每年工食銀二十四兩

庫子

每年工食銀二十四兩

件作

每年工食銀十二兩

下塘弓兵

每年工食銀六十四兩八錢

杭添鹽捕

每年工食銀七十二兩

本邑鹽捕

每年工食銀七十二兩

烏青哨兵

每年工食銀二十一兩六錢

奉口開夫

每年工食銀三兩六錢

署內幕友雜職署外六房書吏均由平餘項下開支民國起定德清縣爲一等

乙級

知事官俸年支銀三千六百元

每月俸銀三百元

椽屬俸薪及辦公經費年支銀六千六百元

每月五百五十元

德清縣新志

卷四
食貨

三十七

司法及監獄經費除由知事兼理不兼俸外年支銀三千六百元

凡關於兼理訴訟之用款及承審員監獄員俸薪役食囚糧均在其內

警察經費

知事兼所長不兼俸其警佐官俸計一等月支六十元三等月支三十四元五

等月支二十四元年支銀一千五百三十六元

按清邑無二等及四等警佐

餉項年支銀三千九百三十六元

辦公經費年支銀四百八十元

除俸給由省地方稅支出外其薪餉服裝一切雜支歸縣稅房捐等款項下由

知事自行支配不敷請由省庫撥補

民國六年採訪稿

水上警察經費

歸省軍事項下由內河水警廳支給

浙江財政說明書

生活

生活意義 所稱生活即指人民生活而言而與社會不能分離故謀生存求生計託生命均即人民生活也

生活現狀 清邑富於蠶桑人民勤於作業自昔雖無蓋藏尙稱家給人足差堪溫飽以今視昔不可同日語矣良以生產所入所增者微而支出所需所加者高或倍蓰焉或十百焉且也生之者寡食之者衆奈之何其不貧耶故向之不貧者今貧矣向之小貧者今大貧矣而人民之生活苦矣

物價比較 物價比較當分食衣住行四者言之夫食之原料清邑所需者全賴於米而麥與雜糧無恃焉全縣產米不足半年之需餘大半年須仰給於外來相傳洪楊軍興以前每米一石需錢二三千文合銀不過二三元清末之季須至六七元則倍蓰矣民國八九年間已至十元則三四倍矣嗣後有至二十元者幾十倍矣其他肉食蔬菜與柴蠟油鹽醬醋茶莫不節節增高而農人所恃爲大宗出產者惟蠶絲耳蠶絲業日就衰敗人民生計將絕糊口無資甚矣

其憊也衣之原料惟絲棉麻毛清邑爲產絲之區是有原料矣然因境內無絲織工廠故不能成織物甚者以急需變價采鮮繭以售之繭仍無以織物而衣被也其偶有衣之者購之外籍與不產等耳至棉麻毛既少原料亦無織品故純購諸市不但以物價增漲一衣之費與食成正比卽有稍形低落者則舶來品耳且從前尙有手工織物今益衰頹言之增嘆住之一事亦正難言全縣房屋大抵瓦舍居多茅屋僅見除租賃以居者六十年來市屋租價增六倍以上住屋租價與五倍相幾外其自營屋以居者尙稱苟安自住屋比租起捐之法行而居民負擔益重矣至於行本無問題者也惟自物價提高後凡以人力代步者莫不逐漸增價其數較諸三十年前約增三五倍而物質愈文明機器益進步其乘機輪以行者生活當更加高也

清邑南接省會北近吳興

舊湖州府首邑

生活程度繼長增高而全縣生產力日益薄

弱有十室九空之勢是不可不加关注焉

卷四勘誤表

頁	面	行	字	原文	更正	正備	註
一一	前	四	一	乾隆二字上	加一清字		
一一	後	五	一	魚	漁		
四四	前	五	二	食	食		
四四	後	七	六	慢	漫		
十五	前	十	一至四	元至正間	應排頂格		
二十六	後	七	二十一	保	報		
三十	後	二	六至七	令通	通令		


此註原在附捐項下
仍移原處

德清縣新志卷四終

德清縣新志

卷四
食貨

三十九



德清縣新志卷五

法制志

一代肇興自有一代之制度民國肇自革命日月重光其典章文物不沿前清宜也遜清初年多沿前代中葉而後變革亦非妙一邑禮法一國雛型爲世道人心之所繫而爲士庶所宜明謹識沿革用彰文獻

禮儀

祀事

丁祭

清光緒三十二年本邑奉文以先師升入大祀重訂祀典今將禮部奏定典禮通飭遵行者節錄於后

一 先期祇告查會典國家大典均先期祇告天地宗社先師升爲大祀係屬大典擬請先期祇告先師廟並先師闕里

德清縣新志

卷五
法制

一 廟制街門三間大成門五間大成殿七間暨御碑亭十四座舊制皆覆黃瓦餘綠瓦今擬改爲通覆黃瓦

一 神牌舊制朱地金書今擬金地青書

一 神幄及案衣舊制銷金紅緞今擬改用黃雲緞

一 爵舊制用銅今擬均改用玉

一 祭品舊制十簋十豆今擬加二簋二豆爲十二簋十二豆

一 樂舞舊制六佾今擬用八佾舊制專用文舞今擬添用武舞

一 視牲舊制先二日今擬改先三日

一 齋戒牌銅人舊制先二日今擬先三日進設

一 致齋舊制二日今擬請致齋三日

一 入廟升殿舊制入左門今擬改入右門舊制出左門今擬改出右門

一 迎神送神舊制行二跪六拜禮今擬行三跪九拜禮

一 上香舊制立而不跪先師既升大祀擬請跪上香
一 跪奠帛爵行三獻光緒二十年八月丁祭業已遵行今請著爲令
一 飲福受胙光緒二十年始行此禮請著爲令惟查二十年禮節謝福胙行
二跪六拜禮今擬謝福胙行三跪九拜禮又查會典大祀贊禮郎贊賜福胙
中祀贊答福胙今擬贊賜福胙

一 祭文既升大祀擬請另行恭撰

一 臨文稱引 先師舊制雙擡今擬改爲三擡

一 立碑 先師既升大祀擬請製碑文立石以垂久遠

一 崇聖祠正位祭品舊制羊一豕一籩八豆八今擬加牛一加籩二豆二

一 直省州縣文廟規制供奉禮器樂舞暨崇聖祠祭品擬並同大學行禮儀
節仍遵舊制惟承祭官出入向例由左側門今擬改由右側門不飲福受胙

民國地方官祀 孔子儀

四年本
邑奉文

德清縣新志

卷五
法制

二

地方行政長官以歲夏時仲春秋兩上丁日廟祀 至聖先師孔子獻官以
行政長官主之

四配以屬官

十二哲兩廡以屬官東西各一人書祝版砥割戒具陳設省齋糾儀以屬官執
事人以屬員及地方員紳學校教員學生之嫻禮儀者選充在城文武委任以
上咸與祭散齋二日致齋一日祭前一日有司飭廟戶潔掃殿廡內外供張如
儀正獻官率執事人入廟習儀樂舞諸生入廟習舞習吹祭之日行禮儀節均
與京師祀 孔子儀同惟正祭官出入殿門皆由右不由左

右祀儀

祝辭曰維某年月日某官某致祀於

至聖先師孔子曰維

先師德參化育道貫古今集羣聖之大成炳前知以垂憲天下爲公中國一人

之量生民未有六經千載之心循宮牆而瞻富美入室升堂隆俎豆而奉馨香先明後法茲當上丁祇率彝章肅展微忱聿將祀典以

復聖顏子

宗聖曾子

述聖孔子

饗
亞聖孟子配嗚呼聲名所屆血氣莫不尊親光景常新禮樂明其禮祀尙

右祝辭

迎

神樂奏昭和之章辭曰大哉

孔子先覺先知與天地參萬世之師祥徵麟紘韻答金絲日月既揭乾坤清夷初獻樂奏離和之章辭曰永懷明德玉振金聲生民未有展也大成俎豆千古

德清縣新志

卷五
法制

三

春秋上丁清酒既載其香始升舞干戚之舞亞獻樂奏熙和之章辭曰式禮莫愆升堂再獻響協鼓鏞誠孚疊獻肅肅雍雍譽髦斯彥禮陶樂淑相觀而善舞羽籥之舞終獻樂奏淵和之章辭曰自古在昔先民有作皮弁祭菜於論思樂惟天牖民惟聖時若彝倫攸叙至今木鐸舞如亞獻徹饌樂奏昌和之章辭曰先師有言祭則受福四海鬻宮疇敢不肅禮成告徹毋疏毋瀆樂所自生中原有菽送

神樂奏德和之章辭曰鳧繹峨峨洙泗洋洋景行行止流澤無疆聿昭祀事祀事孔明以化烝民以育膠庠

右樂章樂舞

崇聖祠同時致祭正獻以國立或公立學校校長分獻以屬官或地方員紳執事以地方員紳或學校教員學生餘陳設行禮各地均同惟祭祀時間則先於釋奠二刻

右祭

崇聖祠

祝辭曰維年月日某官某致祭於

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公曰維

王垂裕後昆光開聖緒爲層冰之積水作大輅之椎輪既祖功而宗德必有達

人亦木本而水源不忘數典茲屆上丁聿修祀事配以

先賢孔氏

先賢顏氏

德清縣新志

卷五 法制

四

先賢曾氏

先賢孔氏

先賢孟孫氏尙

饗

右祝辭

民國五年八月本邑奉令規定祀 孔禮制改跪拜爲鞠躬迎神送神各三鞠躬

讀祝受胙各一鞠躬正獻分獻服大禮服陪祀各員服常禮服其餘如舊

按清邑樂章遵制奏歌佾舞未實行

戊祭

各地方祭關岳廟禮節

民國四年本邑奉文遵行

祭日屆時正獻以下皆具祭服集致齋所正獻盥手閱祝版署名訖司祝進奉於祝案俟鼓三嚴贊引引正獻入武成門左門分贊引分獻傳贊引與祭員隨

入典儀贊樂舞生就位執事員各司其事贊獻官就位正獻分獻及與祭員各就拜位北向立贊迎

神司樂贊舉迎

神樂奏建和之章辭曰懿鑠兮神功震華夏兮英風義勇分河東惟湯陰兮與同脩祀典兮方州佇降歆兮闕宮樂作贊引贊再拜傳贊贊衆官皆拜正獻分獻及與祭員皆行再拜禮跪拜再拜興樂止典儀贊奠帛爵行初獻禮司樂贊舉初獻樂奏安和之章辭曰神來兮格思風馬下兮靈旂量幣兮初陳薦馨香兮玉卮瞻仰兮明威儼如在兮軒墀舞干戚之舞司帛爵捧帛爵各進

神位前立樂作贊引贊詣奠帛位引正獻入殿左門詣

關壯穆侯帛案前立贊奠帛正獻受帛拱舉仍授司帛奠於案正中退贊詣獻爵位引正獻詣

關侯爵案前贊獻爵正獻受爵拱舉仍授司爵奠於爵奠正中退贊詣奠帛位

德清縣新志

卷五
法制

五

引正獻詣

岳忠武王帛案前奠帛贊詣獻爵位引正獻詣

岳王爵案前獻爵均如前儀贊復位引正獻仍由殿左門出復拜位立分贊引兩序分獻入殿左右門各就案前立受帛爵拱舉仍授司帛爵獻於案上退司祝就祝案前捧祝版至案西先立樂暫止贊引贊詣讀祝位引正獻進殿左門詣讀祝位正立典儀贊讀祝辭曰唯某年月日某地方官某致祭於

關壯穆侯
岳忠武王曰惟

神武功彪炳偉烈昭垂建大節於千秋振英風於六合忠誠正直麗河嶽而長留智仁勇功與日星而並耀潔馨香而合祀德量同符肅俎豆以明禋心源如接惟祈

歌享克鑒精誠尙

饗司祝讀祝畢正獻受祝版拱舉仍授司祝司祝奉祝版至關侯位前安於篚

內退樂復作贊引贊復位引正獻出殿左門復拜位立樂止典儀贊行亞獻禮司樂贊舉亞獻樂奏靖和之章辭曰萬舞兮洋洋禮再舉兮陳觴靈昭昭兮既留庶鑒誠兮降康舞同初獻樂作司爵捧爵分詣

神位前拱舉各奠於左退樂止典儀贊行終獻禮司樂贊舉終獻樂奏康和之章辭曰名世兮鍾靈炳河嶽兮日星祀事兮三成肅駿奔兮廟廷舞同亞獻樂作司爵仍分詣

神位前拱舉各奠於右退樂止典儀進至殿東西向立贊受祴退贊引贊詣受祴位引正獻進殿左門詣受祴位正立司祴執祴至

正位前拱舉退立於正獻之左接祴進立於右贊引贊受祴正獻受祴拱舉授於右贊復位引正獻出殿左門復拜位立贊再拜傳贊贊衆官皆拜正獻以下皆行再拜禮如前典儀贊徹饌司樂贊舉徹饌樂奏蹈和之章辭曰告徹兮禮成神其受兮苾芬明德兮惟馨播聲威兮八紘樂作司爵各進

神位前徹籩豆各一少移故處退樂止典儀贊送

神樂奏揚和之章辭曰雲駕兮高翔神將歸兮九閭受福兮烝民導我武兮惟揚樂作贊引贊再拜傳贊贊衆官皆拜正獻以下仍皆行再拜禮如前樂止典儀贊奉祝帛送瘞司祝帛爵各進

神位前恭捧祝帛酒饌依次送往瘞所時贊引引正獻轉立西旁俟祝帛過畢仍引復拜位立樂作司瘞數帛典儀贊禮成贊引引正獻出武成門左門分獻以下隨出至致齋所樂止正獻以下更衣各退

按清邑戊祭樂舞從闕

民國五年九月本邑奉令改定禮制迎神送神各三鞠躬受祴一鞠躬服章文官大禮服武官軍服警官警服有勳章勳位者一律佩帶與祭各員常禮服或制服其餘如舊

祀天

自有清迄民國其祭儀各與其祀 孔禮制略同清邑祭如制
追祭忠烈

民國三年奉令致祭忠烈永著爲例五年奉定禮制祀祭 關 岳惟迎神送
神均再鞠躬服章並同

此外祀事各視其制或已詳建置志茲不贅舉

迎春

查會典載文官迎春武臣迎霜降均爲大典清邑縣官率主簿典史迎春每於
立春前一日例行之祭芒神鞭紙牛俱如制另於壇廟風俗兩目內分載之

入學

清制各新進儒童行入學禮 穿藍衫 雀頂 至縣署大堂排立由號房傳遞金花一對
酒一鐘向縣主打拱再打拱縣主均報揖請縣主升輿各新進引導前行恭詣
聖廟排班向聖位行三跪九叩首禮禮畢各新進退入明倫堂學師就東位父

德清縣新志

卷五
法制

七

師就西位各新進立南面北

初次新進
不行禮

父師拜見學師打拱跪四叩首起父師

率領諸生拜謁學師全前行禮父師就東位學師就西位學師拜見父師打拱
跪四叩首起學師率領諸生拜謝父師全前行禮畢各官及父師面南立訓各
新進以努力詞語畢各打一拱退

儒童入學後卽爲附學生員簡稱附生

學額

清邑初定附生科歲試援照明制每屆取入邑庠二十五名肄業學校不供膳
撥府學以二三名爲額道光時另定無佳卷亦可止撥咸豐初因捐資助餉廣
額一名同治三年事平四年乙丑開科辦善後又廣二名取二十八名爲定例
嗣後奉詔又廣二名合府學二名取三十二名逢慶典照大縣例廣額七名
廩生定例二十名肄業學校年給膳銀四兩八錢以考一等等者挨次頂補
增生定例二十名亦以考取者挨補

廩貢凡廩生情願出學者賞捐之

增貢附貢同廩貢但出學捐銀照廩貢遞加

歲貢凡廩首閱年一貢例授雙月訓導再加分發並捐單月不論雙單月兩班均得著補教諭訓導缺

拔貢每十二年每縣學考選一名朝考一等以小京官用二等知縣餘就佐貳職

優貢三年一試通省祇六名咸豐初始與朝考

副貢

即副榜

於鄉試時取定之

鄉飲

民國五年六年舉行

啓

縣長吳鸞皋

啓者在昔禮賢敬老盛典攸隆今茲碩德耆年達尊尤貴鄙人來官斯土祇以政事叢集不獲與邦人父老時聯縞紵之歡心滋歉焉茲擇三月初二日設筵

德清縣新志

卷五
法制

八

本署爰酌春觥藉隆鄉飲非敢開北海之樽聊以慶南山之壽庶幾羣賢畢至修禊在上已以前高會重逢佳話踵耆英而後是爲啓

頌

平湖朱蒼許

清癸卯舉人
縣承審員

維民國五年三月二日邑侯吳公大宴邑九老及諸賓於公署仿鄉飲之遺規修鴻文於絲叢誠盛事也夫鄉飲大禮肇始三代非唯尊崇耆士示人以無忘敬老之意蓋將以壽考而有德望者模型四方使民有所觀感而風俗乃歸於淳厚且以使官斯土者時與邑之耆年碩德及賢士大夫相晉接而興革之道乃有所恃政令之下乃有所漸一揖讓獻酬間而設治布化之機悉寓其中故孔子曰我觀於鄉而知王道之易易也意在斯乎意在斯乎自前清中葉鄉飲禮廢垂百十年今吳公於衆所不爲之日獨師其意而爲之欲使此邦之政治風俗復幾於三代邇治之盛而邑之耆年碩德及賢士大夫復惠然肯來相與樂成而贊助之是己心有所合而將來治化之必有所成可無待著蔡矣其時

與會者大賓自蘭舫費先生容齋施先生以下九人介賓純甫虞先生以下亦九人衆賓自景川程先生以下十四人蒼許備位掾佐幸得觀此盛會謹泚筆而爲之記并繫之以詞曰

香山高會白居易洛中結社司馬公其時民俗皆淳厚潛移默化斯爲功唐宋至今一千載耆英結契相連蹤丹墀大合千叟宴雍雍穆穆思追從鴻文鉅典難爲繼鄉飲禮廢如飄蓬古人遺意漸湮沒將持何道移民風餘不山水甲吳越其人壽考多威容丙辰紀元三月朔九老筵宴聲和雍翌晨再宴吳侯署主賓娛樂尤融融座中尙齒亦尙德能教薄俗爲敦龐入門三揖酌三獻官紳情愔皆相通化民成俗此其始佇看郅治收殊庸夜來天象應有德星聚豈唯壽星奕奕天南紅

儀節

士紳許炳堃黃開甲程鳳鳴等依禮記擬訂

主人速賓及介衆賓從之至於門外

德清縣新志

卷五
法制

九

主人立於門外之左西面拜賓三揖賓答拜

主人西南面拜介三揖介答拜

主人西南面揖衆賓一揖衆賓報揖

主人又揖賓一揖賓報揖

主人先入門而右西面

賓入門而左東面

介及衆賓序入立於賓西南東面

主人肅賓就席賓辭

主人固請賓固辭

主人終請賓終辭

執樽者進賓席前主人取爵酌酒北面獻賓賓受爵就席

主人延介主人揖介一揖介報揖

執罇進介席前主人取爵酌酒西南面獻介介受爵就席
主人揖衆賓一揖衆賓報揖就席

賓取爵酌酒進於主人席前一揖主人報揖立飲卒鱣賓退復席
介取爵酌酒進於主人席前一揖主人報揖立飲卒鱣介退復席

衆賓取爵酒進於主人席前一揖主人報揖衆賓復席燕訖賓主俱興
賓介衆賓序出立於門外之西東面

主人送於門外之東西面主人再拜二揖賓介衆賓皆再拜二揖退


執事者

贊一

執罇者一

相四

附鄉飲圖室西向



德清縣新志

卷五 法制

鄉射

鄉射前於射圃舉行之爲民衆習射以講武事之良法也自武器革新弓箭失
效鄉射之法久廢惟民衆習武循鄉以行按諸今世尤關緊要故民衆運動與
軍事訓練宜仿鄉射意以踵事之庶小則可以強身大則可以衛國也

易服

清際服裝婦女可用明式男子須如滿制二百餘載未見漢官威儀清邑衣冠
雖盛亦難例外撮其大要備徵考焉

冠頂 紅寶石一品 珊瑚二品 藍寶石三品 青金石四品 蚌袍 一品至三品 九蟒五爪許用 貂皮四
品 水晶五品 碾礮六品 金頂七品 八九品 品 五品以下 非翰詹科道不許穿 蟒
綴貂皮後准通用 五 補服 文一品 仙鶴二品 錦雞三品 孔雀四品 白鵬六品 鸞七品 鸞
蟒五爪文武職同 鴻八品 鶴九品 武一品 麒麟二品 獅子三品 豹四品 虎五品 熊六
七品 彪八品 犀牛九品 海馬文官 朝珠 五品以上及翰詹 翎毛 三眼雙眼孔雀翎非大功
風憲各員不論品級均用 朝珠 科道均許掛用 翎毛 不賞次單眼孔雀翎次藍翎
亦以功賞 長鞵 普通尖頭若方頭鞵尖頂鋪絨帽外官於迎春等日用
後可捐納 之縣官及佐雜同(平民則戴無頂纓帽穿元青套)

道光戊子年言官奏請改正服色以混戴金頂者甚衆飭遵定例惟七品官及

進士舉人得戴素金頂八九品官及貢生戴起花金頂生監戴銀頂寒士皆購錫頂代之有力者以銀鑄實心頂約重一兩冷麻雜說光緒末葉出洋考察諸臣奏請易服奉詔未許

按清冠服之制意無所取惟質料均國貨尙非漏卮猶彼善於此耳

民國制

大禮帽平頂高圓爲服大禮服所用之禮帽色尙黑硬胎常禮帽平頂弓形爲服常禮服所用之禮帽色胎同上學士帽其式略如常禮帽而頂略矮其

心凹凹呢製軟胎普通爲黑色西裝出門必戴帽夏季用草帽凡遇親朋大禮服分晝用用右手脫帽趨握致敬左手執帽裏向內不向外燕居冠服聽從舊習常禮服甲種亦分晝用晚用二種晝用長與膝齊晚用配以大禮帽常禮服長過膝前色均黑乙種青對襟短褂藍長袍褲用皮尙黑高及踝取世界大同而用外貨殊堪慮（平民暫從舊俗）

按前項禮服制係元年奉頒迄今因之

又以服裝既易則髮辮當然應除故民國成立知識階級首先截髮以示提創因髮辮本滿清舊俗順治入關後逼使漢族從之者也今概易服短髮嗣不論

德清縣新志

卷五 法制

十一

階級性別均踵行之

相見

清代人民見縣官須跪屬官上謁須拜見尊親屬及謁師等均同所以示尊重也敵體則長揖不拜民國四年改定禮制人民見官初謁遞名帖免冠再鞠躬官長答禮及退一鞠躬答禮同送於門內常見則鞠躬而已屬官上謁及卑幼見尊長均如之若尊長來訪卑幼則卑幼須迎送於門外又尊長如係尊親屬者於卑親屬謁見時不答禮不致送其餘或官或民之敵體相見初見通名刺賓入主迎於門內各免冠一鞠躬及退送於門外常見可不通名刺見時或鞠躬或僅免冠而已

凡女子相見或男女間互見各以其等差適用前儀惟女子均不免冠除相見以外凡遇慶典祀典婚禮喪禮等均用免冠三鞠躬

定曆

附國慶紀念等日

考曆日均以歲實歲差為主陰曆有閏月有朔望陽曆止有閏日以三百六十五日五時四十八分四十六秒為主歸陰曆有閏月不便計算故各國都用陽曆民國元年奉文頒定取從同也年分十二月其日數七月以前單月皆三十一日而雙月三十日八月以後雙月皆三十一日而單月三十日二月平年二月十八日閏年二十九日每週三年加閏一日見曆算考

中華民國國慶以辛亥歲八月十九日即陽曆十月十日 前大總統黎元洪武昌首義經參眾兩院議決咨政府核定公布屆日應舉行之事如左

懸旗結綵時尙以紅黃藍白黑五色旗爲國旗向國旗行三鞠躬禮（今黨國旗制已定而清邑尙未奉頒） 大閱 追祭 賞功

停刑 恤貧 宴會 放假

紀念日

一月一日宣統三年辛亥歲十一月十三日南京政府成立舉孫先生文爲臨時大總統廢君主專制爲五族共和定中華民國國號改元稱元年初以黃帝紀年至是廢是日爲陽歷元旦定爲民國成立紀念日

德清縣新志

卷五 法制

十二

二月十二日是日北京宣布共和清宣統帝遜位爲南北統一紀念（今失效）

三月二十九日爲黃花崗烈士殉國紀念日

四月八日民國二年是日爲國會開幕紀念（今失效）

五月九日爲日本迫簽二十一條國恥紀念日

五月十八日爲陳英士先生殉國紀念日

七月三日民國六年是日爲馬廠起義排除宣統復辟再造共和紀念（今失效）

十二月五日民國四年是日爲肇和兵艦舉義紀念

十二月二十五日民國四年是日雲南蔡鐸起義推翻袁世凱洪憲帝制恢復共和紀念

植樹節陰曆清明日今改三月十二日依氣候提早以適土宜

祀孔日陰曆二月八月上丁釋奠今廢

祀關岳日陰曆二月八月仲戊大祀今廢

孔子誕日國曆八月二十七日行紀念儀式各教育機關放假

鄉約

鄉約(續侯志)設約正一人鄉長五人振鐸四人歌講生十二人每月朔望晨拜先師神位至己牌集諸生詣鄉約所設案置經訓於上前設講案贊禮二人侍立經訓案側唱歌講經訓諸生排班贊者贊拜興後分班序立講生出班拱手行至講案前贊揖首講孝順父母講畢贊復位唱孝順父母歌歌生魚貫徐行至堂下向上序立而歌擊鍾鼓畢贊復位再講尊敬長上三講和睦鄉里四講教訓子孫五講各安生理六講毋作非爲惡歌講生出入如前儀禮畢乃向先師位拱揖而退至期約正給善惡文簿二扇如該約之內有不孝不悌教唆詞訟開場賭博販鹽做賊仿造假銀等項許該約鄉長保甲諸人公報當面登入惡簿送縣查究中有孝子順孫義夫賢婦有關善良風者卽登入善簿送縣查獎或有利害所當興革者不妨公舉以聽採擇此明制也前清因之講經訓要旨一曰敦孝弟以重人倫二曰篤宗族以昭雍睦三曰和鄉黨以息爭訟四

曰重農桑以足衣食五曰崇節儉以惜財用六曰隆學校以端士習七曰黜異端以崇正學八曰講法律以儆愚頑九曰明禮讓以厚風俗十曰務本業以定民志十一曰訓子弟以禁爲非十二曰息誣告以全良善十三曰誠窩盜以免株連十四曰完錢糧以省催科十五曰聯保甲以弭盜賊十六曰解讐忿以重身命兼讀律令儀節悉如前制新市在覺海寺仙潭志餘此制迄清末猶踵行之故光緒間郡紳姚守梅每至外縣宣講城紳丁覺源施涵許士英鎮紳費模高振垣沈汝楷亦躬與也考鄉約之旨以講導爲先此古時之社會教育也至方隅禁約如昔時之禁開山禁棚民禁阻葬與近時之禁賭博禁藥魚或非時狩獵等各具條教以資遵守其效力已勝於普通文告亦足多焉惟口講指畫耳提而命實勝板滯之條文故講解爲尤要降至於今有開通社會之民衆教育若通俗教育講演所若民衆教育館講演部若民衆講台若民衆樂園既講且演主持者至粉墨其色相而登場以說法在市言市在鄉言鄉喚起民衆醫治文盲社教

之力不超越於古之鄉約耶

保甲

保甲之制肇自前代閭閻守望相助盜戢民安意至善也清邑自紅羊劫後日漸廢弛至光緒二十六年知縣潘紀恩大加整飭成效日彰縣設保甲總局聘邑紳爲總董副董飭一百八十一莊各舉殷實者二人爲董事定五家爲一比十家舉一排後於要路設保甲局晝夜邏守有事則鳴鑼相應甚形努力盜賊亦自斂跡久之又漸廢惰至民國二年閩邑舉辦清鄉調查戶口編釘門牌獲效甚鉅四年改設城鎮鄉保衛團輔助水陸巡警其經費由商人籌之駐地見屯戍

保衛團

編制

編列戶口爲著手要義每十戶爲一牌置牌長一人年二十餘十牌爲一甲置甲長一人

德清縣新志

卷五
法制

十四

年二十餘五甲爲一保置保董一人每團置一團總年三十歲以上均須有公民資格以縣官爲總監督

職權除依章程規定外凡團內住戶有藏留盜賊或寄頓贓物團總等得隨時確查指獲送總監督懲辦各團有匪警時團總得臨時召集團丁並協同就近軍隊圍捕除匪徒拒捕應有正當防禦外於捕獲後送由總監督訊辦如距城寫遠恐途中有變得請軍警協同押解不得違法私訊

各地方如舉辦保衛團時應規定各團區域裒廣得因辦公之便利由團總詳請總監督酌量分設辦公處由保董或甲長分任事務而隸於團總如因格於情勢其戶數不能及一保或一甲者則二牌以上亦得成團但不設保董與甲長定期清查戶口每年於十二月間行之遇有形迹可疑者應由牌長報告團總轉報警察所暨總監督得適用豫戒之法

軍政

邑在南宋爲近畿設鎮將元置錄事司於湖州以屯兵隸之明初改爲守禦千戶所置屯田之兵計有屯軍操軍摘操之壯者漕之於是兼領漕運其後定爲千戶百戶總旗小旗等員分管操屯而不設衛所當藉民壯以資守禦亦如元之隸於錄事而已舊志不錄武備非無可錄也清代廢屯田裁千戶百戶設千總一員司漕運別設千把等員輪流駐防各司弭盜安民與保甲相表裏法益周矣以形勢論邑東南介杭湖之衝又東接嘉興境河港交橫爲吳興以南之鎖鑰也其責重其民顧可佚耶古者厲兵於農卽於農隙以講武事處今之世軍旅之事宜知所重而謀其自衛焉

綠營凡防地標營漢兵均以綠旗爲辨受知縣調遣以其加撫院營務處銜也受成於撫軍惟河標則歸漕運總督節制文獻兵考清光緒三十二年正月政務處兵部奏覆裁撤綠營改爲巡警爲設警之始節原文如次

軍機處鈔交巡警部等奏稱光緒二十七年飭練巡警多就綠營改設將現存

馬步戰守各兵挑選年富力強體量合格粗識文字別無嗜好者改爲巡警慎選廉明武職粗通警學人員督率教練不得以空文塞責每年騰出餉項儘數撥作巡警要需等語奉旨依議並頒行到縣而乃有警政焉

警政

考警務本內務行政然實可補充軍備故次軍政

清邑水陸巡警之編制官佐士兵之定額與駐地於屯戍目已詳載之至其沿革肇自清光緒三十三年丁未冬奉省大吏檄知縣王適善籌辦始有警察之名時警察之制僅行京津各省未有也故省吏奉文後委諸縣縣又請士紳以代籌費蓋警費須仰給於地方也是年十一年由縣邀集紳商籌議舉辦決定辦法照會紳士輔佐縣尊執行當票舉許德修程森徐師善聞毓璇嵇炳元許德溥六人爲巡警總副理籌定商舖捐款爲經費明年戊申清邑巡警總局成立駐於城南紫陽觀由縣令牒請主簿陶佑霖爲管帶其下設有什長兩名巡

士十六名伙夫兩名分其巡士之半駐於城內觀音堂宣統元年己酉省設巡警道札委縣巡警總局巡官其下設有巡記巡長巡警任籌款者爲巡董時正巡董爲程森副巡董爲許德修又繼以丁炳祺同年新市巡警分局成立駐於鎮中樓局設區官三年辛亥更巡警總局爲警務長公所設警務長是年各巡董裁撤民國元年改警務長公所爲警察署設署長新市鎮置分署委分署長治之四鄉分設派出所所以所員任之正署統轄全縣分署與派出所悉受成焉三年春以警費支絀除洛舍外派出所均裁同年冬奉文轉頒部定官制縣設警察所置所長由知事兼任餘爲警佐輔佐所長分理城鎮鄉警務另擇有警察學驗者派充學習警佐別設警察隊置隊長督率訓練各所均設巡長巡警嗣後增設巡官一切警餉均出於縣

水警遵四年春教令而設依其組織設置水警隊其編制由省咨請內務部核定之浙西河港紛歧需水警甚亟遂有各區各隊之編設其區域不以縣爲單

位故清邑水警祇有分隊循其系統隸於第十二隊或第十三隊不等已見屯戍其俸餉均爲省款不仰給於地方也

役法

清邑前代之役法卽縣署書吏差役之缺額與其任使也佐貳之門役麗之自清雍正七年行順庄法後庄設地保亦爲縣所役使此外各業匠有與官役之列者臨時使用之歷二百餘年而無變至光緒二十七年四月始陸續奉文裁革茲錄禁吏役需索之諭於左

光緒二十七年四月諭從前府州縣衙門書吏往往勾通省吏舞文弄法朋比爲奸至差役索擾尤爲地方之害其上司承差則藉公需索州縣州縣差役更百般擾害閭閻種種弊端亟應一律革除三十年五月又有痛斥因循不辦之諭

至三十三年奉有請裁民壯捕役之旨節叙如左

民政部奏查州縣原有民壯捕役等項額設不過百名工食至微而白役之數多且逾千平日於緝捕盜賊遞送公文全無實際惟日以生事擾民爲業雖有循良亦爲蒙蔽閒有招募團練勇丁其餉項或借資公款或攤之商捐而控馭亦多失宜擬請一律裁汰原有經費改設巡警自可化無用爲有用而裨治本等語奉旨依議頒行至縣遵行

入民國革除官役並及匠役如無給之泥木石漆各匠

修衙署

樂戶炮手

慶弔祭祀迎送

僧道

水旱離

脚班

運糧

轎班

公出

丐首

迎春

牛保

船差

等各例役於元年建元一

律裁廢

司法

清制司法厥惟刑名故有刑律刑例之名清邑前志曾載刑例而續志則云刑律非縣所專不當贅列然刑法雖非所專亦非所無其有修訂變革仍宜節載以資考證清末法律由改訂而始繁國初因增訂而始備稱法治焉茲將奉有

明文者節錄之

刪除凌遲梟首戮屍略以據伍廷芳沈家本等請將律例內重刑變通等語查入關之初以斬罪爲極重順治修訂律例沿用明制始有凌遲等極刑所有現行律例內凌遲梟首戮屍三項著永遠刪除其斬決改爲絞決絞決改爲斬監候斬監候改爲絞監候入於秋審分別辦理緣坐各條除知情者外餘悉寬免刺字等項亦著概行革除

光緒三十一年三月

按斬刑惟謀逆及謀殺直系尊親屬等適用之絞刑於特定場所密行之

重禁刑訊拖累略以據伍廷芳沈家本奏覆恤獄十條請飭禁止刑訊拖累變通笞杖辦法業經依議茲聞各州縣或嚴酷任性率用刑求或一案株連任聽朦蔽拖累拘押凌虐百端實堪痛恨著嚴飭各屬實力遵行用副恤下省刑之

意

同年三月

改除笞杖徒流略以據沈家本奏光緒二十九年刑部奏請刪除充軍名目業

奉允准是年又議准趙爾巽條奏軍遣徒流酌改工藝三十一年復經議覆劉坤一奏改笞杖爲罰金均經通行在案茲擬改爲死刑徒刑拘留罰金四種其餘廢除三十三年

清末罪刑既經減輕刑名亦復修改而本邑另奉訂頒新刑律遵行宣統元年

民國成立奉令凡新刑律內與國體抵觸各條已分別刪修並更名曰暫行新

刑律又另頒暫行新刑律施行細則及新刑律內不准免除折贖條款元年三月四月

繼奉頒暫行新刑律補充條例二年十月

嗣奉續頒刑事訴訟律及民法商法等自是司法益繁惟查法院

編制法內定有縣法院之制爲初級審判廳而清邑迄未設置故司法均由知

事兼理另設專員以司審判元年稱執法員二年二月改幫審員（本邑民刑一庭各一員）

而知事專司檢察合稱審檢所具司法獨立之雛形三年四月奉裁改設承審

員而受成於知事六年六月奉發縣司法公署組織章程未實行迄今猶用承

德清縣新志

卷五
法制

十八

審制度此司法沿革之大較也

郵政

蠲賦附振貸周志止於清嘉慶九年

清嘉慶十九年大旱奉憲勸振自十月起每大口給錢十四文小口減半大吏招商至福建運米免其關稅價始平

道光三年五月大水害稼民饑時湖州知府方士淦飭知縣武新安勸殷富捐振按冊散給並設粥廠於吉祥寺覺海寺次年春復振之

道光二十一年大雪高積丈餘免冬漕

道光二十九年五月大水知縣廖宗元具詳大吏奏請免漕奉旨振濟官振二月每大口給銀三分小口減半並勸紳富私振數月城內新市設粥廠以上府志參采

冊訪

咸豐六年六月大旱長橋河市河皆涸山田無收田賦緩征

同治四年兵後水災民力凋敝元氣未復奉旨蠲免冬漕原卷佚查光緒十五年
藩司許奉撫憲崧札縣

光緒八年七月水荒災歉七分四釐知縣汪昌因鄉民鬧荒在任出缺代理周延祚續請大吏振撫浙撫陳士杰奏定別荒徵熟發錢三千串飭縣會紳輸助原卷佚查光緒十五年
藩司許糧道世札縣稿在城隍廟分極貧次貧大小口散振杭紳胡光鏞捨米一千石儲便民倉施濟

光緒十五年六月報水荒災歉八分四釐六毫九月初二日浙撫崧駿據知縣陳鳳誥稟報清邑向無積穀奉准撥給省穀減價平糶並奉旨無收田地一應豁免其有收成者蠲免冬漕歷年未成熟之帶徵遞緩一年原卷

光緒三十二年七月起水荒災歉四分九釐三毫知縣傅師閔會省委稟報經由浙撫張曾敷奏撥公款銀三萬元又帑銀二萬兩德清得
千兩分卹杭嘉湖被災各縣所有災歉分別蠲緩其熟田仍應徵收是年傅師閔徵收銀三萬一千九

德清縣新志

卷五
法制

十九

百十六兩六錢八釐新令陳宗元徵收銀二千一百七十八兩五錢二分八釐又徵米二萬一千五百四石一斗二升五合溢完各戶流抵次年新賦原卷按
是年因

有控案故詳錄
並見減賦冊報

宣統元年四月起水荒災歉五分八釐七毫零知縣周琛呈報巡撫增藩司顏札縣平糶又札准令姚肇椿准部咨別荒徵熟分供支解原卷二年二月初十日清廷諭增韞奏查元年被災各縣所有錢糧業經分別應蠲應緩如有災戶已輸在官者准其流抵次年新賦未完各年舊欠均著遞緩一年節錄
贍黃

宣統二年五月至八月風雨蟲傷勘歉一分一釐八毫零藩司吳據知縣林祖賢冊報准緩徵地丁銀七千二百二兩二錢五釐四毫又漕米六千二百七十四石二斗八升五合原卷

宣統三年九月十六日清邑繼杭湖光復呈准浙江都督湯壽潛令免錢漕釐稅從前遞緩民欠一併蠲除

積穀

光緒二十六年七月知縣黃大華奉省憲勸諭各絲行每售絲一元捐錢一文作積穀經費共繳洋一千二百元治城六百三十八元 新市五百六十二元九月新任潘紀恩奉撥二十四年府存漕餘項下積穀錢一千五十六千七百五十文又留存二十五年解府漕餘錢八百九十七千九百文存典生息二十八元知縣過鑄詳文光緒三十三年辦平糶宣統二年辦撫卹訖徵信錄

工振

光緒三十二年浙撫張曾敷奏請頒給清邑帑銀八千兩合洋一萬八百十元八角以工代振共五十七莊脩築二百五圩支銀九千七百七十五元工房餘報冊移作卹斃

宣統三年閏六月十七日風雨為災浙撫增韞撥省款以工代振發給各莊實數無卷可查

德清縣新志

卷五 法制

二十

平糶

光緒十五年九月初二日十月初四日浙撫崧駿先後撥給省穀三千石查明極貧次貧戶口委員散放並諭紳富助振得銀一萬一千餘元於城隍廟設局平糶水災卷

光緒三十三年春二月夏六月浙撫張曾敷因上年水災撥給存倉漕米二千石實發一千四百石每石繳價五千四百九十元又平糶銀三千元施元因案助銀一千三百元另提積穀本利銀一千八百三十二元二角六分於城內忠義祠洛舍大廟分極貧次貧平糶訖徵信錄

卹斃

宣統二年三月因元年水災提撥積穀餘存銀二千二百十一元九角四分九釐又光緒三十二年工振餘存銀一千三十五元八角散給孤貧采訪冊以上自清嘉慶十九

年至宣統三年

瘞亡

清乾隆五十九年知縣李賡芸捐貲掩骼撰掄銘記積錢權子母以作葬費定瘞亡列入縣政紅羊劫後久稽徵考近所聞者於民國五年奉省長令凡在城廂一帶未經砌密之淺厝棺木應令家屬一律遷葬否則商同善堂設法掩埋免日久朽壞屍骨暴露致傷人道而礙衛生本邑遵令辦理

餘詳建置
掩埋會

優老

查乾隆十六年二十二年二十七年三十年四十五年四十九年遇高宗六幸浙江凡接駕老民老婦各賞給養老銀牌一面暨絹布棉米四十九年鑾輿至大麻時諭有司查報凡年在八十以上者賞給衣帛食肉九十以上者加倍百歲以上者賞銀十兩緞一疋俱於司庫核給每布一疋折銀二錢七分絹一疋折銀五錢棉一觔折銀一錢米一石折銀一兩二錢肉十觔折銀四錢聽本人自辦本邑均由知縣遵行無誤

民國三年巡按使屈映光巡閱清邑給八十歲以上紳民三人計紅黃素緞袍掛料各一件肉十觔新市費模另給令德壽豈匾額一方

拯嬰

自昔凡有姦生或無力撫育之子女多棄之顧此嬰失育卽爲夭殤不但有傷仁政卽與民族發揚前途有關礙焉於是邑境乃有育嬰堂之組織一設城區一設新市鎮收育嬰孩子惠元元其經費半取自公半取自捐助迄今未革此外如接嬰所等則鍾管尙博新塘東衡里等處均有之但苦無的費致辦理不能持久耳

新政

改革縣制

清室自戊戌政變庚子拳亂以後自知以非漢族君臨中土民心漸離外交日亟非變法不足以圖強茲將政變以迄光復有關縣政者列舉之

知縣

清會典載知縣秩正七品至光緒三十三年總核官制大臣奏定改訂外官制知縣升秩正六品惟查清邑歷任縱非晉秩其起銜必五品也辛亥冬改建民國廢府存縣易知縣為民事長南北統一後改稱知事列入薦任俸秩為二等一級嗣兼警警所長縣清鄉總辦節制水陸駐防營警其他縣屬職官均受監督指揮

佐治

清邑舊設刑名錢穀佐內政典史司牢獄捕廳主簿察水利河廳新市置分司掌巡檢清末奏改官制以主簿巡檢既不受理民詞又無一定責成雖號分防幾同虛設爰次第奉裁並增設下列各員

警務長掌消防戶籍巡警營繕及衛生

視學員及勸學所長掌合邑教育（一面裁撤教官）

德清縣新志

卷五
法制

二十二

勸業員掌農工商業及交通

典獄員掌縣監獄

主計員掌收稅

統計編纂員掌各項調查統計

文廟奉祀官時已裁教論訓導掌祀事

按清邑勸業員及文廟奉祀官二缺至民國十年後始設

民國元年裁撤幕職廢六房及庫書等改經徵科並皂隸差役改法警地保改指人設總

務民事警務教育財政執法六課各設課長課員新市另設執法員旋廢

二年併民事警務為第一科財政為第二科教育為第三科各設科長一科員

二由省民政長委任

三年另頒縣官制四年起釐定為政務財政教育三科各設主任助理等職由知事徵委呈報省行政長官咨部備案

監獄署爲知事所轄掌獄政者初名典獄易名管獄

審判向爲知縣專職自前代歷清末未變民國元年始設審判佐治員另詳司法目

革新試事

查科舉沿用前明舊制以八股文取士不知學者應潛心經史文藻其餘緒耳故行之二百餘年流弊日深勦襲庸濫無所發明宜求實學以挽回積習自各國交通智巧日開尤貴博通中外儲爲有用之材爰自光緒二十八年爲始凡遇考校改試中國政治史事論各國政治藝學策四書五經義本邑生童歲科兩考以中外政治史事藝學命題爲論策及四書五經義不再用八股文程式嗣以武科一途亦因明制所習硬弓刀石及馬步箭射施之今日已屬無用於光緒二十八年起本邑武生童考試及赴鄉會試一律停止另於省城設武備學堂俾取錄者入習武事焉

均節二十七年上諭

復以推廣學堂必先停止科舉有詔自光緒丙午科爲始所有赴鄉會試及本縣歲科考試一律停止改由畢業生酌給出身高等小學畢業者爲廩增附生中學畢業者由提學使考取爲拔優歲貢生報部註冊給照中等以上類推然均不過數名而已民國紀元除中等以上學校有考試外餘均中輟

十九年起復考試制

創辦教育

自光緒丙午停科舉興學校設高等初等各學堂及簡易識字學塾後復裁學政改提學司設勸學所實行機關教育會意思機關裁訓導留教諭民國元年廢以備師範畢業生之就職前清政務處奏覆案學制於以丕變本邑各小學及其他教育機關之沿革建置志已載之至其行政之變遷迄民國又有新紀元裁勸學所設教育科主管縣教育視學由科員兼任至三年又定爲專職並劃分學區另設學務委員後改稱教育委員復改區教育員五年復設勸學所置所長所員等職爲地方學務總匯處經費支用縣稅並設講演所通俗圖書館等爲通俗教育場所十

二年復改勸學所爲教育局設局長一視學二事務員三主辦全縣教育
勸除纏足

在昔漢人婦女率多纏足由來已久有傷造物之和嗣奉詔凡搢紳之家務當
婉切勸導使之家喻戶曉漸除積習清邑婦女乃有天足會之組織以示提倡
至光復以後則全縣景從焉

禁除鴉片

粵自鴉片弛禁流毒徧中國言之痛恨清光緒三十二年有詔銳意圖強切實
申戒俾咸知振拔以祛沈痼而蹈康和定限十年以內將洋土藥之害一律革
除淨盡民國政府又復三令五申惟迄今竟未盡絕可慨也

籌備自治

地方自治爲立憲之根本城鎮鄉又爲自治之初基誠非首先籌辦不可清光
緒三十四年轉奉上諭督飭所屬選擇正紳按照所定章程將城鎮鄉自治各

德清縣新志

卷五
法制

二十四

事宜妥速籌備實力奉行又迭奉諭飭以周之比閩族黨漢之三老嗇夫其來
自古選舉自治職員責在州縣官紳皆得其人方有實效而無流弊所有分年
應行擬辦各事並按限妥籌次第舉辦毋得始勤終懈疲緩延擱以致貽誤等
語經轉行一體照辦

至論縣自治自清宣統元年已奉頒有縣地方自治章程次第籌備但未見諸
實行民國成立乃本清末縣自治章程加以修正而縣議會及參議會得相繼
成立三年三月自奉袁氏命令一律解散後另設自治委員以廣繼辦理爲浙
省之單行法九年續設縣參兩會縱組織與前稍異卽謂之恢復無不可也其
處理自治之職權而爲法令所規定者首教育次交通水利土木工程次公共
營業次衛生慈善次其他定議員任期爲三年以議決公約規則及預算決算
等項爲任務參事額設四人會長由知事兼任執行決議事項管理地方財產
其經費本規定以公共營業之收入及自治稅使用費規費過息金等項撥充

惟清邑僅恃縣地方公益費以爲挹注其建置沿革與區域畫分已詳輿地及建置編茲誌其崖略若此

又以民治之主體在民而民權之初步在議但因民智未開議制未嫻乃有公舉議員以爲代議之舉除縣城鎮鄉自治有議員外復舉有省諮議局之議員均以之代表民意者也茲錄原案於后

清光緒三十四年上諭以據資政院等擬呈各省諮議局及議員選舉等章程一摺詳加披閱尙屬周妥均照所議辦理著限一年內一律辦齊使國民與聞政事以示大公先於各省設諮議局以資歷練着各該地方有司認真監督精擇慎取毋使心術不正行止有虧之人託足其內致妨治安等語清邑奉文遵辦初選尋至湖州複選而產生議員焉

民國元年浙省有臨時省議會之設每縣推舉代表一人以組成之二年依奉頒省議會暫行法另選省議員浙省分十一選舉區以區內人口之多寡定議

員之名額不以縣爲單位而本邑選民之數足敷產生議員六年春依修正省議會議員選舉法另行選舉之迄九年以任期屆滿又改選焉

禁販人口

清宣統元年十二月奉飭以查買賣人口相沿已久此次決定一律禁革貧民子女准作傭工舊時婢女限年婚配如有違禁買賣嚴行處罰清邑遵飭辦理入民國後奉禁尤嚴

振興實業

清時實業幼稚法令尤簡自民國三年起始陸續頒行振興實業之法令以謀其建設五年命於縣公署內增設實業科以佐理實業行政惟清邑於九年始設專科處理行政事宜受成於省實業廳至十三年始設縣實業局置局長一勸業員二局長下另聘專員主辦公牘餘爲事務員書記其經費由田賦特捐內支出之縣署實業科更名第四科佐理縣官主辦公牘而承轉之各種實業

乃屆萌芽時矣

德清縣新志

卷五
法制

二十六

卷五勘誤表

頁	面	行	字	原	文	更	正	備	註
二	前	一	十	先					
五	後	十二	廿四至廿六	關侯位		(應空一格)			
十九	前	一	十二	敵		神案			
十九	後	五	七	准		新敵			
								神字空一格	

德清縣新志卷五終

德清縣新志卷六

職官志 知縣 主簿 巡檢 典史 教職 武職 警職

前志知縣止於清嘉慶十二年丁卯周紹濂復任至十四年己巳任滿今除補錄外於十五年庚午始

知縣 前志失載者

唐

徐秀 縣人年十五擢高第德清縣令見顏真卿徐府君碑

孫尙復 武邑人德清令見唐書宰相世系

宋

章丞 任年失考名見侯志與地誌及人物傳慈孝里各註

元

朱康 至正年任由歸安丞兼攝

明

德清縣新志

卷六 職官

楊大賓 崇禎十五年任見侯志治行傳

清

汪咸新 順治三年任見侯志宮室論吏舍注

以上侯志補

嘉慶 知縣

易鳳廷 廣西臨川人進士十五年任

陳甦 字曉台江西金谿人十七年署任

何太青 廣東順德人進士二十年任

石同福 江蘇吳縣人三十四年署任

沈芝田 江蘇江陰人監生二十四年任

道光

孫榮績 四川南甯人舉人元年任

黃兆蕙 湖南永順人拔貢二年任

武新安 山西太原人舉人三年任

張光煦 五年任

榮錫鵬 字北滄江西人舉人六年任

王德寬 字石樵湖南人進士九年任

裘榮甲 字蕪珊 江西人 舉人十二年任

趙汝和 字春山 直隸易州人 舉人二十年任

楊茂醇 字子雨 江西清江人 舉人二十三年任

伊念曾 字梅石 任

廖宗元 字梓臣 湖南寧鄉人 進士二十九年任

咸豐

敖彤臣 字丹崖 四川人 進士元年任

周貽綬 字槐卿 五年任

朱旭照 字蓉初 江蘇華亭人 七年署任

鄧珩 字蘭台 安徽人 十一年署任

同治

陳邦傑 字蘇常 州人 三年署任

仲來 漢軍廂白旗人 貢生十八年任

仲來 年復任

盛隆 字穀人 江蘇武進人 舉人二十四年任

吳德璐 年署任

陳謨 署三十年任

高樑材 字朱門 廣東順德人 四年署任

王奉璋 署六年任

何元輔 字耕麓 安徽桐城人 進士八年任

劉蘭敏 字立齋 安徽旌德人 舉人四年任

德清縣新志

卷六 職官

二

汪榮棠 字蘇吳 縣人 五年署任

華學烈 字廉初 江蘇金匱人 廩生九年署任

汪榮 字蘇吳 江人 監生十一年署任

吳鈴 字蘇通 州人 優貢十三年代理

光緒

支恆椿 字壽伯 江蘇丹徒人 附貢元年任

孫慶恩 字蘇江 寧人 監生五年代理

周祖升 字子莊 江蘇吳縣人 監生七年署任

汪昌 字詠之 江蘇吳縣人 進士七年任

蕭文斌 字俊秀 江北廳人 四川八年署任

童叶庚 字松君 江蘇崇明人 附貢十年任

程熙增 字康侯 江蘇吳縣人 監生十六年任

張文煒 字郁齋 河南內黃人 廩生七年任

詹儀桂 字月樓 湖北鍾祥人 舉人十年任

周雲章 字松軒 四川新都人 拔貢十三年署任

唐煦春 字師竹 江西德化人 優貢十三年署任

李勳煌 字福建 閩縣人 進士四年署任

程國鈞 字亦陶 安徽歙縣人 監生五年署任

吳念椿 字蘇長 洲人 附生七年代理

周延祚 字少軒 福建建陽人 監生八年代理

莊鳳啓 字芝岩 江蘇武進人 監生八年署任

陳鳳誥 字紫垣 廣西桂平人 舉人十四年署任

張縉雲 字漢章 福建光澤人 舉人二十一年署任

黃大華 字鞠友湖北武昌人 進士二十二年任

過鑄 字玉書江蘇金匱人 舉人二十七年署任

黃大華 十月九年 十月九年

傅師閔 字石生貴州貴筑人 舉人三十一年署任

王通善 字叔駿山東長山人 舉人三十三年署任

宣統

姚肇椿 字石麟湖南南州人 舉人元年署任

民國

按民國知縣事者初由浙省軍政府委任改稱民事長南北統一後稱知事

薦請任命

狄紹青 字子毅江蘇常熟人 元年任

戚思周 字則周嘉興人 二年任

潘紀恩 字筱圃安徽婺源人 監生二十六年署任

程贊清 字輔唐江蘇宜興人 監生二十八年署任

李鏡 字小丹直隸寶坻人 附貢三十年代理

陳宗元 字綺柳江蘇嘉定人 舉人三十三年署任

周琛 字蘊輝四川新都人 監生三十四年署任

林祖賢 字味唐江蘇山陽人 監生二年署任至三年九月十八日改民國稱民事長十月去職

史久鏊 字庚身吳興人 二年任

林典 字百藏溫嶺人 三年代理

德清縣新志

卷六 職官

三

吳翥皋 字鶴巢河南固始人 四年任

彭彝 字我新湖北武昌人 九年任

主簿

吳蘭孫 字谷香安徽休寧人 八年任

袁思古 字潛修湖南湘潭人 十二年任

宋

趙傳林 慶元二年進士德清主簿見永康縣志

何備 龍泉人 自有傳

郭周孚 自有傳

王檻 三衢人 兼德清縣丞

元

陳嗣著 長興人 自有傳

明

方敏 南直祁門人 自有傳 以上侯志補

清

嘉慶

主簿

程光俊 安徽休寧人 監生十七年任

道光

蔣立錯 湖北天門人 監生二十三年任

咸豐

黃紹奎 江蘇人 監生七年任

同治

吉履貞 江蘇丹陽人 監生三年署任

支銓 江蘇丹徒人 監生十三年代理

程炳烈 奉扎委 未任

光緒

張壽麒 湖南長沙人 軍功元年署任

翟雄飛 六年代理

姚誕安 江西泰和人 貢生二十三年任

鄭言懿 江蘇吳縣人 監生九年任

曹翰臣 湖北江陵人 附生四年任

沈繼椿 十三年九月署任

顏振祿 江蘇丹徒人 監生二年任

章廷樞 安徽東流人 監生六年署任

德清縣新志

卷六 職官

四

顧藍 江蘇吳縣人 監生七年署任

朱毓英 順天宛平人 監生十年署任

楊誥 四川綿竹人 附生十一年任

魯瑤 江蘇江寧人 監生十四年任

周秉崧 湖南益陽人 文童十四年署任

朱立勳 二十三年由 典史兼理

陳彭壽 字椿伯 江蘇丹徒人 附貢二十四年代理

陶佑霖 字子沂 江蘇上元人 附貢二十五年任

宣統

胡家玉 江蘇無錫人 俊秀元年六月署任

左渠 二年任

巡檢

沈承敬 江蘇吳江人 監生九年署任

許玉書 江蘇泰州人 監生十一年署任

俞贊 十三年署任

汪承益 江蘇崑山人 監生十四年代理

曹鑑清 字明之 江蘇常熟人 監生十六年任

曹鑑清 二十三年六月回任

詹大章 字栗農 湖南寧鄉人 監生二十四年任

張錕 江蘇金匱人 監生三十四年代理

顧鳴鳳 江蘇無錫人 監生二年代理

陳根仁 三年任 民國建 立後去職 缺裁

清

嘉慶

汪泰階 湖北江夏人 監生二十四年任

道光

趙玉琳 八年任

鄒令節 江蘇人 二十八年任

咸豐

崔 枳 江蘇人 五年任

同治

王景燕 江蘇吳縣人 監生三年署任

吳 雲 江蘇常熟人 監生三年署任

王廷俊 四川成都人 附生七年署任

羅應垣 九年任

潘德潤 順天通州人 軍功六年任

方汝楫 江蘇上元人 監生三年代理

姚光裕 安徽泗州人 監生四年任

張 蕓 江蘇婁縣人 監生八年任

德清縣新志

卷六 職官

五

光緒

葉滋泉 福建閩縣人 監生元年署任

黎懋修 江西新喻人 附貢四年署任

楊復元 四川遂寧人 監生六年代理

楊復元 七年改署任

王 樸 順天通州人 監生八年署任

曹鑑青 十七年主簿兼理

汪丙熙 字振南 安徽績溪人 監生十八年任

姚元鏐 字鄰梅 江蘇長洲人 監生二十四年署任

蘇應培 廣東順德人 監生二十六年署任

陶 鋈 江蘇婁縣人 監生二十八年奉扎委未任

柯果庭 字碩卿 湖北江夏人 監生二十九年署任

周 澧 湖南長沙人 監生二年任

高庭葵 順天霸州人 附貢五年署任

仰朝瑜 安徽無為州人 監生六年署任

黃耀祖 安徽績溪人 監生八年代理

周 澧 九年回任

朱 鏞 江蘇上元人 監生十七年署任

于 儉 字德興 直隸滄州人 監生二十三年署任

汪丙熙 二十六年回任

汪承謙 江蘇長洲人 監生二十七年署任

吳錫壽 二十九年代任

陳 湘 字竹孫 江蘇上元人 供事三十年任

黃欽榮 安徽歙縣人 監生 三十四年署任

宣統

陳湘 元年回住三年 光復去職缺裁

典史

宋

韓球 字伯玉 相州安陽人 仁宗朝為德清尉

王伯廣 字師德 常熟人 紹興十二年進士 調德清尉 見姑蘇志

李端友 紹興二十二年德清尉 見孫觀鴻慶集 以上侯志補

清

嘉慶 典史

田九成 陝西扶風人 吏 員十四年任

道光

王麒 陝西韓城人

德清縣新志

卷六 職官

金勇 順天通州人 議叙二年任

劉澐 順天人 監生六年任

高煥文 山東人 供事十三年任

李承榮 江蘇人 供事十五年任

劉克承 直隸人 監生十七年任

任秉鈞 山西人 監生十九年任

萬兆璋 順天人 二任十五年任

汪德權 江蘇青江人 監生三十年任

咸豐 文卷佚失考

同治

蔣有淦 三年署任

李登瀛 山西介休人 供事五年任

楊廷銓 雲南恩安人 監生九年代理

戴敬曾 江蘇元和人 監生九年署任

吳爾厚 江蘇武進人 監生十年任

光緒

包炳章 江蘇長洲人 監生元年代理

鄭汝梅 江蘇吳縣人 監生元年署任

朱廷諍 江蘇泰興人 監生二年代理

袁鎮嵩 江蘇寶山人 監生二年署任

陶恩澤 字晉甫 江蘇陽湖人 監生三年任

哈柱臣 字秀 江蘇江寧人 俊 四年代理

錢汝勳 字江蘇武進人 監生四年署任

宋凌章 字山西介休人 監生五年署任

湯鍾英 字亦舉 江蘇宜興人 監生六年任

朱立勳 字筱亭 江蘇江寧人 監生二十一年署任

葉培 字少卿 江蘇吳縣人 監生二十三年任

張鼎煜 字蘭谷 湖南善化人 附貢二十五年代理

于注 字嗣谿 山東海陽人 附監二十五年署任

曹福餘 字有之 江蘇陽湖人 監生二十六任

楊其廉 字維清 江西玉山人 監生三十三年署任

趙履端 字輔之 江西德化人 監生三十四年任

宣統

許殿掄 天台人 考職優等二年任

曹福餘 三年八月復任 民國建立後去職缺裁

教職 教諭 訓導 所長 局長 視學

清

嘉慶 教諭

倪巨源 嘉興人 舉人十二年任

查柟 錢塘人 舉人十三年任

德清縣新志

卷六 職官

七

朱師望 錢塘人 舉人二十年署任

黃淦 錢塘人 舉人二十年任

道光

顧均 仁和人 貢生元年任

孫學恆 仁和人 舉人元年任

韓金城 紹興人 舉人十九年任

馬永高 會稽人 舉人二十三年任

咸豐

馮桂 紹興人 舉人十一年任

同治

周承謨 仁和人 舉人三年署任

徐辰榮 上虞人 增貢六年署任

余承普 山陰人 舉人六年任

王廷瑞 臨海人 廩貢七年署任

王贊元 會稽人 舉人七年任

孫鰲 鎮海人 廩貢八年署任

王廣華 任年

駱長生 仁和人 附貢十年署任

王景祁 秀水人 增貢十一年署任

余承普 再任

光緒

夏恩綸 桐鄉人 副貢 十五年 由訓導兼理

夏恩綸 十七年 再由

華長恩 鄞縣人 舉人 十七年 署任

黃瑞虞 嵎縣人 舉人 十九年 署任

陳宗鰲 永嘉人 廩貢 二十二年 署任

任方珩 二十九年 由

俞戴清 字琢堂 會稽人 舉人 二十九年 任

嘉慶 訓導

程肇祺 仁和人 舉人 十九年 任

道光

陸肇源 平湖人 舉人 三年 任

陳嘉猷 山陰人 廩貢 十六年 任

徐志芬 鄞縣人 舉人 十七年 由烏程教諭兼署

樊耿光 蘭谿人 舉人 十八年 任

趙守成 仁和人 舉人 二十年 署任

呂念修 字味琴 永康人 舉人 二十二年 任

謝補袞 字子勳 象山人 副貢 二十九年 署任

姚師錫 字毅卿 山陰人 舉人

倪科捷 海寧人 增貢 二十年 任

王兆杏 杭州人 舉人 十九年 任

德清縣新志

卷六 職官

八

陳定誥 寧波人 舉人 二十六年 任

咸豐

趙履蓉 杭州人 副貢 七年 任

同治

徐桂 錢塘人 廩貢 三年 任

徐桂 四年 回任

光緒

余承普 三年 由教諭兼理

王藩 三年 任

余承普 十四年 再由

夏恩綸 桐鄉人 副貢 十五年 任

江錫爵 平湖人 舉人 十七年 署任

葉誥 杭州人 廩貢 二十九年 任

周承謨 三年 由教諭兼理

馬化南 三年 署任

鮑誠堧 錢塘人 附貢 十三年 署任

陳中元 桐鄉人 舉人 十四年 署任

徐志芬 十七年 由烏程教諭兼署

林炳蔚 鎮海人 拔貢 十七年 任

陳宗鰲 二十二年由

朱福祁 字杏鄂海鹽人廩

任方珩 字叔田海鹽人廩

勸學所長

徐師善 字竹虛邑人曾任紹興府學訓導

民國

蔡景謨 字子良邑人四年奉令復

教育局長

蔡景謨 十二年由

縣視學 四年依部頒

盧奏南 字琴訪黃岩

程鳳鳴 字志和邑人

武職 千總 把總 外委

吳兆松 字友梅臨海

施溥 字亨嘉邑人十年增設奉任

德清縣新志

卷六 職官

邑在南宋爲近畿嗣後代駐武員迄前清廢屯田盡裁千百戶止設千總一員
司漕運別設汛守千把等員各司輪防弭盜安民與保甲相表裏而侯志未載
周志僅載德清新市關桑育高橋之外委今查舊志稿本補錄之俾一代掌故
有所稽考也

嘉慶 道光 咸豐 洪楊之亂檔案不存
無可採訪姑從闕如

同治 千總 駐防 城內

邱錫榮 字夢漁天台人武舉初

光緒

錢芳 字申甫長興人雲

宣統

邵道成 字琴仙鄞縣人軍

邵道成 二年六月

同治 把總 駐防 新市

費文彪

光緒

周文華

以上任年佚

宣統

孫澄

二年六月奉裁改任
新市保衛團團總

乾隆迄
嘉慶

外委

駐防桑
育高橋

魯成貴

乾隆三十年至
三十二年輪防

李宏標

三十五年輪防

陳元

三十七年輪防

徐雲山

三十九年輪防

鮑成龍

四十二年輪防

楊大坤

四十四年至四
十六年輪防

孫

澄

字壬軒原名
福炳吳興人

張德輝

三十三年至三
十四年輪防

施燿

三十六年輪防

陳耀

三十八年輪防

沈榮飛

四十一年至四
十二年輪防

張中立

四十三年輪防

童元標

四十七年至四
十八年輪防

德清縣新志

卷六
職官

十

徐文熊

四十九年輪防

劉洪

五十一年輪防

施誠

五十三年輪防

魯彬

五十五年輪防

陳國英

五十七年輪防

王三勇

五十九年輪防

王三勇

嘉慶元年輪防

王愷

四年輪防

王三勇

六年輪防

張雲準

八年輪防

同治

撤廢桑育橋
移駐洛舍

談德勝

魯彬

五十年輪防

徐文榮

五十二年輪防

陳國英

五十四年輪防

鍾成隆

五十六年輪防

鍾成隆

五十八年輪防

唐本孝

六十年輪防

唐本孝

二年至三
年輪防

張雲臯

五年輪防

王愷

七年輪防

陳勇發

九年輪防

光緒

陳寶成 字嵩 生

以上任年佚

宣統

陳寶成 二年六月奉裁

警職 官佐自區官迄局長名目過繁有一歲再更者故未列舉

清

宣統

鄺拱圭 諸暨人 元年任

張仲 元年任

鈕家鼎 吳興人 二年任

吳璿 江蘇陽湖人 二年任

孫傳經 仁和人 三年任 以上縣警官

李定 台州人 元年任

鄭福燧 海鹽人 二年任

劉衍慶 字堯封 邑人 二年代理

謝鵬程 台州人 三年任 以上新市

德清縣新志

卷六 職官

十一

民國

劉衍慶 元年升任

金駿 江蘇武進人 元年任

李振球 仙居人 二年任

林典 三年由知事兼任

陳偉方 字旭東 黃巖人 北洋高等巡警學堂畢業二年 由安吉所長調任 三年改任一等警佐

吳鷺皋 四年由知事兼任

吳蘭孫 八年由知事兼任

韓歲華 字葆彝 安吉人 本省高等巡警學堂畢業 七年升任一等警佐

彭彝 九年由知事兼任 以上縣警官佐

王振青 黃岩人 元年任

韓歲華 補三年任 三年

楊在桐 福建將樂人 七年任

李金華 海鹽人 八年任 以上新市

徐璋 青田人 十年任

王若欽 縉雲人 十二年任

張德車 仙居人 元年任

林嶺 字占梅 臨海人 元年任

張秉成 仙居人 元年任

樊鶴鳴 縉雲人 二年任

張繼塘 海鹽人 三年任

汪濬 字慕杭 縣人 陸軍步兵上尉 三年任 同年補五等警佐

毛

穎

字蘭亭龍泉人七年任

汪業洪

字錫範杭縣人九年任後調新市

唐鏡寰

字海臣湖南湘潭人十二年任

以上各鄉

選舉志

鄉選里舉肇自周官孝廉茂才起於漢代蓋古者取士無考試之法令郡國守相舉之以薦故以選舉見稱至隋始以文學詞章創為進士之舉有唐迄宋於斯為盛資格既專科條益密明清因之仕進資為專徑貢成均者亦歸正途多士及第登諸賢書近代方州咸有專載若樂史之江南登科記陳汝元之浙士登科考薈萃一方以為掌故今之縣志表列科第宜也至徵召薦辟不紀年科亦非納粟因舉賢才或致通顯其得附選舉亦宜也抑選舉既本鄉里藉自輿情則代議鄉飲尤應搜羅庶幾不違原義惟乃者科舉既停學校羅布畢業之士宜本舉貢成例廣為采列茲除見成命者錄登外餘願俟諸補編

德清縣新志

卷六 職官

十二

典試 同考

康熙

丙午順天副主考沈令式

壬子順天正主考蔡啓樽

癸丑會試同考孫在豐

丁巳順天副主考胡會恩

乙丑會試副總裁孫在豐

乙丑會試同考蔡升元

辛未會試同考徐元正

癸酉順天正主考徐倬

癸酉雲南副主考談九乾

戊子山東正主考徐元正

戊子順天同考戴振河

己丑會試同考吳卜雄

壬辰會試副總裁胡會恩

乙未會試副總裁蔡升元

丁酉江南副主考戚麟祥

丁酉貴州副主考許愼

辛丑會試同考胡彥穎

雍正

甲辰廣東副主考胡彥穎

乾隆

丁卯貴州正主考徐璋

甲午四川副主考戚蓼生

乙未會試同考徐天柱

丁酉河南正主考戚蓼生

丁酉四川正主考許祖京

丁酉順天同考徐天柱

己酉順天同考沈維坤

庚戌會試同考沈維坤

壬子順天同考談祖綬

癸丑會試同考談祖綬

甲寅湖南副主考談祖綬

乙卯順天同考談祖綬

嘉慶

庚申順天同考蔡之定

辛酉順天同考蔡之定

乙丑會試同考蔡之定

己巳會試同考蔡之定

癸酉河南正主考蔡之定

德清縣新志

卷六
選舉

十三

道光

乙酉山西副主考蔡賡颺

癸巳會試同考蔡賡颺

甲午順天同考蔡賡颺

咸豐

辛亥雲南副主考蔡賡颺

壬子順天同考蔡賡颺

丙辰會試同考俞奎垣

戊午湖北副主考俞奎垣

光緒

壬寅四川副主考俞陞雲

學政

康熙

五十一年河南提學道吳卜雄

雍正

十一年廣西學政徐以升

乾隆

四十二年雲南學政戚蓼生 六十年貴州學政談祖綬

嘉慶

十九年四川學政俞恆澤

道光

五年山西學政蔡賡颺 十七年廣東學政蔡賡颺

咸豐

五年河南學政俞樾 九年湖北學政俞奎垣

進士

進士之目貴於唐及第之榮始於宋德清自明以前科名未盛至清擢上第
位通顯者後先接踵矣周志止於嘉慶七年壬戌吳廷琛榜今除補錄外續

德清縣新志

卷六 選舉

十四

志之

唐

沈詢 傅師子會昌初進士

宋

曾炎 隆興元年進士

吳璞 潛子淳祐四年進士 以上侯志補

明

成化二十三年丁未費宏榜

馬景昌 續侯志字廷言三才之伯父官至大理寺評事居官聲譽甫著忽患疾告歸唐棧鎮志

嘉靖二十六年李春芳榜

馬三才 續侯志字思參由本縣學官至南京右通政司另有傳唐棧鎮志

嘉靖四十四年乙丑范應期榜

胡心得 續侯志字元靜由本縣學官至郎陽巡撫另有傳唐棧鎮志

崇禎七年甲戌劉理順榜

徐瀨 續侯志字舟如號大津本縣籍另有傳 唐棲鎮志

清

康熙九年庚戌科蔡啓樽榜

徐瀨 字漱生號勿箴德清人由錢塘學官至工部都水司另有傳 唐棲鎮志 以上周志補

嘉慶 進士

十年乙丑彭浚榜

車宸英 嘉興教授

道光

二年壬午恩科戴蘭芬榜

蔡賡颺 有傳

陳熙健 本邑人題名碑四川樂山人庶吉士安徽太湖縣知縣

沈鑑 原名鏡江西崇仁縣知縣

德清縣新志

卷六 選舉

十五

二十四年甲辰孫毓淮榜

沈雲 廣西興安縣知縣

三十年庚戌陸增祥榜

俞樾 清史有傳

戚士彥 編修

咸豐

二年壬子恩科章鋈榜

俞奎垣 本邑人題名碑順天大興人編修

十年庚申恩科鍾駿聲榜

徐芝淦 養瀨孫戶部主事

同治

七年戊辰洪鈞榜

戚人銑 士彥子刑部主事

十年辛未梁燿樞榜

馮壽鏡 江蘇丹徒等縣知縣

光緒

二十年甲午恩科張謇榜

陳瑞玉 台州府教授

二十一年乙未駱成驤榜

沈桐 內閣中書直隸候補道

二十四年戊戌夏同龢榜

俞陞雲 樞孫字階青探花

宣統

二年庚戌

俞同奎 字星樞格致科授編修

德清縣新志

卷六 選舉

十六

按俞同奎以英國利物浦大學畢業選

舉人

舉人之名始自東漢考章帝詔云舉人貢士或起吠畝後世乃有舉人之稱
唐宋謂之舉進士以舉之使應進士科也明始以鄉試中式者為舉人清因
之周志止於嘉慶十二年丁卯今除查補外續志之

清

順治八年辛卯科

沈武音 續候志字文谷一號雪崖見杭郡詩輯引唐樓耆舊集唐樓鎮志

康熙二年癸卯科

徐瀨 見甲榜唐樓鎮志以上周志補

嘉慶 舉人

十三年戊辰恩科

胡震 字振南 欽賜舉人

十五年庚午科

蔡立人 順天中式 字師山

十八年癸酉科

童葆曾 全曾 兄

二十一年丙子科

俞鴻漸 廷鑣子 字劍花

二十三年戊寅恩科

沈鳳飛 維基孫 字瑞 清建德訓導

陳熙健 字荔浦 壬午進士

道光

元年辛巳恩科

沈鏞 維坤子 字晚 崧改名鑑

沈彬

徐學洙 字檜堂 辛卯大挑 一等福建順縣知縣

德清縣新志

卷六 選舉

十七

許兆奎 宗彥子 字念茲 國子監助教

蔡賡鵬 見傳

五年乙酉科

宋廷琛 字荆南 改名文 鑒江山訓導

俞恆淳 字樸園 湖北 知縣殉難

八年戊子科

高志杭 字星 槎

許貽安 順天中式 元孫字欽文

十一年辛卯恩科

宋廷杰 文鑒兄 字鴻 漸本籍殉難

沈雲 字舒白 甲辰進士

十二年壬辰補正科

胡來金 順天中式 旭孫 字高年 乙酉拔貢 改名光輔 江西上高知縣殉難

十七年丁酉科

歸真 字蓀 旂

車玉階 字三 升

江毓荃 字觀卿 永嘉教諭

戴福謙 履雲曾孫 字貽仲

蔡篤培 字坤一國子監學正

十九年己亥豫行正科

許延潤 錢塘籍宗彥子字樂江蘇知縣

二十年庚子恩科

徐恩洽 志函曾孫字梧生順天順義縣知縣

袁翔墀 樽孫字起臣

二十三年癸卯科

俞林 鴻漸子字壬甫福建福寧府知府

戚士彥 順天中式麟祥元孫字美庚戌進士

二十四年甲辰恩科

俞樾 見進士

沈儀吉 字鴻漸

蔡觀磐 字安叔改名鴻磐海寧教諭

胡尙齡 字純錫河南孟津縣知縣

沈芬 字誦清後字硯香廣西桂林同知

蔡樹芝 字荀瑞諸暨教諭

德清縣新志

卷六 選舉

十八

二十六年丙午科

徐本立 字子堅江蘇知縣

二十九年乙酉科

季惇庸 字典五

俞奎垣 恆澤孫字叔鸞壬子進士

談寶森 順天籍字木齋

咸豐

元年辛亥恩科

徐印金 志函曾孫字夢湘

五年乙卯科

徐芝淦 養瀨孫字少梅癸亥進士

八年戊午科

胡汝聯 字雲黎

俞恆瀛 恆淳弟字海珊奉天知縣

丁毓琨 字渚 縈江西分宜縣知縣

九年己未恩科

馮壽鏡 字已亭 辛未進士

同治

元年壬戌恩科 順天榜是年浙江停鄉試

俞焜 恆沛孫字冬生 福建知縣

四年 補行辛酉科暨壬戌恩科

徐寶敬 字夢麟

戚人銑 士彥子字振南 戊辰進士

談德培 字雲書 山西平陸縣知縣

六年丁卯科 並補甲子

江珍楹 毓荃姪字子平

徐士駢 字渠生 松陽縣教諭 金華府教授

吳拱曜 字序升 福建長泰縣知縣

戚人鑑 士彥姪字文徵 直隸知縣

德清縣新志

卷六 選舉

十九

蔡賡年 書升曾孫改名右年 四川城口通判

傅鼎 四川中式 改歸原籍 秋刑部主事

九年庚午科

許德裕 兆奎孫字荇塘

徐泰然 學洙孫字壽鹿

光緒

元年乙亥恩科

徐本懿 字希甫 山西知縣

二年丙子科

俞振均 恆沛曾孫字仲平

俞祖綏 子林

八年壬午科

沈桐 廣東中式 改歸原籍 乙未進士

十一年乙酉科

俞陞雲 見進士

十五年己丑恩科

陳承福 字壽安

陳瑞玉 字獻亭甲午進士台州府教授

林昌熙 字梧生

十七年辛卯科

許德厚 仁和籍宗彥曾孫字巽屏

十九年癸巳恩科

蔡應鵬 啓傳八世孫字振遠

唐元義 字宜之

傅汝礪 四川華陽解元鼎姪字砥齋

二十八年庚子辛丑恩正併科 補行

蔡寶善 字師愚見薦辟並經濟特科

二十九年癸卯恩科

馮毓潤 壽鏡孫字紫莢又字子餘見薦辟

姚壽慈 字竹軒安徽知縣

德清縣新志

卷六 選舉

二十

蔡煥文 字渭生揀選知縣曾遊學日本民國六等嘉禾章湖北江蘇任用縣知事（並見代議）

三十四年戊申科

俞祖鑒 授部司務

宣統

二年庚戌科

許炳堃 字絨甫一字潛夫工科授內閣中書創辦浙江省立工業學校並任校長民國三等嘉禾章歷任內務部工商部考試院薦任簡任各職（並見代議）

按俞祖鑒以江蘇高等學堂許炳堃以日本東京高工學校畢業選

貢生

宋立郡縣學歲試其能以升於三舍入成均謂之貢法明制歲貢外有開貢拔貢副榜貢清沿其制增優貢周志止於嘉慶甲子今除補錄外續志之

康熙

沈敏達 字朗思丁卯副戶部主事

沈瀚生 庚午副

胡汝聽 癸丑副 杭籍

車文麟 乙丑副 江 山教諭

談加謹 副 湯溪 教諭

徐志巖 字象求 癸己 副 北河同知

蔡祖齡 丁酉副 期

雍正

徐兆豐 癸卯順天 又中副貢

王光電 字劍虹 甲辰 拔 霍州知州

沈文綺 字繡臣 甲辰副

沈 倓 乙卯又 中副貢

乾隆 續周志孫昇之 下依次如下

徐鵬南 甲子副 見鄉舉

車爾鎔 壬午 副

戴振淮 副 見 鄉舉

胡 傅 副

徐兆豐 字石農 癸己 副 正白旗 教 習 選 知 縣 不 赴 復 應 試

陳九夏 甲辰 府學 拔 大足縣知縣

王允鼎 字爾調 甲辰 歲 嶧縣訓導

徐志幽 元正 子字無逸 副 泉河通判

張承蘭 乙卯 副

蔡成亮 副 見 鄉舉

德清縣新志

卷六 選舉

二十一

周文吾 丁卯位東 字

戴履雲 壬申副 字端木

嘉慶 貢生

胡 震 丁卯副 欽賜

徐 琳 庚午優 養源子

徐學洙 丙子 優

徐廷釗 辛酉 副

道光

胡丙燿 字友章 辛巳 恩直州判

胡來金 乙酉 拔

虞淮金 江蘇州判 壬辰副

俞 樾 丁酉副 見進士

姚啓震 丙子 副

以上周志補

戚壽生 戊辰 歲

蔡爲章 癸酉拔宛 平縣知縣

蔡壽昌 己卯 優

徐養原 辛酉 副

蔡志棟 辛巳 副

王 潛 戊子 歲

邱毓淳 癸巳 歲

姜申仍 丁酉拔冕 寧縣知縣

咸豐

王 涓 歲丁酉
 馮志衍 歲庚子
 朱慶熊 歲戊申
 許善長 歲己酉
 車福衢 歲庚戌
 戚士元 子府學 歲壬子
 沈孝榆 歲壬子
 姚寶堃 歲乙卯
 陳壽庚 歲戊午
 費綬榮 歲庚申
 江毓蓀 歲

劉丙恆 歲戊戌
 馮欽藻 如璋子 歲甲辰
 徐鏡清 養灝孫 歲己酉
 蔡陞揚 歲庚戌
 蔡邦榮 歲

德清縣新志

卷六 選舉

二十二

同治

唐際泰 歲壬戌
 曹 旭 歲甲子
 戚人銑 補乙丑 歲辛酉
 徐恩鏞 府學 歲壬戌
 胡光熊 歲丙寅
 嵇文杰 副 歲庚午
 蔡兆麟 恩 歲壬申
 童寶善 和州直隸州知州 歲癸酉

光緒

李邦彥 恩 歲丙子
 陳文瀾 歲戊寅

費 模 恩 歲壬戌
 沈恩榮 歲甲子
 蔡賡年 補甲子 歲乙丑
 沈 霖 恩 歲丙寅
 陳士達 歲戊辰
 倪康煒 歲庚午
 陳旭初 歲壬申
 程燮圭 歲甲戌

沈心篤 歲丙子
 沈寅禾 副 歲己卯

李紹唐 庚辰恩

俞志賢 壬午副

沈鏡蓉 壬午

徐承祿 乙酉拔山東

沈汝楷 字春江戊子

馮繼昌 庚寅

許善來 字煥臣壬辰

沈炳泰 丙申

徐澄源 字頌清戊戌歲

徐立善 字栗園庚子

鍾汝楫 甲辰

徐永善 字晴江丙午歲

沈心燕 庚辰

沈濤 壬午

高振垣 字少巖甲申

施涵 字容齋丙戌歲富

仲調鑿 字元甫庚寅恩

沈蔚林 壬辰

黃文升 字炳華甲子歲瑞

夏際唐 丁酉拔江

費燮元 庚子恩江

沈行遠 壬寅

沈光裕 字寬夫丙午歲是

項善基 字立安戊申歲

德清縣新志

卷六 選舉

二十三

黃冕英 字俊卿戊申

宣統

黃開甲 字萬園己酉拔庚辰朝考二等籤分江西知

姚福昌 字煊甫己酉拔

李文鑾 字龍泉庚戌

劉曾墉 字榮菽辛亥

戴道騮 字中甫辛亥優民國歷任浙

蔡景謨 辛亥優並見

蔡經賢 辛亥優民國以集股創辦實業

許德輝 辛亥優民國歷任德清縣公署科長省立工專

趙仁源 字達泉庚戌歲民

嚴元英 字杰人辛亥

沈楨 字偉生辛亥優

程鳳鳴 辛亥優民國歷任省道縣

龔俊 字為時辛亥

仲侃 字潤民辛亥

按沈楨等八人以中等或中等以上學校畢業選

武科舉人

道光

元年幸已恩科

徐敦學 字尉堂分發廣東提標水師左營千總

光緒

十四年戊子科

王鳳儀 字夢麟兵部考取二等

十五年己丑恩科

潘貞元 字友甫

經濟特科

光緒癸卯

俞陸雲 由翰林院編修徵

附重宴鹿鳴

蔡寶善 由舉人徵

德清縣新志

卷六 選舉

二十四

光緒壬寅

俞樾 字蔭甫道光甲辰舉人

附重遊泮水

光緒庚寅

俞恩洪 字秋圃年八十三歲道光庚寅入泮浙學政潘衍桐頒芹藻重馨匾額

民國丙辰

徐士駢 字蕙生年七十七歲咸豐丙辰入泮

代議

諮議局議員

宣統元年

蔡煥文

衆議院議員

民國元年

俞鳳韶

省議會議員

民國元年二年

許炳堃 元年推舉
二年選舉

九年

嵇文 字少
梅

蔡經賢 字諒
友

省自治法會議代表

十二年

嵇文 浙江省第三選舉
區各法團選出

龔俊 德清縣議
會選出

縣議會

民國元年

德清縣新志

卷六
選舉

二十五

議長

李文鑾

馮毓清

議員

蔡兆驄

胡家驥

姚文瀾

金心延

徐卓然

車文龍

潘汝鼎

李熒

王鑑曾

金有恆

鍾大受

蔡兆魁

倪仁

張琳

沈鴻昌

姚璋

九年

議長

馮毓清

胡鎮瀾

議員

蔡子良

鍾元

姚文江

金心延

李 熒

潘 仁

楊普元

金 浩

參議會

議長 知事兼

參議員

莫維良

黃冕英

潘寶仁

穆乃吉

參事會

會長 知事兼

參事

莫維良

潘寶仁

潘寶瑩嚴元英繼

馮同洙

城議事會

民國元年鎮鄉同

議長

董事

德 清 縣 新 志

卷六 選舉

聞毓璇

徐允一

徐師善

鎮議事會

議長

董事

高士鈞

劉曾鏞

沈汝楷

鄉議事會

議長

鄉董

松山鄉

車文龍

李 熒

三山鄉

高元善

祝鴻翔

龍潭鄉

潘九功

沈如海

白雲鄉

胡天爵

吳介壽

雷甸鄉

盧聚齡

丁守良

安國鄉

鍾毓才

穆乃吉

大麻鄉

金炳亮

金有恆

新塘鄉

姚紹虞

王作霖

仁壽鄉

潘宗元

倪敬

洛舍鄉

唐元第

馮步達

按宣統元年籌備憲政城鎮鄉各有議會民國元年實行地方自治縣議會成立各級自治制度至是稱備乃選上列代議士焉

徵召

金有恆

字子久大庠人精於醫至子久益淬厲聲名藉甚與武將軍朱瑞屢延按脈聘官巨商屈交者遍江南東南醫家陳運舫外咸推之民國四年冬奉北京政府電召視疾

薦辟

蔡寶善

字師愚德清人清舉人歷任陝西寶雞涇陽與平三原長安等縣知縣光緒三十年內務部電辟入京薦請任命為內務部秘書三年五月簡任為肅政史四年一月策令授上大夫給四等嘉禾章三月特派查辦鐵路案件十一月策令任命為肅政史四年一月策令查會審查員首三等嘉禾章五年六月奉交國務院存記六年四月江蘇省長任命為省公署諮議議長首給二等嘉禾章十二月簡任為政務廳廳長

德清縣新志

卷六 選舉

二十七

俞鳳韶

字襄澄原籍吳興住新市民國元年浙江都督湯

馮震

原名毓潤洛舍人清舉人安徽法政學堂畢業池州府學務佐治官己酉考試優拔襄校官高等審判廳民庭推事五河縣知縣民國元年光復安徽都督孫祥為

嵇炳元

字旨美德清人清增貢生浙江蠶學館畢業民國元年八月河南布政司王薦署洛陽等縣知事二年四月河南都督兼民政長張薦請任命八月保免試驗歷任登封縣篆歷資簡任湖南實業廳廳長給三等嘉禾章卸篆後由財政總長周特保國務院存記簡任職分發鹽務署任用

程森

字景川清貢生夙嫉當途失政陰壞革命宣統三年九月武昌起義後供職滬軍都督府同月湖州響應又膺軍政分府錢密委光復德清武康次第接收十月武康莫干山盜殺英國費教士外交急迫上柏鎮又為客匪所據劫掠四出士紳紛電告理浙江都督湯特辟到省元年一月扎知武康縣事薦請南京政府任命案破匪平兩整督朱委以安吉縣清鄉局長五月差竣盜輯民安特頒威攝荏苒自是絕意仕進部

唐鑑

字幼軒新市人寄籍武康清光緒丁酉拔貢民政部七品警官辛亥光復浙巡按使戚揚薦任虔南縣知事督率警佐許倬剿斃匪黨六十餘人匪首謝火雲投誠奉令嘉獎並給五等文虎章六年任弋陽八年調萬載九年辭職歸里編纂新市鎮志未竟

吳玉 原名士賢字潤如日本東京高工學校畢業夙從陳英士先生游民國元年陳任

用任

鄉飲 民國五年

大賓

費梧 字蘭舫八十六歲

施涵 字容齋八十八歲

介賓代表

虞紹唐 字純甫六十五歲

衆賓代表

程森 字景川五十八歲

德清縣新志

卷六 選舉

卷六勘誤表

頁	面	行	字	原	文	更	正	備	註
七	前	九	四	論					
十一	後	行	十四至十七	以上新市					
						論 (應移下一行)			
									在王若欽名下

德清縣新志卷六終

M242.107
41
部=03

德清縣新誌

羅迪先
署簽



德清縣新志卷七

治行志 名守 賢令 良佐（師資）



凡涖是土以治民者既志職官矣胡又志治行乎蓋以紀吾民之去思也官治聽於民豐碑載諸口若乃壹意承於上而詭於下者毋取焉故他日之選舉罷免且以民意為依歸也前志列治行者有人矣而亦不無佚漏今依例闕者補之繼者續之至其人現存者自有輿誦可憑無俟贅墨前書論之詳矣故不復及

勞鉞字廷器江西德化人景泰五年進士成化八年以太僕寺丞知湖州勤慎耿介政多愷悌王始至見府學頽圯銳意修建逾年就事商格湖州備又建城隍廟工程浩繁而財力不匱王為人正直不可干以私會有賊黨數百恣睢震澤間前守長至皆厚遺之不為禁鉞至賊黨亦如前卻勿受竟其黨悉捕之斃於獄當時多憚其廉明陸穩勞公神廟碑政務之餘慨然於郡志未修亟命郡士張淵

德清縣新志

卷七 治行

增所未備

彭華湖州府志序 舊志云聘司訓陳頤纂輯郡志此說殊誤 陳頤景泰間人曾輯郡志勞以陳頤為本而增廣之序文甚明

然尤恐見聞不

廣復與諸文學士詳加訂正成書

勞鉞自序

成化十二年六月十三日忽沐浴升堂

與士大夫訣別無疾而逝

王樞廬陵人天順三年由賢良方正為德清教諭嚴條約以率士類九載若一日時諸生多夜誦者樞令一齋僕炬而導行為稽其章程析其經旨並勞以茗果之物三五日輒一行焉士感而奮興多有成者秩滿陞國子監助教

陶廉字敬甫

續侯志

雲南曲靖人嘉靖八年進士同年知德清縣邑民尚華茂實

則窘削廉欲改飭之曰風之侈也其端自上始上下兢侈加之要衝因之蝗旱其何以支即日圍者約馬養者損膳兼以淬勵僚案期月而民風變傳舟經雷甸河日以數十廉為供具徒隸但令不失賓客意享禮不務繁腆以悅直事者稱不擾善窮兩辭決問不宿豪狡潛格歲稔善貸移歲課預足而催科隸不行於鄉審葺編戶條貫密緻百年隱匿一朝剔盡版籍獻內府者德清稱最

張胡志

志

高倬續侯志崇禎四年由金華任徵授御史上疏請撤總監鄧希詔以安蘄遼總

督曹文衡不納貶一秩十一年五月倬以近者刑獄滋繁法官務停閣請敕諸

司尅期奏報大者旬小者五日其奉旨覆讞者或五日三日務俾積案盡疏罔

罔衰減上為採納遷南京太僕卿十六年擢右僉都御史提督操江秋召倬別

用未赴而京師陷福王立南京拜倬工部右侍郎請裁省御用几榻及官殿陳

設金玉諸寶明年二月拜刑部尙書國破投繯死明史卷二七五

周宗建續侯志由進士銓授武康縣令上臺以其廉明兼署德清知縣興利除弊

振興文教卓然有治聲後調仁和擢監察御史天啓中為魏忠賢黨所誣死詔

獄崇禎初贈太僕寺少卿賜諡忠毅在德任時愛城北五石菴之清幽而屢過

焉手書廡林勝蹟四大字揭之楣間時有勢豪強佔武康銅山寺僧資產者僧

訴於案為懲勢豪而斷歸之讞語藏寺僧所字係硃書秀媚挺勁與五石菴額

德清縣新志

卷七 治行

二

相似吳人憫其忠而慘死肖像而祀於家聽雨軒

侯元棐續侯志任德清時以祖父在署訓誡節操彌厲考滿陞內閣中書歸卒胡志

朱萬鎬續侯志字潔湘桐鄉舉人順治中署德清教諭講程朱正學為正誼社以

課士士彬彬化之歷九年遷任樂陵及歿葬邑西烏鳶山之南麓及門私諡之

曰正誼先生徐少宗伯倬為立諡義胡志

李賡芸續周志字生甫又字許齋江蘇嘉定人乾隆五十五年進士補孝豐縣五

十九年調德清縣所在皆有惠政學經堂集良吏李君傳蒞任周歷郊外見攢殞纍纍多

無主者惻焉傷之首捐廉俸經理揜埋又籌經費存典生息以為經久之計籌

畫救火事宜數條慮深計遠均刻石示後周志載碑記嘉慶元年調平湖巡撫阮元

奏舉賡芸為浙省第一賢員升同知歷官福建布政使學經堂集

周紹濂續周志字敬巖直隸大興人乾隆四十四年舉人由安吉縣調繁嘉慶元

年知德清縣悃悞無華以安靜爲治邑舊有清溪書院經費不足無肄業者紹濂捐俸延師士頌德之重修織簾先生祠以風厲末俗邑志自侯元棐後百年不修紹濂延徐養原等纂修續志體例謹嚴十年以病去官不能歸寄居蕭寺中邑人饋以束薪斗米不受

周志參耐冷談

十二年復任操守如昔

廖宗元字梓臣湖南寧鄉人道光丁未進士己酉來知縣事是年大水成災詳請放賑勸殷富輸捐散粟聽斷坐大堂便民觀聽嚴於緝盜境內肅然整治育嬰堂諸善政咸豐十年調署歸安知縣有政聲時槍匪徧地集賭劫殺頻聞官吏莫如何宗元親督吏卒往來擒治匪徒相戒不敢入歸安境明年賊自廣德趨長興民心洶洶不知所爲宗元曰賊易與耳湖城據形勝可戰可守嘗坐而待斃乎遂與官紳定議固守宗元有機謀家居時練習兵事故布置井井賊至屢卻遂趨杭州四月賊再至圍城三面宗元夜率精卒百人亂流而渡直搗賊營賊自夢中驚起保體四竄生擒四十六人斬級百是役也賊連營數十里衆

號十萬以昏不辨官兵多少驚擾達旦遂解圍去時巡撫王有齡多歸功於趙景賢而湖城百姓則惟宗元是頌於是而有蜚語上聞者解宗元任會浙東事急以宗元能任勞怨檄署紹興府事紹興民不樂城守奸民又造作謠言以宗元爲僞毆之幾殆未幾賊至遂被害事聞賜卹如例

府志參采訪冊

高樑材字朱門廣東人咸豐四年任愛民如子聽斷苦勸不用刑威是年所收漕米因潮濕霉爛不能起解以原籍田產變價備抵上臺不悅記過去任劉蘭敏字立齋安徽旌德人同治四年由舉人來署縣事是年匪亂初平地方蹂躪民困未蘇蘭敏至先設粥廠以救災黎繼建大成殿以培士氣教養兼施士民頌德後補海寧州去子廕章兵部車駕司主事孫景范以孝廉得知縣分發直隸咸謂報施不爽云

周雲章四川新都人咸豐辛酉拔貢同治十三年二月署任能文而好士觀風童子試扁門面評取材悉當乾元寺僧師徒與紫金菴尼相塵聚一夕師暴卒

於尼所衆疑尼將困之勘審數四無確供久之廉得其情係徒置毒於餅而斃其師尼不與同謀者乃嫁尼而科其徒以罪條以丁憂去

汪昌字詠之江蘇吳縣人同治辛未進士光緒七年秋來知縣事德邑民間完漕向有以斗米作九升四五合者有以斗米作六升四五合者其中苦樂不均令一概遵二五加耗例完納豈知向以斗米作九升四五合者不允聚衆喧鬧昌存慈愛心不忍懲未加耗而收虧米甚鉅甫到任無力賠償憂患成疾卒於任

陳鳳誥字紫元廣西桂平人光緒十四年冬由舉人來署縣事次年大水成災詳請給賑並勸殷富輸捐散米開設粥廠以救飢民并請以工代賑修築上下水城開濬城河修理險塘並改築石塘六十丈使塘內之田無水患聽訟平允一訊能了案去之日遠近鄉民遮道攀轅出於至誠補授象山卒於任

張縉雲字漢章福建光澤人由舉人出宰江山縣適有毛烈女事縉雲訪得其

實表節烈懲奸惡悉如律江山人民口碑載道俞太史樾賦詩誌之光緒二十一年調任德清禁賭博辦痞棍不事輕縱閱年四月十六日北圩風災吹倒房屋數百間壓斃七十餘人受傷一百八十餘人詳准上臺撥洋三千元會紳募賑撫卹備至後署餘姚旋授昌化未到任而卒

春在堂參
采訪冊

德清縣新志卷七(續)

人物志一統編

昔章實齋氏有言無經之傳文人之集也無傳之經方州之志也自司馬氏以人別爲篇標傳稱列而列傳所由名矣州縣之志論次前人特編列傳蓋創例也沿及唐宋名家文集中紛紛多傳體志乘采之降至於今據次叙列亦固其宜惟序傳非一例也其列題歸類節取所長者如儒林循吏等因事重於人初不爲施孟梁邱龔黃卓魯諸人而設也按諸吾邑侯志分治行儒行以迄方技釋老此其例矣且同一篇中互爲詳略傳甲而兼傳乙者史亦多見如陳餘傳中并詳張耳之蹟管晏政事備於太公之編周志亦近似之然其人之可傳不止一長撰述者已臚列其事迹所謂不可以一節概者當原其用意不爲類括不撰別傳仍當專列以備史家之取材范史列傳之體人自爲篇篇附以論此今志人物傳之所以有統編也

德清縣新志

卷七
人物

五

列傳

沈浚傳

陸蒙龜

沈浚字叔源吳興餘不鄉人勸之子涉學有才幹太清二年遷御史中丞時臺城爲侯景所逼簡文使叔源往謂景曰大將軍意在得城城內尙有兵糧若不能決戰亦可深壁自守大將軍十萬之衆將欲何資景橫刀於膝瞋目叱之叔源正色曰河南王人臣而舉兵向闕今朝廷已赦王罪結盟口血未乾而復翻背浚六十之年且天子使也奉命而行何用見脇徑去不顧景曰是真司直也夫隨讀子史至此輾然而嘆曰昔紀攄之養鬪鷄也望之似木鷄矣異雞無敢鬪者其神全也正夫奮身雄入九軍白刃交於前而目不瞬者其氣專也專氣致柔柔而能剛易曰履虎尾不啞人亨又曰武人爲於大君其叔源之謂歟向非神全而氣專料虎頭編虎鬚幾不免虎口哉

沈約傳

姚察

沈侯諱約字休文吳興郡之餘不鄉人少因家難貧而篤學晝夜不釋卷母恐其以勞成疾常減油滅火而晝之所讀夜輒誦之遂博通羣籍善屬詩文起家奉朝請濟陽蔡興宗聞其才而善之宗爲郢州刺史引爲安西外兵參軍兼記室宗謂子曰沈記室人倫師表宜善師之又爲荊州征西記室參軍帶關西令興宗卒休文始爲安西晉安王法曹參軍轉外兵參軍並兼記室入爲尙書度支郎齊初爲征虜記室帶襄陽令所奉之主齊文惠太子也太子入居東宮爲步兵校尉管書記直永壽省校四部圖書時東宮多士休文特被親遇每早入見景斜方出當時王侯到宮或不得進休文每以爲言太子曰吾生平懶起是卿所悉得卿談論然後忘寢卿欲吾夙興可恆且入遷太子家令兼著作郎遷中書郎本邑中正司徒右長史黃門侍郎時竟陵王子良秉政雅好士與休文范雲蕭琛任昉王融蕭衍謝朓陸垂並以文學見親號稱八友時以爲得人俄兼尙書左丞尋爲御史中丞轉車騎長史隆昌

元年除吏部郎出爲寧朔將軍東陽太守明帝卽位進號輔國將軍徵爲五兵尙書遷國子祭酒明帝崩政歸冢宰尙書令徐孝嗣使休文撰定遺詔遷左衛將軍尋加通直散騎常侍永元二年以母老表求解職改授冠軍將軍司徒左長史加征虜將軍南清河太守梁武在西邸素與休文遊舊及建康城平引爲標騎司馬齊中興二年梁武位相國進爵梁王勳業既就天人允屬內有受禪之志休文進曰今與古異不可以淳風期萬物士大夫攀龍附鳳者皆望有尺寸之功以保其福祿今兒童牧豎悉知齊祚已終莫不云明公當承其運天文人事表革運之徵永元以來尤爲彰著識云行中水作天子此又歷然在記天心不可違人情不可失苟是歷數所至雖欲謙光不可得已梁武曰吾方思之休文曰公杖兵樊沔此時當思今王業已成復何所思昔武王伐紂始入民便曰吾君武王不違民意亦無所思公自至京邑已移氣序比於周武遲速不同若不早定大業稽天人之望脫有一人立異便

損威德且人非金玉時事難保豈可以建安之封遺之子孫若天子還都公卿在位則君臣分定無復異心卒難圖耳梁武然之休文出召范雲告之雲對略同休文旨梁武曰智者乃爾暗同卿明早將休文更來至期休文先入梁武命草具其事休文乃出懷中詔書併諸選置梁武初無所改俄而雲自外來至殿門外不得入徘徊壽光閣外但云咄咄休文出問曰何以見處休文舉手向左雲笑曰不乖所望有頃梁武召范雲謂曰生平與沈休文羣居不覺有異人處今日才智縱橫可謂明識雲曰公今知休文不異休文今知公梁武曰我起兵三年矣功臣諸將實有其勞然成帝業者休文與卿二人而已時休文位散騎常侍吏部尚書兼右僕射及梁武受禪拜爲尚書進爵建昌侯食邑千戶又拜其母謝氏爲建昌國太夫人奉策之日左僕射范雲等二十餘人咸來致拜朝野以爲榮俄遷尚書左僕射尋兼領軍加侍中天監二年丁母憂輿駕親出臨弔以休文年衰不宜致毀遣中書舍人斷客節

哭起爲鎮軍將軍丹陽尹置佐史服闋遷侍中右光祿大夫領太子詹事楊州太中正關尚書八條事兼尚書令屢表陳讓改尚書左僕射領中書令前將軍置佐史尋遷尚書令領太子少傅九年轉左光祿大夫給鼓吹一部休文久處端揆有志台司論者咸以爲宜梁武終不用乃求外出又不可與徐勉素善遂致書於勉勉爲言於帝請三司之議亦未見許但盛加鼓吹而已休文性不飲酒寡嗜慾雖被遇隆重而居處儉素立宅東田矚望郊阜嘗爲郊居賦以見志尋加特進光祿侍中少傅如故其身瘦骨勁肌潤俊偉左目重瞳腰有紫痣聰明過人好墳典聚書二萬餘卷京師莫比少時貧貸於宗黨得米數百斛有族人侮之休文曰我時雖困豈無通日遂覆米而去及顯不以爲恨舉爲郡部傳嘗侍讌有妓師是齊文惠宮人帝問曰讌座中客否曰惟識沈家令休文伏座流涕帝亦悲焉爲之罷酒休文歷仕三朝賅悉舊章博物洽聞當世取則謝玄暉善爲詩任彥昇工於文休文兼而有之初武

帝有憾於尙書僕射張稷及稷卒帝與休文言其過休文曰尙書左僕射出爲邊州刺史已往之事何足復論帝大怒曰卿言如此豈忠臣耶休文懼以疾卒於官生宋元嘉二十年八月十二卒梁天監十二年八月十五享年七十有一詔贈本官賻錢五萬帛百疋諡曰隱歸葬邑之蘭村建祠世祀于湖休文嘗以晉氏一代無全書年二十便有撰述之志宋泰始初征西將軍蔡興宗爲啓明帝有勅許焉自此踰二十年所撰之書方就凡百餘卷條疏雖備採綴未周永明初遇盜失第五帙又著宋書百卷齊紀二十卷梁紀十四卷諡例十卷宋文章志三十卷文集一百卷及四聲譜並行于世自古詩人屢千載未及作而休文獨得其妙帝曰何謂四聲曰天子聖哲是也其子二長旋次旆旋字士規以父廕襲位司徒右長史太子僕射孫衆字仲興亦善屬文帝製千文詩仲興爲之註後又召見文德殿令作竹賦立成奏之帝手勅曰卿亦文體翩翩可謂無忝爾祖累遷太子內舍人贊曰位高而德重才

偉而文雋郊居之賦不遂其恬退之興四聲之韻乃益其道望之尊

沈立傳

莘稼軒

宋神宗時河決劉家口負薪填壑自守令大吏以至水衡使者張皇無策於是都水監使大禮乃籌隄防護甕閘創著河防通議治河者得奉爲指南且歷事三朝白首一節大禮名立姓沈氏讀詩書數萬卷然獨喜酈道元水經以故江河得其詳其備述國朝名臣錄河防諸書予常幸其第覽其書曰富哉南面百城不是過也時嘉定二年焉

沈鉞傳

蔡汝楠

沈大賓吳之善士也其先世居玉塵山明初曾祖參贊基側之王氏迄三傳大賓始生幼有志行克盡孝友及長學問弘博不求進取其叔居正詰之曰汝負雄才坐延歲月盍不援上舍以膺一命之榮乎曰貴人之所欲第有甚於此者故不爲耳曰奚爲曰昔者季路之事二親也甘藜藿之食爲親負米

百里之外其後南遊於楚從車千乘積粟萬鍾然其事親時初不敢以此移志今鉞也兄弟俱已他適二親無侍且上舍途遙又安敢忘親而圖青紫是時大賓長兄純齋胄監南宮季弟芳墅司牧宜陽故云然由是宗族甚器重之其事親也不離左右親有怒愉顏以解之疾躬炊湯藥先嘗而後進尋常問寢視膳食必請餘所以養志而承歡者無不竭力孟子曰事孰爲大事親爲大大賓其盡之矣及親卒號痛不勝飲食不沾顏色慘悴幾不能自存族人以禮諭之者數四遂稍節居喪曲盡禮三年之內人不聞其笑言雖服闋常覩物而感慟鄉里皆化焉無有忤子卽郢封純孝亦曷過哉又于兄弟間雅和墳箴嘗植荆於庭側以示志故迄不析家及弘治甲寅其兄鈍齋殞躬徐州大賓慟哭曰手足大變如之奈何遂親至死所招靈刻像以錫匣盛歸用棺殮葬遺孤曰淳甫是時方幼穉善撫字之過於己子延師訓誨期以成人遂補博士弟子至其析家於弟任則將父產二分之一與芳墅而一與淳

甫而已一無所取也復以侄之廳宇未臻壯麗捐金五百重新之又將百金與弟構其書齋務極精美其事行口耳於吳中非惟縉紳慕之卽農夫野老亦讚誦之不置也嘉靖初方君體道來蒞茲土考德表貞偉大賓之孝弟乃述其行薦聞院道特錫冠帶旌其閭後更敦請大賓者三善人是富徐積粟帛此之謂歟大賓名鉞字衛卿德清人

沈鑾傳

陳 霆

沈鑾字節卿號芳墅乙酉歲四月之四日其發祥也少聰敏嗜詩書賦性豪邁而堅正才能冠世年十四泮宮奏凱負有才名鄙當時勢利嘗曰富貴吾所自有彼衣冠土木銅臭錢虜祇貽羞耳又善詩賦或與朋從遊宴高吟竟夜不倦適歲試隨食餼廩當是時十有七矣嗣後每試輒首選名著吳中有願受教從遠方來者數十人均辭焉曰人之患在好爲人師況余疏漏白媿有負三餘嘗自切責敢以自欺瀆諸高明來者固請之曰業精於勤成於一

破釜沉船終獲有濟。碁酒謔笑實敗厥功。諸君不鄙敬以一言相勉。積數年賓貢選申復入太學。意謂易小試捷大物。竟以數奇屢蹶場屋。嫉世憤俗無以自抒。常沉吟感嘆。不能自己。居久之有命丞東河縣。地屬山東之兗州府也。綜理繁劇。若運諸掌。時以禮義仁讓勸諭百姓。自是閭里恬熙。嘆息愁恨之聲杳乎其不聞也。未幾丁外艱。歸邑民提携而送者滿於道。服既除。再丞古閩。延平之順昌。甚以難治。稱而能以長才繼之。興利除害。惠澤生民。見惡必擊。既俊弗追。迨及聽斷。洞見端倪。按法而行。無敢少屈。然未嘗濫其刑責。苟罪一人也。遂并錄縣事公慎莊敏苞直道絕豪右。歛跡申革沉濫之弊。德化孚洽。遠近歡呼。聲實丕著。撫按交薦。擢補河南宜陽令。乃於嘉靖甲申之七月旬有八日。以疾卒於官。百姓號痛之如赤子之喪其慈父母也。子二永貞。季濬。迎喪卜葬於司馬山陽。嗟乎焚膏繼晷。百家學博。才曠世莫與京。乃竟艱阻亦命也。雖然學貴有濟於時。夫以大賢司百里。卽謂小試鷄刀。

而政績屢建。其才亦稍展矣。又復何憾。爰作短騷一章。以表于無窮。其辭曰。麒麟兮降祥。東壁耀兮文光。枳棘森兮棲止。絃歌發兮醇良。值大故兮言旋。填祖道兮難忘。繼花村兮譽隆。稿苗興兮飛淙。遇豪猾兮是鋤。撫三尺兮色愴。仁愛浹兮百里。寵擢錫兮琴堂。慨英雋兮在泉。流德澤兮云長。

沈鶴齡傳

沈亦然

沈鶴齡字海籌。德清縣之新市鎮人。予共五世祖兄也。嘗慕張騫乘槎入斗牛。事故又號銀槎子。幼不慧。日讀書三四行。引喉呶唔。頸面盡赤。及掩卷卒不能誦一字。好以片紙置書下。作繪事。貽同塾兒。畫人人肖。畫蟲鳥蟲鳥肖師見之。威以夏楚。弗止也。後移家杭州。悅寫貌者陳蒼霖。遂往受業。陳故擅名久。初以爲庸弟子耳。已而漸奇之。期年後。遂不勝衛夫人之泣。既卒業。不敢自炫鬻。曰。奈何奪吾師衣食耶。間爲戚友所矚。始一展技。尤善於臨撫。古人仙佛神鬼及龍虎鸞鶴之屬。氣韻骨法。落筆成真。或自出機軸。亦深得古

人妙意以是出藍之譽日起益愀然不自安去遊嘉禾姑蘇兩郡間所至輒爭致然不受迫促一畫或數年不成有欲速就者給之去閉深齋中而扁其外戶焚香淪茗飲饌唯所欲多陳列名畫佳硯其摩抄贊嘆者卽奉爲潤筆資然後伺間語之初甚艷然既知不可出遂留二三日爲成之而去性好遊稅駕必窮極佳勝衣履喜奇古不久卽棄去更爲之故所得緣手盡至老不解治生產有金陵富人某挾萬金來新市買絲耳銀槎子名因所主者延之往儀節頗闊略中作設飯又不具賓主禮銀槎子推案而起曰來來爾貌不敵一駿驢願欲畫工我耶又讓所主者君誤我令筆墨作十日惡遂袖所畫紙趨出明日富人歎門謝禮益恭銀槎子卒不顧居間者請以多金畢繪事笑曰吾安用此儻來物雖然留之祇穢吾屋姑取而頭往身不可得也富人雖媿怒卒陰喝不敢出一語持所畫紙逡巡去銀槎子以是益厭爲人畫乾隆甲辰予令直隸之南宮縣銀槎子欣然攜琴硯而北是時別六七年矣洗

塵掃榻相對極歡每飯罷出囊中硯材磨琢之或鼓琴一曲翛然自遠間爲予佐理碎務亦竟不辭有以銀槎子名聞上游及鄰郡縣咸致書予俾勸駕銀槎子曰一富兒尙辱我况青油幕下面孔耶竟不往尋予改令豐潤豐潤饒山水銀槎子時跨欵段出遊遇幽奧險峻處輒攀捫而登東望遼海西顧田盤諸山竟日忘返又數往京師詣小市覓古畫硯時亦有所得庚戌予自大成引疾買屋新市兩家相距數十武朝夕過從不異疇曩語及北遊尙悠然神往有勸其重理舊業者曰少壯尙不堪况視已茫茫乎或有如前所云給之亦一笑而已丙辰秋右體忽不仁臥牀第久性益卞急時欲引刀自刺曰方恨不能乘槎泛天河乃使我至此極耶竟鬱鬱死時丁巳六月八日也銀槎子天性放曠凡人世境遇之豐嗇子孫之賢不肖舉不復在念口吶吶如不能語又善忘有詢其年者輒瞪目不能答相狎者以是爲戲笑及其含毫舐墨心靈手敏古畫過目終身不忘與其人殊不類異矣昆弟間最稱雍

睦家事皆兄鳳翔肩之故雖生產不治卒以成其放曠云年五十有六有丈夫子四人孫二人論曰業於畫而去富貴也若蘇毋乃欲贏而惡囂乎然不如是銀槎子亦一凡畫工已耳惜其生平所作不自收拾又往往不署款數十年後寧尙有知之者耶悲夫

費桐傳

海寧馬瑞熙

費桐字生陽號丹書德清新市鎮人父天麟爲國子監生有孝行卒時桐生甫三歲母朱撫孤甚嚴切嘗以坐置膝上口述先德並祖宗勦業之艱勸導以古今善惡果報以培其基稍長命從族叔讀叔亦族望也尋受知於督學使者南海羅公目爲偉器故桐爲諸生食餼力學不少懈惟恐負羅公知咸豐季年赭軍犯浙江桐與同邑馮壽鏡蔡兆騏鍾丙熙等同建保衛桑梓之策助邑宰設鄉團事平積屍填原野存者將餓殍復邀族弟松麟金萬兩立義社力任掩埋之役並施粥及絮褐全活甚衆邑宰具其狀白大吏欲薦於

朝桐曰敬桑恭梓乃士之常耳豈藉以沽名乎固辭不受馮蔡輩後皆爲縣令桐獨以諸生終蓋生平惟知與人爲善於朋友宗族間苟有一人言行非禮必規其悔過而後已不自覺其聲色之厲也事後則友愛如初無他腸歲科鄉試外未嘗至官府其梗直狷介有如此每日言行必錄日記與武康王誠桐鄉嚴錦鈞昆季烏程張楨同邑戚人銑族弟楨模爲文會同治朝儒生講習專尙帖括之學所謂墨卷者無非勦襲雷同雄唱雌和於聖人大經大法無有得其芒芴者桐獨憂焉謂文運與國相維繫力矯老生腐儒之習每制藝必探索聖賢之奧蹟尋繹宋儒之旨趣引伸觸類剖析毫釐嘗取古人載籍沈浸釀郁擷其精英謂非若是迺貽膠庠羞又通律呂之學尤究心六法然不以此示人人莫知之邑中文廟落成告祭之日桐從而瞻拜燭花忽幻成仲由在二字衆詫爲奇異因度桐後必大顯然桐卒不顯時論惜之子燮宸邑廩生行誼力學有父風

贊曰自軍興以來英髦輩出由膺民社而至建節鉞者不乏其人養氣讀書不求聞達者百不能一二而桐獨植行敦品不以富貴易其操亦近世之獨行君子也觀其祭聖見異知非偶然也况天之報施自來弗爽不顧於及身者後必有興起焉故論次桐之事而豈無厚望於費氏乎

徐振綬傳

許祖京

徐振綬字起芬礬礬其別號也子丹長孫訥齋長子性英敏讀書手不釋卷每下筆輒洋洋數千言將應童子試適因叔冠聲以保舉選任甘肅之碾伯縣親朋無與俱往者遂援例入成均隨之任簿書案牘襄贊參理倚之如左右手後旋里事親以孝家貧脩脯所入以甘旨進菽水承歡怡怡如也訥齋捐館年八十餘振綬年亦過艾其哀毀擗踊視少壯過之待兩弟映豐用圃極友愛至老未嘗析箸又嘗以不獲自奮功名爲歎故於子若孫也望之切課之嚴子綬園爲食餼生有聲饗序而孫愚泉亦早歲遊庠皆義方之教也

爲人沉靜廉正言笑不苟雖盛暑必端服危坐遇交友子弟必教之以正能以嚴憚啓發其志至於居家以儉處己以謙御下以寬接物以信懿行難更僕數古之所謂鄉先生者意在斯歟

徐天驥傳

許宗彥

徐天驥字德士號松塢恕齋之孫芑泉次子也襁褓時卽善病四齡就塾終日危坐無戲容八歲喜讀左氏傳于諸長篇尤能尋其脈絡考其訓詁塾師恆異之年十九補弟子員作文不事雕飾洋洋灑灑自露性靈己卯科試冠邑士以詩文受知於諸城寶東臬先生庚辰舉於鄉辛巳會試錄取內閣中書癸未成進士以部屬用簽掣戶部分雲南司額外行走天驥以文章政事豈有兩途居官而不盡職自問心何自是辯色而入日晡而出寒暑無間稿無大小事無鉅細必與同事虛心商榷有所見不敢固執自是然亦不肯稍事依違以徇人丙戌實授雲南司主事年三十二卒於官性孤立寡交游不

畏強禦人或以勢怵之無所動與人言不合必力爭之以故多不稱人意然居心伉直無城府久與人處亦咸釋然無間言

徐瑋傳

錢唐梁國治

徐瑋號藥渚苕溪人也自幼以力學著年未冠補弟子員及舉於鄉而學益篤自後公車屢困至壬戌歲始以賜進士授編修年已四十餘猶手不釋卷嗣值高宗幸翰林院得隨諸公卿後以次聯句恩賞便蕃蓋文章報國之志至是益切矣余自幼居京邸聞名久因脩弟子禮受業數年歲丁卯藥渚典試貴州得士最盛其學識於此益見越明年余捷南宮雖一時遇合然得於師教居多方冀公暇可長侍左右乃未幾而藥渚賦遂初時長公子鵬南次鶴齡先後登賢書當北上相遇備詢其起居因知好學之志至老不衰始應吳興書院聘繼應穎上書院聘後又應湖北書院聘一時遊其門者非登巍科卽成名士蓋引掖後進之効至是益盛矣余以歷任內外不能復從遊後

德清縣新志

卷七
人物

十四

乞假歸里道經苕溪謁於仙潭之謝家園承攜其二孫與余話舊日事壘壘不倦又進謁其太君車孺人舉止言語有鍾郝風及出仰瞻堂宇見有本郡太守曹掄彬贈其大父越三公額云世德型芳余雖不及見越三公然以知其出處大節淵源於庭訓者遠也茲歲春余扈方蹕南巡留省數日訪知藥渚暨其長子俱已赴召玉樓惟次子任青田廣文各羈職守不獲一把臂爲憾夫以師門學術與其世澤卜之其後人必有能繩祖武而振家聲者余老矣請拭目俟之(按此傳就原意刪定)

徐以坤傳

嘉禾錢載

徐以坤字穀函號根苑又號茗花九歲能屬文十五歲郡試得首拔補官學弟子一時諸名流胥引爲忘年交丁丑春翠華南巡恭進迎鑾詩冊召試行闕拜文綺荷包之賜戊子領鄉薦連上公車被薦不售循例授國子監博士恭值詔開四庫館八年首部全書未成大學士于文襄公程文恭公疏薦以

原官充武英殿總校先派文源閣閱書總裁器之復以第三分文津閣書派閱自己亥至甲辰六年疊蒙尙方之頒書成議叙主事增秩五級晉授中憲大夫辛亥引年歸里改歲終於家性樂於爲善歲贍族之貧者計口給粟藥其疾殯其死單煢者完聚之幼稚者延師教讀之自奉極儉約布被繩牀俛仰自得性好書籍坐緹室中日事研究不徒充栢滿架也葬武康烏回山

徐以泰傳

無錫嵇璜

徐以泰字陶尊號柳樊又自號晚聞居士質穎悟九歲善屬文長喜吟咏與杭華浦厲樊榭王穀原王西莊汪厚石桐石萬柘坡把臂入林爲詩社友著有綠杉野屋詩集四卷探入四庫全書總目屢困南北闈數薦不售遂循例授山西絳縣知縣不名一錢剔弊懲奸案無鉅細卽審訊親書斷語暴其曲直無分毫混淆有神明之頌而尤爲邑民所敬畏者莫如更正甲戶一案縣屬地糧冊開列里甲沿明季陋習以先入甲者爲前戶後入甲者爲後戶前

戶倚勢積威視後戶如奴隸或遇事遣撥或借端歛派凡前戶家有吉兇事故後戶捧盤執爵奔走惟命甚且後戶人亡系絕惟聽前戶主裁或嫁其妻佔其產徙其墳墓親族莫敢過問以至各里雖有缺額之甲戶後戶儘可攢補前戶惡其不便於已把持挾制積重難返雍正年間雖節經嚴禁而害未除來宰者恐多事輒隱忍以泰廉悉其狀力任更正與大中丞明公侃侃力爭明公深韙之嘉其有膽有爲通飭各屬有如此者悉照絳邑更正未及俸滿卽題請調陽曲縣惟以清慎勤自矢時大中丞明刑弼教明察秋毫以泰勘獄平反不可枚舉旋蒙陝撫明公隔屬薦舉例保題堪勝知府而署撫亦保陞太原府同知未及赴部戊寅歲因積勞成病乞請歸里展烏鳥之私叙天倫之樂閉門卻掃日以詩卷自娛雖囊橐蕭然而自甘淡泊况味寂寥處之欣如也著有續詩集六卷詩餘二卷綠杉野屋類稿六卷未付梓藏於家卒葬於錢塘縣大雄山里子二長秉愿中書科中書次秉懿丙午科舉人河

南新安縣知縣

談信傳

長城臧瓊

談信字彥實松隱其別號也以布衣屏跡坵壑獨能引先世之教以自繩沈默純厚終身未嘗有睚眦父士遠伯兄真姪俊已成進士而信居庶孽益自檢恂恂如田家子父以爲不類也且時未生子育五女終慮其藉爲壻家資乃使居碓坊中破椽不蔽風雨擲斗粟與之使其自饘粥瘠田十畝而猶望歲也其貲田視伯兄不及什一而信怡然處之事父益孝謹朝夕候寢饑無缺與兄真更友愛無間其所得於詩書禮樂之教者蓋深矣當斗粟垂盡而十畝未耕其誰不扼腕撫膺以請命於父兄而信曾不見顏色蔬食菜羹孝友不替性殆植於天者耶未幾生子仁孫應祥日蒸蒸起足不重父慮晚歲行益著邑長廉其賢奉以鄉飲賓席孫以經術紹門戶享年八十有二

談儀傳

蕭鳴鳳

德清縣新志

卷七
人物

十六

談儀字時正天性素高樂有父兄之賢愈加警勵毅然以古人自期及長力行孝弟檢身型家內外肅然下至臧獲無不得其任者自奉菲薄歲時供祀極洗腆事宗族長老必盡誠敬御卑幼則修寬裕開導之義或罹患難則力爲扶持俾無失所慕賢達好施與子孫始勝衣卽令出就外傅擇稍長尤秀敏者俾治舉子業且資遣焉其所交遊皆一時知名士居鄉則恂恂如不及或競持曲直得一語而訟遂息弘治間有倉官劉姓者會計失當而鬻女以償儀爲抵其闕骨月賴以全鄉鄰困乏者周之婚喪不舉者助之凡輿梁道路亦爲倡舉一新無靳色比鄰兩遭回祿儀居獨存兩舉鄉飲賓當道書匾旌表儀聞之蹶蹶不甯曰過情之譽某豈敢當卒年七十有八

蕭鳴鳳湖廣督學方志

戴福謙傳

俞樾曲園

戴福謙字貽仲琴莊其號也世居湖州德清縣遷居郡城本宅羌山浮家嘗水祖晴巖公肩吾七十以外能辨細書父銅士公薛瑩四五之間自成高品

綵繩圍宅青箱傳家次何氏大山作姜家仲海其身鱗立其才鳳鳴虞蘇讀
書被池盡溼魏收好學牀板爲穿製月儀之辭彥升幼慧作日出之賦維翰
才高以弱冠舉茂才斯時也高密侯教成諸子都知名武夷君笑對羣孫
便堪忘老芸香三代花萼一編何其盛也無何福謙之兄駿伯芬弟夔叔純
鐵網未收金棺遽掩揚椿愛弟食必同盤劉璉敬兄衣常束帶一旦阿干絕
唱卯君罷呼固已貯苦停辛乾肝焦肺然而平子多愁益工著述復愚行役
不選文章以爲九据三摹元理乃出千辟萬灌劍氣自精故其爲文浴素陶
元雕今潤古有顏延年之明密無揚子雲之艱深有許舍人之中無枚少
儒之歇散時館臨平孫氏樾亦祛衣受業焉每見其動墨則錦橫彈毫而珠
落崔浩思苦至與鬼爭道衡功專惡聞人語袁嘏之作大材迨而猶飛張紘
之文小巫見而盡走固知不能祕珠光於魚腹損蘭本於麋醢也丁酉歲舉
於鄉駕一封軺從兩計吏此行也人以爲寫洞簫之賦漢殿爭傳奏寶劍之

篇唐宮動色矣而乃翼殷不逝風引仍回登金園以無由著銀袍而將爛欲
歸則他日之辦裝非易欲留而此時之索米良難不得已以獻賦之相如爲
授經之郭瑀以停都之元度爲入幕之郗超蓋留京師者三載客鄆縣者一
年萬柳堂前聚青雲之仙客千秋亭畔拜赤伏之遺祠宜乎駭馬遊豪吹鞭
聲壯然而蕭條賓館茶殘酒冷之場飄泊窮鄉墨瘁紙勞之感出則長勒鞞
敝入而缺勝衣單青氈已分長寒墨席并難暫暖往往浮雲善幻散雪難團
寄客土於浮根棲輕塵於弱草眼中有鐵孔文舉方薦禰衡刺上生毛何長
瑜仍還靈運人情反覆生意婆娑歲在庚子再試春官吐珠於澤而爭含蒙
金以沙而愈耀已幾乎列樊川於異等冠盧肇於蓬山而五角六張良時易
失三塗八難魔劫難除先是戊戌會試取教習至是復薦而不售看人袞袞
畀予區區兩度龍門一場鹿夢嗟乎郭舍人之矢激而仍還劉寄奴之盧呼
之不轉元稹篋內竟藏不第之章李廓榜前難制無言之淚憤泉暗湧悲火

潛燒其病自此繇憊矣奴無吉利孰與分香友有真長聊同稱藥魂遊東岱
目斷南天於道光二十年某月日卒於京師年三十有三嗚呼傷哉夫秉醇
粹之性具儻蕩之才天骨不羣神峯高映韓嬰心細處事分明管輅論高占
年果應一時推襟王儉捧手康成者靡不重劉輿爲長才呼鮑胥爲健士共
祖士少語夜必失眠得沈休文來朝能早起而何意鼎方見泗繫已絕於重
泉劍未破山鋒先摧於庭石名不酬其學遇不副其才彼夫款啓之士嘏豈
之徒白帖多訛赤泉莫辨或且身據要路壽享大齊焉抑何天道之難知而
人生之多舛乎且夫景惠陰德罕樂陽施皆以長世遐紀炳然史策而如戴
氏者世守伏生之不鬪山名劉氏之後隆仇汜毫而猶恭周燮髻而知讓入
其室勃谿盡絕登其堂滅甬皆歡宜乎純仁遊佛地而常寬刁肅生福門而
不死矣乃駿伯最先溢逝僅留曙後之孤星羹叔相繼淪亡并失海中之仙
果惟已有中郎之後可與趙氏之宗庶幾炊種猶留書香未斷然而纒離雍

樹便拜厥旌縱存晏子之遺書孰理荀君之後事至使山公已老別艱難休
甘石著書米鹽凌雜傷矣明年戴氏之喪至自京師休夫費重孤子迎難幸
藉慈航得歸先兆颯南風而不必招左轂以無從一別千秋往歌來哭嗚呼
哀哉論者猶謂既上書報罷獻策未收何妨歸乘殼鯨之車舞著斑斕之服
禹珪下第詩酒寄情許孜孝廉褐巾終老顧乃六鑿相擾三縛不除竟天天
年得無非達不知韜鱗掩藻者退士之思也邁辰選時者文人之志也士既
不能伏處葭牆之下高臥蒿廬之中則王章泣於牛衣范蠡吠於狗竇亦人
情耳性命之故天閼紛綸修短之期鳧沒欺魄雖王壽焚書而舞賈生養空
而浮亦未聞玉鑰能堅鐵牙永固豈得謂之熾螽自燒鐸鳴致毀也哉樾之
祖母乃戴之祖姑也故當垂髫之歲卽已執贄而從丁酉省試樾亦倖中副
車喜小子之有造指遠道以爲期歧路屏營抗手而別猶謂人非鹿豕原無
長聚之緣何圖歲未龍蛇遽痛哲人之萎編篋中之集有待他年受膝下之

經還如昨日九泉不作問叔譽其誰歸五事猶存非郭冲而莫記人謂高才不偶當登方干身後之科我知修德必昌佇立永叔岡頭之表

賓萌外集

沈上襄傳

潘穀

沈上襄者潭西退舍之長子也退舍爲諸生僦負大志上襄尙孩抱嗣觸痿疾服餌強起遂僂折曳踵其形支離矣每恨爲造化所苦故口吟手綴不輟上襄初名官虞幼穎敏授以章句數十行一過隨覆背無遺字退舍督之峻切寤寐與俱勿少間晨夕惟毛震股票而已然爾時固厚望之漸試以八比藝其族昆器車先生蚤奇之及髫始命名中階應童子科爲晉江劉就所拔充郡博士員壬午踰弱冠舉鄉其墨爲淮陰陳階六先生所賞薦列禮經之首臨安一吳叟者慕其才以女妻之是時四境方禍亂癸未以後乃息偃故廬不敢談天下事獨取河南紫陽象山姚江諸子語錄味之有得曲巷鍵門人跡罕至父子輒互相詰難其暢樂甚於師弟壬辰乘便轍客於冀亦倦

游嗚咽而返一女弟字於邑蔡氏未嫁而蔡子殤女承家訓不替請得奔奠終志焉上襄甚窘憊欣然假人數十鎰以過其行後歲餘女疾革忽向姑曰四郎邀我將從之矣姑與姆婢等訝云生不一面何由相識此譚語耳試詰以衣烏狀貌無不逼真未幾而瞑惟女志不貳故能感及泉靈洵哉堪與伯氏爭烈者也退舍天性豪上不屑儕俗年漸衰無一可意事又見其子不欲以冥冥墮行願出其詩若集於天下以一洩胸中磊砢愠鬱之氣奈貧乏而棗梨之役莫給也憂重食減僅訂前草十數卷囑其子藏於家上襄率諸弟侍湯藥彌歲神慘骨立及退舍卒喪葬拮据纒纒不能起至次年其嫡配章氏又先謝世是歲十一月客於武林抱疾歸迨明年戊戌四月勸極告殂年甫三十八也上襄之爲人端軀瘠而目光黝發口無漫言與賓朋會集但歛手默坐疑若有思一遇炎熱世態之徒卽引避告絕接二三知己辨析性學竟日反覆不厭所論立身必以躬行爲當平生不好虛譽孤拔峻厲正末世

獨立不懼之君子也然几牖翛然妻子凍餒有時晨炊失供不爲動容其高蹤峻節續之古人又何愧乎惜也天嗇其報所施未榮嘉實垂成覆而中隕豈亦斯文之不幸而吾道之一厄也哉

俞林傳

程 森

俞林字壬甫號芝石幼慧以家貧不能延師父鴻漸恆客遊於外十歲以內母姚氏教之讀清道光二十三年鄉試舉人於本房居第一以工書法取臚錄會修清宣宗實錄預繕寫告成以例得議敘遂以知縣分發福建福建故瘠苦其時寇盜充斥紅巾賊方熾仕宦者視爲畏途督撫累疏請分發而部令發往人員率託故弗至林獨繫眷屬聞關赴閩逾年署沙縣知縣其地多訟胥吏緣以爲姦一小事輒株連數十人林於判決除一二要證外悉罷遣無所問所保全甚衆地又多盜有楊三者盜魁也其兄爲他盜所殺使人謂曰來吾復爾仇楊三乃率其徒降捕殺其兄者論如律於是羣盜懾服境內

悉平後楊三官至參將戰死汀洲得優卹焉五年秋充鄉試同考官民閉城請留夜啓北門去入闈閱卷每達旦不寐或既棄復取閱榜發得士胡夢得等十一人時澎湖通判闕員大吏意屬林而欲使出門下命福州守示意林以母老辭由是忤其意當是時閩中尙奔競習侈靡上下狎遊無度其善夤緣者以數十金得一官不數年擁符節林獨耿介遼落寮友皆非笑之已而御史林壽圖以閩中積習白簡上聞制撫方伯皆免官自道府至州縣凡二十餘人寮友始歎服六年署永安縣與汀州鄰其民交惡汀人有至邑者輒誣爲盜縛送官官不爲理則擁去毆殺之不能禁遇有執送者立出坐堂皇薄責之置諸獄以好語慰勸衆人使去乃出其人於獄衛之出境全活無算永安自被寇亂殘破特甚乃招集流亡使之復業又以地處衝要賊所必爭使民力護鄉里五日一集較其技藝課其惰勤鉦鼓旗幟悉合法度選勤卒千餘人皆精銳可用七年夏紅巾餘黨復爲亂據汀州所在嚮應七月陷連

城提督某與戰敗績退保延平於是將樂順昌沙縣尤溪相繼陷賊將長驅犯延平窺省垣而延平屬縣皆爲賊據惟永安獨存與延平相犄角賊攻延平懼林躡其後乃以大隊撲永安勢張甚按察使裕鐸督師來援而四面皆賊轉戰不得達是時外間訛傳縣官眷屬已宵遁母姚氏乃親詣城隍廟行香出入皆褰帷邑人士有以公事至者召使入內室則母方觀書妻方刺繡於是人心大定然苦無食乃勸富人輸錢粟券與之鈐以縣印數日間輸者頗衆而寇警顧日急母命積薪於門待自燔留民兵二百使千總率之登陴而自率兵出城列寨據要害檄鄉團隨所在助殺賊一日猝遇悍賊千餘人大呼奮擊無不以一當百賊勢且不支而賊援至分兵斷後林麾衆登山賊蟻附而上礮矢如雨有鉛丸摩頰過一持蓋之卒隕焉然士卒殊死戰賊不能上俄鄉團四集別隊兵亦有至者金鼓之聲震山谷賊驚顧林率衆自山馳下乘之賊大潰自相蹂躪澗谷者相枕藉是役也林軍二千破賊萬餘而

西路鄉團亦同日大捷軍威益震賊猶徘徊境上乃簡精兵佐以鄉團使繞出賊後擊其背三戰皆捷賊精銳略盡自是不敢復窺永安而按察使裕鐸亦次第收復所失諸縣戰守狀始得達時阻絕者三月矣裕得報送行省大吏傳觀相謂曰賊蔓延數州郡所至官吏輒委城走不圖一書生乃能死守彈丸屢挫賊鋒賊之不敢犯省垣蓋以此也特疏以聞乃有俞林力守危城三月深可嘉尙之特諭擢同知時連城猶未克裕攻之數戰不利有袁良者故武貢士殿試一甲第二以都司守連城連城陷省符下所在逮治之賊之犯永安也袁適至察其人猶可用示以省符勸自効袁曰敗軍之將生死惟公儻有所用敢愛其死遂從戰守頗得其力林以袁守連久習地勢言於裕用爲前部袁益感奮未浹旬克連城大府以上游肅清言于朝擢知府而袁亦復官積功至汀州鎮總兵九年補泉州府廈防同知部議以要缺宜調員補授不得以應升之員升補奏駁之特旨允焉下車後見積牘如山縲繫者

數百人旬日間悉判決之監司某嘗從容謂曰君治獄明敏然旬日決數百案得無太易乎對曰重案例移縣其歸同知判決者皆細故片言可折久懸不決徒飽胥吏無謂也某乃歎服時有兄子毆其季父者逮之急或請以三千金免其罪林陽許之密偵其出而拘治之凌兇者亦盜魁也爲鄉里患莫敢誰何按察使名捕之不能得林乘夜將徒隸掠之其家得焉凌獻金剛鑽念珠一串值萬緡峻拒之卽日械送省中凌至省竟得釋然終不敢歸時諸海口皆通商而廈門亦設外官號領事多恣睢不法其譯人輒魚肉民民怒執之領事率數十人持械至同知署林出問故領氣沮曰從公往取人耳林笑曰吾民皆循良守法焉用多人命一隸往取之須臾而至領大服自是益敬畏之每見必以免冠垂手爲禮事有不便於民者與反覆論辨往往折服中外讎集雖鎮道大員或爲所狎侮惟林在坐終席無敢譁同治三年八月赭軍李世賢陷漳州將由廈入臺偵知有備意稍沮乃餌土寇使爲內應而

羣不逞之徒亦趨趨欲起林出資募勇得四千人勢稍定適前任水師提督曾玉明以舟師千人將赴臺道廈門林登舟說之曰無廈門則無臺矣今日之勢度重於臺曾乃留屯廈門時英法各國兵船十餘艘泊鼓浪嶼名爲自衛其意實叵測米利堅人白齊文舊爲常勝軍統領保至總兵官後降赤爲官軍所擒詔貸其死遂回國至是潛入漳州挾赭軍頭目二人至廈門匿領事館窺虛實一日領事招觀察飲酒半三人者出領遜就坐觀察大駭遽起命駕歸歸而謀之林林伏勇士於塗伺其出禽之械白文齊送行省肆頭目於市翼日置酒招領事諭以順逆禍福皆俯首聽命會間諜陳金龍以赭軍書至英領事館陳金龍者漳州人洪秀全未起事時嘗至其地與之爲異姓兄弟及是年八十矣詣李世賢自願爲李奉書說英領事圖廈門英領事懲白齊文之事執陳金龍以獻林白觀察置諸法以狀聞詔賜英領事獎武金牌一荷包佩刀各二下所司頒發林陳兵衛鼓吹輿從齎賜物至英領事館

領事再拜受出入佩之以爲榮由是外官爭爲遮邏有潛以軍械糧食濟人者悉縛送官中外之交合廈門之守益固閩俗故信鬼有巫者自信爲神所馮握利刀刳其腹血漉漉注盤盂不膚撓俄創合如故取竹箸百寸寸斷之雜碎齏咽之又或跣足行烈焰中均無所苦信者甚衆所至環問洪狀巫張目叱曰爾曹尙不去乎彼於某日至矣廈人皆聳一日林出道遇之大言如前命收之隸卒相顧莫敢動有騎者下而捽其髮乃仆之地言於觀察將以軍法斬之士民咸集爲之請林曰神如有靈我受其咎無與汝曹竟斬之訛言頓息時避兵者靡集力行保甲法躬自巡衛故戶口益增而盜賊絕跡惟米價翔貴請減稅以來客米廈門故有兩關一爲鎮閩將軍海關委協領監收雜費倍正稅一隸同知則譏察出入而已至是議減正稅之半其雜費一切罷之協領不可迭與爭乃上其事於省卒如議一月之間米商大至人恃無恐四年五月大軍收復漳州諸縣皆平廈乃解嚴總督左宗棠彙保歷年

文武官弁賜加道銜七月調充鄉試內監試官尋改內收掌官將行民以鼓吹鏡水周歷市廛數萬人送至金鷄嶺或哭失聲鄉試畢調補福州海防同知五年六月奉檄署漳州雲霄同知其官廨自兵燹後盛傳有鬼前官死於是者三人林居之竟無恙李福泰自粵藩撫閩既入境士民之懇其長吏者踵至而雲霄獨無李微服周歷城鄉歎曰入閩以來第一好官也七月調充鄉試內監試官七年二月赴福防同知本任有土豪著翅虎者黨羽數百人爲暴于鄉里逮而笞之閉目若瞑蓋其人蓄有異藥服之刀杖不能傷命置密室夜漏將盡忽提而鞠之使倉卒不及服藥自知不免叩頭乞命卒繩諸法九年八月升授福甯府知府林於屬吏中廉能貪劣有小冊記其事甚詳歲終具密揭上之雖罷斥者亦心服焉郡校入學諸生冊費甚鉅第一名必百金以次遞減亦數十金寒士難之謁太守求緩頰林曰是固有之不可廢命各以一二金爲贄郡僻陋文風久不振擇書院中高才十人入署中讀書

月再課之逾年竟得拔貢者二中式者一所歷皆艱難辛苦性和易而廉介有守一羊裘三十年兩袖皆穿雖見客弗易當江浙震驚時故鄉親友來依賙之無吝色居官不苟取勢要不能以非禮干所至有聲所去常見思同治十二年卒

家傳見春在堂雜文三編

邵紅是傳

沈 鏞

邵桂字香輪紅是其別號也五歲卽能握管爲人書便面年十六補弟子員第一旋以高等食餼每試輒冠軍性疎達不事生產短褐敝履授徒於里既久困鄉闈人莫不爲之扼腕而處之淡如也與同里嚴圭木孫詒爲文字知己圭木官山左鄒平縣延課其子甫抵署卽問泰嶽遠近裹糧遊月餘始返圭木謂之曰君才十倍我而不獲一第命也雖然星家謂君命利於北我爲君援例試北闈可乎笑曰吾無食肉相性又懶富貴非所願也君盍以援例資贈我作一年醉於願足矣遂辭歸生平作文不屬草作詩亦隨手散逸常

曰文章本從太虛中結撰而成成後卽還之太虛而已嘉慶元年某月日以微疾卒年五十有三子春煦幼患手足痿痺不克嗣父業沈鏞曰有才者遇恆齋乃又阨其後人亦酷矣

傅雲龍傳

程 森

傅雲龍初名雲艷字懋元別號醒夫鄉賢羹梅長子幼就塾讀書有疑義輒索解十二歲通經史及諸子百家言長又研究兵學清咸豐九年滇寇李永和率十萬衆圍潼川知府阮祐文達之子也知雲龍學留主其家爲畫守城策共二十五日圍遂解阮欲以奏獎笑謝之不受編修繆荃孫有詩曰功成不膺賞指此阮擢永甯道禽李賊敗林自清解叙永圍收復長甯皆與有力焉時母姚僑居開縣大亂雲龍聞之心膽俱碎欲馳省阮曰內憂外患交逼吾園先生去誰與策者遣使迎母至見母泣母亦泣旣聞擊賊有功破顏爲笑曰鄉者人言汝如處子豈知汝者嗣奉母命入官京曹籤分兵部武選司

兼車駕司郎中時兵燹既戢郎署多暇出其餘緒著經翼十卷史徵八卷說文解字正名十五卷金石集成三百卷漢文五百卷唐文精粹十卷餘著述甚夥有旨傳考學問博碩者使海國雲龍著論二千餘言第一遂出使日本美利堅秘魯巴西及英屬地加納大日斯巴尼亞屬地古巴假道新加納大厄瓜多智利巴他峨尼先塔盧斯凡歷十一國皆著有圖志既旋呈所著書德宗側席慰勞褒曰書甚詳以道員分發直隸直督李鴻章檄會辦機器局事清慶王奕匡以雲龍兼充海軍衙門幫總辦以漢員膺此前未之聞也直督王文韶檄爲機器局總辦疏保使才爲諸臣冠裕祿代任直督撤總辦事乃去直村民數百人獻德政繳牌雲龍辭曰民雖見愛但我辦局事無與民事何繳牌爲蓋在局時凡遇便民之事無不爲民間有橋改爲堤種菽粟堵水害故甚感之值庚子蒙塵雲龍束裝擬馳赴行在以疾卒於滬覃恩給一品封典歸葬德清性孝友爲人正直不阿又勇於任事所至親王鉅公皆器

德清縣新志

卷七 人物

二十五

重之每陳時事輒數百千言當道爲改容配氏李有淑德二次刲股愈夫疾

另有子范初另有范翔范鉅女范淑另有傳

蔡匯滄傳

程森

蔡匯滄字二源邑諸生事母孝家貧游於粵見歐化東漸慨然曰十數年後不通其語言文字不足以有爲乃殫心研究以盡其能清同治丙寅以通判分發江蘇初署贛榆縣有惠政光緒癸巳上海推廣租界時匯滄爲英租界會審讞員奉檄辦事與洋人反復辨論乃劃至西華德路而止民有感泣者任事七年中外安之癸卯清北洋大臣袁世凱奏調隨辦商約一時倚重平居謂所親曰國勢如此交涉案件求勝萬難我惟持其平而已無他長也歷保至候補道指分直隸記名海關甲辰隨欽差鐵良查察東南各省事宜國計民生多所補救乙巳除山東登萊青膠兵備道監督東海關察吏治求民隱所屬幾治積勞成疾猶夙夜在公時距日俄戰事久海口有沈艦三艘當

道不顧問匯滄據中立理言於領事而起之東撫楊士驤飛章入告加二品銜常關征稅歷任皆以定額報而盈收之數甚鉅及病篤尙命其子伯華以實報外交著績居官稱廉丙午冬卒於任年六十六入祀上海縣名宦祠

蔡燮昌傳

吳 璆

蔡燮昌字耀甫生而岐嶷長而敦敏九歲居母喪哀毀如成人事繼母以孝聞嘗刲股以療其疾年弱冠一應童子試不第遂治刑法家言業成有聲於時轍迹所至凡郡一州縣十有九居停咸敬禮有加其治獄也持之審慎出以哀矜不尙慘覈之術放手訂爰書至千百起而從無枉縱管館上高某君幕適鄰邑有白蓮之警邑之某者豪於資善結客訐之者謂與賊通某君欲窮治其事擬以兵夜半往捕燮昌以無佐證力阻之且逮數人則某者方夜宴客平日舍濫交佞佛外無劣迹遂薄斥遣之卒無他變論者謂是獄若稍涉張皇某者家立破株連者且數十人矣丙戌丁亥間奉飭嚴治會匪各牧

令爲邀功地遇疑似者輒榜掠鍛鍊以成其獄燮昌第請於府主嚴保甲清戶口遇游民卽驅遣之有欲深文周內者輒以去就爭故所至不濫逮一人內行修飭篤于親故戚友有中落者輒濟其困乏誨其子弟遇急難雖解衣推食弗吝也天懷澹定不慕榮利治事之暇獨處一室賦詩彈琴超然于塵埃之表殆列禦寇莊周所謂近於道者耶光緒三十三年卒於陝西省寓年六十有八子寶善位通顯

謝可明傳

俞 樾

謝老人名可明德清中初鳴人也德清有金鵝山相傳有金鵝集於此凡三鳴故山之南有上中下三村皆名初鳴云老人年二十四歲時備於唐棲姚氏姚氏所居曰致和堂其額猶董文敏所書自前明時得秘方爲藥丸以施人至清而貲財不繼乃始取直二百年來以姚丸名國中老人初至執役於肆中久而姚氏察其人忠實可恃日益親信事無巨細悉以委焉時余親家

翁子謙司馬甫七歲老人日提抱之及子謙舉於鄉入都應禮部試老人筭家政益勤慎子謙生二子二女老人撫愛之如子謙少時咸豐同治間浙中大亂子謙已前卒子女皆幼凡家中器用財賄皆在老人手毫釐無所苟及亂平復啓肆賣藥老人之力爲多時子謙妻張宜人亦卒其次子晉卿輒從老人眠起每於燈下讀書雖夜漏且盡老人必坐守之或讀少懈始而怒繼而泣下後晉卿與兄魯卿先後入仁和學老人乃喜同治十二年晉卿病於嗑頗危老人不解衣而寢者月及病愈老人舉杯語晉卿曰爲阿官已戒飲十日矣蓋老人性簡默無他嗜好惟喜飲酒雖至數升不醉也晉卿生子一子老人又提抱如前姚氏三世皆視老人如阿保云老人終身不娶故無子以兄子爲子光緒七年年七十有四矣晉卿言於余曰老人之在吾家歷四代無二心積五十年如一日求諸儕輩罕有倫匹今老人老矣不忍其泯沒願先生爲傳存集中庶後世知有老人而老人聞之亦可銜杯一笑也余曰

德清縣新志

卷七
人物


二十七

諾因爲之傳論曰余次子婦卽子謙司馬次女也故余常至姚氏見謝老人須髮蒼然而事姚氏之事仍如少壯時勸之休息不可余甚敬之嘗讀侯朝宗壯悔堂集有郭老僕傳馮山公解春集有俞老僕傳余之文固不足以及二子若老人者固其流亞哉

卷七勘誤表

頁	面	行	字	原	文	更	正	備	註
一	後	十二	十四	匿		匿			
五	後	二	五至六	蒙龜		龜蒙			
十四	後	四	十八至十九	扈方		方扈			

德清縣新志卷七終



德清縣新志卷八

人物志 二分編

人物皆列傳也區統編分編既如前述分編之中侯志分儒行名業端鯁文苑武功宦歷忠節孝義厲賢高隱列女方技釋老別傳共一十四編而周志則云人之所長不可以一節概故統稱人物另列釋老列女以別之今除別列列女刪列別傳暨端鯁宦歷括入名業釋老易為方外外餘循舊例區為十類曰儒行曰名業曰文苑曰武功曰忠節曰孝義曰方技曰厲賢曰隱逸曰方外以歸納之不欲多所更張炫奇標異且有繼前志而續述者如蔡奕琛之入名業有因國史而直錄者如俞樾之入儒行其事蹟甚顯其應分類也亦顯此又有分編焉仍皆列傳也惟其人應載前志而史又有專傳者則提明之而未另附事實藉避繁複

德清縣新志

卷八 人物

儒行

沈麟士 (續侯志)南史作麟士字雲禎南齊書南史均有傳

沈文阿 (續侯志)所撰儀禮八十餘條春秋禮記孝經論語義記七十餘卷經典大義十一卷行於世卒於陳大光二年時年七十有五贊曰先朝遺太叟榻下白雲多

歲寒知松柏傾蓋且狂歌(節沈氏家譜)

許孚遠 (續侯志)明史列儒林傳

蔡啓傳 (續周志)號峴陽性淡泊無華幼隨父任在都門受業攻苦異常兒後返里父為者曰將上書闕下請以身代已而事解得解歸清順治甲午登賢書丁外艱哀毀骨立人稱至孝五上春官皆不得意至康熙庚戌提南宮殿試第一人及第主順天鄉試得

人最盛丁內艱闕起為日講官陟右春坊右贊善翰林院檢討以病歸悠然林下數年卒啓博於學無不窺尤精於天人理數之間嘗著洪範五行傳為講官時陳之工書法得顏魯公意詩宗王孟著有燕游草存園集兄弟五人皆極友愛戚黨之貧者周之子弟之佳者誘掖之居恆絕筆牘然事關地方利弊者必進公庭力言之卒祀鄉賢祠

許宗彥 字積卿號周生祖京子九歲能讀經史善屬文青浦王利愛其才作積卿字說十歲即不從師經史文章皆自習之清乾隆丙午舉於鄉嘉慶己未成進士授兵部

主事是科得人最盛朱文正珪曰經學則有張惠言等小學則有王引之等詞章則有吳才鼎等兼之者宗彥乎性孝友神志澄澹見者肅然敬之入兵部兩月即以親老引病歸連丁內外艱既免喪猶孳孳然惡衣蔬食恬無宜博遂不復仕居杭州杜門讀書於學無所不通探蹟索隱識力卓然發千年儒者所未發著有鑑止水齋文集十二卷詩八卷

集多說經之文其學說能持漢宋儒者之平其周廟祇考世說考致一鑑止水齋卷十二
能發韋元成劉歆鄭康成王肅所未能明故其立身制行具有本末文章深博足以
梨洲而跨華浦一陳壽祖撰傳一平居不苟言笑不輕然諾人有急必周之尤加意寒士
凡有義舉捐輸恆倍他人生平寡嗜欲惟喜購異書不惜重價於書無所不讀旁及道藏
釋典名物象數必躋其奧而後已卓卓可傳年五十一卒一蔡之定撰傳天球
別具神解詩古文辭匠心獨出卓卓可傳年五十一卒一蔡之定撰傳天球

蔡之定

字麟昭號生甫晚號毅山少穎異家貧力學入邑庠清乾隆己亥舉人癸丑進士
有不合意者酌令簽改之定爭曰某官可去某筆不可改也久之羣服其見稱其才
國子監司業至侍講學士癸丑充河南正主考官凡巡幸萬壽諸大典恭進詩賦均蒙嘉
獎時豫東教匪滋事有條陳鈔法之請不稱旨降鴻臚寺少卿引疾歸優游林泉或參禪
典課桑麻清貧如故泊如也晚年主鍾山藏書院門下士極一時之盛其教之也諄諄
然循循然不沾沾於詞章間惟以正心誠意身體力行之旨門弟子吳中丞榮光壽人
定文云自請業後服官中外三十餘年不忤於時不失所守皆師教也足以想見其為
矣道光三年大荒合郡饑饉相望之定首先捐資為郡人創老益勤有習勞運覽風信佛
而不佞極信因果曰我非好談此若并此不信人心不可問矣自奉極淡泊而胸懷信佛
及地方義舉慷慨無吝色學問淵博性理之功本於闕閭滌洛生平無矯激之行無虛假
之言當時在朝諸老皆推為端人碩士著有八篇草堂格言積穀山房隨筆古今文稿進
呈詩賦文各種字宗歐王名播海內乾隆嘉慶間惟翁厚漢劉石菴

鐵冶亭蔡之定為四大書家云吳榮光撰嘉慶間惟翁厚漢劉石菴
徐養源字新田號怡庵天柱子清嘉慶六年副貢幼承家學讀書有識年十三遊父京
師從一時名宿問業於學梅原流派別靡不曉貫儀徵阮元撫浙集羣儒校勘諸
禮注疏養源任尚書儀禮禮記文錯簡視他經為多養源所校特精為人所不及於三
禮恪守鄭氏至其論明堂失之隘計候道失之遠若斯類比乃參正以他說兼通六書古

徐養源

字新田號怡庵天柱子清嘉慶六年副貢幼承家學讀書有識年十三遊父京
師從一時名宿問業於學梅原流派別靡不曉貫儀徵阮元撫浙集羣儒校勘諸

德清縣新志

卷八 人物

二

音屏算與地及氏族之學皆取昔賢實事求是之意而致力於性理於近人爭門戶逐
利之習視之蔑如也母程氏雅善鼓琴養源因是研究音律據左氏管子淮南子蔡邕諸
說明上古聲自聲律自律本不相準旋宮之法旋聲不旋律徵羽主濁倍聲絃次第定
以一絃為徵又依琴絃辨正管色糾宋人之謬識者隨之觀後絕意仕進屏居一室時
識性理書澄曠絕俗有陶謝之致卒年六十八所著明堂說補郊辨井田議飲食考古樂
章考周官五禮表考工雜記尚書考黑水考渤海考及諸經文字異同凡若干卷其餘若
字說備籥說文聲類經傳音證律呂臆說琴學原始周解九章重差
補圖朝鮮疆域考氏族譜之類又凡若干卷總數十萬言張履撰行狀
養源弟養瀾字確菴嘉慶六年拔貢朝考一等授七品小京官重修會典監察御史疏
言刑部例案有未符處應改歸劃一以免定擬歧誤得旨施行少與養源友愛講求經史
見重於時

俞樾

字蔭甫德清縣人道光二十四年舉人三十年進士改翰林院庶吉士咸豐二年
散館授編修五年八月簡放河南學政抵任奏請以鄭公孫儒崇祀文廟聖兄孟

皮配享崇聖祠並邀俞允七年七月御史曹登庸劾其出題割裂革職繼歸舍創於大
蘇州府主講蘇州紫陽上海求志德清清溪歸安龍湖各書院杭州訪經歸舍創於大
學士阮元專以實學課諸生樾主講浙江書局建議江浙揚鄂四局分刻二十四史又於浙局精
精軍之亂元籍蕩然樾總辦浙江書局議諸子平議古書疑義舉例三書尤能確守家法有
後著書卷帙繁富而羣經平議諸子平議古書疑義舉例三書尤能確守家法有
其治經以高郵王念孫引之父子為宗謂治經之道大要在正句讀審字義通古文假借
三者之中通假借為尤要王氏父子所著經義述聞用漢儒讀謂讀日之例者居半發明
故訓是正文字至為精審因著羣經平義以附述聞之後其諸子平議則仿王氏讀書雜
志而作校誤文明古義所得視羣經為多又謂執今人尋行數墨之文法以讀周秦兩漢

之書疑義所以日滋也因取九經諸子舉例八十有八每一條各舉數事以見例使童蒙習知其例有所據依為讀古書之一助懋於諸經皆有八條而易學為深所著易貫專蒙明聖人觀象繫辭之義玩易五篇則自出新意不主先儒之說復作艮宮易說卦氣直日考邵易補原象窮通變論周易互體微八卦方位說散見叢書雜纂中皆足證明一家之學古文不拘宗派喜為詩工篆隸足跡不出江浙聲名滿天下同時如大學士曾國藩李鴻章尚書彭玉慶侍郎徐樹銘等咸傾心納交日本文士有來執業門下者其為中外所重如此先是同治十一年其子紹萊官直隸大名府同知恭遇覃恩加級請修二品封典光緒二十八年鄉舉重逢浙江巡撫任道鎔例奏開奉諭已革翰林院編修俞樾復入詞林彈心著述教迪後進人望允孚茲屆鄉舉重逢洵屬藝林盛事俞樾著加恩開復原官准其重赴鹿鳴以惠耆儒三十二年卒年八十六歲三十三年江蘇巡撫陳夔龍復陳事實懇恩宣付史館立傳允之樾著有羣經平議三十五卷諸子平議三十五卷第一樓叢書三十卷曲園雜纂五十卷俞樾雜纂五十卷賓萌集五卷補一卷外集四卷春第一堂雜文六編三十七卷詩編十九卷詞錄三卷隨筆八卷尺牘六卷右台仙館筆記十卷茶室香室叢鈔二十三卷續鈔二十五卷三鈔二十九卷四鈔二十卷九卷右台仙館筆記十卷又香室經說十六卷其餘雜著各書

戴望字子高生四歲父歿於京師曾祖年逾八十祖五十餘尚存母及諸母皆寡三世戴望字子高生四歲父歿於京師曾祖年逾八十祖五十餘尚存母及諸母皆寡三世續矣無何曾祖與祖相繼奄忽家貧歲飢無所依賴於是望挾冊悲誦母節衣縮食資望以學時感空無相向啜泣望雖孤貧在弱而淬厲十數年不懈學凡三變始好為詞章繼讀顏氏元之書則求顏氏學最後至蘇州謁陳奐而請業焉通曉聲音訓詁經師家法復從宋翔鳳授公羊春秋遂擊精專思專志治經學幾有成庚申之亂奉母避城南東林山久之大困無所得食有至戚官閩中母數命往不獲已以辛酉入閩同書治初元歸將迎其母聞湖州已陷仰天長號慟臥絕氣復忍死出入編求母之所在莫行書伏神香鬼詠淹

德清縣新志

卷八 人物

三

句滯月迄無所遇三年湖州克復赴湖視祖父墓旋至江甯遇屋火猝發購圮幸不死曾國藩聞其名憫之始延之校所刻書望因至痛在心未壯而艾頗頓狼狽終不廢學學日益進大江南北耆儒魁碩交相稱許時兵事大定文治聿修自公卿以至將帥咸慕儒術皆將稱道程朱比蹤孔孟而望所講習又與世俗異伏處鬱鬱不易其慕述成戴氏論語注二十卷證文四卷輯顏氏學記十卷管子校正二十四卷又為古文尚書述有稿未半而病以亟稍間即改所著書復作乃止如是六七年至於不可為以卒年三十有七無子以猶子湘後之(謫庵堂施補華撰墓誌銘)

名業

裴休字公美新舊唐書均有傳葬邑之丁山墓後有庵今裴墳文菴

沈既濟新唐書有傳子傅師

沈傅師續侯志字子言吳興統記云德清人新舊唐書均有傳

沈畸續侯志宋史有傳

沈與求續侯志宋史有傳

吳潛續侯志字毅夫宋史有傳

沈介(續侯志)字德和紹興八年進士十二年以秦熹奏充本所編定書籍官十五

除年校書郎十七年為書勳員外郎遺吏部郎中二十六年兼權秘書少監（中興館閣
錄）請以提舉秘書省印權納禮部並所搜訪書籍並歸本省官史兼權者並罷從之
十月面對言向者樞臣好惡自己因事變更祖宗法令望詔大臣凡前日便文一切之制
勿復施行從之（要錄一百七十五卷）十一月御史中丞湯鵬舉劾其欺罔出知與國
監二十七年充賀金正旦使（繁年要錄）二月十九年權吏部侍郎兼權禮部侍郎三十
一年除中書舍人論罷蔡京之策三十二年以左朝奉大夫知永州（北盟會編參繫）三十
錄）改知平江十一月除文閣直學士四川安撫制置使兼知成都府（姑蘇志）起
與元年奏言蜀四川征斂之尤甚者詔從之（全文廿四）明年金人南牧（談志）起
外制）旋加權兵部尚書兼湖北西制置使（盤州集內制）一親喪固辭不允（盤州集
以一毫擾民率詔獎諭（汪文定集內制）介簡貴戚重裁決無敢輒集外彙者王正功
為轉運主管理或未安改之不疑介不以爲忤更爲之延譽（樓攻媿集王正功墓誌）
乾道二年再知平江四年歲饑賑貸有方民得不死是歲六月移潭州去官之日老稚扶
携隨行十餘里涕泣不忍舍（西江志）六年乞守本官致仕不允七年轉左中奉大夫
（周必大玉堂類稿）生平著述奏議皆未編次（談志）

沈復少尹（續侯志）乾道七年以左朝請郎直龍圖閣兩浙運判權工部侍郎兼用幾何
虧羨幾何復一一奏對訖於所佩夾袋中取出小冊進呈無毫髮差孝宗大喜次日問宰
臣曰侍郎有進政府例否梁克家奏云陛下用人何以例爲（癸辛雜識）九年正月遂
除端明殿學士簽書樞密院事十月進左中大夫政必與復熟議而後行張說在樞筵議
多不合及克家去國復亦乞退不允十二月爲資政殿大學士知荆南府淳熙二年改四

德清縣新志

卷八 人物

四

川宣撫使五月召爲同知樞密院事旋出知鎮江府（宰輔編年錄參宋史）五年移知
福州軍州事充福建安撫使（周必大王堂類稿內制）以中大夫致仕旋卒十三年賜
諡簡肅（編年錄）復以才能結主知分符總讓盡天下要劇處武機庭建宜關俱卓
有成效其執政也張說以恩倖進同列多媚承之復崑然中立議論不少屈意力請去位
有古大臣之風（真西山四益齋詩序）

曾

曾炎字南仲父協始由南豐家湖州之德清炎舉隆興元年進士授左迪功郎泰州海
陵尉循左儒林郎調徽州教授更新學宮課試精審有自勞郡執信席下者奉州二

親就養與其季變俱立三樂齋以見志淳熙八年改通直郎知江甯縣一意治民催科無
擾暇時採前輩嘉言善行爲邑政總類一書選大理主簿請中飭權酷利害之禁時論無
之紹興二年除司丞五年知溫州開良田以贍養濟院以醫廢疾無告者民產子棄而
勿乳月以公錢給乳哺者全活甚衆慶元二年秋未穫海溢爲災樂清尤甚俱舟楫局
以濟捍之奏獨丁錢數千緡水退修築瑞安石岡及平陽三斗門爲東塘以殺其衝人賴
其利爲文定公邸鎮越以最列除尙書戶部郎中充金國正旦國信使將行值憲聖慈人賴
之喪授官燕山凡命宴皆請去樂及罷燕射金悉勉從使還除戶部郎中淮西總領尋除
契券之首以革產去稅存之患二稅不許高價折估獄案以時奏報多見施行又奏倚閣
上四州積負鹽本併免州縣所負正稅及虧收錢合十有六萬緡累歲困於郡邑因繫者
呼舞散去而漕計視始至增緡百萬悉付來者以寬民征嘉泰元年三月詔入奏計因論
屬縣培克之弊上嘉納之除樞密院檢討文字歷左右司郎中起居郎權刑部侍郎提舉
江州太平興國宮嘉定改元起知婺州寬捕節費政弊徹開以集英殿修撰所造益肥自
疾乞免復提舉隆興玉隆萬壽宮年七十一卒贈光祿大夫晚年意象簡默所造益肥自
號覺翁自少至老好學不倦凡所著作溫潤典雅有覺庵集（政地集曾公神道碑）

蔣南金 字汝貴 淳熙八年進士 嘉定中知容州興學校建

沈當 懷安軍司理 參軍 累遷至國子監丞 (勞志)

蔡舜卿 字宗舉 宋世洪之七世孫也 登元至正年進士 初南宋之亡也 其曾大父戒子若

孫凡遇新朝 盛事應宜退讓 耕讀田間 為太平民足矣 毋以爵祿為榮也 故子孫皆不仕 至元至正中 詔曰 凡有宋功臣 後不仕者 身戮家奴 舜卿不得已出 而應試 連擢 巍科 不仕 福建吏治 弛廢 盜賊乘間 起而有司 皆以蒙蔽為事 廷議以為地屬海疆 非精明有才 策者 不足以制之 乃除福建觀察使 以清慎自矢 察廉能 汰冗員 問民疾苦 事有可疑 者必 平反之 德政及民 不可枚舉 故閩人及後 猶稱道焉 舜卿天資茂敏 好學 問有勝於 己者 必親就之 讀書日數行 下手不釋卷 雖奇寒 盛暑 未嘗去目云 (參家乘)

張甯 志甯 由德清遷居海鹽 故明史作海鹽 人有專傳 (案邑)

蔡震 字南山 成化二年尚英宗之女淳安公主 封駙馬都尉 震行醇謹 正德中劉瑾下 獄 詔廷訊 有問者 僅輒指其人 附己 廷臣無敢詰 震厲聲曰 我皇家至戚 應不附

爾 趣獄 卒 拷掠之 罪乃服 罪以是知名 嘉靖中 卒 贈太保 諡康 德明史參家乘

周宏 字茂德 成化十一年進士 授工部主事 轉禮 部郎中 宅心端慎 陞廣東右參議 (王志)

沈義 未諭 清人洪武二十年知確山縣 操守廉介 崇尚儒修 興學勸農 愛民如子 沈清 士知樂安縣 境有蝗 齋禱 蝗多抱禾死 里各建社 學約古 靈陳先生 主教化 十四年進

德清縣新志

卷八 人物

賦二十絕 俾童釋歌 習三年 盜息 訟簡 學校 壇壝 橋梁 道路 廢墜 無不修 舉陞刑部主事 決獄南畿 奉其父歸 葬故土 且訪求其高祖 夢麟 花溪 集手錄 以歸 弘治七年 以員外郎 出為江西 僉事 討平山賊 鄧遲 八等 降詔 旌異 乞致 仕 聽歸原籍 居德清之新市 (山東通志 參胡志)

蔡玘 字玉卿 號夷軒 嘉靖元年舉人 從湛甘泉 學博綜 經籍 尤邃於 程朱 選授 延平府 人謂 兇學 不為人 仕 不為己 時論 以為 無忝 卒 贈兵部侍郎 崇祀 名宦 鄉賢 祠 (胡志 參家乘)

沈師賢 稅輕則商集 商集則貨流 貨流則課足 時楚蜀 諸藩 及南方 貴人 市材木 其間多 蜀稅 師賢 曰 毋病 商甯 病貴 勢一無 所獨 故商 益集 而聲 大著 改工部 當大工 紛錯 諸郎 多被 罪者 師賢 憤恤 國用 獨稱 職太廟 工訖 例應 得卿 寺力 請補 外得 福建 副使 丁父 艱 起 蘇州 兵備 時邊 圉未 靖 躬巡 邊 哨 衝寒 旬日 歷千 餘里 邊政 肅然 陞 四 川 參政 未上 聞母 訃 歸 哀毀 過禮 屬 緘於 母之 柩 側 卒 祀鄉 賢 (胡志)

嵇錫 錫字子佩 號少南 嘉靖十九年舉人 知如皋縣 初至 即罷 私奉 金二千 有奇 釋死 罪 錫坐 盜 誣者 十八人 邑 瀕海 百戶 金顯 橫為 海上 盜 錫 鈎得 顯 客 致 顯 治之 其黨 皆伏 法 成 將戍 卒 每歲 易汛 為民 患 錫 先期 為畫 界與 戍將 約毋 犯民 一日 卒殺 漁者 錫 執之 請 學宮 錫以 學法 去之 去之日 士民 遮道 如失 父母 (通州志 參如皋縣志)

房寰 號心宇 中隆慶二年進士 知漳浦縣 卓犖 有治才 常罷 權 鹽 召 寰 商之 命 清 考 校 假 冒 之 弊 任 五 載 召 為 御 史 (福建通志)

許季遠 德清人隆慶間為廣東兵巡道端嚴開大不假刑威而胥吏震服課諸生開迪理要旌烈婦戒嫠靡雷民思之(雷州府志)

楊養和 德清人隆慶中為永豐知縣充養純廉介自持樂與諸生談藝侍其側者如坐春風中久而忘倦(永豐縣志)

嵇環 德清人由國子學錄陞慶府通判時洞窟作亂環單騎往撫復良民因建羅定州復興新縣田萬頃活民千餘事具兩廣志(敘志)

嵇汝沐 字仲新號凝宇編子萬歷十三年舉人任建甯推官署浦城縣蔡奸匪振頹靡革里甲無名之費決獄多所平反(福建通志)

胡子晉 (續侯志) 萬曆中同知廣德州佐郡六載攝篆者三公明嚴正豪猾斂跡日用蔬茹悉出於己(江南通志)

蔡善繼 字伯達號五岳烏程人原籍德清萬曆二十九年進士知莆田縣調香山行取工部主事歷南兵部郎中知泉州府刻蔡忠惠集葺其祠修萬安橋行旅戴德因宵

像於忠惠祠中號二蔡祠鄭芝龍父為庫吏芝龍方十歲戲投石子於署誤中善繼額欲笞之見其姿貌秀異釋之晉副使分巡漳南丁難起補福甯天啓甲子陞參政備兵羅定

遷文廟建石橋門放生池百廢具舉陞副廣按察使轉右布政分巡襄陽魏瑞祠頌滿天下鄭撫梁應澤踵其事襄王倡助次至善繼辭以無資應澤知其清操求文為碑記力拒

之應澤特疏劾其沮格未上而瑞收崇禎改元轉福建左布政時芝龍入海島為劇盜官兵莫能制始議招撫廷臣以善繼常有恩於芝龍令治漳泉道事芝龍即因服就撫事定

歸功巡撫三年致仕歸卒贈太僕寺正卿(湖錄參德清蔡氏家譜)

蔡演傳 (續侯志) 調選後授福建延平府將樂縣知縣有政聲卒於官(見侯志) 閩人懷德聖像送德清宗祠又在將樂立廟歲時祭焉子奕琛孫啓傳以狀元宰相

顯足以見功德之深故報之於身後乎演傳自幼岐嶷父紹宗早世外侮迭至母張為族姪所辱詆之官將赴道審演傳攀輿號泣守道聞而異之遂將族姪褫革而治以法家因

德清縣新志

卷八 人物

詠中落讀書慈相山中布衣蔬食淡如也時廉使張鑑覽見而奇之遂妻以姪女道咸間有見其遺像者今亡矣參蔡氏家譜

馬三才 字思參號松里德清十六都人移居杭縣城外登雲橋父璫母張生三才云有夢道監察御史庚戌出按山東清軍政釐剔痼弊軍民德之壬子再按真順等郡縣值歲

大侵請發帑賑濟減糧稅緩征輸改折馬價免新征籽粒漳衛二河決傷民田慮疏請開

濟民以安冀州僧通某叛三才訪獲潛銷戶患時磔徒王五兒等嘯聚流劫兩會撫院撫

勳並行剋期職減甲寅督學京畿重經術端文體諸士嚮風有臬司某素干清議因聯姻

嚴分宜莫敢指摘三才廉其狀專疏劾罷分宜嘆之(棲水文乘) 幾蹈不測(毛雅黃

松里詩序) 世廟嘉其績屢賜白金文綺戊午拜太僕寺少卿巡行郡邑興革事宜無不

修舉由太僕歷南京通政而外謫由前疏劾分宜姻戚也(茅坤撰松里馬高士墓表) 庚申丁母憂後不出仕與世不相聞數與山人沈仕李奎千戶施經及鄉大夫高光州冕

沈太常淮趙溧陽應元及陳鶴慶撫榷湖山問為社遊分曹賦詩相唱和不以寒暑風雨

間年未五十優遊別業侍其父惟謹丙寅其父沒越十餘年無疾而逝時年六十五著有

自由堂稿玉芝樓集三巡奏議鴉棲雜錄詩紀經史辨疑春遊集秋社稿

徐彥登 字允賢號景雍萬歷己丑進士第四人改翰林院庶吉士出為山東道監察御史

增置壁堡蒐簡卒乘報可呼承恩劉東陽反於甯夏挾敵為助當事怵賊欲議撫彥登

不勝憤遺書言逆賊憑一城乘釁妄動所恃敵得利輒去非有縱橫之謀今一狂孽登

大吏投書悻悻可叛可降權皆在賊諸公宜滅此朝食奚事撫為時賊敵既合彥登

番或生心騷動百方慰勞之益發牧馬赴大軍軍為之雄泊賊平敘功及彥登固辭避而

職事無纖巨皆舉其立社學志茶馬創義田皆起墜振廢垂諸經久既報命當按吳中辭

以地逼得廣西將發矣會有以篋篋事劫巡撫四川都御史王繼光者語遠登途謝病歸未數月暴疾臥一日卒年四十著大雅堂集行世躋祀鄉賢祠（太史陶望齡撰傳）
建坊於邑之長橋曰天朝耳目父行可
號荆石光祿寺署丞（唐棲鎮志）

方從哲 字中涵其先德清人明史有專傳

沈戩穀

（續侯志）崇禎士午陞刑部江西司主事歲餘疾作乞歸甲申春銓司以資深陞臨廬州府知府命下已扁舟載道矣時寇兵充塞自分遇賊踏河死至德州聞都

門失守呼天搏膺長慟絕其素性也初父鑑老年貢於鄉及卒殯於室夜失火戩謂生平不媚人不擠人恬澹無就其素性也初父鑑老年貢於鄉及卒殯於室夜失火戩謂生起呼弟治殺肩欄而出火旋息人以為孝感所致孝廉周文璧計偕入都以為位三日哭窮親醫殮如喪手足並歸櫬其家及聞蔡忠襄德馬文忠世奇殉節之計為位三日哭窮

于師友宗族之誼卓然可為程式年六十
九卒（陳元望沈廬州行狀參家譜）

沈應旦

字方平崇禎十三年進士授南台縣知縣省曾煩劇案牘山積應旦聽斷如神無幾獲譴民感其義爭先輸納適左良玉兵擾地界遣幹役投徽軍門曉以大義良玉歎賞下令歛戢民藉以安卓異陞南京戶科給事中母艱歸父年已暮絕意仕進奉養以終（胡志）

胡志

蔡奕琛

（續侯志）年十三補弟子員父演傳教以義方終身無聲伎染連捷後授工部文選司員外郎即上破情面戒和同一疏於出缺之先後投供之早遲剔除弊羣狙不能上下其手庭無羔雁門無雜賓雖故人薄誼亦擯之陞翰林院提督四夷館太常寺少

德清縣新志

卷八 人物

七

卿順天府尹轉大理寺正卿刑部右侍郎丁外艱歸先時東林黨為僉壬所攻奕琛常與復社相往還忘者更甚魏璫敗後溫體仁罷職薛國觀乘政權門閹宦傾札賄賂尚有餘烈吳昌時袁愷疏劾國觀納賄狀累及奕琛無據得免宏光元年命以吏部右侍郎兼東閣大學士入閣辦事督禮部尙書張捷奏復溫體仁文忠諡而奪文震孟諡文肅有旨文震孟免議奕琛所擬也時悍帥擁二萬師圍石頭索餉勢且殆即縋城為道利害北兵且壓境爾碎城欲何為即稍稍却會大兵集城賴以全甲申四月清豫王屠揚州南都震動馬士英逃五月總督京營戎政忻城伯趙之龍等迎降清加奕琛以太子太保禮部尙書兼文淵閣大學士即偕臥委巷廡不能起上書辭歸掃治數椽皮二十一史析其文章事實備而比之聊以寄慨也晚年自號即是庵居士甲午冬病卒祀鄉賢祠著有司銓疏草四卷京兆疏草一卷德清均田折田二議（沈應旦撰墓誌銘參荆皖逸史及湖錄）

金漸皋

字夢蜚號怡安大麻村人寄籍仁和縣清順治十四年令漢陽性仁慈不輕用談刺而遽乞骸骨有古人勇退之風旅歿關溪其論詩謂泥古則拘趨今則襲故所作務期抒寫胸襟自留面目有怡安堂集漸皋嘗歷任劇邑治邢台則立生祠漢陽則祀名宦亦可徵政績之善曾祖聲贈御史祖陸由舉人官邳州守忤崔呈秀去官（唐棲鎮志）

沈蘭

順治中官香山知縣值兵荒後貧富交困蘭加意撫循嚴汰供應差費禁戢悍兵強暴流棍土豪一時歛跡士民始有生意每朔望後一日延紳士講學於堂蒞任三年頌聲日起以強項去職士民思之（廣東通志）

孫在豐

（續周志）敏瞻多藝能每應制賦詩援毫立成扈游南苑奕園之內有墨錠有上以御用弓矢授之射連中上大悅他日語侍衛曰是固曩日射疊者也著走

扈從筆記東巡日記下河集思錄尊道堂詩文各若干卷藏於家
卒年四十有六賜祭葬如例（徐乾學濟園集孫公神道碑）

蔡升元

(續周志)字方麓一字微元三歲能調四聲百不與一性喜讀書一日十行過

歲御試翰詹諸臣於保和殿時日已曠操筆立就上覽其詩文稱善充日講起居注元已隨
陞右春坊庚午春轉左春坊督學江南辛未二月陳情歸省己卯聖祖閱視河工升元已
父後迎道左諄諄垂問特命侍衛海青傳諭蔡升元學問很好家計很窮賜給葬費銀六
百兩又詣杭州行在恭進迎駕詩及萬年頌十章御閱再四不忍釋諄諄問家早完爾祖
父葬事速進京供職十二月十八日抵涿州路逢聖祖四巡回鑾迎道左垂問般至爾祖
十一日入朝謝恩特陞詹事府正詹南書房行走禮部侍郎乙未充會試總裁官一日直
曰蔡升元學問最優堪膺大任遂擢內閣學士兼禮部侍郎乙未充會試總裁官一日直
廬奏事畢聖祖顧左右曰以後如有宣召竟呼直應蔡元不必呼八員而得五缺經事初
六部侍郎出缺由翰林出身者以十五員而陞兩缺他巡出身者以八員而得五缺經事初
元調奏始通開列請旨康熙五十六年擢左都御史疏請編輯省方盛典從之又言比
年來屢停秋決當良盛著諭令寬租恤水古帝王泣因解網未有如此周詳慎重者
臣因仰體聖意請嗣後徒罪以下取具保免其收禁既假不與重旋又同受困固之苦並
免獄卒需索勅部議行五十八年擢禮部尚書六十年乞假里旋又同受困固之苦並
問般祖顧視者三復有假滿就來之諭壬寅三月間遣家人賞預代奏傳問爾主對好將
出聖祖祖視者三復有假滿就來之諭壬寅三月間遣家人賞預代奏傳問爾主對好將
時進來家人回奏准於秋冬間進京十月十六日嚴裝待發忽爾染疾二十日倚榻強
起口授奏稿整衣而逝年七十有一遺摺至京適值聖祖愛鵝隨於臘月中旬進呈世宗
御覽特奉恩旨褒嘉欽賜全葬愛恤倍加所著有紀恩集使秦草一行世升數也乾恩優
渥嘗兩次賜第命陳元能伴送進宅腹痛遣御醫劉聲芳診治珍賞不一亦異數也乾恩優
三十五年崇祀鄉賢祠(御賜
墓碑見周志參行述家乘)

德清縣新志

卷八 人物

八

沈慶曾

字振始號怡庭曾弟康熙三十九年進士授山東商河知縣旋告終養歸四川會理州名知
州潔己愛民治獄多平反鄰境疑難大案院司帳以委之旋告終養歸四川會理州名知
官弟寅曾字恭士以歲貢司訓上虞修文廟備樂器課諸生
以行誼文章著歸日門下士作歌詩有渡江遠者(胡志)

沈世杓

字集懷慶曾子康熙五十二年順天副貢任湖口崇義知縣以廉能稱
南康有林岷山等三案幾成冤獄奉檄覆讞多平反活無辜(李志)

胡開京

字暹王會恩子以隨征議敘授池州府通判署宿松縣知縣革漕弊抑豪強有民
被殺而不得主名往驗察其妻與旁觀一人狀異得姦殺情置之法調蕪湖值水
災請賑活人無算改建德署府事代償前任兵前却屬已饑廬丁艱服闋補順德府通判
職司捕盜以盜源在窩緝必嚴保甲而後根株可拔為策八條上之通行畿輔順德府通判
永平知府卒於官
(浙江通志)

徐以震

字省若號南墅志嚴子乾隆十二年順大舉人以保舉國子監等官應補廣業堂
學錄遵例赴部選授刑部山東司郎中刑名重案以山東司為最繁以震精心勘
比姦胥不能欺有疑則虛心與同事商榷且和衷以期有濟生平揭衣布被不修飾
邊幅入仕後始終如一卒於官著有南墅小集(梁同書類編徐南墅傳)

許兆奎

字西亭道光辛巳舉人性寬厚篤於內行嘗官紹興府學訓導值院試見諸校官
皆較量冊費斷斷不已歎曰校官者士之表率也今鄙陋若此斯文掃地矣遂投
劾去同官皆笑其迂後以舉人考取國子監學正
轉助教表率士林人咸重之(許德裕消寒錄)

徐振甲

字解時號東麓廬有吏幹嘗署句容縣事辦理漕務嚴戒吏胥故奸猾不得逞後
二十餘年句容以書吏故與大獄推罪多人上溯至振甲任獨無弊擢清河令甲
午河水漫溢又壽張逆匪滋事兵荒相接振甲多集小船載乾餼先救本境次鄰縣存活
無算論居奇過糶之家得平市匪徒乘機搶奪懲其首以警眾一邑安堵未幾山陽有劫

掠之事民始知其禁暴於未然所保全者多矣告病去再選河南涉縣知縣請除獵戶民便之年七十五卒府志參家傳

徐元正

字子貞號靜園（續周志）倬子一指多一節敏悟過人內承庭訓刻苦學從父執沈儒一受易義年十四補弟子員父執多博雅通人從之遊多得益數試不

售嗣於戊午應順天鄉試得舉乙丑成進士改庶吉士戊辰散館授編修辛未會試充同考官以原銜充日講起居注官每當侍值必澡雪精神備極誠敬記注檔案詳審再三歲終繕錄稿本所登上諭多至數百件善於體會辭旨清文漢字一一符合不支下漏上益器之甲戌父南歸獨在史局修一統志三朝國史政治典訓方略明史辰入西出歲以為常歷陞左右贊善諭德庶子先後垂二十年凡應制撰擬無不稱旨壬午擢侍講學士是年十月為父母八十齊眉辰適上詔於來春巡視南河元正請扈從獲先因奉賜御書高松賦一軸為雙親壽發未春上自杭至蘇倬屢蒙恩賞元正亦邀綏福頤頤自此眷顧日隆扈蹕還轉侍讀學士九月為武會試總裁官十月丁母艱歸恐父老年傷感篤侍庭闈年及古稀依然孺慕客贈詩有七十嬰兒九十翁之句蓋紀實也丁亥服闋決計終養適全唐詩錄刻竣赴闕呈繳奉旨仍補原官戊子擢內閣學士兼禮部侍郎主山東鄉試士無不頌公明己丑充殿試讀卷官及佩文韻府總裁官尋擢吏部右侍郎經筵講官未滿歲遷都察院左都御史掌院事八月擢工部尚書他兼官如故辛卯四月特疏懇辭得旨回籍待養明年父卒癸巳祝萬壽入都禮成陞辭南還復宜諭留以父未葬涕泣懇辭始邀俞允得以終制經營窳穢積勞成疴以前旨敦迫力疾赴闕未補官而眩暈疾作固請還里丙申九月熱河回鑾於道中親見病狀允之越四年卒遺疏上開諭祭葬乾隆元年晉贈光祿著有清嘯樓草鸞坡存草

徐以升

字階五號恕齋（續周志）志莘長子生而穎發曾祖方虎任宗伯最鍾愛之每流踵至以升追隨既久咸得親炙十五補弟子員康熙甲午領鄉薦公車至部名公鉅宿見者倒屣修撰徐亮直汪度臨尤相引重雍正癸卯成進士改庶吉士散館授編修奉命

德清縣新志

卷八 人物

九

隨怡野親王協辦水利營田事務成署中徒步奔走悉心籌畫詞館前輩陳對初為安溪先生高弟以升於安溪之學從陳私淑而有淵源壬子提督廣西學政刊粵西試牘一時奉為楷模學租千餘金悉令貯庫以己意與徐增長惠紅豆吳東壁同事交相引重丁己補儒所紛紛聚訟者皆奉融洽斷以己意與徐增長惠紅豆吳東壁同事交相引重丁己補湖廣道監察御史已未調貴州道監察御史蔣以水利之關於農事者最大勸懲宜力考課宜嚴立約束以杜紛爭清估田以防壟塞開井以濟水源之窮開溝以廣流泉之用屯田為備邊之善策捕蝗亦救荒之務要疏進勅下遵行他如請籌祭一疏援引經史詳考制度經部議依行著為定例又請以近思錄一書重刊頒行亦經軍機大臣酌議准行癸亥准揚被水上移念災黎命充下江徐淮揚海等處宣諭化導使盛著之中登臺宣講勉者遮道甲子冬授山西冀甯道兼管鹽驛事務清操自矢杜絕苞苴丙寅擢按察使未到任調粵東旋丁外艱服闋補貴州按察使到任奏謝恩摺硃批以汝之才但能諸事認真不患不勝任也溫輪嘉勉益感激躬親案牘不假手幕友調任江西力薦械門之弊辛未秋復調粵東途次奉諭解組歸以升儀觀篤篤舉止安詳出語宏亮雖隔重屋聽者琅琅接人和藹可親如坐春風中而胸次自有涇渭服官三十年無一降罰處分家無長物散衣蔬食無異諸生日坐一小樓中焚香却掃手不釋卷詩宗老杜字法平原有集二十四卷藏於家

蔡夔

字詔卿號庭堂啓博玄孫乾隆己亥舉於鄉考取景山官學教習歷任山西河津州山右土俗凡男女納采有天傷者行冥配禮邑有巨紳因爭冥配夔諭以理義兩造感泣如虞芮焉及解組於舍亭山麓構宅築亭曰鬱園優游著述晚年掌教紹郡三山書院及門多俊彥著有茗父詩鈔說史詩鈔

沈志榮

（續周志）號係田嗣冠通經史勇及百家家貧舌耕課徒博珍卷以娛親已則長年藜藿怡然自得母患目疾晝夜舌舐竟復明甲午鄉試擢高魁悅音至轉痛

沈志榮

（續周志）號係田嗣冠通經史勇及百家家貧舌耕課徒博珍卷以娛親已則長年藜藿怡然自得母患目疾晝夜舌舐竟復明甲午鄉試擢高魁悅音至轉痛

弗及見父悲不自勝壬寅授羅城知縣陞見時以儉以養廉勤以補拙對士羅邑
例民於迎春日進席費百金以獻志榮謂陋規累民免之又捐俸設義學延師訓士
馬平縣融縣出糶倉穀詳請減價民賴以生又任柳城迎春費較羅城而加悉免之
歌成勒諸石後調荔波故多盜前令長惠厥魁梁稔剛率土匪掠婦女劫財帛志
勸捕躬破險難民獲雷處古州苗民叛貴撫移會廣西協勸大吏委司糧運半載
會廣西捐免錢糧各員養廉出耗義志榮請免耗羨以蘇民困大吏特疏邀准陸
知州撤屬縣設立義學廣興文教東蘭屬荒無文廟志榮力任創建署河池州兼
任服遂初焉絕無慍色瀕行士民泣送
百里外抵里後力葬先慈年六十四卒

許祖京

（續周志）乾隆四十二年擢雲南驛鹽道親巡諸井絕私販收餘鹽補至守額諸
多職職得罪獨祖京坦然無事至司訊狀竟叩首請曰因有母在同邑蔣某負錢若干
某爭博殺人賄小黑三承其事至司訊狀竟叩首請曰因有母在同邑蔣某負錢若干
願及囚生責其償死不恨祖京詰曰負幾年矣曰今年曰然則殺人者乃蔣非汝也囚
不承反覆詰之乃首服捕將至論如律祖京治獄無一誤擬為舉國最四十九年入
召見頻邀恩賜擢廣東布政使總督富勒渾得罪祖京以審問漏泄供詞部議降三
旨從寬留任令安心供職次年臺灣林爽文反與總督孫文靖意左欲劾之部議降
止（見周志）安南國王黎維祺為阮氏所逐欲求徵餉庫非某援之復其國願未
聞就祖京先借庫金十萬為餉祖京曰欲進兵當以徵餉庫非某援之復其國願未
十五年總督張體惟他省則修葺南國王阮惠入朝邑欲修其事祖京不許供張飲
限數務張體惟他省則修葺南國王阮惠入朝邑欲修其事祖京不許供張飲
所定數僕意以為齋今乃知其得當是年春入覲中道得廷寄命於八月酌帶道
五十七年總督富察以乃知其得當是年春入覲中道得廷寄命於八月酌帶道

杭得數年濱海無纖毫警五十九年以母老乞養歸里嘉慶元年丁內艱十年二月卒於
撫印為不曉事降旨申飭其後郭復病卒僚屬謂宜亟取印病愈不引退是為僕矣
京不可曰巡撫病僕自可以藩司印代行督撫事若遂取印病愈不引退是為僕矣
之也甯受譴不為言學宗程朱治經貴通大義於
四子文用功尤深（陔華堂家譜宗彥撰行狀）

徐秉敬

字用直號寅哉年三十領乾隆戊子鄉薦由內閣中書充庫全書分枝文淵閣
檢閱恪恭將事洊升刑部山東司郎中刑名重案山東司最繁以父嘗膺是任一
秉遺訓精心比勘在秋曹十餘載其詳慎終始如之迨部錄柳州理之裕如攝平樂府獲
下為懲之以法風為之歛三權道篆一為內監試實心實政所至皆然年六十九卒於官
著有約耕草堂詩
存五卷已梓行

徐以豐

（續周志）係仰齋長子仰齋久任河員以豐自幼耳濡日染洞悉機宜年十九
補授秦州州同堤工忽裂隨溜直下幸飛棹離丈許即躍登而神色不改膽量若
此遷雲南宜威州知州城外苗獍村寨夷情曠悍匪賊之恨拔刀相向及蒞任知
院下月會課假稀擢知湖南寶慶府條陳苗疆要務十三件俱蒙制撫准行郡有
居下沙洲而上江堤綿亘近三百年尚鞏固焉優游林下二十年乙未二月卒年
城第一沙洲而上江堤綿亘近三百年尚鞏固焉優游林下二十年乙未二月卒年
樂易無疾百石附色生平不名一錢而好施不倦歲乙亥浙大水多溺濟行楚中
復捐報數百石附色生平不名一錢而好施不倦歲乙亥浙大水多溺濟行楚中
僱夫役牽挽賴以保全者不少地方有闕利之嚮者必力

白當事行之至今鄉里猶頌其德云非塊溪之嚮者必力

德清縣新志

卷八 人物

十

徐

端 字肇之長身黝色望若武人父振甲嘗官江南清河端隨之任行堤上遇老兵退

器之時端候選通判途奏留東河補用乾隆四十九年補闕儀同知調署睢甯又調下南
河六十年署開歸道事值河北邪教為亂以防堵功賜花翎旋署沂曹濟甯其年睢州
河決曹州河潤端豫築河北兩隄以待水至及睢州決口合河至曹漲其賴端以安嘉慶
四年授饒州府知府七年擢徐州道明年丁父憂時河南衛工河決上憂之命治喪百日
仍之任遂起復十一月設江南正副總河端任正者一副者再加太子少保十五年歲副
總河復為江南河督其冬以三壩漫水革職次年命以通判挑李家樓引河積勞病歿
仕官未嘗一日去河於挑濬廟機要縶繫十年間凡遇大工必倚端以辦上流既塞入海
賦在工不避風雨寒暑與夫役同勞苦數十年間凡遇大工必倚端以辦上流既塞入海
未暢有議改海口者端堅持挑倪家灘修治故道大河入海甚暢頓年無事端之功也久
於河防習知其弊嘗借款國家有用費財濫為節費每欲見上滯陳恐積弊揭株連者衆
故尼其行降職後費志死貧無以殮而所積賠項至十餘萬妻子幾
難存活識者悲之(嗚呼難錄)著有安瀾紀要迴瀾紀要二書

袁

槐 字斗槐號魁木年十八入邑庠乾隆己酉領鄉薦嘉慶丙辰會試第一授刑部主
事復為提牢應治官書至百份不倦京師大水漕入牢戶時適值宿以兩木支一

屏危坐達旦者累日并飭吏卒徹夜巡警疫作廣施藥餌潔其飲食居處潔淨皆獲就痊
丁母艱遂不復仕自撰禮聯云無才但能閉戶有本且學治家平生節儉自持未嘗為口
腹殺性衣服不尚華麗年七十卒臨歿撰句云一日尚為人務須為所當
為豈敢言老百年有盡境願受盡而竟盡何必求仙其出處勤敏如此

德清縣新志

卷八 人物

十一

沈

孟堅 字賦亭號研圃嘉慶己酉提秋試復提南宮時方患保舉或謀謁津要列薦剋孟
堅晒曰大要教以諂耳我寒士甯守我素引見後分發湖北修兩湖通志壬子充

文武試同考官癸丑署新州時峻世千金之賄任棗陽丈量缺額得隱地二十七萬餘畝
去荒存熟以二十萬畝報覆核得實調漢陽禁奢原去苛擾治黃陂策馬出城闢課耕織
以卓異引見賜蟒服先是城南溪山水暴漲田遭水患乃捐俸數百金為民制築堤捍
建開濬洩田因有獲民建生祠肖像名其堤曰沈公堤內寅陞黔省鎮甯州牧鎮甯額
米數千石舊例赴長塞納千餘石供兵米又赴府倉納千餘石備平糶皆吏故意不收遲
來春為利藪請大憲咨部改革之兵民稱便後調豫署杞縣進開河策於胡巡撫得旨允
行時杞方饑工賑並舉民賴以生辛巳引見圖明園四月命守松江誅胡盜禁厚殮之
水有尤陳盛三姓以充運丁事自前明節次呈控歷久不決孟堅覓予瀟洗結二百年之
塵案復署江安十府督糧道事纂修南巡盛
典未幾以公累罷歸卒(參沈氏家譜)

許善長

字伯與一字沐生道光己酉以優貢試鄉闈不售由訓導改官內閣中書派充實
錄館詳校官奉旨以同知在任候選道文宗實錄告成奉命旨免選同知以知府

用並加道銜同治八年籤發江西辦理河口釐局時值湖廣之除別弊釐釐奸三載有奇收
數稱旺光緒乙亥恩科充文閣內籙監試次年二月署建昌府事釐任後適水發毀城郭
斃人民乃設法賑濟添設渡船散給糧糗全活甚衆六年署廣信府添信江雙桂靈山三
書院膏火進其秀者督教之十年六月復事廣信凡有益於民生學校者靡不極意講求
是年春雨決旬溪漲上繞鉛山兩邑通衢冲塌至百餘里集鄰人之好義者謀修治計捐
廉創募至五千餘金不數月而周道坦坦行者稱許公路乙酉科充武閣監試旋辦湖口
釐務復充己酉恩科內籙監試十六年春任吉安釐局破除情面搜剔積弊報解獨盈上
官以其謹廉留辦半載三攝府篆矜惜民命稍寬毫出入必折之於中而後已故每去
任民多依戀若失慈母學問以繼述為心專意經商於辭章傳句之學廣泛焉
善於倚聲之作著有碧聲吟館各集及詩餘談塵等書(陵華堂許德滋撰狀)

傅

葵梅 初名士偉字商巖尚博村人幼就塾授經能背風芳及書宅經弱冠補弟子
員有聲里序鄉試屢題素筆游蜀人聞其名爭延入幕先後佐州縣治者十年援

豫工例入粟以府經歷發雲南署臨安府經歷先是緒處上司趙理以罪誅旁支遣維
藩襲職與頭目李開元有隙李之子平安煽之使搆聞知縣某祖平安乘洵洵變叵測冀

梅以轉餉至廉得其情單騎曉諭而解又署昭通經歷別銅弊置字庫白骨塔義塚地
雲南通志)過恩安縣增見山麓堅大木其下焦骨焚燬有數十人擁一乳臭兒至問故
士人曰吾鄉惡盜獲則驅至此焚之是兒盜田委宜焚燬梅惻然予之錢償所失黍縱兒
去力言於官是宜禁勿驅明年義梅署恩安縣事立革此俗(雲南通志參俞樾傳)兒
然曰不圖於南人文官見之會縣試手定甲乙學使無以易縣有石龍場息數十里總兵愕
夏霖暴至河淤尤甚兩岸沃壤皆無收得疏濬之石墜滑不受鑿爰編麻蠟石沃以油
燻之功乃成秋大稔民為之謀曰我食我衣傅公富我我婦我子傅公父編麻蠟石沃以油
利去任日士民乞留不得給甘棠圖紀以詩(俞樾撰傳)居日每俸銀積三百兩作一
三十六年即光緒十八年廣東高廉道陸心源徵事實與廣西學政周學濬公舉入祀鄉
賢祠由巡撫崧駿會總督卞寶第學政陳彝疏題奉旨依議性孝友幼時事父母定省若
成人昆弟有弗洽事痛自刻責式好如初嘗仿范文正公田意捐置田畝親族無力婚
葬者仗助之又設義學以惠孤貧生平崇實踐尚儒行凡有關於世道人心之作必手錄之
曰濟世雜鈔曰佐治錄並著
有商巖遺書(事實冊)

徐本華字桐邨晚號尺臂納粟為府經歷指分河南時捻匪縱橫派充前敵草料廠委員
先行者已遇害檄勿再往本華請往收遺屍撫卹壯之後充糧臺管庫員同治九
年辦濟源縣荒賑恪盡心力應保直隸州至知府賞戴花翎軍務肅清榮陽縣知縣時
光緒二年也值大荒赤地千里質箱篋為急賑勸募分設粥廠與饑民同食得免流亡逾
年調署祥符老弱婦孺衣而泣抵任之秋值黑壘口出險糶料未登工員束手上台保
檄各縣集糶料多難應命本華力勸紳民砍青予值而官料得以日夜繼進堵築告成保
以道員用加卓異調補河內鄆邑濟源有五龍洞為沁水發源地前有廣濟等渠所以殺
水勢而灌溉孟溫河之田也舊章凡用渠水者每畝繳錢五百文至是淤墊乃費萬緡以而殺

德清縣新志 卷八 人物

挑挖之將舊章節免民製衣傘履類以謝却之會年八十有二(采哀啓)
附朝貴以大計罷之值萬壽開復不願仕宦卒年八十有二(采哀啓)

蔡佑年字崧甫同治丁卯補行甲子科舉人有書名任國子監學正學錄士皆矜式光緒
癸卯補四川城口應通判勤政愛民時土匪擾川北勢猖獗佑年會鄰近州縣書
夜督戰匪首就擒脅從遣散叙功以直
蘇州知州用積勞卒於任遺書數十卷

傅范初字公羽號曲齋世居尚博村授經過目不忘九歲能文年十三入國學試輒高等
覽編畢業於同文館著有算學進階算學源流考電化理解地理雜志等書泊光緒丙戌
戊子兩應順天鄉試薦而未售學益勤己丑父雲龍奉使畢著進呈游歷書任校閱丙戌
考取會典館繪圖處臚錄著有會典圖說壬辰隨辦天津海運著有海運利弊考乙未充
保和園電燈委員兼臚官事並理北洋機器局丁酉考欽太后萬壽賜壽字江綢珍食旋
保以道員用公暇復治小學工吟咏著有許學藝文志提要二卷學經韻齋文四卷詩集
二卷庚子義和團亂作京津道阻時父在津差次患病初請假於翰林兩彈中趨侍至
滬以旋里並修墓建祠縣署胥吏以完糧抑勒洋價事激民乃連名稟懇得照市次年父
卒哀毀骨立見者驚訝滬上素多游民乃製皂廠招貧民工作免凍餒著成蘇有工藝
其名聘辦工藝傳習所選諸生如子弟來學者四百餘人精製罐頭食品著成效有工藝
化學各文散見於工藝雜誌實學見於實用識與不識交重之學部飭各縣設立教育會
清邑首奉行乃舉為正會長副以程森並助百金資開辦又在省發起用電提取礦質組
辦者器重范初奏派為印刷科長時京下者至京以憲政編查館奏設政治官報局主
印分布輒效蓋范初素精醫理而不欲以醫名者又擬傅氏兩等小學造就甚衆又發明
無線電報速綴附電式製電機實地試演正稟請試辦值辛亥革命而寢壬子南又發明

錫造時疫卒年四十有六

徐本璿

字仙謨喜為詩九試北闈屢薦不售入貨為候選通判咸豐五年隨參贊大臣科爾沁親王僧格林沁勦賊於馮官屯論功擢同知明年選授安徽太平同知抵任值稔匪竄擾嚴兵申備城賴以全督部曾文正賢之檄權池州府事池州府城久陷移治石埭縣大水為災請於大府發帑振恤全活甚衆革弁某通賊將導之擾江右廉得其情密擒之檻車傳送大府治所置之法餘黨無常不應為兩姓有宜歸公歲收其入以爲文廟修庶袁訟連年不決本璿謂江心沙渚無常不應為兩姓有宜歸公歲收其入以爲文廟修昔之需議上督部是之旋擢知府晉道員光緒十一年乞病歸越二年卒於家本璿服官四十年屢典大郡值四郊多壘之秋馳驅鞅掌口不言勞居平無疾言遲色而人不敢干以私居官無絲粟妄入而惠養士民振貸成黨無所怪自待刻苦詩學元白雖戎馬倥傯手不釋卷著有安雅堂集行世(參陸心源撰狀)

徐本麟

字衛彬精醫理以知縣分湖南庚子之役聯軍入北京清室幸西安西太后不豫耳無他慮榮祿以手加額曰若言信吾清之福也已而又診德宗次第報大安賜帑銀珍物以知府用旋扈蹕回京奉命常備軍去弊廣立學校蒞任江榆樹海巡檢上變告離州城八十里有衆數千人嘯聚爲亂郡守王瀛夜半視臨問策本麟計遣數人偽與賊賂酒發輕兵捕斬其魁事即定大府嘉其能遷長沙循聲益著補道州未幾授澧州州素多盜前牧懈於逮捕案常一月數十出本麟嘆曰張湯趙廣漢吾甘尸惡名矣乃嚴治之鞠殺數十人又創練鄉警專司偵緝其經費仿日本地方自治制而籌措之期歲盜戢年七十有三卒(參吳慶坻羅鴻機壽序)

徐本衡

字延齡號季賢釋堂次子少時隨父宦天津好讀書通經史善作文名宿稱道之應北闈屢薦不售遂援例報捐縣丞分發北河補用身入仕途手不釋卷檢兵略

德清縣新志

卷八 人物

十三

河渠諸書悉心討究咸豐戊午調赴天津辦理海防保升知縣權知平山博野等縣同治甲子調補天津丁卯捻匪竄入騷擾省城幾危奉大吏檄募民兵矢力防堵匪不敢越雷池一步得以保全事定保知府加鹽運使銜旋丁父憂服闋合肥李文忠稔其熟諳河務歷派永定河潮白河暨東黃河隄工保道員加布政司銜光緒丁丑奉天馬賊猖獗將軍崇公以本衡才奏調奉天幫辦勦撫兼施馬賊歸服賞戴花翎辛巳歲署錦州府知府旋補昌圖調署東邊兵備道乙酉冬因目疾致仕歸生平以縣俸起家游升監司儉約如府素服官視國事如家事歸田後以所積廉俸經營商業大有生色仙霞其胞兄也吉甫其從祖兄也因貧以餬餬分潤有差歲已丑邑遭大水捐錢五百千緡以賑貧戶親族中之貧乏者亦以錢米周之邑有留嬰堂經費支絀助錢一千千貫以活嬰孩樂善好施有足尚者徐氏族大支繁境遇艱窘者亦不少設立義莊以贖之又以宗譜久未修輯決意重修未成而膺疾易養之日猶召其子思敬諱諱以修譜立義莊贖之卒年七十葬本邑韶村(采家乘)

徐承福

字荔卿號礪青德清附貢由知府陞補道員充奉天安東交涉局總辦復權山海關監督家務任交涉局時東邊道沈鳳屢兼督辦適中日合辦探木公司以中日理事額未定借沈與日抗爭志不稍屈卒增中國理事若干人遇事剛敢自任有收聲性孝友好施與而不苟取善文學兼長吟詠民國元年浙江都督朱辟爲秘書長以年老辭嘯傲湖山以疾卒於滬著有歸省齋吟稿二卷未梓(徐益壽撰狀)

徐承祿

字蒲卿號步青事嗣母夙以孝聞敬兄彌篤無論公私瑣屑必商告誨吟詠能文聯名上控訴冤省憲檄承祿往查廉得其情與新泰令辨駁再三卒平其冤由是卓卓有聲聽斷明決至宣統己酉冬檄署金鄉縣知縣適值水災親赴省以請賑濟躬自察勘散給

全活無算（後歷辦平陰歷城齊河東平等處賑務親歷鄉村與今一轍）時初行新政
首先辦學堂勸子弟肄業並捐廉以獎優異及瓜代離任士民不忍其去為製德政匾牌
送之辛亥夏調署昌邑地處偏遠民氣固蔽仍力勸士庶紳商子弟咸入學讀書捐廉獎
優如金鄉不半年有成效無何得征仲症假歸調養去縣之日紳民立去思碑於東郭以
誌感歸里後三年以疾卒著有娛蘭偃館詩鈔生花館詞各
一卷已付梓其他應世文稿散佚無專集（徐益壽述）

文苑

沈

顏字可鑄傅師孫（傅師德清人見傳）天復初進士為校書郎屬亂離奔湖南辟
巡官嗣吳國建為巡官禮儀使兵部郎中知制誥翰林學士顏少詞藻琴棋皆
臻妙場中語曰下水船言為文敏速無不載也性閒淡不樂世利嘗疾文章浮靡
傲古著書百篇取元次山峇叟之說附已志而名書曰養書（郡齋讀書志）

沈

該字守約建昌侯約之世孫父時升登進士贈禮部尚書兄調登進士明州長史守
淮泗曾遣使請和守約上疏論之召為禮部侍郎出知瀋州召還除參知政事明年奏減
吳興丁賦歲輸五分之二鄉人德之守約遂於易撰小傳六卷其說以左氏變卦為大嘗
進之高宗降詔褒美有文集五十卷律
詩五十首雜著一百篇（采家譜）

蔡汝柎

（續侯志）字子木號白石兒時隨父南京應祭酒洪若水講學輒有解悟嘉靖
京刑部善皇甫淳兄弟尚書顧璘引為忘年友廷議改歸德州為府擢汝柎知府事以母
憂歸聚諸生石鼓書院與說經治民有惠政既去士民祠祀之歷官江西左右布政使擢
右副都御史巡撫河南召為兵部右侍郎從諸大僚祝釐西宮世宗望其貌寢改南京工
部右侍郎未幾卒汝柎始好為詩有重名中年好經學及官江西與鄒守益羅洪先游學

德清縣新志

卷八 人物

十四

益進然詩由此不工云（明史文苑附高叔嗣傳）

胡友信

（續侯志）字成之隆慶二年進士授順德知縣歲賦率奸胥攬稍以所入賦
以充海寇竊發官軍往討民間騷部內烏洲大洲所巢穴諸惡少為賊耳目友信悉
勾得之捕誅其魁餘黨解散鄉立四應社一鄉有警三鄉援之不援者罪同賊賊不敢發
歲大囚民饑死無敢為惡者初友信慮民輕法洩以嚴後令行禁止更為寬大或旬日不
笞一人其治縣如家弊修墮舉學校城池咸為更新督課邑子弟教化興起卒於官士民
立祠奉祀友信博通經史學有根柢明代舉子業最擅名者前則王鏊
唐順之後則震川思泉思泉友信別號（明史文苑附歸有光傳）

虞周

字廷旦號近川隆慶丁卯貢士初任永嘉縣訓導次任常熟遂安兩縣教諭隆慶常
州府教授標古貌以徵德勤品叙以宏教慎取受以著廉故待士而士孚應頌之
不衰（采家譜）

虞時雨

字一水號松濤由歲貢任金壇縣訓導淳安縣教諭隆嘉興府教授轉淮府長史
天啓四年纂修德清縣志崇禎十五年卒居官風規端肅後進視為儀範（采家譜）

蔡川

號一癡係成化時人有文行
賜冠帶著壽九十七歲而終

蔡懋榮

字子華好學能文崇禎己卯鄉飲冠帶

蔡鼎

字蘭雪無差人咸以大器目之成化間舉神童後授大理寺少卿（均家譜）

虞時望 字爾瞻號春涵萬曆十九年中式書經

章美瑾 字公美嘉祿孫天啓七年舉人一起禮部見時事日非不復計

沈述裘 高枝南都建高枝為大司寇以書招之不得已而往見時事日非即歸及高枝殉

難置祠祀之清初徵書屢至堅臥不出城外慈相寺最幽勝時

唐 達 一時執經問業者甚衆所交皆積學力行之士性孝友貧不能葬親乃創為葬社

人皆效之晚年隱於醫注素問所著詩文近百餘卷臨沒著鯤鵬

胡 藻 甚多有大曆之風著有西林漫錄

邱 璿 號冰崖寶貢未仕而卒著

沈汝梁 字子隆號西巖世居縣城父鳳陽館新市家焉與

劉 泗 字汝濱號慕開宋文節公十一世孫以好義開改建覺海寺後人祀之於廡著孝

兄弟同業或業儒或從醫治內治外皆綜其成篤愛孤姪

沈 鑑 在明雖遊學四方恆視如嬰兒督帥又甚嚴卒成令器

德清縣新志

卷八 人物

十五

沈 陶 字退翁初名覺先諸生督子中階魁禮經閉門吟

胡道傳 老而不倦著有長春閒錄(以上仙潭續誌)

胡 熙 字專意和號介石平居愿貌寡言遇人不問少長貴賤卑躬悅色尤長文學人稱長

年子瑄任山東濟南

陳 和 字尚節號陶莊為人涉獵多記尤勤紀錄善作詩與人真率有言論不與或行事

德乙亥以疾卒所著有陶

蔡紹元 字鼎垣賦性耿介學識兼優長兄紹文登嘉靖壬子鄉榜仲兄紹宗三舉副車紹

懷迄丙子果驗後矢志上進讀書課子不預外事家計蕭然親知勸登仕籍以資格有密

不屑小就時少司馬汝楠無孫議立嗣祧以紹元可託大事私議以其次子瞻二為繼有密

沈應昇 字以時號南征好博覽書籍聞人有藏書目中所未睹者即百里外不憚尋覓必

著聞平生所著有吳興人物考吳興賦吳興詩話吳興園

卓爾康 特以世道為己任與胡允嘉同學好古師事字遠而友高攀龍萬曆間河決山峙介

爾康年甫二十與允嘉同下第居南京遣老僕裹糧視高家饗口諸生皆目笑之舟行南
北迂道拆沿訪問黃淮河分合情勢作河渠議七篇旁及禮樂財賦漕運錢法官制六典
會要各有成書尤詳於武備比官大同哈卜之議起爾康謂象升曰邊吏不知大計莫若
宜論西哈保全殘下存中國大體象升以為然下邊吏施行晚歲論兵專為東事錢虞山
常云去病以文士喜論兵述戰守勝負之要似尹師魯遇事發憤是是非非無所忌諱似
石守道尤善接少年寒峻鉅公要人片言不合終身不相往來其學以經術為本晚得交
於錢牧齋愍六經之學後儒不達旨要作易學五十卷詩學四十卷春秋辨義四十卷文
震孟進講春秋將錄其書以獻會去不果有文集二十卷虞山題曰修餘堂集子四人舉字
有枚以古文為當世
所稱（唐棧鎮志）

虞士彥字嘉仲清順治五年戊子鄉試中式易經第三卷舉人

虞徽（續周志）字天球號介柔康熙壬子歲貢候選教諭分纂侯志長於
古文兼工詩賦殿撰蔡啟傅著作亦常有所就政也（均采家譜）

蔡成亮字曙鳴號南陽乾隆十七年舉人官餘杭教諭早負文譽性好吟詠嘗結詩社聯
牀唱和累月不休有以詩就正者口講指畫終日無倦容人極古雅著有南陽詩

草輜軒
錄補遺

蔡以臺字紀實原籍德清寓居嘉善之楓涇鎮遠占籍焉乾隆癸酉舉於鄉丁丑會試魯
元殿試狀元授翰林院修撰庚辰主考順天鄉試所取多宿學如顧梁松馬曾魯

趙光熙陳彭齡皆六上下時
人多稱公允（郎潛紀聞）

蔡懋憲字章甫號元崖行剛方敦孝友宗族鄉黨推重及歲貢義讓陪貢者三邑侯陳岷
麓特旌之曰三讓後授福建汀州府連城縣訓導陞長汀學教諭明倫勸學士有

德清縣新志

卷八
人物

十六

婚喪不能舉者輒捐俸助之任滿歸諸生相隨百餘里
不忍別善畫者繪圖以贈享年八十有七（采家乘）

徐志莘（續周志）字任可以詩自豪生平向往眉山每下筆清辨滔滔老年放
浪溪山與漁樵為侶所作尤雄潔著有味根齋詩集二十卷（輞軒錄）

沈亦然字繩山家新市籍仁和乾隆三十三年舉人四十六年大挑知縣歷署直隸平鄉
南樂二縣補南宮改豐潤因事醵秩起知大城謝病免居官以儉勤公三字自勵

妄念不動案牘不稽胥吏不能高下其手有強項令之日在豐潤倡設義學士民德之少
攻詩古文辭罷官後閉戶著書為文以辭達為主不俚鄙不失體裁與杭州吳錫麒紹興
章學誠相切劘著有五硯齋詩文鈔讀書
隨筆新市鎮續志（五硯齋文鈔自序）

蔡賜勳字鼎書啓傳孫邑諸生性疏淡有瀟灑出塵之致生
半著述甚富兵燹後存者已鮮（兩浙輞軒續錄）

徐尙綸字素絲號蔗庵紹濱之六世孫工部尙書宜之第三子也昆季四人長又黃次
蘇村四竹美類村與尙綸俱宜之繼配范氏所出尙綸五齡受句讀輒成誦稍長

目敗行下弱冠補弟子員於經史靡不講貫而曲臺一書尤為專門之學遭宜之喪盡哀
盡禮未幾蘇村通籍入翰林尙綸謂事君事親其理一也絕意功名居家侍范氏奉旨甘
舞萊綵者數十年如一日旋丁母艱哀毀躡蹠擇地安窆後蘇村予告歸風雨聯牀時
多唱和所著北游偶吟嚴沆序之云歌咏本諸性情和平歸於孝友蓋紀實也事兄敬愛
蘇村疾湯藥手調事又黃亦如之德邑學宮基隘皆士紳闈地而新之後兩經修葺身任
其事邑誌久不修請於馮侯兩邑侯躬與編纂考獻徵文搜載無遺他如孫孤寡卹鄉鄰
遇邑中水旱於施濟等事無不盡心力
為之好善尙文其天性也（采家傳）

戴銘金初名如琦字師韓號桐士邑諸生生平無妄語有犯不與校母病下痢侍疾衣不
解帶者累月中希廁臉皆自任之不以屬婢媼累月不懈其妻徐能詩生三子芬

字駿伯諸生福謙字貽仲舉人純字堯叔諸生並幼慧工文人稱戴字三俊有三俊詩集皆早卒銘金與婦如孤孫相依益困賦絕命詞四章自經善妙吉祥齋詩集詞集駢體文集未就（採訪冊參孫愈愚集）福謙另有傳

馮如璋字襄哉年十三四時學為詩氣逸而句奇酷似鄉先輩章去季先生修幹豐頤之不知其所作詩文老而儒宿或不遠焉好度曲奕棋無師授而皆精深嘉慶甲子舉於鄉乙丑秋病暑卒年僅二十四工吟嘯居邑之白雲橋舟楫尋歷林泉溪澗志以詩計借北行得江山之助益清麗婉約有唐人中晚風格著

馮欽藻字伯裳白雲橋人道光甲辰副貢如璋子工書畫博洽備儒館京華某學士家十載同治初夏超聖辟地德清延欽藻課其子顏其室曰借一椽會課誦之暇讀詩品畫雖干戈遍地不畏也年六十一卒（唐樓鎮志）

程夢麟字素書號聽溪本安徽休甯縣人質庫司會計來清溪占籍為邑人幼而敏穎年十八入邑庠二十九食餼祿性篤實而有才凡質庫移貨邑人欺項夢麟從未虧負累他人稱誠慤性好吟嘯更善操琴所居城北玉屏山房每當花月夕悠然一曲問者足消鄙吝嘉慶間授例授訓導任平湖以父艱歸服闋更任嘉興教授以敦行為先勉賢哲化梗頑皆有法所居花木繞庭圖書滿室交游皆博雅士張叔未先生廷濟學術暇洽夢麟與交甚深酬唱無虛日時長白瑞元來治郡頗重夢麟適郡庠塋委夢麟脩葺半載事竣而工程堅固瑞元甚稱之楊繼宗任嘉興郡有惠政郡人建祠祀之年久圯夢麟告士紳捐資重葺志在闡幽年七十精神強固常曰司訓雖卑官亦不祠祀之年久圯肩矣遂致仕歸構室巒上以詩文遣懷作小影題曰悔不讀書圖自謂少年未深稽考之功然世之讀書萬卷而操履不無疚心則夢麟不可謂淺嘗文士者矣（采訪冊）

德清縣新志

卷八 人物

十七

蔡堃元字厚齋世居西郭外性長厚與人交和易謙謹嘗於慈相舊址創建三賢祠祀呂東萊韓南潤蘇東坡結月泉吟社文行士如王誠陳念曾徐芝淦徐鑑深輩皆與焉著有雙桂軒詩草遇匪亂散佚（采訪冊）

蔡文炳字雲九父字慶瞻家饒於賃卜宅松雪里文炳幼而醇篤年十九入庠歸安嚴元照移居柯家山學術博與慶瞻有中表誼文炳執卷從遊得聞古人風雅旨歸業日以進所交皆敦行碩士遇春秋佳日與蔡之定蔡變程夢麟王誠徐養源游眺山水講學論道又能濟人緩急或所求不遂思構嫌隙而文炳坦易接之其人自慚而止咸服其度好吟詠不事彫飾思致開遠似香山放翁尤精六法初做松雪更追跡二王頗得晉人體意皆元照所授也卒年五十有四（采訪冊）

倪鑑澄字潤南世居城北松雪里父某沽酒為業鑑澄幼而穎悟稍長好披閱籍會歸安嚴梅菴來清溪卜宅柯家山經術文章皆有師法鑑澄持卷從遊日飲所聞凡百家諸子靡不淹貫不屑屑於科名年三十餘始補弟子員性情蕭散惟日與圖書相對而已自父即世鑑澄志願繼業而不忘讀書於酒肆後闢一室爐煙書榻研席其中知對士造訪以為有沈東老之風四十後客游箬溪棲水廣陵訪古山顛水涯人擬之楊鐵崖吳仲圭晚年杜門靜攝猶孜孜深討卒年六十有四著有湖南遺稿（采訪冊）

沈雲字舒白號閒亭道光二十四年進士官廣西興安知縣負才善古文為沈堃凌氏傳經堂叢書又著有文集（自序參採訪冊）

蔡壽昌字爾眉號補梅居城西幼聰慧過人十餘歲即游庠當府試時邵守武進遺學懋有說文質疑清遠堂隨筆說石文鈔香蘇閣詩草吳興竹枝詞曲畫榆粉風景爾眉父以貧故遠客兩粵時爾眉生甫四齡及長獨走五千餘里尋父蓋文行並茂之士也惜不永

年未三十而卒
(采訪冊)

沈用霖 號行溥有文名少游粵幕嘗繪江天一鶴圖以自隨後由粵歸里失

徐球 字尹輔號咏梅養瀨子學術淹通尤篤志行就贊長興獨居一室惟以文章自娛暇則訪遺碑搜故實竟日不以為勞嘗從嚴元照游偶作韻語輒以就正元照每

獎飾之生平議論依名節文章守矩矱詩饒風致著有還印廬集其友倪焯文沈哇皆歸安學生能詩與元照多唱和集於柯家山館煒燁文字筆墨著有夢花山館詩詞鈔哇字山樵著有樂壽堂集球府志有傳
(采訪冊)

蔡華 字龍文啓傳次子世承家學志行不苟性恬澹不樂仕進由附監生考取直隸州州判上書以親老辭嘗於邑之焦山之麓構堂曰澹甯築室曰容齋吟嘯其中有

曲池小橋之勝著有容齋隨筆各一卷子賜賜國俱諸生有詩名著有焦巖類稿四卷浙提學使阮元潘衍桐先後採其詩入兩浙輜軒錄(采家乘)

徐予嘉 字建東號則山少年隨官京師曾賦詩天津行在拜文綺之賜屢應京兆試不第以布政司經歷投効東河迨父出守柳州乞假隨侍者八載永感後不忍離墓伏

而不出游覽林泉仿元白之詩摹柳歐之蹟以自遣卒年六十五著有亦有秋軒蟲吟四卷已刻(采家傳)

徐恩洽 字希韓號梧生五齡而孤入家塾讀書不厭同族胡齋武康王松齋皆名宿也恩洽先後游其門環不素豐賴母蔡揮衣節食以為從師游學之資年弱冠補弟子員道光庚子舉於鄉辛丑會試挑取騰錄咸豐癸丑大挑一等以知縣用分發直隸署萬全阜平等縣秉性和厚以振興文教為己任逢縣試文卷必親自校閱所取多一時俊彥尤好獎勵寒士旋丁母憂去任有口皆碑士林中號稱之服闋後補直隸順義縣因案改教引疾歸居家儉約如寒素設帳授徒講論經史娓娓不倦年七十四卒(采家乘)

德清縣新志

第八卷 人物

十八

徐芝淦 字長卿號少梅穎悟過人年未冠補郡庠於舉經諸史靡不參究為時輩所推許咸豐乙卯舉於鄉丙辰考取國子監學正學錄已未考取宗學漢教習庚申成進

士時適母朱訃香至辨踊哀毀以不得親視含殮痛不欲生至性足尚同治癸亥始補行殿試授主事分戶部雲南司兼廣東司行走績密從公無遺誤長官深器重之旋充則例館纂修官悉心修訂與大吏參酌因一言而改正者甚多遺例請地贈其兄芝炳如其官友愛可見年五十卒於官著有聽秋閣詩詞四卷(采家傳)

徐璜 原名仁本字兆輪號玉崖世居德清六世祖蕪村至祖西灣五世官翰林父怡菴以副貢家居殫心經學著書數十萬言受知於阮芸臺相國因幼乘庭訓於經史

百家多精究尤好濂洛關蜀之書篤志潛修以實學自勵年未冠舉於鄉座師為潘芝軒盧南石兩相國潘尤雅重之招至私第課授孫輩佐理筆札與談天下事與經史之學璜口講指畫洪纖畢舉條理綜貫相國深器之上春官不售以大挑任嘉善縣訓導捐廉課士士以為榮尋卒於署錢寶青郁岷江皆所識拔士好為古文辭及詩著有食舊德居吟稿四卷(采家傳)

徐琳 字森玉號閩圃年十五入邑庠歲科試輒高等食廩學使劉金門素負文望得不愾年七十終於家著有春秋土地名考證十四卷經訓志疑五卷擬繕梓毀於緒氛人甚惜之(采家傳)

俞鴻漸 字儀伯世居東門外之南埭父南莊年五十生鴻漸至舞勺躬教之無它師嘉慶二十一年舉於鄉後游萬全至張家口出居庸關踰臥壁嶺懷來土木皆明代屯

兵列戍與也先俺答諸部相持之所即所謂古戰場也又自豫入晉足跡所至幾半國中故其詩沈雄博厚為世所推服當客草懷時著詠古詩四章其次章蓋為孟皮未與配享而作子榭視學中州遂奏行之其特識尤為前輩所未及生平重然諾輕施與嘗至邑中

有拜於路者驚問誰何其人曰吾潘某也徵君則長俄夢矣乃始憶其事著有印雪軒詩

文集讀三國志
隨筆（行述）

陳

斌字陶鄰號白雲開己過楓喜而改貧甚無以養親凡農家瑣屑事均為之詩古文
賜再轉合肥所至開堤堰興社學創蠶織平獄訟兩邑士民蒸然向化嗣遷鳳穎同知署
南國府事以涇縣疑獄被譴歸斌天資驅轂通達古今發抒而為文章師經探道辭約理
該有白雲文集（宋成熙白
雲傳參秦瀛白雲文集序）

歸

真字樸人一字葆旆道光丁酉科舉人第二幼年力學工制藝名於時嗣賀孫觀察
東 河南聘延西席前江蘇巡撫吳元炳其授業士也年五十八卒於館寓葬龜山之

姚

桐字子峯世居棲溪長橋之北援例得官同知少年讀書講求經濟之學不層層習
耳座客驚駭還里旬日無疾而
終年五十四（均采訪冊）

江毓荃

字巽齋道光十七年舉人潛心程朱之學造詣純粹著有讀朱階梯楊菴文集清
溪山麓詩集居親喪不內寢選永嘉教諭未赴卒弟毓孫字恆齋諸生亦講理學
以劉念臺李二曲為旨著有怡蕙軒詩季弟毓衡字履齋亦負
賢稱兄弟怡怡不與人忤時稱三江先生（家乘參採訪冊）

徐鑑深

初名鑑春字葆三號雲麓食廩闈試屢薦屢遺留心性理之學身體力行務求
實踐喜朱子近思錄張楊園劉念臺諸書兼及亭林西河諸經學與江毓孫王誠
輩貽書討論反覆不倦父璜十上春官未第司訓魏塘計偕之費嘗貸於人鑑深力償其
負見背後以館穀事母已則筆食瓢飲晏如也迨遭寇亂轉徙於茗溪荷浦間必挈其祖

德清縣新志

卷八
人物

十九

始菴之著述以隨重先澤也性耽詠有杜浣花之浪西胸抱年五十五
歲卒於語溪著有花樹軒吟草九卷居敬軒雜著一卷（采訪冊）

朱觀光

字用賓號藤溪原籍桐鄉先世朱萬錡為德清教諭（有傳）遂占籍焉世居西
郭外上莊圩少有聲譽序性和易耽吟詠尤工試帖格律謹嚴一時推為老手中
年喪偶不續娶授徒以終著有藤花溪詩稿沒後散佚無存
兄觀政字葭原亦諸生姪若工鍊筆另有傳（采訪冊）

蔡鎮璠

字瑜卿號述堂年十六入邑庠文名藉甚居鄉無疾言遽色見者器重之好讀古
詩晨夕吟哦不輟壯游四方多與士大夫相和抱用世志故集中感事苦兩行塔
閒歌多蒼涼感喟之作著有述堂詩
稿二卷（家傳參兩浙輶軒續錄）

蔡銘珏

字子瑾邑諸生年少幼學遇匪亂嘗崎嶇戎馬間好為詩力追漢魏盛唐之軌不
屑効近世浮哇屢試不售鬱抑其志有句云憎命文章和泪讀妬花風雨耐愁聽
一時傳誦年未三十而沒著有瑤田遺草其兄鎮璠作西堂詩夢圖
俞樾施補華戴望均有題咏悼其事（俞樾詩序兩浙輶軒錄）

徐士麟

號若香早歲入庠食餼鄉闈薦不售緒亂時奉祖父母及母避於鄉不遑甯處同
治三年肅清旋丁內外艱以哀毀憂勞得怔忡疾日不廢吟詠更名曰說乘性和
易與人交恂恂如無疾言遽色與弟士駢更友愛出入相偕有執卷請業者口講指畫必
盡必詳成就後學甚衆詩得寢門傳在香山放翁間著有雲在山房吟稿四卷妻黃有文
名嘗設館授徒
（采訪冊）

許德裕

字若塘性簡默不濫交同治庚午科舉人游豫藩長祿之幕每屆北試輒束裝往
十上而未第以挑取謄錄得知縣未補執贊俞曲園門與譚廷獻施份相友善裝往
學益進著有游梁詩草消寒道暑錄各
一卷閒作繪事具逸致（採訪冊）

傅

鼎 原名雲萬字鵬秋未十歲讀三傳文選已竟後學詩文一洗靡濫同治五年以國子監生中四川萬縣丁卯科帶補壬戌科鄉試舉人覆試改歸德清原籍九年官刑部江西司主事辛未甲戌兩會試薦而躓乃改知縣選有期適母卒乃歸葬萬縣未幾亦卒年三十有七性剛然事母色獨柔課子嚴著有息雲小艇詩集一卷駢文一卷筆談一卷(纂喜廬文集)

戚士廉

字隅伯早歲食餼篤孝友敦品行所作詩古文辭具有根柢臨終有一第艱難誌錄上行半生辛苦鼠搬蠶之句懷才未遇人惜之著有穎香居詩稿(兩浙輞軒續)

程肇奎

字星垣少明敏與高振垣等同窗讀說奮進同科試入庠緒軍之役被推入水得哮喘疾因棄舉子業一意文藝著述尤專心地地理之學所著有字學錦囊地理輯要等書年五十五卒子二森枏(采訪冊)

沈鴻謨

字良範邑庠生居新市父瑛達於醫著有醫方輯要鴻謨得心傳父沒旨甘奉母而味長語工而情逸有陶韋王孟諸賢風趣是亦以詩見其志矣著有有家乘一卷醒隱集濟世堂醫訣不改樂齋詩集待梓(采訪冊)

蔡樹芝

號紫香性恬靜善文詞南海羅文俊督學兩浙以羅荀生兒芥有孫賦命題蔡作冠通場錄取第一甲辰登賢書授紹興諸暨縣學教諭光緒庚辰因病返里卒天性孤冷竟無後(采訪冊)

武功

德清縣新志

卷八 人物

沈

光 字總持陳東部侍郎居道之子勇力絕倫適禪定寺旛竿繩絕以口啣之拍竿而上十餘丈至龍頭繫繩透空而下以掌拓地倒行數十步觀者駭異號為飛仙場帝徵國內驍勇伐遼東以衝梯攀城竿長十五丈總持升其巔臨城與賊戰短兵接殺數十人賊斃擊之墜未及地偶有垂緇接而復上擊殺如初場帝望見壯而異之拜為折衝郎將(采家譜)

蔡

淵 字文淵號淵齋膂力過人為可宗次子初可宗有贅壻曰何德連以燒逃軍案罪至途可宗卒會赦留一子當軍役餘得歸三子相讓不決母衛氏以淵有勇略留戍所後累建功績二十五年高帝親臨擢與州中屯衛小旗三十三年正月赴古北口歸伍撥守城三月隨軍奉天征討四月白溝河大戰全勝五月攻圍濟南九月回陸密雲後所衛右所總旗十月攻克滄洲十二月東昌大戰明年深州等處殺敗長圍軍馬三月夾河大戰全勝閏三月棄城大戰又勝十月攻克西水寨又明年正月攻克東平汶上等處四月小河齊眉山中傷五月至泗州本城歸伍過淮河六月遂渡江十一月攻克金川門十二月除昭信校尉懷遠衛前所百戶並世襲追封將軍(舊志參家乘)

蔡

遷 明洪武三年以武功贈安遠侯諡武襄明史有專傳惟原傳云其鄉里不詳考蔡氏家乘云德清人字明村父景和母何配馬載之甚晰(采訪冊)

蔡

能 字俊千號毅齋密雲衛昭信將軍淵子洪武間以軍功世襲百戶少隨父從成祖出兵改授武略將軍鳳陽懷遠所千戶天順元年正月南城護駕陞授正千戶賜券子孫世襲(采家乘)

胡心得

乙丑進士授部主事庚午出守廣川時巨盜林道乾賴元爵之亂心得以計斃之人

從容應接勘定禍亂有羊子輕裘緩帶風奏捷叙功兩蒙賜幣秋典試後即丁內艱服闋補安慶府循聲較著撫按交薦觀察徽甯後以計誅崇仁功（見侯志）大用有期會中

蔡壯猷

字苞田性慷慨好施其父亮茂清乾隆丁丑進士出任山西朔平府知府臨廢授

寶川有緩急者俾自取之而列其數於冊皆如所欲而去有郝超之遺風焉家口以困後援川楚例入賞議叙從九品因銓期尚遠遂入粵佐軍官入海勸洋匪為噤毒舉同時十

蔡兆騏

字良重號駿甫父廣慶官內閣侍讀學士兆騏隨侍京師入監讀書究心經史兼

尋病卒兆騏力疾治喪旋丁母艱益哀毀骨立十年緒軍破湖郡德清戒嚴兆騏首親民團衛桑梓二月匪又至兆騏力竭潰圍走上海乞師久之未決同治三年左文襄巡撫浙江檄理全省善後事宜時省垣已收復餘匪集湖郡在德清者亦去因建言德清為入郡要道匪蹤飄忽宜防回竄文襄是之令馳回重集民團堵後路時蔣果敏被匪圍於東林山參將楊某往援不克文襄乃盡遣省垣陸軍圍攻湖郡又因其地近德清西北飛飭砲艇六十艘檄兆騏督率為前鋒輔以蔡載錫馮壽鏡數十艘合攻於洛舍漾而北飛飭砲署橋梁等處不力任其難初兆騏納粟為知縣以戰功加藍翎同知銜光緒五年分發江

德清縣新志

卷八 人物

二十一

蔡載錫

字瑞甫均諸生於咸豐辛酉年任西門外布秋坊招子弟之好義

於鄉與鄉老循行田野問疾苦祁寒酷暑弗顧遂以勞瘁卒於官年五十歲（采訪冊）蘇時馮壽鏡知丹徒縣以病上書請代大府器兆騏檄權之躬治煩劇不假胥吏手有事於鄉與鄉老循行田野問疾苦祁寒酷暑弗顧遂以勞瘁卒於官年五十歲（采訪冊）

屠老四邱老大

俱西鄉安頭門農夫也屠膽大性直勇力勝人咸豐十年庚申間匪自

者五人北路黃者橋仲德順守東南路籌帽橋沈彥聲守西路時洛舍馮壽鏡亦設鄉局守西北路黃者橋仲德順守東南路籌帽橋沈彥聲守西路時洛舍馮壽鏡亦設鄉局

同治十年進士林載錫有母在堂無出山意設帳於家得絃誦之樂至壽鏡中

槍毒擊斃其前鋒餘以有備奔而去復引大隊來攻屠之邱卒於光緒初年(采訪冊)進城屠後於新市被匪偵知為鄉團首用鐵練紅烙死之邱卒於光緒初年(采訪冊)

羅伍 淮安府清河縣人 **王大森** 蘇伍 均山東人 豐十年庚申匪破廣德西安後乃北船舵工大森為長威

安吉而至武康時德清戒嚴折跨塘橋永安橋以絕其渡大森等三人偕杜老祿白長發劉大發等數十人築壘於永安橋南以禦之匪至與戰數時各有傷亡匪於楊家山折民房搭浮橋蜂擁渡河大森力竭退而擊旗於城上以伺之匪恐有伏遲徊久之梯而上羅乃大奔匪至南門羅伍將南門壘閉而擊旗於城上以伺之匪恐有伏遲徊久之梯而上羅乃大手刃數人亦中矛死屍被分數段時二月二十六日也羅伍字巨川邑人

鍾丙熙 字桂馨新市人 增貢生咸豐十年辦理團練護衛桑梓甚為出力經浙撫王將軍

新市冬防慷慨好施與論多之五年知湖州府事桂斌題給惠同桑梓匾額子選青字總泉有父風(采訪冊)

忠節

忻都 字有章德清村人(舊通志作杭人)順帝時官至萬戶候至正二十六年五月徐

達引兵晝夜環攻下乃於城東龍塘潛穿隧道城壞二十餘丈都率兵將走津梁遂引大軍追之轉戰四十餘里馬蹶被獲或勸之降曰大丈夫以身殉國復何言從容就死 按明史日本國志載元世祖遣使趙良弼數招之不至乃命忻都范文虎等帥舟師十萬征之至五龍山遭暴風軍沒而還前後兩忻都以相距七八十年未必卽是一人姑並存之備史家採擇焉(均明史)

德清縣新志

卷八 人物

二十二

蔡懋德 字維立本德清人出嗣於崑山姑母家從陳姓懋德兵備嘉湖時始奏復本姓

七年進士授杭州推官天啓間行取入都授禮部儀制主事進主祠祭員外郎尚書率諸司往謁魏忠賢祠懋德託疾不赴崇禎初出為江西提學副使好以守仁拔本塞源論教諸生遷浙江右參政分守嘉湖有劇盜屠阿丑率衆千餘出沒太湖懋德生擒之盜半毛奇齡撰蔡忠襄傳繼乃嚴保甲立捕盜窩盜之法廷臣以懋德為知兵丁艱服除起井陘兵備道調甯遠以守松山及修臺堡功數叙會災異求言懋德印遷山東按察使河南君和嗣改濟南道濟南新殘破大吏多缺人懋德攝兩司及三道印遷山東按察使河南右布政使田荒穀貴民苦催科賊復以先服不輸租相煽誘懋德亟檄州縣停徵上疏自劾詔鑄七級視事十四年冬擢科賊復以先服不輸租相煽誘懋德亟檄州縣停徵上疏自平大盜王冕十月統兵入衛京師詔扼守龍泉關二關李自成已陷河南懋德禦之河上十六年冬孫傳庭統兵數十萬守潼關時天連雨弓矢弛張朝議督戰日急孫一戰而潰無濟自成破潼關據西安盡有三秦十二月懋德師次平陽遣副將陳尚智扼守河津山西安師右背蒲州北抵保德悉隣賊依黃河為險然窮冬冰合賊騎得長驅懋德連章告急請禁旅及保定宜府大同兵疾赴河干合拒中朝益積憂山西言防河者甚衆然無兵可援懋德以疲卒三千當百萬狂寇時太原洶洶留守汪宗友馳羽書促歸又啓晉王以手教敦迫謂省會重地不歸救則太原失即堅拒河上無益懋德乃留千人守平陽千人守汾州自率千人赴太原宗友即出巡他邑懋德貽書甯武鎮總兵周遇吉曰僕素悉公忠義鼠竄偷生公必不為但拒河恐力不支倘天不佑國逆賊長驅北上願與公約死守甯武以扼其北僕死守太原以障其東或可牽制以俟國難援兵此唯陽之烈也

列城皆陷許之嗣賊攻拔平陽尚智奔入泥源山中明年正月自成稱王於西安剽掠河東拱辰太原知府孫康周署陽曲縣長史范志泰等官吏軍民咸在懋德哭衆皆哭而罷官命適至或請出城候代懋德不可曰吾已備一死矣新任卽至我亦從死調陽和兵三千

協守東門剛中慮其內應移至南關之外遺部將張雄分守新南門召中軍副總兵應時
盛入參謀議甲申正月自成遣使持牘招諭德碎其牘斬來使懸其首於牒樓由是城
中備守志益堅德度自戍駐營處理地雷遣部將牛勇朱孔訓王永魁出戰無算而自
適往近寺浴得免恨哉二月五日賊至城下遣部將火器火藥皆在我下即焚樓夜中火
自成具南簿督衆攻城陽和兵叛降又明日城東南樓火器火藥皆在我下即焚樓夜中火
張雄守大南門雄已縋城出降語其黨曰城東南樓火器火藥皆在我下即焚樓夜中火
起風轉烈守者皆散德出遣表付友人賈士璋問道達京師語人曰數日吾致命時也
即自到麾下持之時盛請下城巷戰顧德曰上馬時盛持矛突殺賊數十人至炭市口
賊騎充斥時盛呼曰諸君欲陷我不忠耶復下馬曰我當死封疆諸君自去乘復德上馬
水西門懋德叱曰諸君欲陷我不忠耶復下馬曰我當死封疆諸君自去乘復德上馬
斫門入語懋德曰請與公俱死遂偕至三立祠懋德就絀未絕時盛釋甲加其肩乃絕不
降也時其尸以刀斷頸而去懋德既殉賊從保德趨甯武周遇吉戰死家僮無一
降者踐前約也懋德初諡忠襄至清乾隆二十一年追諡忠恪(明史參通譜)

蔡震彪 明末之烈士也少自齊力智計絕人太湖游擊吳楫之耳

蔡子標 邑諸生隆武元年九月清師下浙西子標招募水軍與太湖吳易之師相應不克
被禽抗言不屈索衣巾入杭州清師欲降之子標瞋目大罵乃殺之行刑觀者如

堵忽有人出衆中持子標大勸欲死刑者大駭捧之去子標曰吾不識公奈何至死所其
人曰吾與公誓不相負公死何生爲始知子標密友子標固欲生之不得也是夕同刑者
六人臨時忽益其一卒不
得其姓名(誦應堂集)

蔡孺法 子標族子亦諸生隆武二年秋監國魯王航海浙西諸鄉兵潰民皆如限難髮孺
法獨不肯鄉之無賴子弟欲執之以爲奇貨孺法方集兵二百餘約故總兵官平

德清縣新志

卷八 人物

二十三

湖將軍陳萬良共攻湖州不克邑令縛其父若弟命致孺法孺法挺身至曰義不忘故國
且受魯王命事不遂當死父弟嘗勸孺法孺法勿聽也乃活之而置孺法於重典(誦應
堂集)

吳允淳 字宏文邦相之猶子後從德清遷唐棲購舟吳園鼎革時潛蓄命方某汪某王某
三總戎屯兵棲里倚敵樓爲險思拒清兵清兵至橋李軍督陳洪範寓書於允淳

淳諷諸藩力言唐棲一處不可拒敵諸藩令撤兵六月十三日清兵過唐棲
矢不犯秋毫允淳力也入清由監例任漳州通判海寇至殉節(唐棲鎮志)

胡光輔 原名來金字皆甫號蒼年晚號經齋新市鎮人瑤子道光乙酉拔貢考充八旗官
學漢教習壬辰中式順天鄉試舉人考充武英殿校錄廿一史議叙知縣戊申選
任江西上高壬子調署高安咸豐癸丑七月匪陷瑞州府至高安縣迫之降不屈遂殉節
事聞賜卹雲騎尉世職入祀忠義祠光輔自選拔後游京師二十載從游者衆其造就之
最著者如平湖吳若準吳縣李德儀皆以翰苑出官督學生平著作類多散佚晚年
著有石山房詩稿同治初年上高縣士民爲光輔建祠以時致祭(采訪冊)

徐傳經 字頌漁議叙國子監典簿咸豐庚申殉難奉卹
雲騎尉世職追贈光祿寺署正(采訪冊)

徐培生 文童字慕廬同治元年殉難
入祀忠義祠(采訪冊)

徐 竑 字重侯邑人安徽黟縣知縣調署當塗廬江咸豐戊午奉委到浙勸辦皖省捐輸
未竣至庚申杭州失守偕子兩淮候補鹽大使璣字與三及媳等同殉難奏請卹

贈雲騎尉世職入祀浙
江忠義祠(采訪冊)

徐鳳喈 字樸甫邑人任直隸大興縣典史改山東陽穀縣典史緒軍陷城劫獄同子
本森堅守塔禦同時被戕卹贈雲騎尉世職入祀山東忠義祠(采訪冊)

沈方毅字鐵珊官湖南縣丞以老去官咸豐十一年九月賊再陷德清方毅慷慨陳順逆詞氣不撓蔡色動已而賊渠朱姓至令下拜方毅罵曰我命官豈拜賊者遂與二子沈皆被殺一感方毅方正縱其妻吳及幼子出城吳有殊色土豪與語將犯之不可并其字沈於湖一僕一婢從死
(忠義錄)

宋廷魁字文波新市人監生咸豐庚申八月匪犯鎮全子世鈞字石友投河殉難於東柵平橋後河(采訪冊)

宋廷杰字春圃新市東柵人由附生中式道光辛卯科舉人考取景山官學教習期滿以知縣用改歸教職選授嚴州府壽昌縣教諭咸豐庚申殉難府志作孫廷杰(采訪冊)

宋廷棟字策庵新市人候選從九品咸豐庚申匪犯鎮慢罵之遂被害於南柵時七月二十九日也(采訪冊)

蔡瑄字之西關人咸豐九年避亂於歸安雙林鎮遇賊死於難時年十五歲(采訪冊)

胡光鏞字有明號蘭卿太學生咸豐十年庚申勦辦新市團練局匪至接仗殉難贈卹如例附祀浙江忠義祠(采訪冊)

沈保恆字若卿邑人自雲南普洱府和府調元江知州同治元年回匪大至與戰衆寡不敵力竭城陷死之時有鎮沅同知吳德森過元江保恆上請留辦軍需及團練事

宜破城日與同死之德森烏程人(探訪冊)

施政字東郊邑增生素習醫貧者不受謝遠邇德之居長興之周濱鄉咸豐十一年匪陷長興圍湖州政集里中少年團練自保匪撤至焚之又殺其索獻納者匪怒擁

德清縣新志

卷八 人物

二十四

衆至政據險設伏以待數敗之政並遣人開道入府城求援而匪得其書乃攻益力圍兩月餘食盡而陷政與妻趙子淶皆死之(忠義錄)

徐本誠原名金南字豐玉邑人江蘇候補從九品分差揚州咸豐三年匪陷揚城冠帶殉難屍骨被焚浙撫馬新貽奏准卹贈恩騎尉世職廕一子入監讀書六個月期滿

以主簿遇缺即選入祀揚州府昭忠祠浙江忠義祠(采訪冊)

胡兆元字健齋新市人少有膽氣咸豐庚申匪擾江浙兆元年已老慨然以悍衛鄉里爲辦團防甫就緒而匪已至衆至數百人人心洶懼兆元獨奮然令汝聯趕赴邑中求援自率義勇拚力抵禦殲二十餘名以衆寡不敵比援至已與監生吳光鏞沈作楷宋某武

生邱勳等均力竭被戕兆元死事尤烈旋奉獎給雲騎尉世職其餘亦賜卹有差汝聯字蘇亭博學能文道光己酉舉於鄉咸豐庚申之亂匪衆至鎮遵父命赴縣乞援比兵至而其父兆元已死難汝聯泣誓殺賊報仇時治城洛舍鄉勇民團齊至竭力會勦斃匪二百餘名鎗傷及死於水者又百餘人擒獲正法者三人賊始潰退迄光緒五年鎮舉冬防汝聯在事最出力奉湖州知府桂燮給一鄉善士匾額生平著作甚多尤長於詩有刻入兩浙輶軒續錄者(采訪冊)

徐蔭培字思棠府學生西南兵起浙西戒嚴嘗謂所親曰萬一德清不守吾當奮臂罵賊博一快死人傳以爲笑咸豐十年二月城陷家人俱走蔭培獨不守吾當奮臂罵賊

速之去者瞋目不答賊至大罵不屈遂被殺(忠義錄)

蔡祿生西城人習業市肆撰啓後裔咸豐庚申年二月二十六日匪陷被擄去妻邱氏抱幼子尾行約半里許路傍有一大池祿遂囑妻抱子投池自觸石死肅清後

左文襄宗棠奏請追贈京主簿合祀忠義祠(采訪冊)

沈心燦

字浣花邑庠生少時美風儀跌宕自喜東南多故慨然有殺賊之志咸豐十年匪陷德清心燦遂發狂疾日飲無度歌哭開作聲達內寢母呵之乃止踰時復作十一年德清再陷心燦奉母走茨墟為匪所乘既脫而母驚死季弟中烏鎗死幼子又死於是狂益甚匪至投水死（忠義錄）

蔡親仁

西城外人父開元老病親仁事之以孝聞匪至徙避父子未嘗一日離咸豐十一年九月德清陷各鄉被掠倉卒與父相失奔走訪尋眠食皆廢越七晝夜遇父於句壘村悲喜交集急登舟匪適至以火鎗擊舟親仁臥船底以護父身受彈傷而開元獲全同治元年六月復遇匪又失父所在匪迫投河死（忠義錄）

蔡廷棟

字洪生尚義後裔幼業儒性孝友家貧兄弟同爨雍雍愉愉事父母甚謹鄉里無俱被擄廷棟泣謂匪會曰父老不如我少兄瘦不如弟肥願以身代匪乃棄其父與兄而廷棟被執焉脅威脅備至且令負重廷棟曰我書生手無縛雞力難從命賊默然久之令以白蠟獻曰我家貧如洗何以獻賊怒殺之棄尸於道時同治元年壬戌也甲子亂甫平父自茅山逸出兄由海甯逃歸弟廷棟設買於澉村各謀生計知廷棟被殺徧求其尸不可得未旌（采訪冊）

蔡瞻麓

字晴峯邑諸生少好讀書性剛不羈父某為粵中名幕瞻麓繼之而肖咸豐十一年匪衆大至家屬四散瞻麓遇害有子宗蔭亦被擄未旌（采訪冊）

徐思謬

原名廷璠字一士又字華卿號菊舫侶雲三子溥泉嗣子喜讀書不屑屑事章句不能事親以終天年亦當殺賊以報國祇因嗣母毛氏在養未遑其志咸豐庚申秋常熟城陷預居邑東歸市以避賊鋒辛酉春厥兄柳村自淮安歸迎眷渡江毛氏與焉董君某之如長城居久之偕同邑諸生言翔霄越境偵賊營賊覺被執誘降不從脅以刃驟起奪

德清縣新志

卷八 人物

二十五

力擊賊不中赴水死年才二十一事定大吏以事聞旌表忠義崇祀昭忠祠春秋官祭事蹟載昭忠錄及常昭縣乘（采家傳）

徐應枚

改名逢春號文濤性伉爽個儻多藝能尤精鑑別不沾沾於帖括年二十餘補弟值匪擾江浙咸豐十年二月勢且逼城邑奉嗣母挈妻避近村與次子士鶴三子士鹿回守城值城陷從容謂二子曰吾身為儒士力不足以殺賊保鄉土義不可以並生遂携二子赴水死江浙肅清大吏以父子殉難忠孝兩全奏請賜卹雲騎尉世職又士鶴給廕縣主簿入祀本縣忠義祠（采家傳）

沈承熙

字講香新市人性穎異精醫學少應童子試文多快奇不合主者輒見擯咸豐庚於賊曰此吾鄉有智略者也賊厚遇之將授以偽職乃大窘伴病不起乘間逃歸閉門匿跡讀書奉母間出其醫術治病得酬金以備甘旨後為賊偵知趨至掩執會幸來母避妻賊以紆其難然已憔悴甚旋卒講香不獲歸賦詩哀悼致辭慰母而已明年春為賊掠出詣石門益逼使任事乃大憤度終不得脫遂仰藥死年三十四歲子錫培亦殉難所著有聞妙香室詩賦各一卷（沈氏元撰）

許萬春

東白虎圩人與弟萬寶世業農咸豐辛酉九月匪再至同被擄賊令萬春負重偕行百里以力竭辭賊怒殺諸湖城北門外同治甲子肅清後萬寶逃歸覓兄骸骨卒不得（采訪冊）

沈阿四沈德寶何萬金

均何家坎人咸豐辛酉九月被匪殺死

王阿長

年十八歲何家坎人同治元年壬戌五月初七日匪斷其首父母兄弟妻五人慘痛不已適冬大雪均死

姚叙寶 邑人匪窟浙江時充保衛局鄉勇同治二年隨團

陸阿年 白虎圩人咸豐庚申二月被匪殺於東門砲臺上

沈文思 字蓮莊東衛村人幼讀守農事遇匪被擄於洛舍罵賊不絕聲被絞死三官堂前年二十四

莫天麟 朱廷相均十七區人同治癸亥被匪槍死

朱升階 朱家灣人同治癸亥二月被匪擄至上柏逼以重擔力不勝任被槍死年五十子同時殉難

徐有成 孫阿寶均農人咸豐辛酉徐被匪殺於城內紫陽觀前孫被殺於田間

姚阿巧 姚福生 許文瀾 許萬興均東白虎圩農夫咸豐辛酉九月賊再至被擄均遇害

忠節除因採訪所得各叙專傳如前外另從德清縣忠義祠彙錄殉難姓

氏(有傳者參觀列傳有出身官秩者并錄出身官秩)以資表彰其殉國

急義依時代為衡此皆清代之正氣未便湮沒列之如次

光祿寺 署正 徐傳經 安徽補用同知 徐 竑 候選 沈方毅 壽昌縣 孫廷杰 候選 事 徐長齡 候選 馮壽培 候選 馮杖之 候選 宋世鈞 候選 馮壽恭 候選

德清縣新志

卷八 人物

二十六

從九品 宋廷棟 監生 沈 穗 候選 高維翰 議敘從九品 杜鶴汀 六品銜江蘇 候補從九 徐金

南 江南安東 縣丞 徐寶仁 候選從九品 徐宣詔 福建鳳山 縣典史 談 堃 監生 宋世棟 監生

何堯章 廩生 沈毓桂 廩生 沈陸賡 增生 施 政 廩生 沈毓賢 廣東羅渡 司巡檢 蔡 釗

增生 程鏡心 署雲南普洱府知府元江州知州 沈保恆 增生 徐鳳春 增生 徐士鵠 增生 馮祖壽

附生 蔡基田 附生 談德輝 附生 姬應魁 附生 虞贊堯 附生 談祖恩 附生 徐蔭

培 從九職銜 徐麗生 附生 徐一飛 附生 沈彥聲 附生 姚升墀 附生 沈 鼎 附生 宋

世惇 附生 蔡瞻麓 附生 徐祖耀 附生 徐召棠 附生 蔡 涓 附生 馮欽棻 附生 談

德成 附生 沈心燦 附生 許昌熾 附生 蔡瑞臻 增生 徐昌禧 廩貢 陳竹坪 附生

孫元吉 武生 陳世楷 武生 邱 魁 武生 胡宗英 武生 朱 錦 童文 許保升 童文

徐培生 童文 虞聯福 童文 許延齡 附生 陳冀元 監生 宋廷魁 監生 胡光鏞 監生

陸 銳 監生 孫繩祖 童文 徐士鹿 江南南河縣丞 周蘭生 候選 許 儼 山東陽穀 縣典史

徐鳳喈 候選從九品 沈梅陽 候選 陳朝宗 候選從九品 陳履椿 分省試用典史 徐養禧

八品 職銜 徐養福 文 沈文思 四川榮昌 縣知縣 李肇基 候選 典史 徐鳳銜 江西上高 縣知縣 胡來

金 職銜 黃際唐 文 施 涑 監 蔡泰生

以上八十二名同治三年至十年經浙撫先後奏請並准禮部咨覆合例具題

監 宋策庵 監 徐紹祖 從九 品銜 楊景康 從九 品 王履亨 監 項漢章 主簿 丹徒縣 胡

念祖 監 潘寶三 附 蔡俊三 從九 余望之 監 陳兆熊 附 蔡德慶 監 鍾

郁文 監 徐敦溥 附 嵇晉鏞 監 蔡森棟 附 仁 陳青巖 監 余養初 附

蔡西榮 監 陳蘭階 附 沈 俊 監 陳亦山 附 蔡贊元 監 施 榮 附

姚利生 附 武康 丁汝蘭 附 蔡 澄 附 沈 涓 監 宋文坡 監 宋石友

附 蔡鼎梅 監 段祖勛 附 張乃釗 監 段心源 監 朱士翊 附 童 封

附 潘尙之 附 武康 孫堪恩 附 武康 孫澍恩 附 蔡烈菴 附 胡俊千 監 黃逢

源 監 蔡建培 監 蔡金波 監 嵇恆齋 監 沈毓禾 監 徐調元 文 蔡貽

清 文 許 濬 文 許景商 文 袁菊生 附 蔡森樑 附 倪蓮舫 附 蔡仁

德清縣新志

卷八 人物 二十七

瑞 附 蔡 慎 附 蔡本淳 附 張 寅 附 蔡又村 附 沈為楨 文 徐少

甫 附 姚桂一 文 蔡震生 文 蔡午莊 監 宋可齊 監 徐斐然 監 宋幼

春 文 徐承基 文 蔡來章 文 蔡錫堂 文 蔡隆福 附 宋石莊 附 蔡茗

巖 附 姚佩金 附 王乃銓 附 邱 樾 監 邱錫範 監 蔡小山 監 周廷

棟 從 沈秉鈞 監 胡兆元 監 周文江 五品 高鼎魁 監 沈承熙 附 徐

逢春 江西武宣 縣知縣 車君乘 附 徐春禧 候選 縣丞 車君稷 監 車不二 鍾 郁

朱老四 吳玉林 吳德林 吳保林 嵇三福 李大成 陶望師

許保林 談祖榮 朱熊飛 陳鳳輝 劉玉兒 木 鮑 某 蔡小山

徐延齡 張文煥 陳富榮 陳豐年 談敬天 楊仰生 嵇福保 費

瑞祥 王連生 吳 濤 朱老二 朱老正 吳寶林 吳世林 吳阿

高 許了豆 徐天寶 朱小山 姜耀天 章松林 陳鳳儀 劉寶順

閔財福 徐德順 喻金成 姚大才 蔡希响 陳遐年 陳長慶

仲大猷 姚鉞元 夏學功 張有先 胡賓 胡芬 孫學恆 陳大貴 蔡利川 梅高元 陳和尚 梅高良 高賢功 高正功 梅高芳 高良功 沈嘉寶 沈興寶 沈少卿 吳宗海 王夢標 蔡嘉生 吳福元 蔡聚生 項晉希 工胡 二 費永福 項肯堂 湯阿巧 費鴻福 沈采生 朱吉安 高萬坤 蔡有喬 者阿 福 賈維寅 陳安濤 顧廣富 陳玉恆 沈蓮莊 顧廣才 沈殿揚 姚庚生 姚廷柱 蔡祿生 許增芝 高學曾 費鳴嘉 沈東山 高鳳枝 孫長生 袁鴻 蔡宗立 黃老天 胡貢三 聞錦春 王又秀 虞冬生 聞錦福 蔡鶴天 董黼堂 聞順生 蔡汝璋 蔡松殿 聞寶生 蔡阿德 民商 許鳳起 唐應生 蔡阿生 趙昆玉 唐滿生 沈長順 蔡永林 夏九方 蔡仰高 姚玉堂 董二伯 蔡雙福 馬用藩 錢天玉 徐小連 夏景壽 夏坤祖 高福昌 程建升 夏清元 沈

寶順 沈永和 朱祥春 蔡發祥 項位高 夏天順 蔡延生 符玉麟 夏貴方 文童 戴寅亮 符玉奎 夏甯祖 余葵之 施保元 嚴六金 沈嘉保 岑奎揚 夏德茂 董志晉 余加源 夏憲方 徐福生 徐璠 俞掌發 夏德富 金小毛 李天駟 沈華齡 章尙林 朱維發 民商 蔡祖保 蔡肖善 沈應 蔡松橋 楊隆輝 朱天龍 倪金山 沈寶山 朱天順 孫永佳 沈吉昌 沈順寶 王世行 將兆榮 吳宗治 王世堦 張燦生 施起祿 沈文初 沈宗元 錢協隆 朱燒雲 沈成熙 李聖隆 楊寶三 嵇道明 沈加商 趙熊茂 潘益福 王順元 王希瑞 姚鳳章 朱蜀江 朱茂初 章金波 鍾仁槐 邱福楠 邱煜天 陳瑞元 胡清如 吳金祥 沈士貴 沈德天 倪士南 王世乾 王世周 沈斗元 沈幼亭 趙人美 俞立政 馮來生 馬萬春 夏益和 童德順 趙介眉 張百泉 姚明天

沈師愷 馮大官 沈長庚 沈維馨 嚴承恆 高省方 許晴嵐
 沈嘉齡 文童 談瑞天 紀金西 姚壬士 姚天寅 許增芝 陳廣性
 徐福凝 許壽璜 許壽梁 張玉英 錢兆吉 祝應槐 徐飛鶴 沈
 茂璋 仲二 沈永嘉 喻金保 喻振乾 徐大官 董洪章 張有
 魁 潘小林 祝應槐 呂卜山 呂卜匡 祝大官 嵇鳳岐 蔡親仁
 張九 蔡承祖 沈師旦 徐蘭生 勞如鉅 丁錫禎 李周華
 陳昌來 方秀立 俞應天 勞如玉 陳錦堂 朱殿加 范永發 陳
 玉衡 姚鳳掌 沈雲才 蔡三錫 賀鳳天 施錦祿 成年寶 沈茂
 章 夏益高 費天柱 姬耀魁 沈天祿 陳文寶 范國年 王德
 邱煥文 莫士奎 王蘭珍 朱岳年 王玉詩 丁水春 高省方
 沈維南 沈壽山 姚共元 車笏亭 沈錫堂 范允加 沈天福 陳
 文貢 姚亭元 費法 陸開堂 邱景芳 莫聚聖 蔡瑋瓏 廩黃生

德清縣新志

卷八 人物

二十九

逢原 文童 姚師毅 監生 蔡建培 蔡嘉生 監生 戴傳樸 農民 蔡天保 商民 許鳳
 起 附生 宋世鈞 虞恩澤 沈尙珍 文童 胡兆元 虞汝舟 武生 邱潮 童
 邱福楠

按以上忠節四百零四人除車君乘係於順治年殉節見侯志外其餘殆未請旌惟姓名不免重見者恐未必一人未敢率刪仍原冊耳

孝義

沈起 字興宗天禧間舉進士受官曹郎兼左拾遺未幾以父疽棄官歸有司劾以擅離職守坐免官仁廟謂輔臣曰以親故致罪豈勸為子者耶詔復其官至天章閣侍制烏程費耘老為之贊曰倚古與宗純孝天鍾王事靡盬將父曷從好爵之糜溫清弗隆乘如脫屣嗟彼飄風王言如綸克遂孝終采家譜

談真 字彥誠號梅軒父士達號增菴先世居市亭山之陽少失恃父親教之長而授室俾綜理家務創置增菴舉無遺緒而家益富父性素嚴少有不悛必先事揣度得其歡心乃已父患疝難出以口吸出之晚年復患溺血吸之疾止繼母楊兩目失明顯天禱豁然如故人稱其孝一弟五妹視之無間婚嫁以時不以繫親慮睦於宗族匱乏必周緩急必赴處鄉黨務以柔勝下至廝役待之皆有恩意故人咸敬之晉陵王撰撰傳

談應祥 字元禎世居餘不之南父仁祖信會祖士達俱為鄉飲大賓應祥幼篤學嘗受業於解元田惟怙邑令衡侯方侯各禮請為其子師領鄉薦事父以孝稱父久病癯醫藥無效應祥乃涕泣為吸之竅通而頓愈他日歿哀毀踰節幼姑暨妹撫育字嫁不遺餘力弟居易病疫閤室僵臥奮不顧身為之醫禱舉家得痊族閭之貧者危者勉力拯濟

有爭者曲爲解息靡不欣服數舉鄉飲賓課子崇文崇道崇階均能自立卒年七十有六著有南溪小集（委可望撰傳）

陳朝用 字惟忠以生於六月母歿後至降辰輒悲號竟日并

胡進臣 字春陽有至性雖出嗣大宗未嘗一刻忘怙恃所居相距里許一日間往來如織不以風雨寒暑間孝思不置

沈之鯨 字文洲邑庠生母黃年老多病之鯨侍奉藥食晝夜不倦居喪哀毀骨立未嘗見笑容

胡忠宰 字靖公其父懋勉常焚借券還遺金有善人之稱靖公亦樂善好施能繼父志年踰七旬家人不戒於火靖公身負九十餘歲老母突鬱攸而出力盡踏地俱死火

中人莫不哀之

沈宗元 字允一侍父病至十年寒暑未嘗解衣寢

陳元錫 字禹公邑庠生學曾之孫痛親早背懸遺像寢室中且夕焚香肅對時或隕涕如雨蓋終身慕也

仲允隆 字大勳少孤事母邱氏極孝日必問所欲進之夜必俟安寢而退母六旬外忽患偏枯之疾飲食起居盡資於人允隆晝夜不離房闥竭力醫養十餘年母始能起

坐持匕著然兩足終弱行允隆乃日負之上下樓梯或坐以小椅雙手昇之出入內外如是者又十餘年方歿壽九十四諺云久病無孝子若允隆者豈如諺云哉

柴魯儒 字泗傳其先慈婦人父某遷居鎮之東柵幼孤貧喜讀書精寫醫兼工篆刻詩亦清拔可誦天性純孝終身依墓爲廬作墓田十畝一時和者甚衆又於墓傍買隙地一區收埋遺骸歲時必以杯酒奠之子早殤一女嫁庠生蔣一元藏其遺稿於家

德清縣新志

卷八 人物

三十

曹起山 鎮之坊者也母病封股肉雜粥糜中進之病即已又數年母死哭踊無節喪服終身不除（以上俱沈赤然新市鎮續志）

徐紹 州星右號慕霞醫館侍本生父疾衣不解帶三年不懈如成人少承庭訓隨官揚務清勤自矢躬親撫恤民德之大府會奏勤勞得遊議叙領運甘肅兵餉道修任重艱苦備嘗以憂歸得疾十載不痊病中以吟咏遣寂孝友爲懷樂善不倦著有慕霞詩藁五卷已刻（采家傳）

徐灝 字勿箴邑人瀟後母弟也世居濠溪十齡失怙灝亦蚤世時值明鼎革匪利其費卜母有厄乃早夜焚禱願捐己壽以益母年至期果病夢神麻而瘥癸卯領鄉薦母訓焚券獨和以母八旬不忍遠離赴會試母數促乃行試畢亟返黃協先饋云解鄉道季方能色養趣裝歸覲不停棹母病腰非人不煖勿箴捧足侍臥母歿苦塊棺側足不越戶外三載庚戌捷禮閣授中翰時母尚在殯一獲地贈即假歸馮相國贈宋人句云去國一身輕似葉高名千載重如山營葬竣赴都官至工部郎中孫德泓康熙乙未進士山東日照縣知縣（唐棲鎮志）

虞拱宸 字君樞四歲而孤事母至孝嘗侍疾衣不解帶一夜數起與長兄日宣同居四十二餘年原鶴誼切毫無間言日宣逝遺二子拱宸撫養訓誨如己子年五十有四二姪欲分產遂將祖業與二姪三分之其義讓有足多焉卒於康熙丁丑年（采家譜）

潘國楨 字爾公邑人康熙五年冬母病醫藥罔效額天封右股作羹以進母愈延五載十年憲徽徵旌獎本縣舉國楨知縣王廷諫諡刀痕嘉歎良久題曰孝行可風陳尙古有封股行（仙潭文獻）

姚錦章 邑之黃金里農民也咸豐初年母病垂危醫藥罔效乃到左股煎湯以進母竟愈（采訪冊）

沈應科 父尸忽一牧牛翁謂須問荷鐮者張世甯因遙指張居處入門則張已病革再拜叩牀下張氣息僅續告以瘞處埋三巨石於上而尋勿失言訖而歿應科一齒驗之宛然一處有石微露指之果得三石再掘則棺露木已朽矣爛文少時唇內墮一齒驗之宛然復醫指滴血血沁入遂負骨徒步以歸（兩浙忠義孝弟錄）

高冠 字元武早失恃事後母李氏如所生始終不渝知縣王廷讓採輿誦題曰賢孝（仙潭文獻）

徐師愈 明家產讓於弟侍修脯奉養孝友無間能詩著有虛月軒吟藁（李志參續輯）

徐漪 字文漪瀨之曾孫鑑威之子性孝友訓蒙養親兄法任廈門千戶迎父往瀟居家養母盡子職母病劇祝天到股及歿哀毀骨立探野齋作蠶而嘆所謂茹荼也苦臥棺側三載如一日母既殯猶不內寢里人呼徐孝子無何父歿於閩兄亦繼亡一姪列行伍游開計號痛幾絕力難奔喪惟設父主苦塊之忱一如母歿乾隆丙子秋漪亡一姪捨身以取父兄之骸乃徒步往負骨歸葬說者謂千里崎嶇虎狼風瘴即健兒走卒且畏之而歸下僱軀竟直抵廈門遂志而返非孝感乎歸葬大發墩祖塋之側（唐樓鎮志）

徐顯曾 字雲舉號達夫品學端粹笑言不苟為人所欽家貧以詩書自娛有學吟詩草二卷登吳雉七律一首探入邑乘讀之者想見其襟懷曠達貧無以葬先學人日夕傍徨懼遷延滋辰因設一匣縮衣并食積青蚨即時匣盈則出之再貯名之若計匣盈不帖乾隆癸未年五十四矣出積資卜葬離明里得償夙願從未白其所由及卒子芬於舊不帖

中檢得之始知父志謹藏守以傳示子孫嘉慶甲子邑尊周敬巖纂修縣志探載之家庭一齒及即嚴聲厲色曉以大義惟孝友於兄弟斯人有焉（采家乘）

德清縣新志

卷八 人物

三十一

程貞 字履正其先歛人明季有避寇遷德清者遂為德清人祖父某官嘉興縣教諭以能鼓琴名父某為諸生貞生而教樸不事彫飾年幼學容貌如成人好讀經書質甚魯惟每得一解輒超然出於俗所論說於成豐乙卯始與戴望交嘗共習書數夜恆不寐從望得見顏氏書曰周孔之學在是矣仿之為日譜糾察身心得失與人交恂恂有禮雖僮僕走卒對之無惰容內行至孝於弟尤友愛逮庚申辛酉之交東南大亂貞奉二親避地東林山展轉遷徙其明年為同治壬戌遭父喪哀慟泣血鬱鬱成疾卒年二十有五（誦慶堂）

傅范冕 字章甫四歲能背誦爾雅十四歲習天文算學尤長於英文父雲龍著美利堅合乘國圖經其月朔表州表多出其手書成進呈御覽性孝友兄范初疾父母憂甚女兄范淑初割股入藥范冕亦割股以療兄解親憂也時年十二出於至性魁梧無疾言厲色而樂放生光緒乙丑年十八厄於疫卒（宴喜廬文集）

徐錦奇 字四寶縣之章家壩農民也能將順母意無疾言厲色以相忤母或思食雖夜必購歸一日母病錦奇割股煎湯以進尋愈人以爲誠孝所致農家者流而能出此足以風矣卒於光緒二年

蔡溥 字文溥邑人父可宗洪武間以贅壻何德璉事連坐戌小興州家屬俱往中途父遇赦凡籍沒者留一人餘許還又以役老得代弟淵有將才奉母命代役留戌乃與弟浩奉母還鄉房產已沒入官身無立錐地奮然謂弟浩曰貧富本無常余巧有餘拙不足耳

年五十六（采訪冊）

足

經營二十餘年浙西無與焉富暇時講究書史子姪咸向之蔡氏言學自茲始正統間京師闈浙大飢命子姪各出粟一千七百四十餘石賑之大吏聞於朝勅書義澤延麻四字旌其門好義急公至老不倦而尤篤於孝友晚年自編所歷年譜著有蔡氏家範淵另有傳(同上)

蔡浩字文浩號松雪當父之誦成小興州也年僅垂髫及還佐兄溥重整家業富而好禮施不求報子凱承父訓出粟賑飢代完閩邑錢糧另有傳(同上)

蔡綱字彥常號梅竹凱之兄也性仁慈樂施與年四十餘顯岐黃之術開藥苑闢義學隱居孫人孳孳不倦景泰中浙闈大飢綱發粟數千石賑濟通郡全活者四百戶詔授七品承事郎御書義澤延休四字以旌其門卒祀鄉賢祠(采家乘)

蔡凱字元凱號節庵生於永樂庚寅年幼承庭訓好義如命初德清儒學舊在縣治之南正統六年邑令王敬謁廟謂其難處市廛非育才地遂擇基於縣治之東適凱之別業也堪輿家謂之曰此地乃百寮山盡龍龜溪回繞乾元聳振卜居於此當世世科甲凱曰與其與一家科第孰若與一邑之大乎竟捨作學宮令欲倍價償之辭不受事載大宗伯胡濙儒學碑景泰中邑大饑民多死亡凱告於縣獨出囊金代輸一年之課流民漸集時疫大作凱設藥局延名醫療治仁聲洋溢巡撫周忱聞於朝詔賜尙義建坊旌表又創漏澤園冬施絮夏施帳死者予棺葬者讓地善行不可殫述成化中又發粟賑濟撫按復奏聞詔授七品職辛未六月卒崇祀鄉賢祠春秋致祭子繩(另有傳)繼粟伯父濟後居文廟前盡以其地捐入學時稱父子濟美(胡承謀府志參蔡氏家乘)

蔡雄字彥斌號琴鶴溥之長子兄弟六人一門雍睦景泰中浙闈大饑時與季父子網凱各出粟一千四百七十石助賑同成義舉有司上其事於朝欽褒義民子孫科甲不替(采家乘)

德清縣新志

卷八 人物

三十二

蔡繩原名誠字思明號靜庵尙義凱之子也知略超羣度量豁達凡民間疾苦經繩大畫者當道悉從窮積著之理審察時變穀幣成業兩浙富莫與埒而居仁由義大

江以南受其澤者口碑載道成化間赤地千里饑民相望繩承父志發粟賑濟弘治八年叔祖能以總戎告老子宜應襲職早世族議以繩應繼上聞詔曰可遂襲神武衛將軍子中華官福建道監察御史(采家乘)

蔡懋亨字嘉會號東園慷慨好施樂善不倦任南安吏目有民胞物與之懷隆慶壬申巡按御史謝廷傑勒其名於旌善亭曰輕財重義和親睦鄰歸安唐樞為贊贈之家乘

胡離菴新市胡氏遠祖也為趙提領贅婿趙卒離庵之教各附於外舅旁而萃為一邱其後曰劉思峯思峯之塔曰沈滋能亦遵離庵之教各附於外舅旁而萃為一邱其後人以墓地墓富貴焉肯與異姓同兆城若離庵者豈可復得哉

陳應禎慷慨好義當萬曆三年國賦孔亟民不堪命應禎乃預輸數年粟餉以紓小戶追呼之困子檀亦如之知縣趙卿表其門曰尙義

陳學曾買西園陳氏地約五年弗贖則任營造學會待之踰十年而仍以益價請彼人曰年已倍矣尙欲益我以價言誠長者我何可以小人自處遂拂衣去

劉在明(續侯志)與仁和沈裳烏程沈公諒友善崇禎庚午俱以選貢赴京師裳先有斥僕去為監門小吏乃囑還卒誣以懷挾裳倉猝不能自明竟下獄在明持公諒泣曰裳子身來無蟻子之庇而惡僕方甘心於其主我與若非以死爭安用友為遂與公諒挺身辨雪王直指義之據實上聞裳乃釋

沈秋水字君延素尙義有世家子鬻身為奴知之還其券贈金遣歸族有逋賦拘禁者即竭貲代輸壽九十卒

早失怙事母孝有兄先沒遺二孤恩撫如己子外別某而老生男復翼而長清康熙九年洪水為災貧人乏食健行空廩害為粥全活甚衆知縣王廷讓表其門曰一鄉善士胡僉吉家貧業儒康熙丁卯五月途拾囊一發視則紫團參也知為賈客所遺即守之不去月復費儀幣踵門僅受聚頭扇一柄而已

邱君錫字聲宇生平樂行善事曾遺人遺金事孀嫂三十五年如視母有姊亦少寡貧不能存活迎養於家者三十餘年體卹備至康熙己未四月召戚友端坐而逝

吳正椿居其壘中外輯諸終身如一日伯父璞田生一子早世遺孤孫大純甫十齡會璞田疾革泣謂旭堂曰吾有薄積此子所賴以存活者爾心術端正必不負吾托吾以此爾矣旭堂不得已泣而許之明日璞田歿為營殮歛訖即與伯母朱檢點所遺貨存質庫

中權子母未幾朱又歿大純益覺無依欲攜之歸慮後日無以自將聽其所以為則又負前諾惟二伯父立齋能燭其隱遂召親族悉舉所有注記一冊而授之曰此可以絕嫌疑矣遂繼大純歸衣食教誨與己子無異每歲首必邀原議者計所贏餘旭堂一冊子愛年子銀已積二千餘金而大純年亦十六矣方謀為納室忽患咯血症死旭堂一冊子愛繼旭堂流涕曰伯父既出後矣又安用吾子竟不許議者又欲分贏餘之半酬之旭堂曰不許即治具會親族盡出記注所有歸之應繼者洗手不私一錢人以此感多之旭堂曰吾惟求無愧伯父之付託甯以此要譽鄉黨哉生平所為大率類此

姬躍天字宗武邑庠生賦性慷慨嘗閒遊某寺遇素善邱某愁坐殿外怪而詢之曰吾為武曰此期一僕兩必相離後此之事殆不可必吾當為成之即歸取錢十千付之曰慎勿言吾所助但云出君可也邱欣謝而去明日嘉禮遂成(以上俱沈亦然新市鎮續誌)

德清縣新志

卷八 人物

虞振球字廣騰持躬端介不苟言笑待人忠義與物無競卒於乾隆辛亥年時人有古道不復再見之歎(采家乘)

徐彝承字錫鉅號石琴竹窗次子年十三四通經史能文章子集靡不綜貫受業於金岱廣士皆姻姪至咸相與論文勵行無虛日而鄉先達蔡毅山袁斗槐沈鼎甫尤器重之屢入鄉闈不售援例以詹事府主簿銓選性肫篤好施與尤精計學操奇計贏罔不億中自

竹窗由德清卜居嘉興報忠坊家口豐裕至承益大門閭黨戚族貨無不應手日廣厦千萬間力有未逮當為桑梓謀公益以償夙願壬寅適英人闖入乍浦海口闖境騷然彝承獻防夷策萬言郡守徐信軒深為採納歲值歉收先捐米千五百石以助賑并首捐銀三萬兩建議修築嘉郡城垣及激浦砲臺以防倭禾人遂踴躍輸將得以歲事以免夷患彝承之力也尤選於詩學說文詩具玉齋生風格說文則專主許氏如馬澹於張叔未程聽谿金匱錢梅黼吳中彭枕珊顧湘舟黃秋士皆吟社友也著有青翠平安館詩文集(采家傳)

蔡漣字文漪號雪漁少好學工詞賦嘉慶間官嚴州府學訓導敦品勵行諸生仰之如陽明傳習錄揚忠愍公家訓教其子孫嘗曰讀書志在聖賢不在科第然性過嚴為族中時族中子弟偶犯小過無不嚴斥務令犯者洗心悔過而後已治家尤整肅婦女不窺中門僮僕不敢踰矩可為世法(采家乘)

程維鈺邑人道光間股開典舖於縣城直街慷慨嗜義地方善舉視力所及無不為之橋及黃紳際昌等修建並董其成諸紳盡其力維鈺除募捐外自輸尤多人稱曰梁大爺維鈺字鞠泉一字梁涵卒年六十五歲子肇奎有父風(阜安橋碑參采訪冊)

新增

賈華

字伯華邑庠生畢業於浙江師範學堂清光緒三十二年任漢口釐捐局分局委員調任四川寧遠府分府委員以軍功異常勞績保歸部銓選知縣委充江西九

江大清銀行總辦光復後充溫州樂清縣長林場知事性孝友侍奉父母克盡事親之道母中年遺厥疾呻吟床第侍第凡六閱月衣不解帶又割股療治親疾迨後二親逝世喪葬備具持躬終之禮訓誨其弟毅勤懇懇二十載如一日使知善與向學三歲親處一世以自立其持躬建樹誠屬人無閒言生於同治十年歿於民國二年四十三歲十一歲公以民徐師善等以華孝友至行徵訪事蹟具呈轉請大總統頒給孝友增光匾額並附褒辭以表彰之華平生嚴毅剛直不妄言笑每獨坐一室博覽羣書於新舊學說能融會貫通發為政事經濟允稱卓然名家人有以非禮干者凜然不可犯與人相接極重然諾地方公益善舉學務盡力為之悉秉義方之教與華先後媲美者有徐士駿士驍惟良丁炳浩寺各以行誼敦篤分邀大總統褒題事實尤多可采人咸稱道之(行述參采訪冊)

方技

陸頤

字養濟號琴月歸安梓墟里人五世祖青山者傳商陽活人之術至養濟始移居新市業以大起環數百里內病之須治者必詣陸氏養濟之名著於吳下(新市鎮志)

邱珪

字廷用景泰間以名醫被選入京隸業太醫院時宮掖邸第之有疾者經其治療罔不愈邱醫之名傾動輦下成化三年以年逾六十得告南歸之有旨賜冠帶行本縣遣官費羊勞慰勞適醫學缺官縣白之上(司舉掌學記者成化十年卒(采訪冊))

德清縣新志

卷八 人物

陸鶴鳴

科後著成績贊培仰大任繼其學術

金應奎

擅醫術名著語齋

唐科

號核齋自崇德韓村遷新市人號

楊文

字世章楊州孫耀家也耀世業醫文習之治疫輒效郡中韓溫諸大家爭迎之尤精傷寒撫耀孤終身事之不衰義尤可嘉(俱仙潭後志)

沈明儒

號仰川詔村人精幼科年九旬尚為人治病(采訪冊)

蔡與齡

字伯勳號嵩生邑附貢生善詩賦精醫理畫花卉得元人遺意(采訪冊)

金有恆

字子久弱冠行醫不數年醫道大昌名大噪光緒甲辰被匪劫載至太湖索萬金會匪夥有董某者先因貧病就診而愈銜其恩乃會大幫鄭某內外援應竟脫其

險由是醫名愈震而醫術益精師古不泥知今不徇原本古方參以灼見執兩用中不識同業抱已溺已飢之志連無固無我之心三十年間活人無算晚年名達燕京會奉徵召門人滿江浙平生公益慈善自治教育多創舉尤多捐輸建國後十年七月辛年五十一歲有醫案行世弟有壬子游(采行述)有恆既卒程森輓句有云醫國先醫人盛年名徧海內仁心亦仁濟生傳列篇中蓋紀實也(參觀徵召)

趙鳳

字允文雍子畫蘭竹與乃父亂真祖孟頫每題作已畫故其名不顯弟

按趙鳳及弟麟係雍字仲穆之子孟頫字子昂之孫趙氏賜第湖州子昂居德清故鳳麟為德清人

張文樞 字石隱幼嘗爲僧能畫山水學

虞應樾 字春枝邑諸生與茗上奚虛白友善善蘭竹不多着

沈銓 秘工秀絕倫雍正間日本國王持倭牌聘往授畫三年辭歸國王贈予鉅萬同舟

人受簿錄累傾所有以償歸家不名一錢(隨園詩話參吳興詩話墨香居畫識)姪天驥最得銓法惜年不永故傳世甚稀(新市鎮志)

童衡 (續周志)字聘三新市人沈銓弟子善翎毛走獸形體

陳補蘭 新市人善畫花卉

陳儒珍 號訪池得家傳繪仕女更勝前人筆致清秀有書

談德壽 字壺山少時因故深自韜晦致力書畫善學曹

徐樹基 字松孫晚號公恭別號吳光山民邑增生性瀟灑善談諧工畫花卉

陳漁 字偶漁邑人性孝友好吟咏善丹青嘗僑寓歸

蔡升初 字可階邑人擅寫照得曾波臣法用筆古秀傅色高雅非貌似者可比往來禾城

作花卉樹石亦超然絕俗(墨林今話)又中片墩徐陸福亦擅寫照工力堪匹升初多傳作(采訪冊)

德清縣新志

卷八 人物

三十五

李振儀 號次山新市人武生精拳術善雙刀尤工塑像家中小窰造多承盤中各種文具

任其所置有徐文長之風(采訪冊)

沈澄 字一秋又號白華道人仁和人工人物花鳥山水頗得石濤遺意詩字亦超脫未

羽化於唐樓之福清宮即葬於山後(唐樓鎮志參采訪冊)

際祥 字主雲號滌人新市人俗姓宋先住歸安苻堤之演教寺後移杭州淨慈際祥書

飯水氣冷於冰阮元嘗贈以聯云南屏秋色歸詩版北苑春山證畫禪(採訪冊)

芝田 邑人入明因寺爲僧誦經之暇以篆刻及繪事自娛

朱芾 字友巖桐鄉人入籍德清性倜儻善談諧研究金石尤精鐫刻吳興陸心源搜無

後(采訪冊)

徐楚善 甫強仕邑附生精金石工力能匹朱芾惜年

徐立善 字樂園晚號笠翁邑諸生江蘇淳化巡檢曾館吳興陸氏暢觀名人真蹟善山水

錄

范自行 蘇州人善文章隱於相字乾隆間寓於邑之紫陽觀所言不多而義理明徹似吉凶禍福指示若神每日得錢以自給為率過此則垂簾謝客絕非賣卜者流能似謝石君平氣度

(聽雨軒)

王洋 字元渤山陽人(淮安府志)由舉人中宣和二年甲科紹興初以右贊善命直徽猷閣歷典三郡所至有異政官太學博士時秦檜為丞相而直道正辭亦擯勿

用晚守鄱陽洪忠宣皓適以使北歸人無敢過其居洋獨修謁故坐事免官葉夢得嘗為洋言劉貢父為漢史詩以為杜詩功曹非復漢蕭何為誤用事信乎洋曰高紀蕭何為主更孟康注曰功曹也王定國猶知之詩史豈誤哉夢得歎服吳興備志引嘉定山陽志洋寓居德清與方淑鄰傳劉一止最善(勞志)撰東牟集三十卷(湖錄)

劉一止 (續侯志)為詩自成家著有類稿五十卷及茗溪集三十卷(談志參宋史)

韓元吉 (續侯志)事蹟列宋史志

袁說友 字起崖建安人寓居德清隆興元年進士曾兩度任吏部尚書嘉泰三年以資政殿學士致仕四年卒於德清年六十五魏了翁推為耆臣宿弼(宰輔編年錄及

鶴山集)

劉光祖 (續侯志)安陽人寓居新市由右文殿修撰歷顯謨閣直學士趙汝愚稱其論諫激烈似蘇軾懇惻似范祖禹世以為名言所著有後溪集十卷卒葬清溪長山

(宋史參真西山劉君墓志)

德清縣新志

卷八 人物

三十六

吳柔勝 (續侯志)為淵潛之父卒贈太師(宋史列傳)

鄭如幾 字維心太末人宣和中寓居龍溪之陰從夢得沈與求諸公遊學識暇瞻一時紀成詔遠之作多出其手屬世多故不求聞達無位而終如幾以陳壽三國志紀載

無法作魏春秋凡裴松之所注悉為正文考訂精詳(胡志藝文引談志)

方淑 字智善祥符人進士紹興初為德清丞愛溪山之勝遂家焉(王志云寓德清石壁山)歷官翰林學士秦檜當國訪以時事大中檜意遂罷歸淑洞曉音律嘗著

切字一卷與王洋劉一止徜徉山寺以詩酒為樂(張志參西吳里語)

沈度 字公雅儀真人(朱子崇安社會紀參揚州志)居德清人故公雅復居德清也德清往公雅考室語案揚州志以為播之曾孫播本德清人故公雅復居德清也

紹興中令餘干田無廢土市無閒居獄狂無宿弊民謳歌之(通志)隆興二年以考功郎中直秘閣知平江府乾道二年七月召赴行在上曰甲申之歲委卿守吳門未幾治行昭著可謂得人曰二年以來水澆憂惟恐懼修省以百姓為念耳度奏臣到郡水歉艱食蒙陛下捐四萬石馬料以賑濟全活甚衆上曰太守措置漢宣帝所謂與我共理者

其惟良二千石乎即以爲中書門下檢正諸房文字(王鑿姑蘇志)乾道四年以直龍圖閣知建甯府是時朱子居崇安與鄉士劉如愚創立社會度以錢六萬緡助之(晦庵集崇安縣五夫社倉記)乾道九年權兵部侍郎兼臨安少尹淳熙改元除權兵部尚書旋除龍圖閣待制在外宮觀(咸淳臨安志)

曾協 字同季南豐人文昭公肇之孫(傅伯壽雲莊集序)始家湖州之德清年十九

府通判乾道九年權知永州卒(雲莊集)官至奉正大夫

考古著書有雲莊集行於世子炎燮(攻媿集)炎別有傳

李元綱字國紀錢唐人乾道間以上庠賢士寄居德清之新市力學不倦雖處困窮操履諸書(王介聖門事業圖序)

趙孟頫字子昂宋太祖十一世孫賜第湖州故孟頫為湖州人入元以經學文章才藻歷封魏國公諡文敏孟頫所著有尚書註有琴原樂原得律呂不傳之妙詩文清逸奇逸讀之使人有飄飄出塵之想篆籀分隸真行草書無不冠絕古今遂以書名天下天竺有僧數萬里來求其書歸國中寶之其畫山水木石花竹人馬尤精緻前史官楊載稱孟頫之才頗為書畫所掩知其書畫者不知其文章知其文章者不知其經濟之學人以爲知言子雍奕並以書畫知名(元史)孟頫居德清並有德清閒居賦行世卒葬縣北東衛里(采訪冊)夫人姓管氏另有傳

嚴元照字修能號九能歸安人寓德清四歲能作大字八齡據案作諸體書求書者盈戶以南鄉先生有學者聞其名咸折輩行引以爲友而絕意進取薄舉子業不欲爲刻厲爲古學最熟於爾雅作匡名旁羅異文軼訓鈎稽而疏證之以補邢昺所不逮故居歸安石家村創芳茶堂聚書數萬卷多宋元槧本寢食於其間漱其精液有所得質之其父而書之積久成帙曰娛親雅言晚年移居德清所識老成半凋謝無出游之樂則益銳戶肆力於詩古文辭讀書處名何家山館賓朋唱和無虛日有悔庵文鈔詩鈔皆卓卓可傳(鑑止水齋集參潛研堂集)葬於柯家山館光緒間歸安陸心源樹松立碑題曰處士墓姪鼎臣字徐卿精小學工辭章其詩古質醇厚七古尤健勁有力文則一本先民矩矱而能出之以自然纏綿往復善於言情著有說文聲律表蕪州草堂集(孫燮撰序參耐冷一談)

德清縣新志

卷八 人物

梁同書字元穎號山舟錢塘人少校讀於南門外戴士宏家士宏年九十七五世同堂同書贈以聯語云子復有孫孫有子孫又稱媳媳稱婆一時傳爲佳話同書吟咏甚

多戴氏刻石藏之向有十八塊亂後祇存其十與北門嚴修能爲至友烏山許宗彥爲至戚乾隆壬申由進士官翰林院侍講嘉慶丁卯重宴鹿鳴加翰林院侍講學士銜書法顏柳中年用米法七十後愈臻變化名滿國中日本國有王子好書以其書介商船求評定琉球人自太學歸國曰國王命一見乞書一紙持以復國王子少工詩與儕偶唱酬風華雋瞻神韻彌遠(許宗彥傳略)居鄉儉於自奉一冠數十年不干謁當道不爲人慶壽雖賓不廁座縉羽不入門尤爲士大夫所矜式(陳鴻寶序略)老師宿儒文人詞客踵門來見必倒屣迎之其浙閩貴人軒車過訪報以一刺外未嘗往也東南士大夫碑版及琳宮梵宇題額有求輒應而節鐘屬書則屢年不報海內益以此推重之年踰八矣明燈矮紙猶能運筆人謂唐歐陽信本明文衡山之比(采訪冊)

吳曾貫字潤菴石門籍寓居新市鎮嘉慶丁卯舉人丁丑成進士始任陝西鹽運縣實行保甲秋兩傷穀捐廉賑之調渭南有兄弟爭產訟十餘年未結委曲開導皆感泣

達和好如初詩擅五言長律修表忠觀新落成用八庚全韻不遺一字於工穩中時露神韻人稱吳八庚周紹濂續縣志曾任分輯著有仕津要言渭南河渠考補硯齋詩集有女聰慧能文適鎮人沈亦然別有傳(兩浙輶軒續錄參采訪冊)

呂步蟾字星槎石門增生世居新市生有至性曾割股以療母疾以力學早世有吟藁待梓妻徐氏守志終身人稱一門節孝(采訪冊)

陳念曾號青巖仁和籍廩貢生久居德邑西門內九松嶺性豪放少負才氣科試輒列前茅鄉試屢薦屢遺講求經史與松齋王誠巽齋江毓荃相友善無子遊山左繼其族子爲嗣攜之歸辛酉歲有賊至邑人均移徙獨與其妻子留城妾匿內室聞念曾與賊分座談論未幾挾之而去自此絕無蹤跡子幸避免旋病卒其所著藕香居詩稿亦隨佚

冊(採訪)

王誠字存之號松齋世籍武康寓居清溪事繼母以孝聞少穎敏九歲能文博覽羣書進設絳帳於德清吳興垂二十年桃李盈門生平著作等身善古文辭尤工制藝詩宗韓蘇格律高邁晚年尤精易理自號退修子避匪氛轉徙若滬間備歷艱苦處之泰然都中

隱逸

王應中元末人字剛仲號棲巖先生王氏本臨川後遷諸暨其來仙潭則諸暨之更徙也應中在元嘗從事於科舉既屢試不第乃不復求仕隱居教子卒啓仙潭王氏衣

冠之盛(新市鎮志)

胡嗣宗天順間人號拙訥先生為人敦朴好古家居授徒以度昕夕遇所未見書籍手抄目披繼燭不倦所著有仙潭事蹟(仙潭鎮志)

侯綸字文經別號漁隱幼失所怙長恥逐塵斷閉門讀書不慕榮祿狀貌清勁類山

嶺以甲第顯胡繼王順輩以詩名聞皆出其門下年逾八秩以恩例膺冠帶宏治中卒有詩稿藏於家(新市鎮志)

胡璣字廷圭號一博晚號西潭野叟資稟靈格頗涉書史文字一博冗棄存於家(新市鎮志)

市鎮志)

德清縣新志

卷八 人物

三十八

王顯字俯之一字采伯號巖仙幼失怙常有志科舉之業不第專攻詩能篆隸行草諸勢分視之漠如也從游者欲醴金爲其營構居宇陳寔獨作詩徵和其苦思似郊島而曠

跡似俞秀老近古之逸民也(新市鎮志)卒葬吳興道場山施一儒撰碑題曰詩人王巖仙之墓(吳興詩存)

朱文正字希范號篠亭早年遊邑庠刻意舉業既而父歿母老中年且不得第遂棄去不復試正德中詔書授益王府引禮舍人不赴居常以吟詠自娛復喜古人句爲詩

有集古宮詞百首他作稱是優游自適問混跡市廛人不知也(新市鎮志)

方外

子瑀字真瑛姓沈氏年未總角辭親出家如意年遊東京大福先寺受戒假寐證聖中

夜無燈燭心口是念圓光照室如坐月中常喟然曰德清偏邑罕有塔寺於是繕以香臺作以已殿前後寫經二藏一萬六千卷晚節工於禪門頓入懸解天寶十一年禪坐滅度

(釋清畫大雲寺禪師瑀公碑銘)

真乘姓沈氏(續侯志)總角請於父出家得度時已暗誦五百紙比令口誦一無差

柄兼講無虧後在護國寺撰法華經疏記十卷元和十五年無疾終(宋高僧傳)

文喜姓宋氏禦兒溪人出家本邑乾符己亥避地餘不鄉刺史杜孺林請住仁王院廣

明元年夏有蝗飛翳天食田苗喜自將拄杖懸袈裟標於畎澮中其蟲將下遂厲

聲叱之悉翻飛而去千頃之苗斯年獨稔其感通如此光啓

贊

三年武肅王牧杭郡請住龍泉廡署未幾終（宋高僧傳）

贊

甯 姓高邑人（續侯志）寶正中捨身杭州靈隱寺為僧已而入天台山受具足戒

或溢出石塘贊甯與延壽建塔於江干鎮之湖由是復循故道太平興國三年忠懿王入宋贊甯本舍利真身塔以朝太宗聞其名召對資福殿賜紫方袍尋賜號曰通慧命充翰林史館編修纂高僧傳三十卷內典集一百五十卷外學集四十九卷聽歸杭州舊寺居無何徵入汴京住天壽寺參知政事蘇易簡奉詔撰三教事述奏贊甯與太乙宮道士韓德純分領其事制置左街講經首座至道元年知西京教門事咸平元年充右街僧錄年七十八與至道九老會八十餘卒諡曰圓明大師葬龍井贊甯博物多識辨說縱橫又著通論及寄諸物類相感志諸書王禹偁深歎服之（十國春秋）

仲

淵 字潛老蘇子瞻為郡仲淵投以詩曰文章聊落昌黎老風物蕭蕭李謫仙二子本

勞志

了

義 初名斷崖姓楊（續侯志）幼從其母誦法華經於人世博無所知年十七見高

雪墜有省即詣峯呈偈被打去未幾歸德清其母為賣簪珥同入武康上柏山結茅所居踰年還山見峯說偈開悟（偈語俱見侯志）改其名曰了義律範大閑凜如冰雪所至四衆歸重公侯貴人爭相迎奉無虛日泰定三年徇衆請住正宗禪寺參學之衆輻輳而至元統元年除日忽謂從者曰明日天台去也翌早果坐化順帝賜銘（道園學古錄斷崖和尙塔銘）

德清縣新志

卷八 人物

三十九

汪道人

失其名建炎中張循王俊捨地為佑聖祠以汪

鄧子文

建炎中人主勾東岳行宮精於齋

陶永太

江西廣信府人成化中雲遊至鎮遂棲迹於東岳行宮

若愚

東（續侯志）俗姓馬字谷老元祐間出家於覺海寺與參寥辨才同行詩名

道甯

號謫菴能詩有心計今慧通寺改建乃其創始永樂中謫五

僧珞

慧通寺主僧戒行高潔臨寂命買江魚至對之曰汝要喫我

東明和尙

失其名本餘杭縣東明寺僧也去髮留髭貌類胡僧行脚所至輒自圖其像俾

言之後不知所往遺像尚存（俱新市鎮志）

永明智覺禪師

出家住持博陸慧日寺與長耳定光更相唱和主永明寺十五載度弟子

兩相得矣（采唐棲鎮志）

讓

山 里居未詳耽吟詠初主南屏淨慈寺後愛唐棲山水之勝遂駐錫於大善寺來主方丈杭董浦太史世駿慕訪有詩紀其事（唐棲志略）

卷八勘誤表

頁	面	行	字	原	文	更	正	備	註
一	後	九之二	十	筆		竿			
三	後	六之二	十一	(脫字)		呼			
又	又	又	十一	文		(衍刪)			
四	前	一之一	一至二	除年		年除			
又	後	一之二	十五	王		玉			
十三	前	三之一	二	稔		捻			
十四	後	五之一	二十七	繹		鑿			
十五	前	四之一	三	祠		位			
二十一	前	十二之一	二	轉		戰			
二十二	後	二之一	四	藉		籍			
二十三	前	十之一	十二	勸		勸			
二十四	前	二之二	三十	字		子			

德清縣新志

卷八 人物

二十八	後	六	二十二	將	蔣				
三十	前	九之二	二十五	方	力				
又	前	十之一	三	著	箸				
三十三	前	一	一至三	(脫字)	姜健行				
三十四	前	一	一至二	新增	(衍刪)				
又	又	三之二	十及十二	第侍第	第侍疾				
又	又	七之一	二十	寺	等				
又	又	十二之一	六	勞	酒				

三大字

德清縣新志卷八終

德清縣新志卷九

人物志 三特編

列女之名昉於劉向非必烈女也列女之傳昔多傳其不幸而哀之今除貞節烈等確有事實可徵及事實已入湖州府志或姓名業見貞節祠木主而事實待徵者外(入府志者亦間采之)餘多傳其幸以增生趣如貴盛之有沈妙容等賢孝之有俞姚氏等才藻之有管仲姬等瑞壽之有虞章氏等庶幾綱維大義冠冕人倫者苦節純烈固足紀錄而文情詩思蔗境芳型其才藻與壺範亦均可得而傳焉或謂古史不傳列女今為特編何也不知古史非不傳也巴清叙於貨殖文君附著相如唐山入於藝文緹縈見諸刑志磊落相望僅未專標已耳自後漢初列北史特著始有專編茲循史法並承志例特為專列是本男女匹敵不敢或遺之意耳故於分編之外又特編也

德清縣新志

卷九 人物

列女 后妃

六朝文皇后沈氏

諱妙容曾祖麟士祖蘇父法深后年十餘歲以梁大同中歸於陳世祖昔高祖之討侯景也世祖時在吳與景遣使收世祖及后景平乃獲免高祖踐阼後於永定元年封后為臨川王妃世祖即位立為皇后追封后父法深為建成縣侯食邑五百戶諡曰恭后母高氏綏安縣君諡曰定廢帝即位加尊號莊誠皇太后后陳亡入隋大業初自長安歸於江南卒(陳書卷七參家傳)

陳皇后沈氏

諱嫫華德清人父君理字仲倫授開府儀同三司望蔡縣侯母陳高帝女會稽穆公主早卒沈氏尚幼哀毀勝常喪服畢聘為東宮貴人每至歲時朔望恆獨坐涕泣哀動左右太建三年納為皇子妃後主即位為皇后性端靜聰敏強記通經史工書翰初後主在東宮后父君理卒后居憂處於別殿哀毀過甚後主日見疎而張貴妃寵傾後宮后淡然未嘗有所怨居處儉約唯披閱圖史誦佛經為事陳亡與後主移長安及後主薨后自為哀辭文甚悽切後遷鄉不知所終(同上)

唐睿貞皇后沈氏

宗天寶亂賊囚后東都掖廷王入洛復留宮中時方北討未及歸長安而河南為史思明所襲遂失后所在代宗立以德宗為皇太子詔訪后所在不能得德宗即位乃先下詔贈后曾祖士衡太保祖介福太傅父易直太師叔易良司空易直子震太尉一日封拜百二十七人易直妻崔入謁帝易服召王韋美人出拜詔崔勿答建中元年乃具冊上皇太后尊號遣大臣備法駕分遣諸沈行州縣物色咨訪終帝世竟無聞憲宗即位有司建言請因大行皇帝啓殯詔羣臣為皇太后發哀祔代宗廟奉禋衣納於元陵(唐書七十七卷)

明肅皇妃沈氏

諱兆祥德清人錦衣衛指揮僉事九鼎女年十四世宗立為禧嬪嘉靖丙申九月冊立為宸妃歷陞貴妃穆宗登極封為皇太妃萬曆元年追

贈太皇貴妃徽諡曰恭順
安榮貞靖（沈氏家譜）

列女 貞孝

陳孝女 陳拱斯女拱斯病危孝女不令人知割股煎藥既而父終不起女亦悲痛成疾卒清道光三十年旌（府志）

羅貞女 者民羅時雍女字王國梅以癆瘵劇翁姑倩媒送還庚帖勸女另字女聞誓死不從迨國梅故女依母家侍父代撫弟姪矢志終身（府志）

施貞女 庠生施懷周女幼字庠生徐焜耀為妻焜耀遊學久遠不歸及歸不及娶而卒女矢志終身依母家以居餓鬻度日及年八十三歲

傅范淑 字藜癡號幼青傳雲龍長女性冲淡幼若成人稍長能文工詩撰搗家事有條不紊嘗年嘗四剪股以療親三剪股以療兄將及笄有求字者慨然曰我唯知侍

養父母是樂有再請者將以身殉光緒十一年題旌孝女俞曲園贈以詩有一弱女子能辨此宜乎名字動天子句代母操勞晨昏侍側終身如一著小紅榴室吟草二卷

徐保康 本邑江蘇南匯縣知縣徐本立之女適歸安吳恩祺任江蘇靖江縣新港司巡檢未嫁而恩祺卒守貞不字侍母以終其身光緒二十六年呈請旌表俞樾有詩

傳其事（以上采訪冊參家譜）

程渠英 廩貢生程源次女以孝著光緒三十四年經浙撫題請旌表（采訪冊）

列女 貞烈

姚貞女 父農民承謙幼字沈寶富為妻未婚而寶富卒女悲哀萬狀父母慰諭不止次日投環殉節（府志）

德清縣新志

卷九 人物

王貞女 父守禮常熟候選直隸州同女許字邑人理藩院供事徐士立咸豐四年三月朔揚州再陷義不受辱罵賊被害時士立在京供職未迎娶也後士立訪得其尸

厝於揚州鐵佛寺側光緒六年由同鄉京官呈請旌表入祀揚州府節孝祠本邑貞節祠（府志參徐氏家譜）

項月姑 慈溪人寄籍德清祖信來善外科父乾揚性溫厚母丁氏內助稱賢乾揚棄世丁氏撫一子濟祿二女月姑雲姑成人咸豐辛酉結軍入城項氏家屬均遇賊月姑

時正及笄見兄濟祿被擄母又被砍傷恐遭污投水死雲姑隨姑逃歸亂平適為鎮施氏追述其事尚未題旌（采訪冊）

費貞女 歸安人父楷河南候補從九品許字文重徐培生為室同治元年匪陷湖州府城女聞培生殉難遂服毒自盡光緒十二年五月十二日禮部據同鄉職官徐本衡

徐鏡第徐本恩呈准題旌（采訪冊）

蔡雪青 西成家使女咸豐十一年匪至仙童塢不屈投河死（采訪冊）

列女 貞節

吳貞女 鄉民吳永祥女姚玉麟聘妻玉麟病故女聞訃奔喪守制盡禮侍奉翁姑舉止不苟撫姪為嗣守志終老

車貞女 農民車寄周女幼字沈泰會因母家赤貧寄養夫家秦曾病卒女年十八猶未婚哀毀守制立志不移繼姪為嗣壽至八十六歲而歿

戚貞女 胞姊為職員沈忠淳室早故父母許女為續配忠淳游幕金陵病故女聞訃奔詣奉木主成婚教前子孝榆如己出食鹽娶妻歿年六十有七歲

董貞女 父大成許字沈俊德未婚而俊德卒女年十九歲守志不移里黨咸欽哀之族為繼姪延其後

蔡貞女 許字徐思敬思敬病故女聞計奔喪守制侍奉繼姑曲意承順極姪為嗣矢志終身（俱采訪冊）

孫貞女 武康貢生孫元發女適本邑庠生徐汝為為繼妻守貞四十餘年足不履門題請旌表載入武康縣續志貞女傳（徐氏家譜）

沈貞女 月生邑庠生黃鑑聘妻也未嫁而鑑卒女矢志不嫁設女塾以提倡女學暇時披閱釋典長齋靜處歿於清宣統二年存年六十五歲黃氏迎柩與鑑合葬並

繼其姪為嗣（采訪冊均未旌）

列女節烈

范氏 菁山人夫弘源失其姓弘光乙酉之變兵卒四出散掠范氏從夫挈女走兵至慮汚急攜女自沉於水兵驚嘆女被救得甦氏竟死（仙潭後志）

附李漆匠女嫁為方銀匠養子妻姑逼與親子聚塵自縊死衆毆其姑具見綱常名教賢愚同尊（同上）

談烈婦 夫失其名少無賴弘光末年烈婦為胡氏僕主逼亂之縊死阮峻以詩沈陶以銘紀其事（同上）

陳沈氏 沈際清女年十七適陳雨膏為妻越三年夫故貧無立錫與翁姑寄居於姑之家有言及夫事者淚沾衣襟撤靈時暈絕數次次日遂自縊死年二十二歲道光三十年

題旌

游李氏 李世傑之女適同里游允中為妻氏性貞靜以針黹為事守閨訓年十七于歸克盡婦道二載餘得一子得姑歡心姑諱氏曰我撫汝夫心力殆盡今幸見孫延吾

宗脈足慮汝翁於泉壤嗣夫染急症卒時氏產月未滿痛不欲生視夫含殮後即自縊道光三十年題旌（俱采府志）

德清縣新志

卷九 人物

三

徐蔡氏 本邑候選巡檢蔡東樵之女適同邑江蘇候補從九品徐金南為妻時金南分差揚州咸豐三年藉軍陷揚城夫婦同時殉難屍骨被焚肅清後浙撫馬新貽奏請

入祀揚州府貞節祠賜帑建坊廡一子恩騎尉世職（徐氏家譜）

徐陳氏 歸安縣增生陳竹坪之三女寄居德清適本邑庠生徐本奎為室咸豐己未十二月匪勢日熾隨父母避難於王家莊計家泐庚申正月被擄威嚇脅逼氏罵不絕

口恐為所亂暗將衣褲用針線縫固投河殉難賊擄尸火焚之年僅十七歲肅清後浙撫馬新貽錫以貞烈匾額奏請賜帑建坊入祀貞節祠（徐氏家譜）

費徐氏 父景藩處州人運糧千總遷家德清西城外清遠堂之後字其少女於邑隸費卯雨為媳夫福元早故有祖姑沈氏四昌妻也事之謹祖姑憫徐年少且貧諷令改適

氏不可曰願為費氏字此嗚呼者景藩時有饋遺皆以奉祖姑咸豐十年十月二十六日

赫軍陷城氏年二十七其父先時招女避亂泣曰祖姑在女何得去其子託景藩曰以此

賊怒繫之樹上至是賊衆大至艷徐色將辱之不從則脅以刀徐顧祖姑曰孫今死矣無痛

傅姚氏 舍頭墩人傅也魯妻聞藉軍竄湖州婦女殉難事輒曰死何其烈耶脫有不虞尚博溪清是吾死所矣同治二年二月賊三五掠食循溪走猝遇氏以刀脅行氏嘗

不絕口賊怒刺之奮身投水死光緒四年報順天忠義局予旌（傅氏家乘）

傅王氏 南莊人傅雲瑞妻性樸實言動見天真如輩知無城府鮮有吹求藉軍竄湖時掠尚博村同治二年二月間同族姚氏投水死嘆曰死得其所何先我耶明日晡聞

賊至倉皇扶姑上舟夫即駛泊溪灣念姑獨未得食且爨以食姑其女索乳急越數日始熱賊猝至氏循溪走賊四五挾刃追且近義不受辱抱女投水死年三十有一越數日始

臉顏色如生光緒四年報順天忠義局子核准建坊（同上）

施程氏 桐鄉人適本邑職員施孝模為妻同治三年二月寇至新市鎮焚掠氏避匿暗室後被搜得擁去行至西廟前威逼脅從婦即投河死呈請旌表

陳管氏 武康太學生管元奇之長女適本邑民陳受麟為妻咸豐庚申匪陷城恐汚殉難呈請旌表

沈陳氏 邑庠生鴻謨妻咸豐辛酉歲避難於梅林匪至投河死同治四年請旌

沈馬氏 副貢沈寅禾妻寅禾亡料理喪畢即自縊而死已旌表

黃徐氏 平湖人祖咸慶伯父溥皆宦於閩故氏及父壽岑亦隨往也氏聰慧得父母歡時卒於官光緒十七年九月二十六日也越三日氏經理喪事畢即赴前井以殉年二十八上聞其事得旨旌表入本邑節烈祠并立石井上曰義烈井

蔡言氏 敬字慧孺妻江蘇常熟人嫻翰墨工詩詞年二十歸於蔡事翁姑以孝聞夫病侍奉湯藥未嘗一刻離及病篤醫藥俱窮目雖未瞑口閉不言已三日氏朝夕祈禱願以身代乃服毒而死棺甫蓋而夫病若

徐柴氏 仁和縣農家柴元吉女幼勤紡織性柔而莊年二十適本邑儒童徐時峯為妻夫以舌耕家故貧有時饑餐不繼絕無怨色居年餘夫患癆瘵盡典嫁時衣延醫求治時禱神前願以身代夫既歿親族知其有必殉之志謹防護之氏初不甚悲號第急求殮殮之計事甫定防護稍疎即入臥室自縊咸豐二年旌（俱采訪冊）

黃史氏 者民史鳳千女農氏黃貴侯妻自幼適黃為養媳性耐勤儉舉止端方於二十二歲成婚翁姑均稱賢淑越年夫病故屢欲從死因家人防護嚴密不遂至服闋哀

德清縣新志

卷九 人物

四

毀盡禮送夫帛後闔戶自縊咸豐五年旌

沈洪氏 夫賡陸病篤不能起乃入廚房飲鹽瀘圖以身殉適妯娌氏知之亟救得免一日賡陸故威勸撫孤以守節哀毀備至斷七後竟自縊時年三十二歲（俱采府志）

蔡某氏 瑞書妾咸豐庚申之變投池殉節

胡程氏 胡慶煇之繼妻有至性在家事父母以孝稱于歸後克盡婦道咸豐十年匪犯鎮氏隨夫避難於石門縣屬之西村夫偶出被擄一時不得蹤跡遂投河自盡時年

二十 四歲

董姓使女 佚其名適農民朱老三為妻孀居守節內有銀羣賊紛紛啓箱氏乘間急奔投

三宅河而死

徐吳氏 汝誠妾咸豐十年二月二十六日邑城失守汝誠避居桑育村一子被擄吳氏投水死

蔡魏氏 邑監生蔡鑑清之妾貌端麗性謙和自歸鑑清後善事大婦咸豐十一年寇掠武康魏氏隨夫避難至二都鑑清陷於賊魏氏不屈投水死後二年鑑清自賊中逸

遊幕閩中遇族弟璠於寓次語以狀璠聞而哀之作前溪行追悼其事未旌表

何王氏 本邑何家坎何阿榮妻二十一歲已寡咸豐辛酉年九月

蔡沈氏 本邑蔡宛生妻性端莊咸豐辛酉年九月一日被擄賊戀其美欲汚之投河死年二十七歲

本邑蔡宛生妻性端莊咸豐辛酉年九月一日被擄賊戀其美欲汚之投河死年二十七歲

吳氏 年本邑十七區楊柳村人夫名未詳同治二

曹王氏 本邑十七區屠甸圩曹永坤妻同治二年二月初二

莫柯氏 本邑望田樓莫天麟妻同治二年二月初五日

朱林氏 縣南朱家灣朱壽發妻同治二年

王姚氏 小南門外楊家車前被槍死年四十六歲賊於

孫楊氏 永柳妻二十九歲而寡遺有二子玉如琢如成豐辛酉九月匪入城二子被擄亂

十九歲

徐盛氏 邑庠生徐寶森妻光緒庚子年夫故閏

施徐氏 杭縣施鶴雲妻鶴雲寄居新市為賈宣統元年七月病故氏抱

列女 節孝

胡卓氏 卓明卿之女胡心得長子胤昌之室也氏年二十三而寡六十四歲而

陳氏 子綏甯縣知縣陳夢徵孫女也夫懋忠佚其姓早卒氏年甫二十且無

德清縣新志

卷九 人物

五

宋沈氏 名秀貞徵妻幼無兄弟以徵為贅壻五年徵亡沈年二十一以死誓事女紅以養

愈勤其操作凡老幼衣食皆出其手父病氏割股以進及歿以貧不能葬且暮繞棺號慟

載尚不克終葬事何而目見父地下今已矣汝勉圖之遂暇知縣邱承祖

朱施氏 亦早寡同居守節若松柏之交青人並稱之

楊沈氏 職女霖妻年二十六霖病亡家貧子幼翁又喪明氏苦身

沈胡氏 句城胡名女歸沈潮潮

陳全氏 里人全經女陳自新

阮陳氏 陳情女阮立妻亦

沈陳氏 沈陸妻瑞元之母知縣教榮

談蔡氏 本邑談嘉策妻談張氏 談可傳妻蔡克勤家計課子而復鞠遺孫張氏孝不懈於寡姑

備嘗節矢一堂冰燭共潔俱應激揚以彰婦德題匾

曰白璧雙全邑令陳沃心勸旌(采談氏家譜)

談沈氏 談可誦妻字夫一月即悲未亡哀號痛絕誓不獨生七日不食強糾粥

而始蘇三年嗚咽懷冰霜而隨歿邑侯陳沃心旌表(談氏家譜)

陳王氏 秉璋妻夫亡守節終身

潘沈氏 仰山女紹淵妻紹淵中萬歷二十五年舉人後病篤沈氏割兩股為羹以進紹淵死號泣聲不絕哀痛二年以病死

陳胡氏 道傳女適陳釜釜亡守節終老

沈史氏 網女適沈煜早寡守節終身

陳章氏 珠女應龍妻應龍早故立植遺腹撫小叔並致成立

章沈氏 穗女適章震震亡志節清白終其身一女嫁錢臻(以上仙潭後志)

虞唐氏 嫁邑庠生虞士元為妻丁明代鼎革之際事姑撫子備歷艱辛值歲荒僅藉鬻草為食卒於順治庚子年時年六十有四歲(虞氏家乘)

虞倪氏 昱妻二十九歲而寡有三子均幼一貧如洗衣食不周得有米粥必先奉姑而后食子已則長餓餓極亦忍子稍壯令出經紀初祖遺破屋數楹有人願出重價購

之氏曰我有子執意不允則尤人所難者後三子俱成立衣食粗具得願養以終卒於康熙辛丑年(虞氏家乘)

沈卞氏 珊妻年十六歸珊越七年珊亡氏剪髮明志月餘姑繼沒拮据斂葬又先後為二子納婦故一時有巾幗丈夫之稱知縣王廷讓表其門曰節孝可風(仙潭後志)

吳沈氏 仰山季女許字於吳文煒繼母章氏性狠整戒文煒無妻仰山妻劉氏聞之欲退婚氏誓死不可時文煒有姑嫁於沈族者留文煒於家迎沈氏成婚氏曰天下有

德清縣新志

卷九 人物

六

為婦而不奉舅姑者乎謝吳氏姑以歸而章之狠整如故氏偶病不能起章氏謂其夫曰此世間妖物也夫聽章氏言亦怒詈之會沈氏弟紹緒往視氏語之曰我病必死此後弟輩勿多言以彰姑惡一慟而絕(沈氏家譜)

陳吳氏 新市吳問之女適陳尙古子增生陳發為繼室發早故氏撫前室子如己子緝睦宗族壽至九十六歲

謝陳氏 本邑八區四莊農民謝懋生之妻夫故氏年十九撫孤守節孝敬孀姑康熙甲戌縣令玉廷讓嘉其節孝因褒匾曰節孝雙全以旌其閭並請入祠建坊(俱采訪)

冊

高姬氏 始達妻康熙庚子知縣李頌給額曰節孝可風

胡張氏 石麒妻十八歲夫亡撫遺腹子承禱成立守節五十二年康熙六十年題旌(以上仙潭後志)

鍾姚氏 以甯妻二十九歲夫亡守節三十二年雍正七年郡尊唐公給額曰操與霜清

曹沈氏 啓賢妻二十六歲夫亡守節三十六年乾隆十三年督學于公給額曰芬標彤簡

沈陳氏 中源妻振麟母年三十而寡室如懸磬衰姑稚子皆賴氏執勤為生振麟既長即令輟讀營業用是家少潤未幾姑沒振麟又亡遺子女六人復與孀媳樞氏(長見

周志)同心鞠育成長之卒年六十九曾孫已能言矣乾隆十四年督學彭公表其楣曰冰操燕翼

沈王氏 履乾妻乾隆二十五年督學李公給額曰芳標青史

高金氏 鳳翎妻守節五十六年乾隆庚午督學于公給額曰節兼慈孝

侯吳氏 璠妻乾隆四十七年督學資公給額曰霜筠同操

沈顏氏 慶增妻太學生廷機母夫亡苦節五十七年壽九十有二儒學沈時顏其楣曰筠節松齡(以上仙潭後志)

談陸氏 國學生嘉相妻夫年三十天亡氏年二十五歲清苦守節助子以成卒年七十有四學道二憲給文表揚(談氏家譜)

徐潘氏 本邑附貢生樹春繼妻守志四十年幸苦備嘗里黨咸敬呈請旌表

徐勞氏 邑庠生源通妻撫孤成立守志四十餘年如一日呈請旌表

蔡趙氏 常州陽湖人父學榘由進士官湖州太守有賢聲趙氏自幼聰慧善詞翰父愛如掌珠年及笄擇婿甚苛德清壽昌少年詔秀府試作白桃花賦甚工麗太守

歎賞取合屬古學第一遂以女妻之壽昌館於署中伉儷甚篤優貢後游幕常以簡札通往來年未三十壽昌卒於都門有子蟠生遺歿氏堅苦自持親操井臼以終其身清咸

豐年間旌表入祠(以上采訪冊)

蔡尹氏 夫大張早世青年守節撫孤子欽安成立卒年九十有五直督劉學憲金會題旌表入祠以孫汝昌官山東濱州知州贈宜人(蔡氏家譜)

程陳氏 彩妻文起母也守節五十二年八十五歲歿

陳王氏 庠生崇宗妾撫孤守節四十六年壽八十二而終

德清縣新志

卷九 人物

陳沈氏 爾銖妻苦節終身撫孤成立

胡某氏 啓宸妻早寡一子復天苦節六十三歲

魏孫氏 廷標妻二十四歲夫亡守節四十九年

鍾沈氏 尙增妻二十八歲夫亡撫子守節二十九歲

劉胡氏 長雲妻三十歲夫亡守節三十一年

陳張氏 元銖妻二十二歲夫亡撫孤守節五十五年

劉錢氏 昆玉妻二十二歲夫亡無子守節四十一年

陳靳氏 天津人父某官雅州知府年十九歸邑人大足縣知縣陳九夏子士升為室年二十二夏士升相繼歿蜀中是時長子廷枚甫三齡次子廷棟則遺腹也氏謹年二

吳周氏 庠生吳匠呈妻其子綺雲妻莫氏亦少寡課子成名守節終老

劉姚氏 夫田玉妻二十五歲夫亡守節二十四年

高鍾氏 璠繼妻早寡撫孤守節四十三年

婦姑返兩唐於鄉而姑旋棄世家復蕩泯於火父憐之自雅州遣人來迎氏以貧故不

得已攜二子往居五載復返執勤自食節操凜如見次子廷棟成進士後卒年五十六

錢胡氏 亡廷無子守節五十一歲夫

陳范氏 守節五十二歲無子

邱何氏 守節五十九歲夫亡

陳周氏 節四十五歲結縡僅十八日守

施邱氏 孤南妻年十八夫亡撫

陳蔡氏 亡無子守節二十年

姜陳氏 亡守節至死不淪

沈陳氏 子煒妻早孀無

沈邱氏 孤苦節終身

沈顧氏 體者四十餘年與一子相依為命食不能娶遂無後

馮沈氏 繼姪為嗣苦節四十餘年

沈吳氏 守節四十八年

德清縣新志

卷九 人物

八

周高氏 周文明妻夫亡子幼獨力支持家日以

陳沈氏 子繼姪為嗣守節四十九年

陳陳氏 永年妻二十六歲夫亡一子生甫

高劉氏 應葬妻二十八歲夫亡

王陳氏 世俊妻早寡撫孤

沈潘氏 夫世其妻二十三歲

萬姚氏 永馨妻二十九歲夫亡

鍾高氏 鳴鶴妻三十歲夫亡撫孤守節

傅戴氏 本邑東衡村人為尙博村傳守珍妻事舅孝相夫勤夫弟儒珍無子復痛夫至親鄰

不入口者累日舅曰欲死耶誰撫儒珍珍有子首後汝強起營葬則罔缺夫弟如初且

勵其學致有聲庠序間館穀入不敷氏以育蠶助自節衣食而於舅譜則罔缺夫弟如初且

程張氏 然且無子有某太守者鑑清友也觀氏美將謀娶之使人示意氏曰我去主人

將誰託乎主人無子身後之事我任之使者慚而退是時鑑清家中僅遺一女亦不能族人
氏遂告於同鄉之官聞者集微費問關扶柩而歸家無恆產一族人爲縣小吏亦不能
恤氏含辛苦以終邑人表彰其事入祀貞節祠（許德裕消寒錄參采訪冊）無子
可繼竟孤苦以終邑人表彰其事入祀貞節祠（許德裕消寒錄參采訪冊）無子

徐嵇氏 本邑候選州判錫綬之妻守節三十餘年光緒六年由縣詳請浙撫彙題旌表（采訪冊）

姚何氏 本邑八區八莊麟生之妻青年守志節操松筠光緒十年由縣詳請浙撫題奏入祠建坊（同上）

許徐氏 德培妻夫故時氏年止二十三歲矢志守節光緒十五年題旌（陔華堂家乘）

車卓氏 邑庠生白彪車鍾期之繼室鍾期衰老未幾病故氏無出撫養前氏子晏清成立入庠光緒中年由親族稟准請旌入祠

李陳氏 本邑八區五莊李若梅妻青年守志潔行端莊光緒十七年經浙撫題請入祠

李沈氏 本邑青墩國學生李浦南之妻守節三十一年光緒十七年經浙江采訪局詳題旌表（以上采訪冊）

徐顧氏 本邑庠生徐思證之妻守節五十餘年如一日光緒十八年呈請旌表入祠（徐氏家譜）

徐蔡氏 本邑八區六莊徐宗椿之妻夫故氏年二十六歲矢志守節四十餘年呈請旌揚

施陳氏 邑民陳開元之次女適同邑清六品職銜施以經爲繼妻適值洪楊之亂夫故家貧氏矢志守節携一子二女避難鄉間勤事針黹撫孤成立光緒二十六歲經浙撫余聯沅彙題旌表入祠建坊

德清縣新志

卷九 人物

九

鄧沈氏

本縣東衛村武生沈廷璋之女咸豐九年適本縣文童鄧震爲妻同治元年十一月夫故氏矢志守節撫成猶子嗣續宗祧自二十三歲守節起計四十一年至六十四歲卒浙撫余聯沅題奏入祀貞節祠賜帑建坊

潘沈氏

東漁妻夫故氏年纔二十七歲守節撫孤教子成立不茹葷者四十餘年鄉里咸稱之光緒二十八年呈報浙江采訪局彙案題旌入祠子名恩濬至孝性成每逢歲時致祭一瞻遺像輒涕泣不止亦可風也

姚陳氏

太學生陳潮彬之女適邑民姚金岷爲妻結婚五載生有一子纔識父父即卒矢志撫孤勤事針黹里黨無間言守節三十餘年至五十五歲卒光緒三十年經浙撫余聯沅詳請浙撫彙題奉准入祠

陳王氏

監生陳朝英之繼妻二十六歲夫故事姑盡職撫子成名守節三十三年五十九歲而卒

趙蔡氏

郡庠生蔡福徵之女同治庚午歸於庠生趙之楨爲室甲戌夫故氏僅二十六歲翁姑俱六十餘遺孤祇三歲上供菽水下撫孩提茹苦含辛藉十指爲活光緒三十一年由縣詳請旌表蒙

姚陳氏

書吏陳宗彝長女適同邑姚壽昌爲妻夫故氏年二十九歲遺孤四均經浙撫余聯沅彙奏賜旌如例

戴蔡氏

本邑儒士蔡師本女適同邑戴介福爲妻青年守志親族無間言光緒三十四年題請旌表入祠（以上采訪冊已旌）

宋蔡氏 邑之國學生蔡坤女適本邑鍾管村宋以蕃為妻能將順翁姑意初夫病瘵結禍後分榻以寢曲盡謹事未幾夫亡無子繼姪廉增為嗣守節終身年七十餘而卒

旌 未題

徐胡氏 本邑十七區章家場徐大芳妻年二十五歲大芳身故氏內勞家政外睦鄰里戚無間言同治三十年病卒計守節五十二載

蔡童氏 歸安廩生童鏡梅之女適本邑文童蔡祖涵為妻夫故於光緒甲申年守節計三十二年

施某氏 遺腹子生名曰得寶上事翁姑下撫孤子并日襁抱均以十一歲懷孕已數月未幾幸遺孫曰連生又撫之成立苦其志堅其節操所以磨礪者何深耶卒年六十九歲

謝范氏 本邑八區四庄謝文林妻適嫁六載夫故守節五十餘年里黨無間言未旌

馬邱氏 本邑蠡山人農民馬毛頭之妻能以事父母之心事翁姑順夫睦鄰尤無指謫夫故時氏年二十八歲子方十歲撫之成立且抱孫矣至六十六歲卒(以上採訪)

徐沈氏 本邑庠生沈鈺女適同邑庠生徐鵬飛為妻閱六年鵬飛病歿守節五十餘年至八十五歲而卒已報浙江采訪局值辛亥光復未奉彙題

一冊

姚黃氏 金鵝山錢家墩姚阿大之妻二十二歲遭夫喪咸豐十年子又溺斃乃備於清遠堂蔡宅四十五年光緒二十二年病歿壽七十九歲

沈沈氏 鍾管村沈馮氏學基妻妯娌也咸豐辛酉年夫兄弟同時被擄生死不問時沈學基妻妯娌也咸豐辛酉年夫兄弟同時被擄生死不問時沈

施馬氏 本邑蠡山施福林之妻二十四年夫喪子穉三齡勤儉撫孤至於成立隣里重之歿於光緒二十四年八月十三歲有孫叙三已聚而能營業

德清縣新志

卷九 人物

十

十一歲 幸未旌

張車氏 應璠妻光緒六年冬季完姻七年正月夫病歿氏年二十六歲撫姪志良為嗣襁褓提攜不渝其志至年六十二歲時計守節三十六年

陳施氏 新市陳淦之繼妻也淦字守梅為絲商富於貲洪楊之亂里中多貧乏輒資助不少客卒時氏年二十九悲痛幾絕欲以身殉嗣經戚族勸阻迺茹苦含辛撫孤成立

立子名頤珍入泮列第一蓋得自母教者多至年六十七歲時守節已越三十餘年未旌(以上採訪冊未旌)

余王氏 監生余維琳妻二十九歲而寡守節四十四年光緒十二年五月十二日禮部據昌圖府知府徐本衡遠陽州知州徐鏡第奉天府府經歷徐本恩呈准題旌

蔡徐氏 繼賢 蔡章氏 繼生妻守節撫孤均合旌例光緒二十一年十二月初九日經浙撫廖奉禮部咨准旌表建坊入祠

蔡曹氏 世通 蔡曹氏 承業妻守節年限合於旌例光緒二十三年十二月初九日禮部核准題旌(俱採訪冊已旌)

許朱氏 怡清妻十八歲守節至五十八歲而歿(採訪冊)

列女 賢淑

蔡孫氏 武康人歸邑人名壯猷事翁維謹稱賢婦壯猷以慷慨毀家將宦遊諸表而以家為身孫氏曰丈夫當謀進取家事我任之蔡遂行二子均幼氏摒擋門戶甚苦冬

夜寒甚猶著敗絮兩兒受讀歸帳昏黃刀尺以課之久之家益困孫氏姊弟歛金贖所質畚田歸氏得稍紓嗣積數年蠶織之利持償所贖蓋不欲其為己累也已巳二月接壯猷

深海信念成疾漸致不起重以哀戀遺孤茹痛而終（參孫氏行述說石文鈔）

胡徐氏

蘭汀女年十九歸胡光輔家貧新年外出授徒氏能先意承志得舅姑歡始病風痺數年侍奉始終如一姑亡後舅患肺癆猶到股養糜以進旬日後光輔始知之氏告之曰君毋言毀體事親非孝也余固為之惟冀其有瘳耳未幾氏卒光輔悼以詩有左臂血痕今宛在泉臺猝遇痛何如又云我比漁洋倍惆悵更無兒女衣蘆花之句

冊（采訪）

俞姚氏

樹楷女六歲喪父年二十八始歸於舉人俞鴻漸為繼室鴻漸出就外傳治家勤儉內外井然道光二十六年鴻漸卒林樾已先後舉於鄉母恆勉之曰無背先型無墮初志既而樾成進士入詞林林任永安知縣迎養至署適諸寇至旁縣已陷永安危急無林命長子祖壽奉姚氏間道走氏怒曰我累被國恩為命婦乃草間苟活耶死則俱死耳無多言是時民間訛言縣官眷屬已宵遁氏乃親詣城隍廟行香出入率惟以死示之邑士大夫有以公事至者輒命入見使其知操作女紅如常時以安衆心既而寇警日急姚氏乃命積薪於門願自燔民始有固志無一外徙城賴以全同治十二年林卒於福寧知府任樾復迎至吳下築春在堂以居生平謹慎安詳一器一皿無不位置妥帖整嚴之意至老不衰壽九十三年卒加封夫人（參行述）

蔡朱氏

秀水右族父應元觀察隴右氏年十六歸邑人兆麒素嫻內則無間妝奩持家施橫逆者勸夫修敦睦強者為愧服結匪亂後兆麒奉檄理德清善後事建置萬端籌墊至數千金多朱氏憊懃而成者然人祇謂其富而好禮不駟矜而已既而兆麒以合資商業被累任丹徒縣知縣不久歿於任所餘一醬園同時火運負山積有中表戚囑朱氏曰宜集各債戶償十之六然後收拾餘燼安貧苦度庶不貽諸孤累朱氏泣謝曰先夫一生

德清縣新志

卷九 人物

十一

不苟取與今雖天道無知事人負我無我負人所望他日有子成立獲償父債無用損人利己感嘆服寢其議於是債主紛集氏盡其簪珥衣服典質以償境遇益蹙蓋織汲炊悉躬為之茶苦備至而處之安如無幾徵見諸詞色延師教子不稍懈長子祖同仍能以儒業世其家（節錄馬瑞照撰傳）

李端臨

字藕青傳雲龍妻也父承基烏程庠生母沈氏夫婦以封股療親旌表雙孝氏幼侍父母服勞若成人同治元年四月石達開將襲永寧氏預與母計徙城外十六

日竟圍城誤傳城不守氏與嫂氏陳上樓對縊旋為兄兩解之數日解圍去因自號曰更生越二年歸於雲龍事姑桃氏恆先意承志數年如一日雲龍病氏剪股入藥者再疾乃愈後歸里營葬病又劇氏於蜀寓復剪股瀕天竟獲愈光緒十三年雲龍著述氏每為檢書本女士藤野貞子作三翦股文以贈亦可以見異國之欽敬矣雲龍勤著述氏每為檢書並課子讀經識字兼通醫學明藥性貧病者輒為方治多奇效雲龍有所遇卹氏贊助無吝色性節儉好放生著有紅餘箱室吟草三卷女藝文志三卷續小名錄一卷（纂喜助慮文集）封一品夫人（采訪冊）

蔡李氏

麟祥妻二十二歲夫故痛不欲生翁姑謂之曰殉節與撫孤孰重古人有為宗祧而委曲以求全者舉世未嘗不稱之吾老矣孫又穉不忍見汝之繼古人也婦悟始

進飲食事親教子敬嚴兼至常以紡織助貧乏子成立時氏已棄養

蔡姚氏

仁和人幼就讀工詩詞長適邑增生銘銜結縭後善事翁姑伉儷甚篤銘任本長於詩駕社聯吟一時傳為佳話氏性賢淑銘病割股入藥默禱神前願以身代

後股肉潰腐忍而不宣嗣銘銜竟不起未幾氏亦哀毀卒（俱采訪冊）

邱曹氏

如璋妻初結縭夫即患嘔血症氏竭心力以供湯藥下無兒女眠食幾廢及致悲苦萬狀服闋後送主入祠即泣而言曰予偷生在世為病篤氏眠食幾廢及致悲苦

今而後可追隨地下矣欲自殉族長探力止之勸以繼嗣為大義輕生為無名氏乃擇堂姪繼焉因撫育過勞漸成勞瘵歿年三十歲

姬吳氏

副貢生吳增女姬錫妻也錫患嘔血症氏親治湯藥晝不沐容夜不交睫及病篤欲以身殉身姑勸曰上有白頭兩老下有黃口兒夫未死不得謂全貞節夫若死

其如仰事俯蓄何及既歿不出幃者年餘抑鬱成疾而故事舅姑不衰孤名長生甫四齡撫育周至踰年舅故事姑益加體恤自幼能詩工字故長生除就傅訓外夜必分燈課之常持齋繡佛冰蘖自甘於艱苦中修因果焉病革時以姑氏年邁諭長生以孝敬祖母為事曰爾能善體親心予亦瞑目矣卒年四十里族皆稱譽之長生成立家業克繩祖武者氏培植也（俱采府志）

列女閏秀

管仲姬

字道昇邑之茅山人聰敏過人詞章翰墨不學而能父仲甚奇之必欲得佳婿與趙孟頫同里聞識其才因以妻之自後書畫益有名松雪嘗曰夫人不學詩而能

詩不學畫而能畫得於天者然也元仁宗命道昇書千字文勸玉工磨玉軸送秘書監裝池又命孟頫書六體千字文子華亦命書一卷藏之使後世知為善書婦人且一家俱能書亦奇事也（見侯志）又嘗畫墨竹及諸色竹圖以進蒙賜內府上尊酒謁與聖宮皇太后命坐賜食恩意優渥以孟頫官符魏國公封魏國夫人（松雲齋集魏國夫人墓志參吳興詩存）撰有觀音大士傳（茶香室續鈔卷十七）

王潤玉

性好古與夫陳璣閨房如師友互相淬勵博極羣書惟於二氏之言擯勿顧著書十餘萬言皆帝王綱紀或國家大事與夫貞良節義名教之重引繩披根議論多有依據嘗謂其子曰余書自娛非求名也屬纊時當火之母遣人營笑有止一齋集中和要規等書子尚古（仙潭文獻）（府志誤陳連妻並正之）

德清縣新志

卷九 人物

十二

楊克恭

字德基揚州人少傳楊敏壯公孫女自幼工詩長適徐志巖值志巖生日子以豐以泰以坤晉祝氏勉以詩曰藏修欲進須防退居處思安常戒危著有蘭藻閣詩

集（采訪冊）

汪璫

字僅弟烏程人國子監助教徐以坤妻著有修竹吾廬詩（攝芳集）

蔡清華

舉人夔女工詩詞善繪牡丹著有繡餘吟詩詞鈔惜兵燹後存者鮮矣（蔡氏家乘）

梁德繩

號楚香梁文定相國孫女適邑人許宗彥幼工吟咏得阮文達指授而益精著有古春軒詩詞鈔文達為之序（采訪冊）

虞源

邑人適董某夫卒以苦節聞題畫菊詩云寒芳甘抱枯枝死羞見飄零逐水流即以見其志（攝芳集）

吳才女

秩其名新市沈亦然妻石門吳曾貫長女也幼承家學工詩有咏項王句曰玉斗一聲破楚歌四面來當時者舊稱為名句（采訪冊）

趙德珍

字素蘭適平湖楊子高有得月姚樓存案十卷（兩浙輟軒錄）

王蘊容

徐鼎和妻著有亦政軒詩稿

金素英

南潯人邑諸生胡春齡妻有遺詩一卷（以上采府志）

沈粟香

孝廉鳳飛女定海教諭黃際春媳邑諸生黃晉妻也少承家學通翰墨與夫唱和必推敲洽當而後已治家和睦成黨美之粵亂後連遭大故子三人亦相繼亡竟

子然以終其身壽七十餘歲著有半潭秋水草堂吟草俞曲園太史為之序（采訪冊）

徐娥 字比玉邑人江南河督端女錢塘許玉

朱紋 字湘水工詩詞(西冷閣詠)

沈英 字綠野邑人觀圃女長與朱曉軒室善雙鈎墨

錢斐仲 字餐霞號雨花女史秀水人釋石翁曾孫女邑人戚士元室善畫工詩詞世

俞繡孫 題其所居曰慧福樓其福與慧兼也後適仁和許子原孝廉孝廉工於詞繡孫

乃又致力於詞久之而詞勝於詩吐屬清新用意婉細閨房中相與唱和為樂然家貧體

素弱嘗賦落花詞有云嗟年華吾亦愁中老曲園謂少年人不宜作此悽惋語既而竟以

病歿歿後曲園悲念謀梓其所作則已於未病前自焚之矣乃與子原搜集其餘存

者得詩七十五首詞十五首為序以付梓名曰慧福樓幸草云(春在堂文集)

蔡鹿芝 字壽仙候選縣丞蔡載錫長女仁和廩生蘇昌緒室性柔淑工詩善承父母意兄

詩二絕浙提學使潘衍桐采入輜軒續錄所著有

拜月樓詩草未梓(兩浙輞軒續錄參訪冊)

沈紫瑛 城北沈炳然次女好吟詠有幽蘭沈靜氣嘗題父寫真圖云個個儂娛詩酒豪情若

秋為俞曲園太史所歎賞自稱紫石山人德清典史朱立勳為其子宣平典史承澤委

禽焉之任後即早故其閨中唱和詩散見於徐晚蘭女史慧華陀室詩草(采訪冊)

徐晚蘭 字曼仙池陽守本璿女幼時授以毛詩便能成誦七歲就外傳學為慮夫趙世昌吳

蔚羣芳冠終適東離氣節高之句父雖獎譽之竊以福慧不兼為慮夫趙世昌吳

有暨華陀室詩草卒年五十

列女 壽婦

虞章氏 夫良弘治時歲貢生入南京國子監肄業未

授官而卒氏享壽一百八歲(虞氏家譜)

虞馬氏 夫永華嘉靖時歲貢生授秦昌州崇明

縣丞氏享壽亦一百八歲(同上)

卷九 勘誤表

頁	面	行	字	原	文	更	正	備	註
四	前	一之二	四至五	予核		咨部題			
六	後	四之二	六	玉		王			
九	前	二之一	四下	(脫字)		茹			
又	又	又	九	苦		(衍刪)			

德清縣新志卷九終

德清縣新志

卷九 人物

德清縣新志卷十

藝文志 一碑刻

學碑

重修孔子廟碑 宋紹興間邑人沈與求撰記（文見龜溪集）

重修儒學碑 明隆慶元年吏部清吏司主事邑人許孚遠撰記賜同進士出身承事郎大理寺評事邑人潘銓書丹

德清縣修文廟碑 明嘉靖六年福建按察司副使奉敕視學仁和邵銳撰記吳江書丹

重修儒學碑 明章嘉禎為邑令熊德陽撰記

德清縣重修儒學碑 清康熙二十五年湖州府知府古燕人王階撰記

重修德清縣學宮碑 清雍正十三年廣西學政邑人徐以升撰記刑部貴州司主事許鎮書（文附）

重建大成殿碑 清道光二十四年內閣侍讀學士邑人蔡廣鵬撰記賜同進士出身廣西即用知縣沈雲書（文附）

重建德清縣儒學碑 清光緒二十四年前翰林院編修邑人俞樾撰記賜進士及第翰林院編修國史館協修俞陸雲書丹（文附）

德清縣科第題名碑 明嘉靖乙未年刑科給事中邑人陳靈撰記知德清縣事謝九儀立國子生談崇文書丹

德清縣新志

卷十 藝文

德清縣儒學馬師尊兆科紀略 明崇禎戊辰年許大受撰文

學師曹公祀田碑 清乾隆三十五年邑庠生沈毓洙撰記（文附）

清溪書院碑 清乾隆十八年徐以升撰記邑庠生許昇元書（文附）

仙潭書院碑 清光緒二十六年俞樾撰記拔貢生夏際唐書丹（文附）

署碑

重修察院碑 清康熙二十五年邑令山西王廷詒撰記（文附）

重建德清縣署碑 清光緒三年合肥縣令譚廷獻撰記邑令支恆椿立（文附）

祠碑

名宦鄉賢祠碑 續侯志曾用撰記（文附）

重建忠義孝弟貞節祠碑 清光緒十二年知縣崇明童叶庚撰記知縣長洲吳念椿書（文附）

橋碑

重建德清縣富甯橋碑 清邑令錢學洙撰記翰林院編修邑人徐以升書丹雍正九年孟冬立（文附）

重建阜安橋碑 清邑令湖南廖宗元撰記武康拔貢生林鏡書丹（文附）

重建唐棲長橋碑 明華亭錢福撰記宏治十一年冬十月化主鄞縣陳守清立

重修唐棲通濟長橋碑 明湖州將瑤撰記嘉靖十四年春正月勒石

唐棲鎮通濟橋碑 明邑人陳霆撰記嘉靖庚子夏四月朔立

重建大麻望仙橋碑 清總督程元章撰記（文附）

重建白雲橋碑 清邑人俞樾撰記（文附）

重建四仙橋記 清邑人俞樾撰記光緒二十六年冬十月立

寺廟碑

重建關帝廟碑 清知縣翼城王廷諫撰記康熙二十七年孟秋中浣立

德清縣關岳廟碑 民國知事湘潭袁思古撰記十四年立

重建城隍廟碑 清邑人徐倬撰記翰林浣修撰蔡升元書丹康熙十七年戊辰黃鐘月立

浙江湖州府德清縣城隍廟碑 清翰林院修撰吳縣石韞玉撰記嘉慶二十四年仲夏立

德清縣新志

卷十 藝文

二

重建德清城隍廟碑 清邑人俞樾撰記刑部江西司郎中里人咸人鈺書丹光緒十五年仲春立（文附）

重修餘不亭侯廟碑 清徐秉愿撰記原任江西長寧縣巡檢里人徐開德書嘉慶三年夏五月立（文附）

重修顯佑廟神碑 明邑人蔡中孚撰記正德十五年春二月立

重建保濟顯佑侯廟碑 清知縣錢學洙撰記（文附）

大宋湖州府德清縣新市鎮新建東嶽行宮碑 宋姚穀撰記紹興四年春三月立

重修新市鎮永靈東廟碑 明胡璫撰記正德年立

重修永靈東廟碑 明陳尙古撰記（文載新市鎮續志）

重建永靈東廟碑 清邑人俞樾撰記楚南周灑書里人孫澐鈺同治十一年秋七月立（文附）

尚書省隸湖州德清縣惠侯廟陸載碑 禮部原文碑樹新塘神廟內

重修祐聖觀碑 明吏部稽勳司主事邑人許松撰記金陵逸士沈奎書萬曆丙子仲冬立

重修真武祠碑 明邑人陳霆撰記古姚夏瓚刻石

重建開元宮玉皇殿碑 清邑人蔡之定撰記嘉慶二十四年嘉平之望書立

重建吳羌山高士菴碑 清舉人邑人沈芬撰記庚午冬落成

重建慧通講寺碑 明衛府長史三衢金實撰記永樂二十一年春正月既望立石（文載新市鎮志）

重建覺海寺大士殿碑 清翰林院編修邑人徐璋撰文乾隆二十五年夏落成

重修顯親寺碑 明浙江等處承宣布政使司左布政使東魯劉汝康撰記前刑工二部郎中邑人胡爾懜書丹庠生沈飛刻石萬曆乙卯仲春二月冠帶住持僧大欽立

重建大善寺碑 明卓明卿撰記（文載唐棲鎮志）

緣善庵碑 清邑人姜銑撰記雍正年落成（文載新市鎮志）

溪秀壇碑 清生員蔡燮金撰記朱獻書并鐫光緒十九年仲夏立

重建慈相寺冷然閣碑 民國臨海朱焯撰文沈隱蓮書十二年立

綠瓢寺鶴居碑 民國知事固始吳器舉撰記七年樹瓜山

善堂碑

德清重建留嬰堂碑 清邑人俞繼撰記（文附）

德清縣新市鎮育嬰堂碑 清邑令德化唐煦春撰記石門吳鏗書鐫光緒元年四月立（文附）

德清縣新志

卷十 藝文

三

德清縣義倉碑 明戶部尚書兼武英殿大學士永嘉黃淮撰記浙江等處提刑按察使司副使王預書並篆額（文附）

雜碑

永禁凡遇拏獲越界販鹽祇就本地處分毋許株連商店碑 清兩浙鹽運使張告示德清縣商人王衡

等於嘉慶八年十一月立

勒石永禁藥魚碑 清邑令張告示光緒二十二年立於餘不亭候祠內右側（文附）

謹遵減浮章程徵收田賦銀錢數目碑 清邑令林告示宣統三年五月立（文附）

附文

重修德清縣學宮記

徐以升 附五

古者化民成俗建學爲先凡以崇師儒肅瞻仰而釋奠釋菜習樂習舞成於是乎觀禮誠鉅典也我國家文教誕敷振興學校上以妥先聖賢之神靈而下以動士庶人之向化隆恩異數卓越古今辱在臣工敢不鼓舞恪恭以襄盛典郡伯唐公芸閣清風絃歌雅化留心文治加意膠庠遵奉憲意各屬修葺學宮而

吾邑錢侯以幹濟之才率作興事孜孜不倦爰經始於辛亥之冬落成於癸丑之春炳蔚輝煌甲於浙郡邑中父老以及四方來觀者罔不咨嗟歎賞謂爲數十年來所未覩而吳興七邑之所首創猗與盛哉夫事之難也莫難於實心任事之人又難於同心輔事之人勝朝以迄國初往往頻修頻圯外粉飾而中朽蓋費徒冗而功不全良由司其事者不過塗民耳目聊且畢事已爾今我錢侯創作務期乎堅久巨細必赴以完神暨兩學廣文三四條佐齊心協力一切經營量度咸稟受邑侯方略靡弗曲當而倡捐勸輸人人踴躍支用出入胥吏莫敢奸焉而且董事諸君耆碩則沈九時姚丹霞殫厥心力捐助不惜重貲文學則周雯談紹曾沈作梓姚景賢僉竭蹶趨事所謂上有實心任事之賢侯下有同心輔弼之良士宜其無冗費而工無虛飾秋毫不假乎公帑厥功倍勝於前人也與於稽其用千有五百計工萬餘計日一載有奇其規模崇聖祠鼎建三進制度弘廓櫺星兩廡修廢舉墜大成殿飛簷鬪角金碧嶙峋神主廚座煥然

一新他如明倫堂敬一亭博文約禮兩齋次第整頓文昌祠重開門第宮以內蘭塔玉砌宮以外墻垣萬仞鳩工庀材隨時告竣而碑記未勒似有遺憾蓋因甲寅八月錢侯特調仁和饒侯以江右名進士來蒞茲土輒以其事爲惓惓然則前有杜父後有召母豈惟吾庠之慶抑亦兩浙之光升也忝視學粵西不獲與茲盛美猶幸於郵筒中見同學諸君乞言勒石得以備聞其詳顧余雖不文而曠事希再能不臚陳以爲後之從事斯文者勸乎是爲記

重建大成殿碑

蔡賡颺雲士

國家承重熙累洽之後凡所以陶淑斯民之心性作新天下之人材章程明密品式周備有司牧之責者欲別求更化善治之術固毫末不能有加則惟奉行成法競競焉舉廢修壞以不墜教戒斯可矣夫廢者之宜舉壞者之宜修孰有過於庠序學校者乎顧近今梵宇琳宮斤斧之聲不絕於耳至庠序學校之重官與民任其頽廢未嘗過而問焉謂非舍本而務其末歟吾邑學宮自乾隆五

十六年重修迄今又五十餘載大成殿日就傾圮餘亦坍塌剝落陳丹暗粉無復舊觀清溪地瘠民貧又連歲告歉版築之興有志未逮每春秋二仲邑侯蒞祭偶值風雨則霑服失容草草將事凡更數任迄未有議及興修者歲在癸卯北平仲侯來公履任之次年政成多暇朔望謁聖仰瞻榱桷心不遑安爰與司訓王君督同邑之紳士妥議建修乃審量日力庀材鳩工梁棟之朽者更之甑甑之毀者易之垣墉之摧圮金碧之黯淡者修除而黝堊之由大成殿至東西兩廡儀門櫺星門宮牆崇聖祠名宦鄉賢等祠並學署大門一律修整以次完葺經始於仲秋五閱月而工畢官長衆紳士恭迎先聖神主陞殿復位行釋菜禮敬告成事簫管備舉廣樂四陳濟濟焉踴躍焉登降揖讓禮無違者信乎其知本而近古矣蓋事非共濟之難而倡率爲難侯能重道崇儒以飭吏治比調任去邑猶慨捐清俸俾蒞厥功惠心所孚始終靡懈宜闔邑士民聞風興起輸財効力奔走偕來其開物成務如此之敏以速也庶幾遠離桑梓未克襄臂指

德清縣新志

卷十
藝文

五

之勞里中人來備述巔末竊歎賢父母深識爲政之本而喜在事諸君之相與以有成也於是乎書

重建德清縣儒學記

俞 樾 曲園

吾邑之有學創建於宋大中祥符三年本在縣治之南明正統六年始移於今所嗣後屢圮屢修具詳邑乘可無述焉咸豐之季吾邑再陷於賊同治三年官軍收復縣城城郭荆榛市廩煨燼而學宮亦全燬矣邑士大夫馮君壽鏡丁君毓琨胡君汝聯蔡君兆騏丁君覺源沈君駿飛合謀修復鳩工庀材楨揭從事邑侯旌德劉公蘭敏言於方伯發洋錢二千以濟工用乃重建大成殿並東西兩廡於殿東北隅建崇聖祠又於東建名宦祠於西建鄉賢祠大門二門及櫺星門次第落成而經費已竭明倫堂及兩博士齋均未之建至光緒二十二年武昌黃公大華來宰吾邑慨然曰學以明倫也堂之不建倫何以明乃捐廉俸銀洋錢三百以爲之倡邑紳前著奉天東邊道徐君本衡捐錢如其數邑之人

士聞是舉也咸大用勸集貲至三千四百千有奇又得徐君士駿施君涵高君振垣沈君汝楷戴君湘徐君肇基許君德修沈君光裕董理其事閱實其功都凡明倫堂五間正副兩博士齋各十間經始於光緒二十三年八月至二十四年歲在戊戌而一律告成是歲也吾孫陞雲適以第三人及第於是邑之人咸喜曰吾邑進士入國朝來一甲一名者三人一甲二名者亦二人而一甲三名未有其人今學宮之工畢而三鼎甲全庸非其驗歟余曰不然科名雖出於學校而學校固不獨以科名重吾郡屬縣凡七而自烏程而歸安外吾邑爲盛不特科名然也卽論學術亦然蓋天目之水龍飛鳳舞以走臨安必先經由吾邑鍾其靈秀聚爲英華故歷代以來人材輩出國朝二百餘年尤稱極盛先達諸公其登巖廊位卿貳者皆卓然爲時名人次之亦能以政事文學自見一二老師宿儒又能原本經史發爲文章垂爲著述以紹續儒先嘉惠來者吾邑大家舊推四姓曰徐曰胡曰談曰蔡而沈而許亦右族也稽其譜牒咸有傳人余生

也晚未獲親炙然自童穉以來耳目所及如三江三戚三戴並以兄弟競爽推重一時亦吾邑之美談也方今朝廷力求振興尤以人材爲重士生其時宜如何爭自磨厲以副上求哉夫取士之道雖或不同而原本經史以爲之根柢則固萬變而不離其宗者也吾儕幸學宮之落成入其門拜其堂下肅然而觀穆然而思思鄉先達之流風餘韻父以勉其子兄以勉其弟則學術盛而科名亦盛上以副朝廷敬教勸學之心下以副賢有司化民成俗之意與邑士大夫辛勤集事之苦心必有在矣余衰且老猶惓惓然爲吾桑梓之邦望也

學師曹公祀田記

沈毓洙

故明司訓曹公世慶由滇南明經佐鐸清溪卒於官天末萬里而遙不能歸葬葬於本邑徐奎山麓公生前置有一黃阡圩田九畝九分七釐六毫歿卽立爲祀產官役歲供春冬兩祭由來舊矣近因收租寫遠不便適有鄉人以近城之產互相移易而數多寡不符致滋物議己丑之夏長白興父師德下車之始百

廢具舉廉知其事慨然曰祀田相沿已久卽產有肥磽儘收儘辦何可動搖鄉人聞之悔過歸原請銀兌照幸蒙批允寬宥公曰是不可不垂戒以儆其後爰命生監之明通者紀其事勒碑於明倫堂俾曹公祀享歷諸久遠而不朽公之此舉可謂寬嚴並濟仁義兼盡者矣謹不愧固陋援筆而爲之記批曰己命改戶曰儒學祀產所有田畝號圩例得刻於碑末 一黃圩夜字第二百三十一號田四分二釐五毫 又二百三十四號田一畝零八釐 又二百三十七號田七分八釐 又二百四十九號田一畝三分五釐 又三百零一號田二分六釐九毫 又三百零四號田一畝一分三釐 又三百零七號田四畝零一釐五毫 又五百七十一號田七分五釐四毫

清溪書院記

徐以升

德邑距省郡百里而近羣峯翠聳自天目發源一水中通苕霅溪山明秀擅扶輿清淑之氣風物阜安人文炳蔚自有明以來以理學氣節文章風雅見於志

德清縣新志

卷十
藝文

七

乘者班班可考迨本朝而科第人材之盛幾甲於三吳鉅公名儒輩出動猷著述各輝映當代固山川間氣所鍾亦由國家涵濡培養之厚也顧義塾久廢都講不立蕪荒讀書之巖煙寒教授之市後來之秀雖年盛至美頗有人師難得之歎邑侯保昌季公以名進士來蒞茲土甫下車卽慨然思所以振興之相度形勝以學宮之巽流久闕乃董工開濬首復其故遂卽學舍之東偏舊所爲會饌堂者闢清溪書院聚生徒其中延師主之日有程月有課侯復手其文之甲乙以加獎勵又念膏火之不繼脩脯之不充無以爲經久計也捐金買田以贍學者因以爲樂輸者之倡蓋創建未半載而侯之割清俸捐養廉者已數百金焉侯固曰吾亦唯期諸生留心實學經明行脩彬彬郁郁爲國家儲有用之才爲此邦成雅化之俗至於廩給之加贍屋舍之加廣書籍器用之備具吾固將次第以舉唯盡吾力之克至而已且事屬草創其恢廓而增美之則前規後隨又不能無深望於後來者之踵事也於是邑人士僉曰篤哉我侯之教士也不

可無文以紀之因相與屬余爲記以鐫諸石余惟三代造士之法莫備於成周其所以養成人材皆少長於黨遂之間而熟習乎庠序之數長育成就者殆非一日有州長以會其禮射有鄉大夫以察其行藝齒位之序既有黨正孝弟之書又有族師而朝夕之所漸摩尤殷殷於鄉學之左右熟故其時無不學之民無不學之地耳濡目染優游涵冰人心正而學術醇士習端而賢材盛古聖人所以化民成俗而重土著之教者莫要於此按學記云家有塾鄭註古者仕焉而已者歸教於閭里朝夕坐於門門側之室謂之塾孔疏云周禮百里之內二十五家爲閭同共一巷巷首有門門邊有塾謂民在家之時朝夕出入恆受教於塾今值我國家文德覃敷直省廣建書院而一郡一縣亦多有書院之設其卽古人左右塾之遺制歟宜我侯之勤勤於此也邑之諸英髦讀書其中括羽鏃礪勿荒以嬉有造有德風氣日上將見理學氣節文章風雅鄉先生之流風遺緒於斯復覩又不徒區區工帖括繡鑿悅以弋獲科第爲能事庶無負賢侯

德清縣新志

卷十
藝文

八

作養之意也夫是爲記

仙潭書院記

俞樾

德清縣東北四十五里有新市鎮焉晉永嘉中自縣東南之陸市來徙於此故有新市之名宋元以來人文輩出如陳聲伯之風節唐灝儒之理學皆足爲桑梓增重後起之秀亦蔚然可觀凡吾邑應試之士新市一鎮率居其半焉咸豐之季東南各行省通都大邑皆陷於匪而新市獨完嗣是休養生息日益饒衍商賈駢坐士女頒斌背窳就隆罔不胥飾而自永嘉以來千數百年竟無一人興學設館建立講堂俾秀艾之士得以諷誦其中斯非其大闕歟鎮人鍾桂谿廣文余同入學之老友也富而好義每有義舉悉以自任念縣城雖有清溪書院而鎮距城遠握素懷鉛就試非便乃於鎮之東南隅購得黃氏廢地創建仙潭文社爲門塾三間爲講堂三間爲齋舍三間廊廡迴環庖福悉具凡用制錢一千二百餘千卽議籌備經費爲山長束修生童膏火之費有志未逮而卒其

哲嗣聽泉司馬選青疇先志之未償惜斯舉之中輟捐錢二千緡以成之有俞石林州丞錫麒者與鍾氏有連且與聽泉同志捐錢一千緡以助之有別募集錢一千緡資費恂足課事肇興易其名曰仙潭書院趙曲江司馬斯濬聞而募之以其故父理問君恩銘遺命助錢二千緡而聽泉又秉其故母沈淑人遺命以釵鑲衣服易錢五百千買程氏屋一區歲收其租佃入書院於是仙潭書院規制大備余感廣文君之有志竟成而又嘉聽泉之能成先志爲言於撫軍崧鎮青中丞每歲自中丞以下均按月行課與省中之書院等此外府外縣所無惟吾郡菱湖鎮之龍湖書院則然余援以爲請中丞從焉士林頗以爲榮於是聽泉言於余曰是不可以不記乃述本末記於石俾後人知鍾氏父子經始之勞與俞趙兩君贊助之力肄業是院者爭自磨勵以副國家教育人材之至意則豈獨一鎮之幸亦吾邑之光矣光緒二十六年庚子十月穀旦古黟汪瑞章鑄字

重脩察院記

王廷諫

甚哉邑令之難而爲今日之邑令尤難而爲清邑之邑令尤難之難清固夙稱腴壤人文甲於天下余嘗讀名公諸稿心切嚮往不意膺天子命承乏茲土余曰幸矣遂夙願矣詎始入境見其室廬荒廢田疇蕪萊且啼饑號寒者聲滿室也鵠面鳩形者踵相接也猶曰此無告之窮氓或然夫何身登仕籍名列膠庠者亦多北門之嘆交謫之苦嗟嗟何夙腴壤而凋敝至此及謁

先師廟棟折榱崩鞠爲茂草繼閱城郭樓無一椽僅存空址堊無半磚竟類詭垣至於城隍廟關聖殿廟貌雖存問其廟祝有人乎曰無有香火不缺於供乎曰不能以彼其人身無所棲相率遁去耳余聞之深爲太息寧有居是職官斯地視爲傳舍而漠不關心以至此乎遂勉力捐橐鳩工庀材首聖宮城郭則殿廡奕奕也崇墉言言也次暨廟殿則棟宇鏘鏘也輪輿煌煌也不第是也清邑環城皆河無不闕塞疏濬之則商賈不艱於負戴河上有大橋年深傾圮脩築

之則往來不苦於揭厲又不第是也縣治東有察院司向爲直指使而設今奉
裁而名尙存竟成瓦礫過者不無故宮禾黍之悲余於漸次遞舉之餘力爲興
建匝月落成是堂也可以慶賀拜祝可以送往迎來可以講明聖諭可以會文
課藝得此而無所不備雖然夫當物力告匱之時而諸務遞創寧無有議其可
緩者不知此皆治術之大端事之要務况所費甚繁除已屢捐薄俸外其餘悉
衆樂助不敢攫取民脂亦不得巧生借端此余之可以自信而併可信諸人者
故於司之成而備記之非以彰功冀後之宰是邑者勿視爲傳舍廢者脩墜者
舉佐余之不逮而日益光斯厚幸矣是爲記

康熙二十五年歲次丙寅季夏吉旦

重建德清縣署記

譚廷獻

郡縣吏長官必有舍非徒處優以養尊也蓋號令發施鄰於閭閻則觀聽不肅
吏役趨走雜於閭閻則出入不謹而倉廩牢獄守令尤嚴而功令之所繫今古
同之湖州治都會之西唐以來分縣德清吳羌餘不山水嘉勝不意咸豐十年

德清縣新志

卷十
藝文

十

春二月有寇陷城墮於劫燹廬井盪然而官廨盡燼同治三年官軍克復黎庶
重見令尹威儀百爲草創不得不假民居以治事十年以來大令怒焉局趣治
所陳乞上官請資興造劉蘭敏華學烈汪榮諸令長官牘具在未許匠築物力
蒼黃上下歎息逡巡久矣逮光緒初元賢有司支大夫恆椿來治斯邑憂前人
之憂有誠以獲上以臨民慨乎官舍之久毀無由肅觀聽而謹出入於是濫陳
大吏圖說詳明始得遂所請給巨帑庀工之日首捐廉俸士民歡躍百八十一
間之堂舍並捕衙獄屋具焉二年八月迄三年六月不一載而落成土木之費
有不足者扶義感召則邑縉紳鍾君丙熙沈君駿飛高君點籌資補闕而始終
董理爲蔡君兆騏以賢遇賢斯無怠廢驗工堅實行省耳目不遠不獨公牘之
詳備也重建以來德清科甲相輝映碑在人口閱二十餘年未有文字之紀述
爰識本末以示來者表賢勞焉支大夫字壽伯丹徒人令嗣君潤彥浙江候補
知縣勤求治術將以繼燼云

名宦鄉賢祠記續侯志

曾用

德清縣舊有二祠位廟學戟門之東西合祀者凡若干人惜旌別未愜大夫三山方君崇尙文教嘉靖四年聿新夫子廟宇博考郡典得有唐慶公澄迄國朝王公良臣凡九人悉表爲名宦其未登祀者如宋沈公畸吳公潛游公汝暨國朝張公濤四人者節概文章迥出羣類俱表爲鄉賢若李沐黨附權奸排擊宗臣則議以輟祀白諸當道報可遂於戟門左右分揭二祠創製木主備書爵諡徙鄉賢於西字序名宦於賓席府志

重建忠義孝弟貞節祠記

童叶庚

德清山川靈淑代生忠義孝弟貞節其磊落軒天地踔絕冠古今者史乘不絕書摺紳先生或皆能道之然非世家巨族後有達人者亦有傳有不傳他如名不溢都鄙足不踰里巷間氣所鍾各行一是迨老死江鄉馨芬銷歇年代既遠竟有舉其姓氏而罔聞知者良堪浩嘆此邑之總祠之不可不建也國朝雍正

德清縣新志

卷十
藝文

十一

四年天子憫之詔各省督撫飭郡邑建造歷代忠義孝弟貞節總祠歸入通祀有司春秋致祭潛德幽光鬱無不發煌煌鉅典昭茲來許矣德邑儒學之西偏向有忠義孝弟貞節總祠雖規模湫溢時溘時修然祀事孔明歷有年所咸豐庚申辛酉間因匪擾境城池淪陷祠並燬焉同治三年大軍克復昔之祠基瓦礫堆積漸成高阜不僅鞠爲茂草而已邑人許刺史士奇一再經過愀然興感擬思重建苦歎無可籌會省中大吏設立捐局舉辦善後刺史時廁幕僚商之同邑臧比部人銑沈廣文閔岷徐明經士駿等聯名呈請方伯德公准於德清絲捐內提支若干緡諸紳聞之喜曰役可興也遂鳩材召匠諏日理基卽延徐君士駿許君士英施君涵權會護作起於光緒癸未十二月閏甲申九月而始潰于成計重建祠祔三楹堂前後各三楹前楹奉妥歷代忠義孝弟栗主後楹奉妥歷代貞節婦女栗主秩然不紊其崇較舊制尋而增修更加於崇廣視脩之數而倍其半椽椽桷楹不愆於素瓴甃液構材美工巧唐塗垣墉百廢具舉

豆籩之屬亦皆備焉且夫世之人於己之家廟往往絀於經費而不建建而不能脩燬而不能復興者亦指不勝屈茲許刺史能籌畫重建合邑總祠俾忠義孝弟貞節幾湮而不彰者幽無不聞亦佚無不摻用以彰國恩而隆肝鬢可謂賢矣而又喜都人士相助爲理克底於成余適承乏斯土躬預祀典請爲之記不敢以不文辭爰縷述祠之緣起及重建經始落成歲月泐諸珉俾來者有考焉

重建德清縣富壽橋記

錢學洙

德邑橋梁見於志者凡六十有四其在縣治前跨北流水者曰通濟橋今但呼縣橋者稱首焉夏令曰九月除道十月成梁孟夫子曰歲十一月徒杠成十二月輿梁成蓋蓄洩資川澤往來資橋梁二者常因爲則以時脩舉俾民不病涉者非責司牧而責誰歟雍正八年四月余奉簡命承乏茲邑自省城逶迤而來由是橋躋公堂石半頽壞因甫下車未遑脩舉既而都人士紛紛請曰此橋爲

德清縣新志

卷十
藝文

十二

輿騎出入之所慶賀朔望又爲里老聚候之地自明正統間本縣王公完葺以後垂三百餘年日就傾圮脩廢舉墜殆不可緩矣余曰唯唯邑之紳士商民靡不踴躍爭先輸助余亦捐俸助之越辛亥而工竣紳士請紀於余余因滋懼焉物之興廢無常新之難毀之亦易往者無知射利構屋其上前令趙公拆去後漸構蓆棚譚令又力爲廓清今余惓惓於斯橋而大爲之禁亦猶二尹志也橋名易以富壽余得之夢中老人之口際此盛世隆平我邑殆旣富而且壽歟并誌

重脩阜安橋記

廖宗元

縣治南屹然跨餘不溪有橋曰阜安建於唐天寶中舊編以木易石於宋代有補葺至國朝經馮張李周前尹先後重脩近爲暴漲水衝溢突肆因勢漸傾阨前仲尹捐貲議脩復事未就移篆去余以己酉秋蒞斯土鄉飲讀法與邑紳晉接詢邑興廢多以脩橋爲先務時值大水比年不登民困未蘇姑緩其事今庚

戊春欲益甚邑之紳耆乃毅然爲已任謀既成告余余聞之喜且自愧余乏治邑才任數月百務粗就理遽與斯役豈果民說忘勞耶抑邑之人好善性成其素所觀感者然也吁可嘉也因捐俸助成之工始於夏六月卽於是冬十二月告成費鉅功倍又何速也公餘臨覽橋綿亘二十餘丈廣倍尋翼以欄楯護以檣杙砢然堅固可垂久遠憑欄凝眺下瞰清流水石掩映仰挹吳羌山色蒼翠在眼連屬於街衢閭閻車徒絡繹衆庶娛樂熙熙然往來者履如坦途利濟之功猗歟偉矣阜安之名於茲尤信按是橋始名天寶繼名餘不後乃因蘇文忠公風俗阜安一語更今名屢脩無以易有守土之責者一登斯橋所以物阜民安躋之於仁壽之宇者當何如慙然動念而邑之人又當何如振興鼓舞以無負此命名之意耶則斯橋之成有舉莫廢更歷千萬禩而阜安無以易也是所願與後之人共勉之也

豐源沈金鑑碑立觀音堂神廚左側

道光三十年歲次庚戌嘉平月吉旦董事紳耆黃際昌林芳戴師節徐文炳蔡彤章蔡鴻勳江毓蓀程維鈺王之創許邦傑丁

德清縣新志

卷十 藝文

十三

重建大麻望仙橋記

程元章

王政之大務在利民昔鄭子產乘輿濟人子輿氏以爲不知爲政蓋卽濟人一事而徒枉輿梁有所當務焉余曾任總藩於僚屬謁見輒以此諄勉迨陞撫上江未及兩載復荷殊恩節制全浙入境至德清之麻溪溪故有橋曰望仙因年久圯燬邑令錢學洙詳請前部院撥項興脩經湖郡守唐紹祖總理規制高廣工料堅固視昔有加予目擊焉旣下車錢令以橋工告竣請爲之記予按是橋也地屬官塘爲漕艘出入所必經吳越行旅往來之要道其創建之由亦莫可考舊記自明成化三年里人沈本源倡捐脩葺歷今又二百六十餘載石旣傾圯梁亦頽壞舟楫有觸石之虞商旅有褰裳之慮守茲土者宜亟爲整葺方稱厥職乃錢令請動公項銀一千六十兩有奇不期月而成此巨工無俟人人而濟而人無不濟是舉其實獲我心矣方今聖天子宵衣旰食軫念元元凡在臣工勤勞翼贊庶績咸熙而百廢俱興利民之務又豈獨橋梁道路間乎爰誌其

事並與爲政者共勛之

重建白雲橋記

俞樾

苕溪之水出天目而萃臨安必經由於吾邑邑之東南有白雲橋焉其要區也舊名雲塘亦名步雲又改爲白雲不知始建於何年一脩於明萬曆三十六年知府陳公再脩於國朝雍正八年知縣錢公有李敏達公碑記詳言之矣自雍正至今又一百七十餘年歲月緜邈兼經兵燹而是橋又圯由其地者水陸皆阻邑人聚謀議重建之馮君久成費君梅春倡始勸募有沈氏婦曰妙蓮巾幗好義亦贊成焉工鉅費多尙苦不給又有施君涵徐君肇基徐君士駿戴君湘丁君毓瑛沈君光裕廣爲勸合以竟厥功經始於光緒二十七年九月至二十九年三月告成都凡石料匠工用錢六千四百餘千椿木石灰及其餘雜用一千六百餘千共用錢八千餘千脩廣高下一如其舊直欄橫檻罔不胥飾由是高桅巨扁容與乎其下躡履擔簦逍遙乎其上咸頌曰美哉斯橋也舊史氏俞

德清縣新志

卷十
藝文

十四

樾樂觀厥成爰述本末刻於橋石用告來者

重建德清城隍廟碑

俞樾

城隍之祀古矣或謂始於八蜡之坊與水庸然孔穎達謂坊以畜水障水庸以受水泄水則是田間溝塍非城隍也城隍之祀其始於春秋宋鄭之祭四墉乎其神乃地祇而非人鬼然古者以句龍社王肅之徒並謂社卽所以祀句龍則城隍之神亦可以人爲之吳越時曾奏請以唐右衛將軍總管龐玉爲城隍神封崇福侯殆亦神道設教之微意乎吾邑城隍神舊碑所載無姓名相傳爲勞公諱鉞字廷器江西德化縣人則明成化間守湖郡者也故老傳述或非無因而儒者難言之然縣城築於宋末明初止存土郭嘉靖間又重築之周七百七十三丈高二丈有奇因港汊而爲池倚岡隴以爲塹苕溪之水直貫城中夾溪而居者煙火萬家山川雄秀人物殷昌則宜有神以主之此固國家秩祀之所必及而士民報賽之所不容已者也考之志乘城隍廟在儒學之左宋紹興中

建國朝康熙雍正嘉慶間屢次脩葺有林園之勝神歌其祀民受其賜洪軍之亂焚燬無遺惟頭門巋然獨存克復之後許秉鈞請於邑侯釀於所屬各區莊創建二堂又由邑士大夫廣爲勸募歷二十餘稔始得復其舊觀門廡崇閣堂宇深邃廊榭繚曲花木幽深若節春秋官是土者率循典章陳設牲醴一邑之民頒賦而集厥角於庭瞻其棟楹謁其帷帟莫不肅然而致敬焉是足以奉神之靈而錫吾民之福矣竊惟國家秩祀之禮與賢有司成民而致力於神之義斯舉也亦脩廢舉墜之大者也作而不紀後世爰述因紀其事而系以銘銘曰吾邑之建始自有唐垂二千年人物阜昌是宜有神主此一方昔遘兵亂今樂時康祛除災疢調順雨暘疇非神賜而敢忽忘乃庀鳩材材美工良復其舊觀築此新堂有門有庭有室有房神之格思錫福降祥永永年代惠我無疆

光緒十五年

年己丑歲仲春里人朱聯鑄字

重修餘不亭侯廟記

徐秉愿

德清縣新志

卷十
藝文

十五

餘不溪貫長橋而下有二廟對峙焉東祀戴侯西祀晉贈車騎將軍開府儀同三司孔公諱愉歲以春秋二仲月致祭按晉書公字敬康山陰人以討華軼功封餘不亭侯公嘗經行餘不溪見籠龜於路者買而放之中流龜左顧者數四及鑄侯印印龜左顧三鑄如初印工以告乃悟遂佩焉曾任吳興太守墓即在縣西南城山之陽有古木數株堅如鐵石相傳龜銜窠樹種於此號爲龜銜樹載郡邑志神靈赫奕爲四境保障國初紳士延紫極觀道人章子林沈嵩年來主香火携有唐中嶽道人沈法謙所鑄銅鐘驅邪法印嘗聞故老言印能驅虐患者佩之卽瘳遺失已久嘉慶二年四月有嘉慶老嫗手持鐘印匍伏殿庭剪紙焚帛敬具牲醴向守廟者告曰鐘印有我家已四十餘年矣不知所自來今民夫夢神命送歸德清餘不亭侯處夫遠出未歸故潔誠而來冀神之恕宥也一時爭驚爲異廟久未脩日就圯剝同里蔡君郊文姚君慶占首創興脩同志者皆醵金爲助鳩工集事垂霽重簷棼椽交接地則黜之墻則聖之頓還舊觀

歷三月而歲事乃奉侯像設出巡百役執事踴躍爭先歡洽衢巷然後返乎殿庭以妥以宅邦之人咸儻儻然胸轉以游莫不感神之貺而美蔡姚二君相成之力也予惟中嶽道人流傳之鐘印久已化作彩雲矣乃一旦珠還璧返是必道人之慧業爲侯所欽重故呵護長留閱時已久輾轉復歸於廟也班固之言如道家者流清虛以自守卑弱以自持予念守是廟者深契圭旨以繼中嶽之瓣香庶幾無形之道教藉有形之法物傳貽無極矣是爲記

重建保濟顯佑侯廟碑

錢學洙

侯諱繼元字承祖邑之焦山人生於宋嘉定間敦孝弟務正直爲鄉隣重延佑二年以拯溺委身浮尸溯流里人懷其德感其異遂塑像立廟崇奉溪濱威靈大著元封顯佑侯湖州路總管明嘉靖間倭寇臨城邑人震恐遙望山巔旗幟浮空咸有戴字寇遂驚逸邑有險塘捍上流諸水每霖雨輒若泛溢萬歷戊申洪波驟至侯現身若排決狀水得平今雍正四年水決塘堤遐邇居民夜見火

德清縣新志

卷十
藝文

十六

光神力陰攝萬頃民田兩邑漕艘咸賴保全前令倪倌因士民之請詳憲請封適調餘杭學洙奉檄來令茲上謁廟時見規模卑隘因倡捐改作衆志感孚踴躍樂輸鳩工庀材羣萃輻湊本年八月奉旨加封保濟顯佑侯春秋致祭欽遵製造神牌恭送入廟而廟工適竣惟侯之功德足以感動乎人心是以羣情鼓舞俾斯廟速成爲德邑保障焉是爲記

侯志略同

重建永靈東廟記

俞樾

德清縣新市鎮故有永靈廟考之縣志神姓朱氏諱泗父煦三國時朱然之弟晉咸甯中伐吳煦與焉妻從行至鎮而產子是爲神神博通書史膂力過人永昌元年死王敦之難泰甯二年封鎮國大將軍立廟於鎮宋紹興五年賜額曰永靈廟廟故在鎮西偏宋元佑初鎮東之人呂走祀不便復建廟於東偏規制閎麗視西有加國朝咸豐間毀於賊同治三年賊與官軍相持見空中若有神燈旌旗蔽野鉦鼓殷天賊遂驚走蓋神助也於是里人錢增重塑神像權奉安

於戴侯祠是年冬陳汾源姚藻等倡議釀貲先建廟右之集禧堂以居神六年春方議重建大堂神忽降而言曰視西廟崇二尺以壯青龍形勢爲一方保障鎮人且喜且懼鳩工庀材奔走從事逾年而大門以至堂皇次第落成徵文於余以紀其事余考三國吳志朱然本姓施爲朱治姊子治初無子以然爲嗣故從朱姓而煦無聞焉殆史失其傳乎然爲丹陽郡故鄣人故鄣與安吉接壤而然又嘗爲餘姚長山陰令則其弟或從行經由茲地而生子亦事理所宜有者朱氏世爲吳將甚見委任當咸甯時吳猶未亡煦以勳戚子弟安得反從晉伐吳卽從伐吳亦不能至此縣志所傳疑失實也廟舊有宋元符二年碑記稱神爲鳳陽府人鳳陽府自明始置安得見於宋碑其僞託不待辯惟言神生於施家巷以吳志徵之朱然本施氏子至五鳳中然之子績上表還爲施氏然則施家巷爲神之故蹟無疑矣余惟神之靈爽至今不替而深情正史之無徵惟此一書合於正史故表而出之以傳信於後庶後之人益敬事神而被神賜於無

窮也 同治十一年秋七月立里人孫潛鏡楚南周濬書

德清重建留嬰堂記

俞 樾

夫幼而無父王者所矜民吾同胞仁人之志雖康成註禮偶遺養幼之文而管子治齊已著掌孤之令梁普通之世孤獨開園宋淳祐之年慈幼置局所以示少者懷之之意推父兮生我之恩使不獨子其子而親其親乃無不樂其樂而利其利我國家重仁襲義執冲含和廣保赤之仁茂珍黃之德蠟飛蠕動共拜生成里扑塗歡不遺幼稚固已澤流萌蘖恩逮蜚蠊吾邑於雍正甲寅始建留嬰堂時知縣事者錢公學洙實爲之倡大輅權輿檀弓物始錢少青蚨之積米無赤鹿之儲飯哺郟公得全已寡涇流李善所活無多邑諸生丁君覺源戴君師節等憫此嬰倪籌其久遠而又仁和諸生勞君本榮分陶白之饒捨麻青之積始因舊構重拓新規經始於道光戊寅季夏閱五月而堂落成至己酉歲廖公宗元來治吾邑得因經費之未充深慮規模之或替重加董勸以惠萌生蓋

賢令尹行不忍人之心士大夫盡汎愛衆之道其於斯堂也雖制度未宏而經營已瘁矣今夫尸鳩在棘君子法其均平童馬不馳聖人寓其慈愛唯彼赤子孰非蒼生或遇災年或遭家難男錢女布都無稱貸之門假母支婆孰任託孤之責風痠 枕冷牀單貌媚媚而可憐語謔謔而莫辨斯已孤桐已死苦竹難長又况中路嬰兒呱呱而泣入井孺子貿貿然來苟有人心其能膜視乎若夫寅后稷於寒冰之上棄於菟于雲夢之中此聖哲之奇蹤非尋常所習見然而畱枚臯於吳下竟擅文章收陸羽於竟陵遂開詩派葑菲可採芝草無根此一舉也固由惻隱之良或亦樂育之助焉嗟乎才不才各言其子誰非父憐母惜之身幼吾幼以及於人各予飽食煖衣之樂從此韶年卯日永絕啼號竹馬鳩車同安嬉戲上以盡鞠人之責下以全桐子之生其於我國家子惠黎元之治或亦有裨與予久違故里喜善政之有成欲勒貞珉懼空言之無補敬述良有司字民之實政諸君子勸善之公心以著於碑以垂於後與餽與乳務爲九重

德清縣新志

卷十
藝文

十八

重廣晏晏之仁引養引恬行見四境享熙熙之福

唐煦春集

德清縣新市鎮育嬰堂記

唐煦春

世運無古今通塞而善人之生終不絕於其間人無知愚賢不肖而爲善之機具於生初而各足有以感之則此心油然而生而同歸於善於新市育嬰堂之建而深有慨焉新市隸德清縣治爲江浙往來孔道居民商賈錯處其間繁富冠一邑顧湖州府屬七邑有溺女惡習德清舊染未滌以故縣治設留嬰堂官紳共蒞其事鄉鎮則未之及也同治甲戌之秋 春權縣事下車伊始卹卹未遑適郡司馬胥公暨郡紳姚鑑邵桂生二君奉檄來勸保嬰事隨歷各鄉至新市與在鎮諸紳商建育嬰之堂謂鎮舊有公所以艱於費中毀保嬰事分任各鄉無所統一議建堂誠便而憚集資之鉅 春以事無創始則莫觀厥成乃捐廉二百金爲倡姚邵二君及在鎮諸紳繼之共得千餘金卜築於次年之春其地爲南寺面游家潭通衢四達爲堂三楹堂後之室各三旁列廂屋爲庖湑之

所繚以周垣供用器物悉具經久所需則由紳勸本鎮集貲以垂久遠而育嬰之事備矣光緒元年四月吉日堂落成乃進在事諸君子於堂揖而謝之曰於戲忍心害理之事至溺嬰而尚可問乎以不佞之爲邑長於斯也思有以導民於善乃令呱呱者日就水濱而莫之卹其又何以自問乎今諸君子不憚財之殫心之瘁力之痛而輔不佞於不逮焉則信乎善人之生與善機之觸發充盈洋溢而維世運於不敝者也是役也創其議者胥公集其成者蔡兆騏胡汝聯蔡桂榮孫敬承諸君子共有力焉例得書名刻石其出資諸紳另列芳名以爲爲善者勸

德清縣義倉記

榮祿大夫少保戶部尙書兼武英殿大學士知制誥國史總裁永嘉黃淮撰
中憲大夫浙江等處提刑按察使司副使王預書并篆額

國家惠養斯民以固邦本惟恐閭閻扼於饑饉不得以遂其心上煩聖慮宵旰

靡甯重念太祖高皇帝舊設預備倉廩歲久馴致廢弛臣受以璽書條畫事宜分詣各道以經理之仍命藩司重臣之廉敏者以爲之佐刑部署郎中事員外郎劉廣衡承命往浙江偕右布政使方廷玉按察使副事王預協修預備之布按行至湖集郡守趙登暨僚屬同知劉禎知縣王敬等宣揚德意仍命區里之長及鄉之耆民羣聚於庭諄切訓飭益加詳焉邑中富美之家聆玉音感激奮勵願出穀輸於官未決旬得穀六千八百二十石敕使同藩憲憲其民之效義也勞之以酒果榮之以贈綵卽日具名以聞旣而鳩工庀材備倉四十三楹以備儲蓄欽遵敕音選忠厚公正耆民及殷富淳良之家嚴慎守護兼出納之數府委通判賀泰縣丞崔時雍總其政申明戒約委曲詳備大要以絕私無擾於本里社細民皆惟忻感悅仰戴聖恩生成之賜也郡縣樂其事之有成徵文爲記勒石以垂示永久洪惟成周縣都皆有委積以備凶荒自漢以來迭置常平社會義倉大率皆効周法世殊事異更變不一皇上遠稽典籍近追祖宗

成法遣使巡修復舊政而觀之俾得便宜行事預期民受實惠綸綍煥頒而効義之民雲集響應倉廩充實賑貸於是仰給焉傳曰未有好仁而下不好義者此之謂也敕使同心協義允稱任使皇華輝赤遐邇共瞻郡邑官僚祇承唯謹不繁而事集防閑有方侵漁之弊消於法當得書其義民姓氏具列碑陰庶使觀者視効興起後克有繼也是爲記

勒石永禁藥魚碑

知縣張 爲給示勒石永禁事據紳士徐本衡施涵徐肇基徐士駿許德修沈光裕等稟稱竊德邑地處水鄉交冬以後鄉民皆以糠糶食餌紛投澆瀆引魚萃聚旋將澆口用蘆蓆攔住復用巴豆敲碎煮水拋入澆中在水之物盡行斃浮水面俗謂之火燒河底其中魚類以及螺螄蝦蟹無一得生毒害物命莫此爲甚甚且四鄉皆有此惡習惟河墩橋北圩村爲最盛每年至臘月間無論大小各戶均以藥魚售錢爲度歲之資河中物命被毒害者不知幾千百萬叩請

德清縣新志

卷十
藝文

二十

給示勒石永禁等情到縣據此查北圩村四鄉等處向有毒魚惡習先經本縣訪聞正在示禁間據稟前情除批示外合行給示勒石永禁爲此示仰闔邑四鄉居民漁戶人等知悉爾等須知製藥毒魚殘害物命殊干天地之和會看北圩村等處慘遭風災煙戶蕩然不必顯言報施恰宜力加修省各勤正業何憂度歲之無資暗毒潛鱗卒爲戾氣之所釀自示以後務各愛惜生命勉爲良善倘敢故違一經覺察或被告發定即提案嚴究決不寬貸其各凜遵毋違特示署理湖州府德清縣正堂林 爲出示曉諭事照得德邑徵收新舊錢糧均遵減浮章程每兩折制錢二千二百二十五文又加糧捐錢三百文共收錢二千五百二十五文又春徵宣統二年份米石本縣亦遵減浮章程隨市作價業令酌定每石連二五耗並年外加價折收洋七元一角前經示諭在案茲據生員施清等稟請給示前來除批示外合行出示曉諭爲此仰闔邑糧戶人等一體遵照倘有書差地保人等敢有定價之外浮收分文准予指名稟縣以憑提究

其各遵照毋違切切特示
宣統三年五月
二十九日給

德清縣新志

卷十
藝文

二十一

卷十勘誤表

頁	面	行	字	原	文	更	正	備	註
一	前	二	一	藝					
二	前	十一之二	十	浣		院			
四	後	四	四	又		而			
四	後	四	廿二至廿三	升也		也			
五	後	七	廿七	機		機			
六	前	五	廿四	二		三			
十三	前	六	八至九	閣					
十八	前	四	五至六	閣					

是否閣閣之誤
待查原碑
原稿似脫兩字

德清縣新志卷十終

德清縣新誌

羅迪先
署簽



七(四)24.11.17
41
— 3/4 —

德清縣新志卷十一

藝文志二

紀載

奏定文廟祀典記

清俞樾曲園

咸豐六年十有一日河南學政俞樾疏言昔孔子周流列國同時賢大夫之克協聖心者於衛則有伯玉於鄭則有子產而觀論語所載則於子產尤稱道勿衰蓋孔子在鄭嘗以兄事之及其卒也爲之流涕今文廟從祀有蘧瑗而無公孫僑非所以遵循聖心修明祀事也比因校士再至鄭州登東里之虛渡溱洧之水緬懷遺愛想見其人夫附驥益顯非必及門衛鄭兩賢事同一體瑗既從祀僑何獨遺樾愚以爲先賢鄭大夫公孫僑宜從祀文廟大成殿兩廡又按孔子有兄曰孟皮故論語稱孔子以其兄之子妻南容而史記弟子列傳有孔子兄子孔忠蓋皆孟皮之子也孟皮言行無所表見然既爲孔子之兄則亦祀典

德清縣新志

卷十一
藝文

所不可闕者孔子曰所求乎弟以事兄未能也今以孔子爲帝王萬世之師京師郡縣莫不崇祀上及其祖下逮其孫而獨缺其兄揆之至聖之心或者猶有憾乎樾因言公孫僑從祀大成殿西廡位林放上孟皮配享崇聖祠位西向第一天子俞焉于是上自國學下至郡縣學咸奉行如詔書禮也其明年樾以人言免官自惟奉職無狀不稱朝廷遣使者之意惟此二事祀典存焉且孟皮之議實發於先父蓋先父有詠古詩四章其次章專爲孟皮未與配享而作奉先承志幸無失隊念漢世如乙瑛請置卒史韓勅造立禮器咸刻石勒名垂示後世作而不紀後無述焉爰著本末以誌方來乃爲頌曰英英子產君子之風兄事勿替尼父所欽宜祀于廡以尊孔心並彼蘧氏爲聖作朋孟皮弱足不良能行有開必先實惟聖兄所求未能聖心悲傷配食先代祀事孔明

寶明集

水南文集序

明蔡汝楠白石

苕溪之水發自天目德清其上遊也山川聳秀瑰璋卓犖紆澹窪匯裒萃而爲



屏障融結而爲人才越自南宋沈麟士主講吳羌繼之以休文之博洽吳潛之經義此其選也緣是人文輩出代有述作蓋嵩高降神或其理歟邑治之東有水南先生焉總引岐嶷釋褐司諫旣蹶而甫陟遞謝而旋歸其宦情殆泊如也遂乃留心著述前後刊摹播行久矣惟水南一集其子綏寧尹夢徵謀餞諸梓未果姪翀以懷慶別駕改經歷閩實刻成之然尙未全也間日求文於蔡子白石予惟先生前達二君老友也樂爲之叙曰有天文有人文天地之文章萃於光岳吾人之文章發於言詞其致一也典謨三百篇尙矣屈宋而下浸及六朝唐宋其間操觚染翰之士大率拂抑幽隱投閒置散者爲多何哉文之在人者必得天地之精江山之秀林泉之逸趣然後發而爲文詞洩而爲疏章暢而爲歌咏寫情寄懷點景寓興要有獨得其真而勘破化工之妙者蓋神以凝思思以宣志志以致氣氣以達辭辭以會題題以狀物胸次磊落含吐精華燦然煥然昭耀簡篇無怪也使夫官塵之羈跡簿書之勞形則固將輟思停毫候迎

判理之不暇矣甯能吟咏竟日也耶先生年未強仕挂冠桑梓結廬兩山之間屏絕人世紛華塵鞅手摩簡編銳情著述雖祁暑盛寒不廢朝夕故其灑翰盈簾卷帙幾百用心亦良苦矣昔人有言作文固難評文亦不易自文選出而文有定格音韻作而詩有定律以今考之文貴冲澹賦尙典則詩宜蘊藉詞尙灑脫騷雅之宜瞻麗歌調之宜鏗鏘舍是其何取哉今先生水南一集衆體悉具且又根極道腴發揮理窟優游清深溫和簡勁記傳則織簾之注疏押咏則休文之聲律前事之不忘後事之益信也由今追昔倡和其有人哉先民有作百司承式是固宜錄以垂不朽也已先生之奏議具國史履歷具邑乘志况具家傳考摭具別籍籍各有名首各有序總若干萬言今長往矣其餘響餘韻則尙在焉斯亦一邑之光也古所謂鄉先生歿可祀於社此固其人非歟因銓次顛末標之簡端嘉靖甲子歲仲冬之吉賜進士第南京工部右侍郎同邑白石山人蔡汝楠

餘不溪記

明胡允嘉

餘不溪襟帶清邑每過輒樂其清嘉壬子孟秋偶得半日閒蕩舟乾元山下板橋跨曲港水色如碧油桑竹映發使人幽絕山麓平松萬株日影穿射涼風拂襟暑氣忽滌去余里而近者南則超東則洛北則乾元金鵝互峙爭高平時登陟常有怯懾之色今步山麓遙在眉睫氣已凌之矣樵子復指余坦道迤邐如蛇盤中亭再下視一邑萬竈粉垣如畫若水貫之螺髻之山若跂若倚田苗正綠烟嵐雜起亦領人意去亭稍陡峻再折而至前架一亭插槿爲藩其上兩楹中供大士香几潔清不見人影簫聲雜笑語裊裊自空中出余澄坐久之

府志

德清山館記

明許孚遠

德清山古名烏山考唐志以德清名邑因名山是山尊嚴龐厚西對金鵝而乾元百僚在其左右復有支脈盤旋橫於襟帶之間遠近峯巒森羅如畫余家世祖山爲居邱隴之所依蓋且暮春秋而在於山其入山稍深處窈靜可隱余除

德清縣新志

卷十一

三

藝文

地而築焉伐木爲材壘土爲垣疏泉爲池凡營構之具半取諸山而得於是當山之中爲樓數楹曰尊樂樓前爲軒曰朋來軒闢徑爲園曰逍遙園池在園曰獨照池距樓北百步而近崇爲臺曰函虛臺大都因地之宜而從吾之便取其意不求其工故工易就也嘗坐小樓之上萬樹蒼茫照映几席鳴禽之音聞關在耳且清風時至明月滿樓看飛鳥於雲際聽流泉之涓涓所以發吾之性靈而除其煩穢之思者蓋觸處而在或雲霧之朝風雨之夕閉戶靜息亦足以收歛性情暇則與二三子振衣高岡徜徉幽谷詠歌唱和壺觴自隨不知足之蹈之手之舞之者也

奉萱堂記

明南京刑部左侍郎張瑄

元泰定間德清談公文禮築堂奉其母潘夫人邑人閻仲斌繪爲圖名曰奉萱且題詩於上以褒美之一時士大夫能言者又從而歌詠之文禮之曾孫福建僉憲俊字時英持以求題因得考其巔末圖作於丁卯距今九十四年矣文禮

奉親之時在丁卯前蓋百數十年事也文禮方五齡而父允恭甫棄背賴潘守節撫育以養以教以娶以成母之恩同覆載宜何如報哉爲之堂以奉養之以盡人子之道耳然堂不曰奉親而曰奉萱者蓋取詩曰得護草言樹之背之意也說者曰萱能忘憂背堂之北母所居也故以萱祝母欲忘其憂也吾想其登是堂也問安上述先意承志甘肥輕煖所以適其口體者無不備暇則象服版輿遊騁心目母樂子孝子喜母壽謂之曰奉萱信乎其能奉萱矣然人得樂此終己之身者少矣况能下逮其子若孫若曾孫若玄孫者乎得此於數十年少矣况能傳代至於百餘年之久乎是蓋有由然也余垂髫時識文禮之子思忠與思忠之子彥誠爲忘年交思忠甫爲人長厚不爲岸谷援例授冠帶逾九十而終彥誠敦朴孝友克世其家以子俊貴封監察御史今已七十七矣康強如少壯人時英以名進士起家聲譽藉甚非所謂孝子不匱永錫爾類節義忠厚孝友之行有以積累於前而以倍植於後者乎吾及見世之豪右隆然赫然有

固勝有談氏者矣然不一再傳子孫有行乞於市者甚則肆屠致剝殄漸盡無他以勢利爲仁義多行可愧者耳譬之絕澗之松漑之以靈泉濯之以靈秀故能拂雲霄傲霜雪歷千載貫四時而不改柯易葉豈如他草木絢纒濃於一時封植不厚嚴霜一降摧落俄頃榮瘁迥異者哉時英其尙承先啓後務爲此勿爲彼哉吾知談氏將來之盛又異於今堂日舊而名日益新矣是爲記

始遊蠡山記

明末
遺民 蔡方壺

蠡山者清溪東南之山由吳羌烏巾過峽而連山生焉登臨數百步其嶺秩然而西北向者曰馬回馬回者蠡之起脈而初從焉者也春秋勾踐霸於越范大夫蠡扁舟以去勾踐追之至此嶺不得乃還故曰馬回也山以蠡名者以蠡常居此也其嶺有祠焉曰范大夫祠歲時伏臘土人奉以爲神棟宇凡三進上有泉一清瑩澄澈冷然善也歷祠南下有井井穴自山腋籠以蔓草銀床欹側於路水多泥淤不可飲問諸途人曰陶朱井也歲久不甃故也東行數十步曰石

庵四周皆石石皆奇形猛狀相制如搏擊繚以籐蘿外有曲徑可抵石庵者舊常有僧結茅棲此而石則其大凡也庵左升二十餘步有穴自上而下天日儼然而風雨不至上蓋覆下塘伏也故曰石屋也石屋西上奇峯插雲怪石林立鳥道盤紆而可通杖履者可坐憩可漱濯有池焉曰劍池池曰劍者以蠡管沈劍於此劍亦神焉風清月白往往出沒水面成化間爲漁人所得售之蔡氏蔡族故清望獲是劍者予十一世祖也祖諱繩字思明傳二世而寢室火劍從火中飛出環堵而觀者驚相異也孰意仍歸於池復如初焉自劍池北下蜿蜒其道桑麻廬墓樵者牧者漁者刈穫者築場圃者往來行李者道相接也相接而相映於清流之間若形在鏡中而呼吸之聲嚕啞若問答者石壁也石壁北迤而與之俱迤者爲石湖一曰蠡湖湖生石中不通舟楫臨以峭石百仞參天叢樹箐篁倒懸交錯落鑑於水若荇藻之舞滄浪鱗鱗蠶鳴喁樂可知也是遊也予與同曾祖兄祉先以及南渡始祖秘書公分派嗣莊斗先者相左右焉惜乎不

德清縣新志

卷十一
藝文

五

得曾遊之人與之俱遊而山僧土著頑蠢無知不解指點其林巒之勝以盡歷其所謂八景者是則予之不幸而亦山之不爲予歷者之不幸也或曰子生長於清四十餘年矣今始一過焉山誠幸而遇子矣其不爲子歷而若不幸者安知不留其幸於他日也故爲之記以俟之而有待於後焉

蠡山記

清徐倬

吾邑無崇山峻嶺而有清流激湍城外諸山極高不過百仞或爲岡或爲阜或介或連或臥如修蛾或豎如高髻離離然錯立於溪之上下每至雨餘水漲汪波盪瀆羣山皆浮動山水相涵釀成空青縹碧之色遊者不必坐筇輿扶筇杖祇一葉之舟延緣而往浮嵐煖翠撲人衣袂真如身至蔚藍天也而諸山之勝蠡山爲最山以范蠡得名相傳泛五湖時取道於此故友唐聞宣曰此譌也蠡者羸也卽俗之所爲螺也水經註云睢陽有蠡臺迴道如蠡今此地有巨漾山時其中猶蠡之浮於水面其說良是然俗傳已久邨人已祀蠡於山何能易之

但牽入夷光因有燕支洞妝臺諸蹟則譌之又譌者耳蓋山之勝以青魚潭石屋劍池爲最青魚潭在山之足其形修如虛舟約有數頃左有小嶺翠竹蒼松鬱鬱深茂右有峭壁俯瞰潭中潭水澄澈作綠玉色深不知所底時見鯀魚出沒其間石屋在山之椒玲瓏嶮岬如堂如宇可坐數十人劍池則涌出於山之巔仿佛龍湫雁宕也水色深靚幽寒之氣逼人池上有五色石丹砂翡翠森然劍立三處皆爲奇觀余每歲必一至或再至三至嘗語人曰蓋山吾白首之石友也去歲以事故未及今歲力疾一往并挈塾中諸子同行至青魚潭藉草而坐息心澄觀神明清滌友人慇懃至西茅山看石筍遂不及問石屋劍池過門不入得無移文及之歟從潭上取徑而東至采石菴小憩僧人肯爲前導路甚輟轉曲折又多桑枝礙輿輿人必曲項折腰而過怨聲喃喃不置及至西茅所謂石筍者林立池中然遜蓋山遠矣卽取原道歸道旁有巨石狀如屏橫空屏顏高數十丈友人曰此上可題名予笑曰無庸也夫題名者欲留其名於此山

也而此山已爲蠡所有矣吾輩碌碌卽使大書深刻其上不過風雨剝蝕苔蘚漫汚爲牛磨蕪觸之場耳舍今日之樂圖身後之名其得失何如也急返舟理歸棹濁酒一杯聊舒諸君子登陟之勞回望煙螺數點戀戀有情尙想寒衣濡足於異日嗚呼可謂不知老之已至者矣昔維甲申仲春客爲陳天柱唐元龍程樹宋嗣方八十二翁之孫二人志莘志巖曾孫一人甫十齡亦能步趨至十里不倦喜其在童龀時卽有濟勝之具也故并記之

節孝詩册序

清翰林歸安韓敬

劉以升進士既登第卽以兩世節孝事陳情于朝有詔表宅旌門有帛貲于閭醴餼陳于案一時詞苑播諸聲歌明國家錫類之弘踐孝子祈天之志非尋常紀述也胡太君以廿六稱未亡哺四孤事四白勉支衰祚以延蘋蘩邱夫人繼之亦廿四彈寡鵠併形寄命疊霰重冰以有今日蓼境盡而蔗來寒壑枯而泉泛山迴反壤已封老姥之陵春到養堂正曳循陔之彩亦可以無遺憾矣猶永

念贈公以身殉母哀深吳隱淚盡顏丁故一生不踐石面不解綿温卽對策上書未嘗一日忘蓼莪之什也至于封鮒築鑲傳餐墮魚听夕凜凜璇壁不毀清白日沿以升自此委質王家無一而非其慈戒所及矣國制旌書與封誥不兩覃者也松筠之節先仲鼎釜之精徐沐以升一門遭際適逢其隆嘗尙有烏私不得遂者以升曰吾孤也北面而受傳南面而受事皆當以孤苦之若夙夜匪懈以事一人卽我兩世所謂含章代終者也諸君子幸已勛之敢忘所自遂書以爲子律

仙潭後志

七葉堂記

清許宗彥

山隱隆而不峭者植必盛水溶澆而不激者澤必廣故人之敦龐而安固者其生必蕃吾邑耆德戴先生士宏德厚而貌莊言有宇行有表處事無大小必忠必信尤善治家訓勵子弟慎名節課家人治耕織朝作夜思自壯至老如一日先生齒日益高子孫日益衆嘉慶初元先生之曾孫師恭旣舉子溯先生曾逮

德清縣新志

卷十一
藝文

七

事大父及是復抱元孫身所見者七世邑長吏上其事於省聞之朝賜七葉衍祥額寵其門浙之士大夫多作爲歌詩稱美之許宗彥曰昔漢時嘗置三老孝弟力田常員其詔曰孝弟者天下之大順也力田者爲生之本也三老者衆民之師也惜乎史家重華而輕質不能紀其行事之尤盛者以爲後世法今如先生者非其人歟先生子孫莫不稟訓自飭束修無玷他日見用於世推先生所以治家者以之治人吾知其無不足也語曰德之至者色澤洽行之盡者聲聞遠豈徒蕃衍其族姓而已乎先生今年八十有七而視聽不衰步履如少壯蓋其得全于天者厚矣

鑑止水齋卷十四

徐尹輔詩序

清蔡壽昌爾眉

僕與徐子尹輔交垂十禩矣騎竹之歲卽聞其雋聲盟筵以還恆視爲畏友維時歸安嚴處士僑北郭以養痾踵南皮之雅游春華方敷吾黨滋樂裙屐畢至詠歌遂多厥後僕遊陵陽君客顧渚嗟紫筍之味苦翫白蘋以怨遙會處士哀

蟬蛻紅病鶴返素宿草拂踝感深於酒鑑交蘆易分願乖乎吟局今年僕又將
投試京國驅車蘆溝道經吳門行篋暫憩鴻飛遵渚多止一宿獸窮走壙噤不
復嗥尹輔跋停雲以致思慨舊雨之行遠郵示所爲詩若干卷誦諉序言伏念
吾邑山川秀明人士清美明嘉靖之際吾宗子木尙書屏七子之頹響成一家
之好言遂使成都楊用修有立鵝天馬之喻毘陵唐荆川有元遠幽微之歎自
是以降能者輩出雖大雅不替而嗣音實難迄乎清初君之先德宗伯公總順
治六家之成蔡會昌一品之集湘管出手芸編等身遠揚韓蘇之芬近空王李
之習至今飛文染翰之士握槩懷鉛之徒蓋莫不以自知堂道貴堂兩家爲圭
臬焉尹輔仰藉通德平視餘子瓊樹挺秀根蟠百圍長嘯弄吭動協九奏洵眉
目之如點覺哺啜而亦佳所居谿樓掛吳羌之遠青漱餘不之淨淥黑蝶栩栩
高士之非未湮金龜湛湛故侯之印安屬或出或處咸歸刼輪歷久不渝厥維
雲壑每當魚鳥貢媚煙霞示冲屏張六重幔捲一角尹輔輒俯仰身世流連景

光惜寸陰於曜靈冀尺表之貞世浴硯之水魚吸多而尾玄讀書之燈膏漬久
以槃翠故其詩有冶玉鍊雪之譽無範鐵陶沙之譏妍詞粲花叢稿束笥神君
控弩則碧玉爲牙佛女繅絲而紅珊作簞眞宰上訴靈襟豁開豈不賢乎妙其
儔矣至若僕者盛年坐凋飢走靡所深思世業之墜非闕工詩而窮夙敦苔岑
之慳勉騰繁擁之舌涼風脩起於天末實勞我心姓名互見于集中請事斯語
蛻石文鈔

陔餘詩序

清歸安 朱冕羣

詩莫盛於唐而少陵爲之冠跡其超軼一時跨越百代佩陳芳之麟篆張大國
之登弧蓋由選理熟精雅材畢聚夔巫淹跡心不忘君稷契致身言皆有物故
能練思純摯結響沈雄踔厲風雲噌吰金石今於蔡子瑜卿之詩見之矣瑜卿
讀書等身研經焯掌爰蟲弋鳥精辨乎六書渴驥怒猊旁通夫八法擷江花於
夢裏驅蘇海於毫端唾地文成凌雲氣壯方將蜚英蓬苑摘藻蘭臺擅清秘之

文章奏承平之雅頌而乃避兵閩嶠橐筆蘇臺江山助其壯遊風雲鬱乎孤抱
小山桂樹長此懷人油幕蓮花依然作客故其鬱伊愴快之氣抑塞磊落之才
一皆宣諸篇章發爲謠咏僕久交元璐因識興宗數通謁於連牆復追陪夫近
局與周公瑾友勝飲醇醪見黃叔度還頓消鄙吝清談霏雪高論縣河就當窺
豹一斑已抵食鷄千跣近復出其陔餘詩以示余發原小雅拓宇楚騷陶冶性
靈發揮身世蘭章作賦不無危苦之詞曲江感懷早樹堅貞之志清商三奏變
徵一聲催落葉之豪吟偕浣花爲同調茂矣美矣蔑以加矣而僕尤願瑜卿翔
聲雲路振采天衢律應歸昌集成鳴鳳是則編者特嚆矢之先聲濯波之蠶采
也辱承雅愛委搆弁言不揣樛愚漫爲嚶引驥旄忝附幸已留卷尾之名蓋管
徒窺得毋著佛頭之糞

安雅堂詩存序

清趙景南 鑄鈇

歲戊子夢漪女史執弟子禮來見手其先人僊崖觀察安雅堂詩云將付梓問

序於余余維觀察以書生從戎屢上奇策累功而顯疑其人必矜才使氣鋒峻
峻不可近及讀其詩則溫文儒雅檢才若不及固藹然君子也然後歎以淺見
測人者妄矣觀察服官四十年以實心行實政仁惠慈祥碑鐫民口先我而言
者詳矣復何贅然有不能已於言者夫吾輩窮年弄筆衫袖盡烏髻肩濡首嘔
心鏤肺偶有所獲便詫爲至寶以爲傳也必矣詎後起不肖目無一丁從而訕
笑怨詈之謂先人不貽我良田五百頃廣履千萬間區區牛腰一束紙將焉用
行且糊窗糊壁覆甌覆盎訂爲甲乙賬簿甚至投棄廁中底於不堪問而後已
其生文墨知己或顧而憐之則等諸惜字故事欲如沈學士杜舍人之傳昌谷
集者十不獲一子弟或賢且肖則又限於才力刊一行字類挽百石弓經年累
月不能決束置高閣一任鼠竊蠹蝕而不知偶發故篋則剝落殆盡存者不什
一矣夢漪以女子身能珍其先人之詩且能傳其先人之詩則是觀察之無兒
觀察之有兒也觀察有知其亦含笑九泉也夫有感而書序觀察詩非序觀察

詩耶噫

德清留嬰堂序

清邑令程熙增 康侯

竊以事貴立法法在得人古無不敝之法有相需之人此興替得失所攸繫也邑城留嬰堂者創自雍正十二年堂基爲監生戴百齡耆民黃繼麟所捐其經費則前縣錢公學洙首捐廉銀百六十兩復經紳士沈作楫童士紳等極力募勸以足成之洵善舉也迨咸豐庚申洪軍入境堂屋半毀生息銀款蕩焉無存同治丙寅邑紳蔡君兆騏丁君覺源等稟請上憲撥款修葺並勸豬羊魚絲各行按年捐助以資堂中經費其時肅清未久民力拮据嬰孩待哺者甚多全賴斯堂以生活之蓋駸駸乎復舊觀矣光緒初蔡君丁君既沒堂務交許紳士奇士英接管十餘年來災歉頻仍嬰口繁而捐數寡恆慮入不敷出今春及秋許紳昆仲又相繼殂謝權其事者將堂中冊籍及餘款五百六十二千一百六十一文呈繳到縣余思留嬰堂之舉爲邑城嬰命所關創者因者不知幾費經營

德清縣新志

卷十一
藝文

十

始獲有此規制今當繼往開來之際不爲慎選其人坐令斯事蹶而不振是司牧者之咎也徐君本衡施君涵徐君士駿肇基皆邑之好善君子爰請公同經理堂事諸君皆欣然樂從以爲舊時規畫尙有未盡臚舉堂規十則以示余且欲以每年出入欸目於歲底刊刻徵信錄余曰善斯堂立法於斯爲備斯堂得人亦於斯爲盛矣一邑之幸豈非余之幸哉因喜而爲誌數語於簡端

塵南軒詩序

俞樾

先君子初娶於蔡蔡固吾邑鉅族而外大父漢章先生亦名諸生也五老之榜未登一夔之聲獨備桑維翰之意氣鐵硯留銘李長吉之才華玉樓赴召文章散佚門戶凋零雖有子而堪貽硯已無孫之可授樾癸丑假旋晤厚齋舅氏乃其嫡姪也坐涓陽之館每共清談歌下里之詞謬推同調始得敬讀先生塵南軒遺詩若干首筆墨之痕欲化煙霞之氣猶清存此古錦之一夔亦是吉光之片羽然而陶泉明之集并無甲子可編王遠知之書幾爲六丁所攝偶向死

灰檢出重將生紙鈔來元酒太羹不是人間之味高山流水長存絃外之音嗚呼先生之心可以無憾矣夫閭闔衣冠之句奚所取於山林微雲疎雨之詩未足登於廊廟詩無定格人有攸宜先生既抱璞而居遁奇不耀以故儲王雜興都從田野之間甘石著書或及鹽米之細視世之弼中彪外者若有殊焉然而白香山之體以近俗而彌佳邵康節之書雖打乖而可喜果語言之入妙少少許便可勝人若雕刻以求工塗塗附轉嫌乏味讀先生詩者正以其詞之近而見其旨之遠焉若必奉兔園冊子作狐穴詩人瓊岳銑溪獨成澀體蛇神牛鬼自許霸才又豈足以論詩哉厚齋舅氏珍此楹書命爲弁語嗟乎魯靈光之殿久圯於當年魏正始之風尙存於今日愧非元晏未足傳左太冲之名倘遇大山請更定孟雲卿之集

重修覺華寺序

清桂山

蓋聞白馬馱經梵唄始傳於震旦青鸞啓宇蘭若徧列於坤輿創之者固功德

德清縣新志

卷十一
藝文

十一

無涯修之者亦善緣最勝茲有吾里新塘覺華寺者像迎大士殿啓大雄戶被慈雲樂土悉登仁壽門開甘露羣生成沐麻和仰日月之垂光千秋法注祈雨陽而應驗三竺臺分所以地載輿圖利詳邑誌有由來矣粵稽前代久著莊嚴備節瞻仰自康熙十二年徐蘋村宗伯庀材復建至乾隆八載沈述震孝廉捐資重修迄今百有餘年雨蝕牆垣雲頽棟宇欲諸公之掛錫須衆士之施金庶梵宇重新遐爾嗅旃檀之氣琳宮式煥昕夕聞鐘鼓之音豈不懿哉是所期也謹序

游歷地球圖紀

詩傳雲龍

雲龍遵廷諭出洋游歷之國六日本也美利加也秘魯也巴西也英屬地加納大也日斯巴尼亞屬地古巴也而舟車所至假道層出於是絲日本國而美利加合衆國而英屬地加納大而日斯巴尼亞屬地古巴而新加拉那大國而埃及瓜度國而秘魯國而智利國而巴他峨尼國而英屬地巴別突司島而丹屬地

先塔盧斯而美利加而日本凡往還一十有一國歷程一十二萬有八百四十四里異途無論已卽往還同航太平洋而潮線亦異往時起緯三十六度五十七分屈曲北行四十五度十六分又少南行三十九度二十二分而至美利加之三法蘭昔斯哥卽舊金山也爲日十八地自西而東舟自西而東日速十七分故閏一日於其間還時較往時更北數度行日十五地東行舟西行日遲十七分故少一日算學家所謂循大圓弧而行之理非此無以見也緯綫近北愈狹圓弧愈小程以狹而省卽行以省而速所謂大周行船法非歟凡繪地圖球面有三一以赤道爲圓界曰平球是猶置身北極外而俯觀之也南亦如之如僅繪游歷加納大圖此法庶其可乎蓋與我京同近北極也一以某處地平爲圓界曰偏球游非一地無可概此一以子午圈爲圓界曰正球圓錐切綫之法不外乎是或謂航海難問面積何若墨加禱法乎曰大周行船法省於墨加禱圖中之程多矣航海者先視圓弧之大小次定行舟之曲綫如由橫濱至三法

蘭昔斯哥欲東先北此其大驗識游程往還謂爲切綫法之球可謂爲大周行船法之變格亦奚不可

游歷英屬地加納大圖經餘紀

清 傅雲龍

雲龍游時之久暫未嘗不視歷地之廣狹若加納大大於英三島者三倍而游時最暫無他一限於時一限於費也雖然天之經緯地之沿革兵制之異同商舶之出入工肆之良窳農務之進退漁獵之損益學校之大小疆吏議紳之黨伐翁打里約貴壁之險要罔弗以見證聞振厥綱領而吳爾富凜凜有生氣尤於貴壁低徊不置云且南冰洋於游巴西道中極之而北冰洋則於加納大北境近之述游歷英屬地加納大圖經餘紀

東衡里朝奉堂記

清 徐宗樸 素園

神姓包安徽商人也於宋代革命時避元亂遷邑之東衡里設米肆取什一之利而家於湖遂爲湖人然輕利好義有古俠士之風值歲大饑道殣相望公慨

然以斗斛小進大出施濟貧民免死者八九而公之資本絕矣遂自殞里人憐其義葬於花山之朱家圩至今有崇阡焉乃葺其廟而歲祀之水旱祈禱歷著神異雖前邑乘失載但其裔孫尙有居安邑之蓮荷里者同治紀元慘遭兵燹廟像俱傾迨光緒七年里人章愚溪等鳩工庀材修葺社屋取租資以奉神伏臘之事經營伊始尅日告成知公之有以惠斯地者深且遠而人之所以思公德者真且摯也

新市鎮志序

明陳 憲

州邑之志古列國之史也秦滅六國郡縣天下周官外史之制蕩廢而漢以來金匱石室之書惟王室有焉次而僭國僞朝雖或有作大概以爲偏方亂國之書後世徒取參考而已不盡憑也古者九州之志謂之九丘丘聚也言九州所有土地所生風氣所宜皆聚此書九丘亡而後歲時紀於荆楚風土述於周處方輿載於祝氏虞衡筆於石湖與夫名賢有錄花石有譜斯各具丘之一而外

德清縣新志

卷十一
藝文

十三

史之遺意今志之大凡也仙潭舊無志予幼也喜從鄉先生長老訪求其故而覽觀其迹時所指示者某某坊某某第某山某遊某丘某藏某也名宦某也全節某寓某產某小子識之又曰市名新市陸市更徙也其曰仙潭謂昔爲仙人所游泳也小子識之旣壯而仕仕而歸則昔焉見聞了然心目之間而前所從受之人則故盡矣懼夫老而遺忘後將罔傳也爰輯而爲之志歲在丙寅桃月書成客或笑曰是庸豈知不爲覆瓿者哉夫仙潭郡邑之鄉鄙也今吳興則有志餘不則有志借其可書二編者何遽遺而棄置不登則無取者也子固嗶嗶焉又筆之而成書誣且贅矣予不能答則披卷謂所志者曰爾非湮鬱於百年而揚露於茲者乎爾非郡乘所略邑策所不載者乎爾姑謂宜傳曷默而不言爾誠無言世其奚謂然則又自笑曰夫辯者不信自信者不言爾其含冷煖於自知者哉世有我同心者知於覆瓿免矣乃序而刻之

仙潭後志序

明末沈 陶 遜 畬

州萃而爲九邦分而爲萬於清邑而有新市彈丸黑子僻在魚鱗然而四民之與處百貨之與集人煙浩繁文物蔚炳弗有述者將使風俗湮頹精華歇絕不其悲乎夫徵文立義是爲史法雜錄微言則謂志林胸不必擅三長跡不必乘四載彙爲一書要足成家顧乃無其才者憚無其志者憚無其時者悵安望考同訂異搜羅佚聞以備一方之掌故乎幸而三者皆有矣則又義存闕肆體尙簡嚴貪愛不忍斯刊除之難也氣遂彊直勢須遷就拘忌善畏斯揚厲之苦也幸而二者皆無矣乃上下百數十年摺紳好事家昔惟水南今則洛椒洛椒當甲申歲以隱疾假歸杜門却掃著述自娛閒作仙潭志略雖取材胡氏仍者十三補者十七如履荒林密箐中刪其蕪疏其穢而嘉樹美箭森疏孤露娟娟乎清陰之襲人也其記事賅而用心亦勤矣顧念曰屬筆終篇斷自何日嗚呼立乎哀定以指隱桓自孔子猶難之斯志也由唐以上若滅若沒由宋以來或存或亡遞及我明乍絕乍續卽才量不同大小各識後世有作要非傳接不爲功

德清縣新志

卷十一
藝文

十四

所恨古人不見我焉知來日不如今哉抑余有懼焉社鼎自淪屋烏誰止得無今日民物之攘攘閭井之殷殷其交於吾目者曾不轉瞬而蕩爲冷風鞠爲茂草矣乎此亦事理之或然者不可以悟榮落之相尋盈虛之極致歟雖然昔淵明鑿空使千百世而下桃源鷄犬宛出人間嗟乎文之不可已也如是

仙潭後志自序

明末 沈澱穀 洛椒

且無論立言爲一不朽作史有三長余非其人豈有兀然一榻戶外之屢闐然從何摩碑版詢故老可以網羅一鄉之井閭典實以存志林乎前讀水南先生仙潭志心向往之然望洋而歎深知莫能贊一辭也已得懷川翁續志遂考其與前志異同見其中人物事蹟爲吾有生或見或聞且其文平易近人效而爲之可免狗尾之誚因獨錄其與前異者附以近事則余竊筆焉但耳目窾啓入吾室者止兄子繩見聞頗與予同志若叔退畚足不出戶又蚤於予故坐見其寥寥也又性不能寒暄人率其意之所至雖寥寥數言亦多不堪示人之論僅

可存筭自備遺忘而已或曰盍亦出以示人可以廣文獻之不足訂傳聞之異辭予曰以示人則避忌周旋傷其直性者勢所必然也吾腕有鬼不能役管城君伺人間以爲顰笑吾甘吾黷啓而已事迄弘光紀年過此以往喪亂之後事頗繁絮然則柴桑書甲子之年歛歛未忍屬筆况譬之水焉未底於尾閭滔滔東逝者勢未有已也將以何日爲終篇之斷乎故嘗闕之以俟後焉翁爲余婦之祖集中既表其行但老於學究續志不甚厭人意然垂至今日則猶見典型孔子曰史闕文馬借人吾猶及之則孔子所爲上下於古今之際者必非區區二事也神農虞夏不可得見故思其次與

仙潭後志跋

清沈 汎

禹會諸侯於塗山防風氏後至今前溪古防風氏之國吳郡其地也禹貢未列於中原春秋始屬吳越浙之有菰苕也天下之一隅而清溪又菰苕之一隅潭又清溪之一隅也居民因陸市移此遂號潭爲新市而孰知新市之有潭謂之

德清縣新志

卷十一
藝文

十五

爲仙人居也仙者何修靜陸真人也志曰真人東遷人目有重瞳掌有篆字背有斗文博精象緯及隱廬山與陶潛慧遠竺道生等十八人結社而真人與淵明最善後尸解間嘗出沒於潭上當時每聞絲竹之聲則知潭之始人跡罕少有龐古風讖曰借饒兵革亂如麻此地安然儘過得以方昔之桃花源亦差近焉地以仙著宜有異乎凡士者元亮記漁人之問津殆有意乎夫世治則賢人進用世亂則高人退避抑真人遭時喪亂與淵明同志雖身退守雌以爲學道之秘亦有得於易賢人隱之義歟迄今烟爨日繁竟成巨鎮與烏戍上下其間人物之盛財貨之聚通蘇杭之舟楫爲浙土之沃壤又非昔比而讖語亦驗焉吾里自水南先生作仙潭志紀晉以來下迨明初其至到山川寺觀橋梁科甲隱逸靡不確訂而縷記之甚有來鬼物之夜告者真可成信史生於茲上而不知其所自與朝菌蟪蛄何以異今嗣而續之者吾社涪椒先生也後先記錄功於茲土不小涪椒隱自明季閉戶著書面不見人出處真與柴桑合而所遇又

與水南先生殊故其所志每寓離憂幽憤之思潭在鎮之東有通仙橋設真人祠於潭之上橋之北舊有額有曰仙潭云系以詩曰匡山蓮社陸真人絲竹寒潭昔尚頻正是知音從此少空遺流水遶東澗

仙潭志餘序

清陳尙古

潭於餘不鄉東北晉永嘉成市百餘年當宋元嘉太初之間陸修靜先生嘗隱居潭上世傳有丹光琴響之異而後人遂名爲仙潭厥後世運嬗人事更迭聞良多也然好學深思之士求其故而不得爲之撫掌太息感慨者數矣如是數百年有明家水南先生寔當武廟時倣春秋書法考古覈今以志新市其旨正而嚴其文質而雅洵博史也及歿而散軼者百餘年沈洛椒先生謾原名戩穀得諸民家闕疑訂譌以存一代典型先生追武陵志絕筆是後字乙酉發前哲之幽燼作末流之砥柱豈微細哉然先生懷憂飲痛舉世無可與語或中夜悲來篝燈卒讀未嘗不廢書而涕洟也尙古少自郡歸先生已溘謝遺言緘皮

德清縣新志

卷十一
藝文

十六

兩籠周甲子而後發故莫能關其書後十餘年從祖元望修邑乘得闕兩先生仙潭志如球圖琬琰不忍釋手已而宗長後方携去且浹月矣尙古夢長者授一編曰此水南先生遺書也是日先子命圖水南像併貸二志錄之及捧歸洛椒像具在酷似夢中所見噫亦奇矣且尙古草茅布衣上不能列身巖廊任股肱耳目喉舌之寄次不能誦法先王衷道德渥仁義之澤下不能服勤耕稼攘除污萊以供朝夕水菽之養而先子見背獨爲匪躬矧昔賢徽型詎堪負荷然先子雅欲修輯不幸賫志以沒今方束經呼痛之餘追維水南前志採用胡拙訥舊文渚椒後志亦廣胡懷川不逮二翁愿而言確文雅雖儉綱羅特周卒發兩先生之光夫千餘年風土人物升降上下泯泯焉若寒燐斷靄銷沉磨滅于墓林濠濮之中終無有牧人漁子過而問聞而太息者殆不可勝數微二翁亦大類此尙古非敢廁作者後要當述所見聞俟後之君子欲衷兩先生緒論庶得引拙訥懷川例意者稍有助焉故不辭猥陋竊据撫志餘而書其簡端如此

康熙十三年歲在甲寅春三月望後四日棘人陳尙古序

新市鎮續志序

清沈亦然

新市鎮之在縣特一隅而已縣有志矣鎮曷爲復有志乎蓋縣之志恆略况見聞所不及諮詢所未周則缺而不載者多矣鎮之爲地也最爾生於斯游於斯者譬猶居家庭中門逕之曲折器具之成毀家人之甘苦勞逸莫不了然於心非如賓客暫至雖知之不能詳也此前志之所由作歟志終於明正德間至今已二百餘載中間胡君道傳潘君穀等雖各有紀載而均未成書惟戩穀沈先生作後志一帙程君之彭又輯仙潭文獻十卷然沈志成於暮年字句未經琢削程書則又失之太濫卽體例亦不無可議焉今去程時又百二十年能記載者絕少過此以往將欲求如周志之略并不可得矣於是姬子寅伯邱子文瀾陳子鍾英暨吾家鏞龍墀等亟請於予曰君日事著作而梓里之志闕如竊以爲不可予曰子亦知爲是書者有三難乎年世稍遠文獻無徵一難也前志作

德清縣新志

卷十一
藝文

十七

於水南陳先生黃犬之皮不可以補狐裘二難也予居此日淺杜門絕遊墨墨若夜乃欲令求物於幽室之中非燭何見三難也必欲爲之則諸君當各網羅舊聞事必有徵地毋及遠或卽幽室之燭歟予雖蒙犬皮之誚不辭羣曰諾於是旁采沈程二書之可存者妄爲修飾又益以今時所搜採始明正德丙子以後終有清嘉慶辛未別爲續志八卷體例多遵前志而小變之草率歲事遺漏知所不免姑存之以俟後之更定者

太平軍紀事

徐士駢 葉生

太平軍之入浙也始自江西安徽旋攻陷江蘇江甯與丹陽等縣分道進行陸路之軍西由甯國廣德至泗安南由獨松關餘杭襲破省垣又由安吉遞鋪埭頭自武康而下其時吾邑鄉團僅百餘人太平軍至永安橋約五六千人鄉勇勢不敵皆退走邑令何元輔(麓耕)亦避去邑遂失守是爲清咸豐十年庚申二月二十六日也旣入城凡縣署民房商舖質庫無不抄掠焚毀遇人或殺或

擄或與財物始放走自南門直街至假山街止皆成焦土並出掠四鄉至二十
八日仍從武康而去時張軍門玉良統兵入武林門復省城太平軍乃走餘杭
先是太平軍由長興襲湖郡爲親兵擊退守郡城者湖州知府瑞春歸安令廖宗元候補道趙景賢四月軍由水
道襲蘇州至嘉興七八月間至石門長安并至塘棲新市新市雖較完而人民
被殺赴水者不少市廛亦被焚十一年辛酉二月省城兵至石門與太平軍接
仗五月太平軍由石門向唐棲新市出敢山溪而至菱湖等鎮謂之打先鋒時
守郡城者候補道趙景賢團統陸葵三率民勇會合擊破太平軍船百餘又進
至雙福漾斃軍千餘人軍乃潰退至九月二十一日復自杭州再至知縣鄧珩
遁遂據城沿鄉焚掠淫殺無所不至數日後始遣軍目安民建軍府於射圃前
設市肆於小南門外并設櫃開徵焉同治三年二月親兵自紹興渡江而下左
宗棠(制軍)蔣益澧(方伯)高連陞(提督)規復杭州太平軍聞風拔館縱火
竄走由洛舍至埭溪向安徽江西而去三月三日高連陞至民被迫而降者薙

髮復業然而生還者不過十之二三矣悲夫同年八月湖郡收復四年乙丑秋
秩序始定省垣且開科補行歷科鄉試兵燹之後虎口餘生流亡集而文風復
振亦時局之一大轉機也

按原作多諱忌依現行法令修正之有單用兵字者
此清代官兵也或僅一軍字即太平天國之軍也

北圩風災記

清徐本衡 季賢

丙申孟夏之望天氣炎蒸翳雲忽起午後風雨交作傾注不絕邑之東南鄉徐
家莊左近有名北圩者是日申刻猝遇風災治城聞報後羣隨邑侯漢章張公
馳至該處惟見自公子廟起至北圩村長亘十餘里屋宇傾圮居民之斷脰折
臂或傷或斃者二百餘口誠近今之至大奇劫焉當風雨之初起也先於東南
角颯豎黑氣衝突層霄忽而西北河墩橋外之公子廟後灼有煙燄紅光自巖
穴噴騰而出其聲隆隆如數百輪舟鼓浪相逐霎時兩氣相薄天昏地暗河水
沸騰昏暗中恍有數百萬鳥雀盤舞觸之皆屋瓦也土人無知喧傳水龍與火

龍鬪又傳北山之麓素有極大蜈蚣蟻屈其中今觸龍腥奮而躍鬪道聽塗說殊無確據惟所奇者木葉焦如火烙樹上繫有五色草繩周絡村中凡草繩纏繞之處廬舍無獲瓦全古柏喬松大者數圍桑竹雜木小者拱把均被扭斷更有巨石重可二三百鈞風竟挾之而走屋內有石臼重踰百斤隨風飛墜於村外農船百餘號盡遭沈沒或懸擱樹上又有八歲童乘風遠御直至西鄉六十里外從空墮下村中浮厝各柩棺蓋與骸骨被風捲去而棺底獨存甚有數塚掩葬已久風摧塚崩尸骸零落惟賸敗絮殘衣委棄叢莽通計十餘里中斷埂頽垣一望無際惟村之中央有兄弟沈阿虎阿豹者其左右鄰俱傾倒彼獨片瓦不損或稱其先世好善以致此此一說也或稱丙子歲江浙有翦辮之謠謂是白蓮教試其妖術行旅艱危時北圩誤斃過客三人阿虎阿豹獨不與此又一說也但無論其事之虛實而該處風俗强悍素以藥魚牟利荼毒水族迭經勸諭積習難改豈天故甄其善惡以示懲勸歟因就衆所共見與天災之信而

有徵者以志其異且爲世之好善者勸焉

按此係清光緒二十二年之事極類地震距今未遠亦信而有徵者錄之以供天文家之研討焉其善後振卹之事甚關重要自應兼載於治行志張縉雲傳內詳之

植棠記

程森

德清之爲邑也繁疲難民國肇造百事更張非有賢令尹不足以裕舉措四年夏吳公來吾邑下車之始待理孔殷如增學校興實業培險塘修縣志皆吾民所切望而不得者公乃擴之成之烟土盜賊吾民所痛惡而未絕者公乃禁之弭之而不遺餘力此有形之政績昭昭在人者也而無形之感化實因懲勸得宜故能四境安謐聞於上而懷於下六年十二月內務部嘉公之能會同司法部獎棠陰章越一月省長齊又呈奉明令獎六等嘉禾章復於另案內超給三等嘉禾章夫豈偶然所能致哉四年迄今旱潦不災秋成有慶嘉禾非虛也廿棠一篇周人思召伯之德而愛其樹國家乃制棠陰章以示信賞彰有功焉邑令之得棠陰章者始自公因樹棠於大堂左右以爲公憩說之紀念公始吾邑

之召伯乎願吾人勿翦勿伐三復不忘無待懲勸而進於善則後之觀感不更有深長之思乎公名鸞皋字鶴巢河南固始人曾祖其泰清道光九年以名御史簡湖州太守邑受其賜旋調杭州清史有傳後先繼美矣中華民國七年三月日記

德清縣光復記

程鳳鳴

辛亥革命何謂耶曰脫離專制肇造共和解除君權變易政體屋清社以樹民國成於辛亥歲也厥事鉅而應有所記殆無逾于此者然其本末沿革乃史家之事非余所敢聞也茲就地方之變革秉所知者略述之粵自武昌起義全國景從不兩月間先後反正名曰光復光復者光華復且之義焉而能兵不血刃民不騷用告厥成爲亙古所未有以視嘉定十日揚州全屠其相去何其遠耶清邑之於斯役也由夙懷革命之士發揚民族精神先未雨而綢繆俟水至而渠集奔呼策畫不乏其人憶史令久鏤有呈復浙江都督一文其略曰

德清縣新志

卷十一
藝文

二十

案奉

都督支電開據臨時稽勳局浙江省調查會會長俞煒呈稱前奉

臨時稽勳局長馮歌飭將革命功勳成績於電到三個月內調查完竣全數報告等因奉經通告務於十月內將應報各種勳績送會彙辦在案現因尙未送齊擬請令催限於民國二年一月十五日以前送會彙辦等情除通電外仰該知事等即便轉行遵照具報等因奉查屬邑士民前在清兵固守南京攻克奏凱案內有出力人員陸軍第二十一團第一營退伍兵士譚錦有一人業經奉獎二等年金在案惟德邑夙具革命奔走籌畫光復全縣者自不乏人節經派員調查均以當時在事人員不願居功致稽呈報茲據調查員報告去歲德邑光復時先由程森蔡煥文徐師善聞毓璇戴文輝蔡振鏞程鳳鳴蔡景謨許德輝徐沛善徐滋善等聯合尙武會諸同志組織團體曰光復會先由程森自滬湖密就機宜往返承商與

徐師善等連日會議組織一切公推蔡煥文爲民事長於九月十九日宣示光復召集邑民大會以告厥成當夜刊就告示派由戴文輝程鳳鳴蔡振鏞徐滋善賚赴鎮鄉與各自治會接洽開會演說勸令易幟卽毀龍旗懸白旗以爲拔趙樹漢之標識所赴一鎮十一鄉共表歡迎如響斯應然亦不無莠民反對光復徧造謠言揭貼聲稱實行抵抗不成則肆放火搶劫闔邑驚皇秩序擾亂乃推前赴鎮鄉之戴文輝等星夜赴杭請兵援救聞毓璇蔡景謨分赴杭滬購辦槍械後以勢值危緊由戴文輝等往返杭滬會同聞毓璇蔡景謨星夜購到槍彈回德分給各固有民團加意防護與耆老徐士駿許德修沈光裕等會商公推嵇炳元爲民團局長炳元初在豫候補因回籍省親耆老悉留至其經歷並見薦辟適狄前知事紹青奉檄到任連日會議公決加聘嵇炳元總辦民團募集壯丁日夜訓練因認真任事而人心始定一面嚴拏土匪呈准上峯執法以繩而盜賊始斂跡並經籌集款項鎮撫難民獎

勸各民團一律協防以保桑梓然後次第建設秩序恢復卒能七邑無驚地方安謐凡此諸人核與臨時稽勳局暫訂賞卹章程草案總綱第四條之規定似無不合等情報告前來知事詳核無異理合備文呈報仰祈都督核示飭遵

是案既上聞都督朱瑞照例註冊並轉臨時稽勳局存案無異惟斯役鳳鳴既參末議效奔走覺當時情況有爲前呈所未盡者查德清光復先與武康各同志結合故易幟後先一轍均由先君森乘滬湖密令以行之者其動機猶在杭州光復之先武康係另案辦理故前呈未及也至新市全鎮之光復僅次邑城一日當余等之奔赴也新市已屆開會矣先是新市沈汝楷高振垣鍾選青胡錫申胡家驥及程源等得先君森密簡有奉令復邑不日舉事城鎮唇齒誼切同舟攻守聯盟諸所見教鎮多君子諒能慎密等詞至是乃由沈君等偕同高士鈞劉曾塘鍾光燠劉衍慶黃冕英嚴元英潘寶瑩鍾守恆胡若龍等暨闔鎮

民商集會商議高揭漢幟表示反正惟公選主領事者未決結果羣屬意沈汝楷而汝楷謝辭乃加推余造訪其廬乘客談之頃由士鈞曾塘等四人代表衆意以擁之其事竟遂此則躬與者焉敢爲鎮人慶也至在各鄉多由自治會主持其事能與當地人民同趨一致乃能共觀厥成嗟乎周餘黎民靡有孑遺漢家約法人士騰歡率豪傑以返河山仰卿雲而歌復旦此誠萬衆一心者也豈僅一邑而已哉

按部頒修志事例概要定地方志須撰大事記新志於此應廣載之然紀光復非細故也本宜由原纂四君撰述之以適凡例乃原作無此而編纂今星散葉生徐公且已歸道山爰基二十前之經歷之回憶以補充之抑查原呈當時在事之人多屬不願居名今豈故違其願而且侈談先德耶因部令所在不敢隱耳

讀音講習記

程鳳鳴

研究讀音爲國語統一之預備也國語統一爲言文一致之預備也中國文字最古語意艱深能文之士多以意會非以法傳能者愈能不能者之無莫識於是文語相離方言龐雜一省一區之內幾成鄰國相望若論幽燕閩粵無異地

德清縣新志

卷十一
藝文

二十二

北天南甲午之戰以還憂國之士感覺改良文字爲推行教育之要圖乃有王小航勞玉初吳稚暉諸老殫精竭慮創造拼音字母前清學部曾開中央會議決定國語統一問題民國以來多數學者鑒於改良文字必先統一國語統一國語必先統一讀音爰於元年開讀音統一會議定注音字母三十有九以代反切之用並加研究以備頒行四年由部設立注音字母傳習所七年由各省高等師範學校附設國語講習科同年冬由部公布注音字母三十九字旋又增加一字合計爲四十後改稱國音注音符號即今所通行者八年印行國音字典並設國語統一籌備會凡此經程具費心機公布施行尤主審慎蓋當時主由舊學而翻新免爲識者所譏也博稽歷史詳加探索以期推行無阻若夫以之教人者尤須先備各項資格一曰通音韻二曰通小學三曰通一種以上之外國文字四曰諳多方語言始稱合例卽以研究讀音而論非特不宜脫離漢字尤須熟諳辭典語法及各種語體文免有應聲而不識字之誚誠其難其慎抑又不容不習者

也時余佐縣署視學乃承命諮商勸學所蔡所長暨注意國音學者自具資斧躬赴省垣就學歸將以謀應用也惟應用之義有二一為本身執業計二為傳授他人計余既資格未具而又羈於職守不足語以授人又不得不為授人之謀乃由縣公署借勸學所再度舉行讀音講習會分延許君麟孫范君洽民擔任講席集全縣教師以為學員授畢讀音應有之大單元其間有無成績可述能否喚起社會同情非余等所敢知也惟教科書既改用語體而習用字又加以注音則百年樹人日積月累願後之來者將以踵行其事也爰記其略并以表系之

國音注音符號

ㄅ 伯	ㄆ 迫	ㄇ 墨	ㄏ 佛	ㄏ 佛	ㄏ 德	ㄏ 特	ㄏ 訥
ㄆ 册	ㄆ 格	ㄆ 客	ㄆ (蘇音)	ㄆ 赫	ㄆ 基	ㄆ 欺	ㄆ (蘇音)
ㄊ 希	ㄊ 知	ㄊ 痴	ㄊ 詩	ㄊ 日	ㄊ 資	ㄊ 雌	ㄊ 思

德清縣新志

卷十一 藝文

二十三

(以上母聲)	一 衣	(橫行作一)	ㄨ 烏	ㄨ 迂	ㄨ 啊	ㄨ (寧音)	ㄨ 鵝
ㄨ (蘇音)	ㄨ 哀	ㄨ 呢衣	ㄨ 熬	ㄨ 歐	ㄨ 安	ㄨ 恩	ㄨ 昂
ㄨ 囑	ㄨ 兒	(以上韻母)	ㄨ 鴉	ㄨ 嗜	ㄨ 耶	ㄨ 崖	ㄨ 腰
ㄨ 幽	ㄨ 烟	ㄨ 因	ㄨ 央	ㄨ 英	ㄨ 蛙	ㄨ 窩	ㄨ 歪
ㄨ 威	ㄨ 灣	ㄨ 溫	ㄨ 汪	ㄨ 翁	(蘇音)	ㄨ 日	ㄨ 淵
ㄨ 氫	ㄨ 雍	(以上結合韻母)					

此編有關文化又繁凡例爰補列之藉備參考

論議

大璫張瑜科參 并跋

明陳 靈 水南邑人

竊張瑜劉文泰高廷和三人黨惡著於朝廷罪狀白於天下會審於朝真情既得共棄於市公法安逃而乃巧遮百端誑辨四出謂交結之情為不然謂比附之律為未當希圖倖開生路苟追死刑痛惟先帝之疾始因起於感冒初未淪

於膏肓使張瑜公選名醫亦豈必遽罹大故而乃懷私自用引類市恩徒報二人之殷勤罔顧萬乘之危殆今日之事致先帝升遐者劉文泰高廷和用藥之咎致高劉進用者張瑜汲引之功論罪必坐所由張瑜則係首謀誅惡必先黨與劉文泰高廷和豈容末減再照張瑜自稱奉旨督同豈屬懷奸交結夫城社失固故狐鼠得以依憑藤蘿善緣由喬木巧於接引高劉素係庸醫其盤踞南城實藉張瑜左右而內爲之地張瑜素昧醫術其專主御藥亦藉高劉彌縫而外爲之援中間雖有先帝督同之旨意其實出自張瑜朦朧之奏請至夫承領召醫之命乃獨薦引同事之人由其締交有年以致纏綿無間內外相濟彼此扶同豈得謂非夤緣顧欲解乎交結事至於此口尙何辭爲張瑜者自宜伏聽斧鉞之誅用泄臣民之憤而猶以母氏爲言悲戀不已天恩上請煩瀆有加且張瑜一奸惡之徒尙託篤子之愛而舉朝抱忠孝之節豈獨後君臣之倫穆穆在上明明在朝何忍忘君父之讎甘於向惡逆之黨劉文泰高廷和罪無二等

事干一連觀其屢同奏陳顯其互相要約在古有云南山可移判不可改宜從原擬謹奏自跋曰弘治己丑四月二十七日孝廟以歲旱於齋宮沐浴焚香露天爲蒼生請雨是日忽冒風次日不豫大瑞張瑜者陝西人主御藥素與太醫院判劉文泰御醫高廷和締結二人者素昧醫術而急於進用時瑜得旨召醫將謂上疾易理二人者可以己力引用效且均獲賞乃盡廢院中諸醫獨舉二人進外廷知不可然瑜意莫違也既而投劑謬誤聖疾轉劇不七日晏駕中外痛憤奏下三人獄朝議謂其交結近侍朦朧進用皆論斬是歲秋後行刑三人者俱赴市矣而瑜與劉瑾鄉里且素相黨遂遣家人擊鼓聲屈瑾傳旨取三人還仍繫於獄公論大不平予時備官刑科與同僚湯仁夫禮敬輩上章論執不聽明年瑜等賂瑾求脫瑾既私諾無可藉手則嗾其申辨屢下法司看詳輒爲予輩論駁如是者不下十餘次最後予卽筆參如云云既上法司不復可措手乃具奏欲從原擬瑾以瑜等不得脫怒詰其故衆遂罵言刑科欲殺內官自是

視科道官若冰炭矣丙寅冬瑾下予於獄杖三十棍其餘仁夫輩相繼逐出既又逐閔少保張都憲楊大理已乃傳旨瑜三人免死出獄此蓋大詫異事也嗟乎許世子以不嘗藥春秋書爲弑君今此三人者非直不嘗藥之比而竟爾縱賊逆瑾之無君豈特末年已哉

仙潭後志

布衣蒙賜詔書并銀絹椒藥謝表

附記

明王升

伏以聖明御極自慚無補於涓埃詔命臨門忽沐分霑於雨露輝生蓬草歡動鄉閭臣誠惶誠恐稽首頓首欽惟皇帝陛下德厚道高功崇業廣智勇天錫聖敬日躋任賢使能與堯舜之心同大賞功罰罪如天地之德無私身處九重之中明照萬里之外伏念臣性資愚陋學術迂疎分甘老於山林名敢求於簪紱教子乏義方之訓承恩忝科甲之榮大邑分符深佩選掄之重安書寄任勉加忠孝之全俾恪守於廉勤庶少酌於知遇何冀上聞於天闕過承下逮於星輶白金光照於琴書黃絹春生於筐篚芳椒助養上藥扶衰豈期衰朽之餘遽拜

德清縣新志

卷十一
藝文

二十五

駢蕃之賜征徭特免喜懼交臻臣瞻仰清光鈞陶聖化心同犬馬願據報効之誠景迫桑榆欣覩太平之盛謹奉表稱謝以聞無任瞻天仰聖激切屏營之至臣誠惶誠恐稽首頓首謹言

附正德乙亥歲予擬作誌升之曾孫義字宜之者庠生也以書介其家世來囑爲纂述是歲予偶病中輟越明年丙子六月間始復屬筆宜之一夕夢一老者謂曰修誌豈小事遺此二句可乎宜速補之促甚急宜之寤而漫不能省少頃復夢如前心竊異之明日偶造予之東隣遇一客退自予所因叩予所爲答以方修仙潭誌宜之矍然驚亟款予於渚山堂植予晚沐留草於几案間宜之閱至前表其中果遺俾恪守於廉勤庶少酌於知遇二句卽泚筆補之頃之予出沐與相對宜之爲言如此咄咄真怪事哉始予以仙潭一名鎮前修往蹟無能紀述者恐自後益湮故雅意作誌然惟宜之從臾以一書次則朱君文正胡君藻助予搜訪此外號稱衣冠詩禮者或叩其家世率問

漫應之甚有不相答者不謂區區之誠乃獨能感通幽冥之間也是歲七夕

後二日記新市鎮志

按前跋係陳雲所撰鎮志雲所編也又詔書載論敕編內至詔書內所稱王軫之父家書侯志藝文志內曾載一簡曰付男軫家書即指此也

掌湖廣道監察御史以杭湖柵民墾種山場有關水利等奏疏

清蔡慶鳳芸士邑人

竊照浙江杭湖兩屬素稱沃壤全恃山水之利東西兩天目山爲苕水所發源東天目之水經臨安餘杭德清諸縣入太湖其上流以餘杭之南湖爲停蓄西天目之水由孝豐經安吉長興等縣亦入於太湖旱則資其灌溉潦則藉以宣洩利甚溥也自嘉慶年間有溫處等府無業游民前來租種山場栽蒔花生薯蕷等物土人利其租重不行禁止其山自開墾之後不長柴薪盡成鬆土一遇大雨山水漲發沙隨水下河道就淤斷港支流大半壅塞近聞各縣柵民愈聚愈多而臨安餘杭等處尤甚山場開墾幾遍土盡鬆浮以致上游停蓄之南湖

德清縣新志

卷十一
藝文

二十六

日形淤淺黃梅盛漲之時苕溪急溜驟難宣洩遂泛溢於民田年來屢被水災未必不由於此且此等游民皆非安分之徒臣於道光八九年間在籍時稔知柵民犯竊案者不一而足比年風聞各處更有搶劫之案其爲害於民間實非淺鮮相應請旨敕下浙江巡撫轉飭杭湖兩屬地方現在柵民或責令回籍或編入民牌應作何查禁之處妥爲辦理其已開墾之山嚴禁土人毋得再行租出庶數年之後山場可復舊觀而河道亦不至再淤矣奉旨著浙江巡撫飭縣查禁又爲州縣虧空過多總由積弊遂上奏曰州縣一官必須精明幹練方能振作有爲若夫闖茸之員性耽安逸公事漫不經心倉庫正項一任官親門丁涉手於是胥吏得通同舞弊此其致虧者一也又有執袴出身習尙奢華在京需次任意揮霍逋負纍纍迨經部選到任又復不知撙節挪移官項償抵私虧此其致虧者二也更有不肖佐貳貪鄙居心該上司或因年家故舊曲徇私情或因有奔走微勞目爲出色一旦州縣缺出委令著事遂其所欲於是肆吞公

項捏作虧空以貽累後任此其致虧者三也州縣交代本應徹底盤查秉公核算查出虧空復帳轉遲延不肯分釐交出僅立空頭借券搪塞一時甚至將無用什物昂價作抵接任人員或礙於同官情面或因此缺升調容易尙可有爲限期已迫含忍結報清交其實公項仍歸無着此其致虧者四也凡此諸弊少則盈千多則累萬一經虧短彌補維艱往往藉其家資不足抵數監追數載無款可償不得已或令通省攤賠或令後任分年籌補遂至緊要之正項變爲寬緩之攤捐矣相應請旨敕下各直省督撫嚴飭所屬州縣務須奮發精神潔清自矢屏奢華而崇節儉重帑項而去貪心交代一秉至公結報務期確實并責成該管道府不時稽察如有前項積弊立即嚴參懲辦庶劣員咸知儆惕而庫項不至虛懸矣奉上諭通行各直省又上販米出城向無治罪專條定案時無例可援不免畸輕畸重遂上奏請定罪名後經刑部議准纂入新例

孔忠移祀崇聖祠議

清俞樾曲園

謹按家語孔忠字子獲孔子兄子蓋卽孟皮之子也今從祀大成殿東廡其位在狄黑之下公西成之上說苑載孔子弟子有孔獲者與宓子賤同仕孔獲卽孔忠也其賢固不若子賤然既爲孔子兄子則子思子之從伯叔父也子思爲四配之一祭於殿上而孔忠祭於廡揆之倫理有未順焉伏思顏路曾皙並孔子弟子宜從大成殿兩廡而今入崇聖祠者避其子顏子曾子也孔忠於子思固非父子然而禮曰兄弟之子猶子也竊謂孔忠宜移祀崇聖祠以安子思之神樾於咸豐六年奏請以孟皮配享崇聖祠而未見及此因著其說俟後之君子焉

寶明集

文廟祀典議

清俞樾曲園

咸豐六年樾在河南學政任奏請援蘧瑗之例以鄭公孫僑從文廟兩廡又請以孔子兄孟皮配享崇聖祠詔下禮部議皆如所請樾旋以人言去職跽伏草野又經兵亂流離奔走靡有定居然念文廟祀典尙有宜增益者樾故官學政

俎豆之事固所職也茲雖放棄敢默爾而息乎謹私議之如左

一曰今所傳毛詩故訓傳者大毛公亨所爲也謹按陸德明經典釋文序錄曰毛詩者出自毛公徐整云子夏授高行子高行子授薛倉子薛倉子授帛妙子帛妙子授河間人大毛公一云子夏傳曾申申傳魏人李克克傳魯人孟仲子孟仲子傳根牟子根牟子傳趙人孫卿子孫卿子傳魯人大毛公是大毛公之詩其原出於子夏鄭康成本之而爲箋孔穎達因之而爲正義至今學者誦習謂之毛詩齊魯韓三家之詩皆不傳而毛詩獨行昔唐貞觀二十一年詔以左邱明卜子夏等二十二代人代用其書亟於國胄自今有事大學並令配享若大毛公之故訓傳非所謂代用其書者歟徐堅初學記載大毛公之名曰亨是較高行子之徒傳其氏而不傳其名者其迹之顯晦有殊矣乃文廟從祀有小毛公萋而無大毛公亨禮曰三王之祭用也先河而後海或原也或委也此之謂務本今祭小毛公而不及大毛公無乃飲其委而忘其原歟非先河後海之誼

德清縣新志

卷十一
藝文

二十八

也是宜增入者一

一曰義理存乎訓詁訓詁存乎文字無文字是無訓詁也無訓詁是無義理也然則文字所繫顧不重歟漢大尉南閣祭酒許慎生東漢中葉去古稍遠俗儒或詭更正文以耀於世慎學於賈逵從受古學著說文解字十四篇五百四十四部九千三百五十三文叙篆文合以古籀斯學者得以考見六書之原因文字而通訓詁因訓詁而明義理厥功甚巨其稱易孟氏書孔氏詩毛氏禮周官春秋左氏論語孝經皆古文也凡古文舊說散失無傳者賴其書猶存什一鄭康成注禮嘗徵引及之鄭之於許年代未遠而其書已爲鄭所刺取慎又著孝經孔氏說及五經異義是其貫通經學著述非一而說文解字一書尤爲言小學者所宗士生文日而欲因文見道舍是奚由哉伏念今代同文之治超踰前代家有許氏之書人習說文之學而春秋有事文廟不得與配享之例無乃闕歟是宜增入者二

擬請陳僉事崇祀狀

明沈陶

蓋聞宅家惇典爰列宗伯之司里俗觀風更探庶人之議故芳流于結菹百喙
斯鳴斯禮盛于傳葩六祀肇舉必循聲而課實將勸善而懼淫故宦陳寔仕學
俱優窮達無變松孤于藜莽之塊鶴矧于雞鶩之羣孝自性成學由天授植老
謀于天器披夙慧以清裁口織舌耕菽水蚤迎愛日筆力墨介羽毛遠致凌雲
蕭蕭韋孺之經煌煌董相之策堂敬皇之末祀在康陵之初年此日題名是投
軀于華省何人封事且碎首於赤墀花隱掖垣肯結寒蟬之唱血殷殿檻遂斥
伏馬之嘶偃息六安杖與三十棲遲兩載路謝八千黯黯銀鐙舊染羈孤之淚
淒淒玉玦初蒙朋黨之書奇服好湘北騷翁緩帶加江東遷客陶潛彭澤風流
許以無雙朱邑桐鄉治狀推爲第一會帝奪兇閹之魄鬼害其盈惟天牖聖明
之衷王赫斯怒伏歐刀于都市賜環佩于遠臣爰自刑曹遂遷憲臬人知吾直
敢營宦于四時上許其忠俾文衡于多士頃因無識從蜀雪而吠聲小或有言

德清縣新志

卷十一
藝文

二十九

就茗花以通夢鑿池引水輦石成山可逸可仙指用泉而我輩半村半郭謝冠
冕于時流叩鯽橋前釣箔每下嘯猿峯外蠻榼長攜看屋梁而著書罵朱公惟
賈豎坐野航以酌字笑楊子以盜儒名利頓忘已見紫芝眉宇唔歌詢樂不問
白虎威儀且門望旣崇還踰荀氏乃庭趨有翼未數顏家克振其先紹陶莊之
吟緒用啓厥後抗鄭衆之經傳是知生脊而死尻當復途歌以巷祝爾德無數
樹石闕于口中其羽可儀謁雲階于足下勞思遺範勉接前修玉塵金鵝掇英
光于山水南箕北尾表正氣于星辰論旣侈于陽秋祀宜公于月旦侑素王之
俎縮酒席間陪羣哲之祠觀禮廡下激揚實昭代之盛獎勸詎同邑之私仙潭後志

與吳和甫存義

清俞樾曲園

辱手書知輜軒所至以經術倡導後進因定海諸生黃以周解考工記世室與
樾說合遂詢所自來而得其先德薇香先生明堂步筵說一篇錄寄甚善樾受
而讀之其據宇文愷傳證記文是堂修七非堂修二七洵與樾合惟解廣四修

一及三四步四三尺似皆不及鄙見之塙且如其說夏后氏堂室全基廣如干步究未明白說周制較明白矣然記文明言五室凡室二筵乃謂止說四隅之室義亦未安老前輩以爲何如此外各種想必流覽一周未知都若干卷卷若干言定海海外一島耳乃有此通經之士殊不易得宜老前輩惓惓欲刻其書也李少翁重刻段說文亦未成功不知其能料理及此否竊謂薇香先生之書如果卓卓可傳可後先爲設法令其子孫先寫副本寄存尊處將來或集貲刊刻或假鉛字版排印似較僻在海外易爲力也其論語案聞有印本能覓寄尤

感曲園書讀

與戴子高

四月十一日接正月二日書知起居住勝慰甚居停主人周君季貺好尙風雅洵冠蓋中不可多得者相與賞奇折疑亦天涯之一樂也承示以爲拙著各書宜隨作隨刊此固見愛之雅意然其事何可易言僕羣經平議中易詩書論語

德清縣新志

卷十一
藝文

三十

孟子如干卷在前兩年視之似乎既竭吾才矣今更讀之又頗有未安者然則僕近年所著春秋三傳外傳及周禮儀禮諸經平議數年後安知不自見其闕失乎學問無窮蓋棺乃定必欲毫髮無憾誠恐畢生無此一日然見在諸經尙未卒業或者因此及彼尙可隨時增益且俟全書成後再刊以問世未晚也僕所著書已不少若皆成就或不下百卷刻費亦正不易耳此道衰息已非一日輦下諸老先生庸庸者姑勿論矣其高者亦不過拾宋人之唾餘貌爲理學而已七十子之緒言兩漢經師之家法其有聞焉者乎僕學術淺薄又不得位豈足以振起之乎足下年少氣盛力足有爲斯文未喪勉之而已

又與子高

松泉舍姪來交到手書知爲學日益又知近來得力於老子之學以此治心以此處世甚善甚善老子書每言唯其如此故能如此極是利害世但言其和光同塵非知老子者也論語解六十三事極有發明僕自都門旋津仍事譔述藉

以銷夏所著羣經平議三禮三傳物有成書似乎所見較瑯其易書詩諸經皆數年前見解不逮多矣今年諸經卒業後尙須通覽一周方可出以問世耳來書辱有親炙學者之稱不敢當不敢當僕爲學物略不足爲足下友若足下真吾畏友也數十年來吾道衰息甚矣無往不復必有起而張之者足下勉之僕則無能爲矣

又與子高

自去年九月朔得惠書後久不得書未知今年究館何處念之念之僕杜門養拙仍以撰述自娛經訓弼教中又增公羊穀梁各一卷國語二卷周禮二卷見在從事儀禮未卒業也承索觀論語平義但此書二卷寫錄一通亦頗不易且其中尙多未定之處故不克寄奉約計一二年間此書必可告成大都周易二卷尙書四卷周書一卷毛詩四卷儀禮二卷周禮二卷大戴記二卷小戴記四卷公羊一卷穀梁一卷左氏傳三卷外傳國語二卷論語二卷孟子二卷爾雅

德清縣新志

卷十一

藝文

三十一

二卷序目一卷此其大略矣書成後卽當付之棗梨以質海內諸君子此外尙有羣書訂義一種未定如干卷僕所撰述此二種最大矣餘若字義載疑等書卷帙無多隨時寫定尙易爲力區區之意五十以前此數種書均當刊定此後天假之年未卽委化或精力尙強不妨續有所著否則涵養性真爲道日損矣足下欲治儀禮孔氏輿軒有廟寢異制圖其寢制一圖姑置勿論其廟制一圖可據以治禮矣且其所說亦頗簡明其謂棟後爲室棟前爲堂雖所據士喪禮注未免誤會鄭意然古制實是如此僕治禮竟亦當爲宮室考一卷他日南中肅清得歸臥鄉山擬于南埭舊居改造先祠卽依古制爲之計所費亦不多未知能如吾願否書此以博一笑

與應敏齋

寶時

承示龍門書院章程已細閱一過學術粗疏無所獻替惟有一事特其小小者于私心竊有所疑按課程第五條每月朔望師長西南面立諸生以次東北面

揖師長答揖此師弟子之位未知所據何典古之君子席不正不坐推之於立何獨不然今朔望相見師弟子各據一隅此何義也考古師弟子之位經無明文惟大戴記載師尚父進丹書武王東面立師尚父西面道丹書之言禮記學記正義引皇氏之說以此爲王廷之位若尋常師徒之教則師東面弟子西面與此異也執是以言師弟子宜東西相鄉矣然東西相鄉或疑非所以尊師戰國燕策載郭隗之言曰誦指而事之北面而受學是古禮弟子北面漢書鄭康成傳汝南應劭自贊曰故太山太守應中遠北面稱弟子是漢時弟子亦北面今若用皇氏說師長東面又依古禮弟子北面較之各據一隅或少勝乎夫一揖之位其時甚暫其故亦甚微然閣下剏立此書院四方學者將于是乎觀禮禮得則無思不服禮失則退有後言觀瞻所繫不可不慎乞與訪翁更詳之

禮書

又與敏齋

德清縣新志

卷十一
藝文

三十二

夏小正一書唐以前自有專行本不僅附見于大戴記也宋傅松卿得其外兄關澮所藏小正卽隋唐以來相承單行之舊本與大戴本頗有異同足資稽考是傅氏于此書不爲無功滬上諸君子請照前温州府教授金衍宗詳定章程入祀經師祠自爲允當孝經在秦時爲河間顏芝所藏漢初其子貞出之凡一十八章是爲今文而其後又有古文孝經出自孔氏屋壁凡二十二章安國爲之作傳然唐開元時國子博士司馬貞疑古文闕門章文記凡鄙又譏孔傳淺僞是古文孝經眞僞難明言孝經者當以今文爲正明皇據以作注宋邢昺據以作疏迄今列于學官士林誦習皆今文也顏氏之功洵不小矣至劉向鄭衆盧植服虔唐貞觀時從祀孔子廟廷明嘉靖時始罷顧氏日知錄深以爲非諸君子請以顏芝並祀經師祠自是公論閣下宜從其請以報先儒抱殘守闕之功若夫孔叢子則僞書也雖託名孔鮒而漢志初不著錄近孔輿軒氏疑是孔子二十二代孫名猛者僞造猛從王肅學承肅意而爲之然則孔叢子一書雖

孔氏之裔亦未能篤信矣至孔壁之書初不知爲何人所藏無從塙證其爲孔鮒且未敢因其爲孔子九世孫稍從遷就也滬人請以孔鮒祀經師祠似可無庸置議辱承垂問故縷縷言之閣下以爲何如而樾更有請焉經師之祀所尤不可緩者莫如大毛公今文廟從祀有小毛公葺而無大毛公亨揆之先河後海之義不其闕如未識彼都人士已議及否

曲園書牘

又與子高

春來三接手書而不一答非懶也自正月二十一日至滬二月十三日還蘇以至於今無須臾之暇計此四十日中止於舟中讀列子一過而已其碌碌可想故不暇作書也羣經平議已刻成倘有誤字須寄杭州改正諸子平議亦擬集貲刻於吳市未知果否都下方大開同文之館招致西賢使海內士大夫樞衣受業而吾儕乃窮年兀兀抱遺經而究終始啞其笑也想足下助我撫掌也日本士人僕於上海亦見其一然不足談蓋非足下所見者近得彼國人安井仲

德清縣新志

卷十一
藝文

三十三

平管子纂話足下亦得之否其書似不及物君之論語徵然僕實未及細讀惟記其訂正戒篇之里官爲釐宮二字之誤頗自有見又時引古本僕未嘗詳校未知與今本孰勝也管子在諸子中爲最古然實是雜家言僕於諸子獨喜墨子其言切實有用而文亦反覆詳明漢人以孔墨並稱想尼山外斷推此老矣莊子書僕不甚解亦不甚喜要其大旨不過能外生死而已其精義微言尙不及列子卽以文論莊子雖汪洋自恣然不如列子之曲盡事理也此僕之偏見不足爲外人道者

曲園書牘

上阮云臺師書

清許宗彥周生

伏讀浙江圖考據班志以釋禹貢精確不刊自來紛如聚訟解經則依文傳義志地則徇俗立名皆關於形勢變遷以今測古強爲之說耳惟圖考中所云南江故道似在漢時卽已湮塞歷考史傳三國東晉六朝其間兵事凡自吳至會自會至吳必曰渡浙江從未有以舟師入東中者唐末安仁義以舟師至湖州

欲渡江云云史特彙括其詞非謂舟師自湖州徑達柳浦也論衡書虛篇云吳越時分會稽郡越治山陰吳都今吳餘暨以南屬越錢唐以北屬吳錢唐之江兩國界也仲任蓋據其時所見言之是仲任已不知有分江水道矣漢順帝永建中分會稽郡以浙江西爲吳以東爲會稽後世言浙東浙西實始於此其所分之縣亦據今錢唐江爲界求之漢末江至餘姚入海之道絕無可據則湮廢久矣似不待唐時築海塘而其流始絕也水經注引錢塘記有防海大隄三國時所築元和郡縣志謂史記言秦始皇至錢塘是海塘亦自昔有之矣川流遷改千餘年以前故蹟不復可見而禹貢三江則證之內外傳吳越春秋越絕等書斷以班志所說爲定宗彥禱昧之見嘗疑分江水爲南江所分非其正流說具別紙就正謹此奉達 鑑止水齋

諭敕

勅永靈廟神封顯佑侯

德清縣新志

卷十一
藝文

三十四

勅湖州府德清縣新市鎮永靈廟土地保寧將軍維神之靈覆護一方曰雨曰暘隨禱而獲肆加顯號用答殊休永佑我民歌於世世宜特封顯佑侯 紹興九年五月

又加封號並神妻協惠夫人

勅湖州府德清縣新市鎮永靈廟顯佑侯朕自卽位以來修崇祀典凡有功德於民者賜號加爵惟恐其後况爾神廟食此方曰雨曰暘隨禱輒應部使者順民之請以狀來上茲用申加二字以烜赫厥靈其益彰顯惠民亦永永丕享可特封顯佑通應侯

勅湖州府德清縣新市鎮永靈廟顯佑侯妻幽明之理一也婦人無爵從夫之爵今爾神旣已進爵爲侯申加顯號則於厥配豈可闕無褒寵茲用并錫嘉名封以小君尙其陰相茲侯廟食可特封協惠夫人 慶元二年八月

又晉封號

勅安吉州新市鎮永靈廟顯佑通應侯朕操慶賞之權以爵有功其於神猶人也爾以晉永嘉之大將逮周廣順以啓封垂庇一方血食自古旱乾有禱響答如應比歲以來靈異尤著蝗孽隨風以入水寇巢託夢以指迷旣功狀之上聞豈寵章之可緩封增二字庸侈神休加惠我民俾世世享可特封顯佑通應惠利侯

端平三年十二月日

封沈約爲吳興地主制

制曰朕賴天地社稷之靈立天下萬世之法今年六月初三朕祇行天下俱准舊規應載祀典階贈榮褒勸得故臣沈約周公署府實爲賢良撰四聲韻譜制宋晉書二萬卷卒謚隱侯從祀聖廟爾靈顯揚具沙場殺敵之功眞護國保民之弼特封光祿大夫資福侯鼎建廟祀爲吳興地主歲令有司致祭給俸二十石俾爾子孫世代并免雜泛等役永錫隆恩相傳不替欽哉

至德元年八月十八日

賜布衣王升詔書銀絹椒藥詔

德清縣新志

卷十一
藝文

三十五

詔曰朕起草萊削羣雄攘夷狄安中國務欲天下承平邇者諸郡官吏不畏法律之嚴奸弊疊興御史臺管勾宇文桂因事被問囊中所藏書信百封悉係浙右儒吏獎譽之言或是或非皆欲禍人中間亦有私託求進者嗚呼昔元之初得天下人才皆務實學故賢能由公道而進後元之失天下世俗皆尙虛名故賊私於權門而用朕多涉艱難備知此矣立法未嘗不嚴而用法未嘗不審然賊吏貪婪如蠅蚋之趨朽腐螻蟻之慕腥膻噫若是者豈非慈父失教於平日耶抑其子之不孝不聽其父之訓耶今於百封書中得一善教其子者係浙右登科舉人王軫之父家書意望管勾宇文桂轉達平涼子之任所書未發朕偶獲見之書中語言諄切教以忠孝子之賢否雖未可知然薄俗中有善於爲人父者如此誰能出其右者勸善懲惡移風易俗實有國之善治其令中書遣人賫朕詔諭往詣其家賜白金百兩附子五枚川椒五斤絹十疋以旌其賢令有司除本戶雜役依舊應當里長其弓兵不須再役欽此

洪武四年閏三月日

勅浙江德清縣民蔡凱

勅曰國家施仁養民爲首爾能出稻穀一千四百餘石用助賑濟有司以聞朕用嘉之今特賜勅獎諭勞以羊酒旌爲義民仍免本戶雜泛差役三年尙允蹈忠厚勵鄉俗用副朝廷褒嘉之意欽哉故勅

正統七年四月初十日

勅禮部侍郎徐倬賜御製全唐詩錄序並以帑金刊刻文

在昔詩教之興本性情之微導中和之旨所以感人心而美謠俗被金石而格神祇故大舜以教胄子樂正以造俊秀蓋自二帝三王之世固已然矣文武成康之際王澤沛頌聲作洋洋乎洵足以繼薰風之操並卿雲之奏也自時厥後作者彌繁孔子從而刪定之使六藝彰明一經燦列錄其忠厚悱惻之辭以寓諷諭戒勉之意天道人事胥於是乎具焉漢魏以還尤多新製體例雖更前徵未邈至陳隋之末稍凌替矣唐之太宗政治幾於三代之隆躬自撰著一時文人才士將相名臣詠吟遞發藻采繽紛踵襲雅騷之迹光昭正始之音而歌行

德清縣新志

卷十一
藝文

三十六

律絕獨創兼能自遐古以來未嘗有也爰及盛唐逮乎中晚或與運會爲高下而凡緣時託志觸物攄懷形諸翰簡者皆卓然成一家之言弗可廢也朕萬幾餘閒環迴覽詠尋其指歸晰其正變而三百年升降得失之故亦因以可考焉於是論世觀人卽其章句攬其菁英勒爲成書置之几席每勤披閱加以精研迄於今已歷有年所矣頃以視河南巡至於江浙見比閭士庶有吹豳擊壤之風獻詩頌者絡繹於塗雖其工拙淺深各極其不齊之致而嚮謳巷舞儼然省方之所采列國之所陳亦可見人情之愛戴而先王以詩爲教之義濡染而蒸陶之者所關甚鉅也翰林侍讀徐倬以全唐詩錄進展卷而讀之與朕平時品第者蓋有合焉嘉其髦年好學遷秩禮部侍郎以爲天下學者之勸乃取茲集親爲鑒定賜以帑金卽命校刊俾誦習者由全唐之詩沿波討瀾以上溯夫汾泗之傳而游泳乎唐虞載賡之盛其於化理人心將大有裨益也矣爲序以弁

其端

康熙四十四年正月十四日

著作

著述藝文之重要者也采錄本以成書行世者爲限然侯周兩志見書之有目而堪備搜訪者亦間采之惟搜登方法有殊侯以人著周以部分選擇俱見有法茲承周志例以著者爲綱以所著爲目但未分部藉便檢閱除已見舊乘或非關掌故者不錄外餘擇名聞較著者選載之用以彰構思十稔立言不朽之意耳

許宗彥著鑑止水齋文集十二卷 詩八卷

俞鴻漸著印雪軒詩文集 讀三國志隨筆

蔡之定著八箴草堂格言 積穀山房隨筆 古今文稿 進呈詩賦稿

徐養源著律呂臆說 琴學原始 周髀解 朝鮮疆域考 氏族譜

俞樾著羣經平議三十五卷 諸子平議三十五卷 第一樓叢書三十卷

曲園雜纂五十卷 俞樓雜纂五十卷 寶明集五卷 又補一卷 外

德清縣新志

卷十一
藝文

三十七

集四卷 春在堂文編三十七卷 詩編十九卷 詞錄三卷 隨筆八卷

尺牘六卷 右台仙館筆記十六卷 茶香室叢鈔二十三卷 續鈔二

十五卷 三鈔二十九卷 又經說十五卷 雜著二十九卷 目錄各一

卷

傅夔梅著商巖遺書 濟世雜鈔 佐治錄

沈應昇著吳興文物考 吳興詩話 吳興園林考 古今詩文選 沈南征

詩稿 沈南征制藝

戴望著論語注二十卷 證文四卷 輯顏氏學記十卷 管子校正二十

四卷 謫譽堂集十卷

沈亦然著五硯齋詩文鈔 讀書隨筆 新市鎮續志

江毓荃著讀朱階梯 惕庵文集 清溪山麓詩集 附弟毓蓀怡蓼軒詩稿

陳斌著白雲文集

徐鑑深著花樹軒吟草 居敬軒雜著

徐秉敬著約耕草堂詩存五卷 附徐師愈虛月軒吟稿

蔡夔著苕父詩鈔 說史詩鈔

徐端著安瀾紀要 迴瀾紀要

傅雲龍著經翼十卷 史徵八卷 說文解字正名十五卷 金石集成三百

卷 漢文五百卷 唐文精粹十卷

許善長著碧聲館吟草 詩餘談塵

戴銘金著妙吉祥齋詩詞集

徐彝承著青翠平安館詩文集

徐予嘉著亦有秋軒蟲吟四卷

徐紹著慕葭詩稿五卷

邵桂著愛餘樓詩稿

德清縣新志

卷十一
藝文

三十八

馮如璋著秋君遺稿六卷

徐璜著食舊德居吟稿四卷

徐球著還印廬集 附倪煒文夢花山館詩詞鈔 沈睦樂壽堂集

蔡壽昌著蛻石文鈔 香蘇閣詩草 說文質疑 清遠堂隨筆 吳興竹枝

詞

沈用霖著粵歸詩集 附沈承熙聞妙香室詩賦各一卷

徐芝淦著聽秋閣詩詞四卷

戴純著紅蕉菴詩集

沈鴻謨著濟世堂醫訣 附沈瑛醫方輯要

許德裕著游梁詩草 慈佩軒類編 消寒錄 道暑錄

蔡鎮璠著述堂詩稿二卷 附弟銘珏瑤田遺草

吳曾貫著仕津要言 渭南河渠考 補硯齋詩集

徐本立著荔園詞序二卷 詞律拾遺八卷

徐士麟著雲在山房吟稿四卷

程肇奎著字學錦囊 地理輯要

傅范初著算學進階 算學源流考 電化理解 地理雜誌 會典圖說

海運利弊考 許學藝文志提要 學經韻齋文四卷 詩集二卷

徐本璿著安雅堂詩存

徐承福著歸省齋吟稿二卷 附弟承祿娛蘭仙館詩鈔 生花館詞各一卷

王 誠著松齋憶存草 疑題解略

金有恆著金子久醫案

李端臨著紅餘籀室吟草三卷 女藝文志三卷 續小名錄一卷

傅范淑著小紅榴室吟草二卷

楊克恭著蘭藻閣詩集

德清縣新志

卷十一
藝文

三十九

汪 璿著修竹吾廬詩集

梁德繩著右春軒詩詞鈔

錢斐仲著雨華齋詩餘

姚 端著霞閣詩存

趙德珍著得月樓存稿十卷

王蘊容著亦政軒詩稿

俞繡孫著慧福樓幸草

沈粟香著半潭秋水草堂吟草

徐畹蘭著鬢華陀室詩草

程 森著修德堂文存四卷 詩存 尺牘 筆記 雜鈔各二卷 德清縣

新志十四卷

鳳鳴
補註

補錄

沈約著宋書一百卷 齊書二十卷 梁武帝紀十四卷 晉書稿百二十卷
 邇言十卷 謚例十卷 宋文章志三十卷 文集一百卷 四聲譜
 沈該著易小傳六卷 文集五十卷 雜著一百篇 律詩五十首
 馬三才著自由堂稿 玉芝樓集 三巡奏議 鷓鴣埭雜錄 經史辨疑 春
 遊集 秋社稿

右係名著前志失載茲補錄之

德清縣新志

卷十一
藝文

四十

卷十一勘誤表

頁	面	行	字	原文	更正	備註
四	後	一	三	有	於	
五	前	七	二十九	蜓	蜓	
十一	後	六	一	塵	塵	
十六	前	二	十二	有	題	
二十	後	三	八下	(脫字)	電	
二十八	後	十	六	文	今	
三十四	前	九	十二	禱	禱	
文內應併改						

德清縣新志卷十一終



8.00

德清縣新志卷十二

藝文志三

題詠

題縣令范傳真化洽亭

沈顏傅師孫

前有淺山屹然如屏後有卑嶺繚然如城跨池左右足以建亭斯亭何名化洽而成吳興詩存

次韻李通直題慈相寺雪月亭

沈與求

曲檻飛甍界碧空盡供勝覽屬禪翁蒼藤翠木四圍外遠水平蕪一望中幽鳥林梢鳴不斷亂雲天末去無窮素娥青女今何在歸步聊乘兩腋風吳興詩存

龜溪左顧亭

劉一止

溪面寒無風澄瑩千丈綠我欲放輕舸霜鏡不可觸吳興詩存

荷葉浦

吳興葛元素天民

德清縣新志

卷十二 藝文

急雨梢荷分外奇珠璣狼藉錦紛披下塘六月關心處西塞扁舟入手時却傍

青蘆深處宿還思白石去年詩生平浩蕩煙波趣月淡風微只自知吳興台壁

用左康叔知府韻題龜溪左顧亭

袁說友

風下疎櫺月下溪愁邊拓盡剖藩籬平生漫說江湖客未解人間手不龜

用洪叔炳題左顧亭韻

前人

龜老一溪懷舊事人亡千載尙虛名亭前獨有山川在付與詩人著語明

龜溪卽事五首

蒲江高斯得

頑雲蔀鶴嶺積雪明龜溪粉榆社已屋斯爲卜幽棲亦有好事人除館溪之西門巷寄深窈青山有攀躋平生秉微尙頗忻詠歸兮且可投吾簪安能棲會稽

原註史嵩之以冬雷封事見遂改予越俸不赴

父兄吳下宅師友苕溪磯亦欲從之遊煦濕相因依睽孤諒無樂旅瑣良可唏古來遞世士獨力取衆非咨予匪能然翼短難高飛懷哉訂頑翁示我真指歸

王庭陟峻茂三年蝨其間愚忠竟何補積咎成邱山媿彼海上鷗臨機歎其翻
昭原缺四字嗟嗟亦胡顏汝今尙無覺復倚榮辱關晨門獨何人闕一

二疏仕漢庭才術相頡頏竝傳已云寵同歸更輝光蹇予與季父砥珉而琳琅
不才自宜汰顯斥庸何傷處我嫌疑間斯義安所當宣聖譏鄰醜焉度渠肺腸

原註嵩之謂叔姪同朝有嫌

曩從太史氏論次金匱書龍興渡江後譽止今皇初微辭記當時隻字甯敢虛
彼阿者誰子顧欲私毀譽陽秋記慕容史記名山儲二子亦過計人心焉可誣

原註寧宗帝口之末嵩之妄加毀譽於理宗濟邸改予所草吳興詩存

遊仙潭留作

楊蟠

造化分邱壑真仙昔此遊誰知一潭底中有小瀛洲新市鎮續志

德清孫氏和樂秀明堂

牟嘯獻之

人生致足樂莫如今兄弟綽綽而有裕其中自春意龜溪有二孫能篤友于義

德清縣新志

卷十二 藝文

同居五十載闔門數百指幾微無閒言輪囷有和氣粵從鴻雁散惟恐棠棣廢
欲挽古道回茲事良匪易亦既成新居始得遂初志和樂揭高扁秀明屹對峙
怡然兩白髮墳簾伯仲氏子孫皆雍睦里閭亦順悌復如無事時難得真可貴
唐史傳孝義頗記張鎰李跡其屢易世往往干戈際義風不少衰大書乃無媿
嗟哉光明后旌命曾弗至雖有篤行者誰爲紀姓字我聞二孫名不覺爲之喜
兩紀信實錄聯名盡名士先見衆論公必得一行史行看表門閭鄉邦誇盛事
我詩甚鄙拙願爾多壽祉吳興詩存

咏三烈

弔元末邵節婦洪春春沈回奴死節事

江陰王逢梧溪

至正之君瀛國派陰陰日暮家居壞宮中漁色遭淫荒王妃愛受西僧戒赤眉
豨突紅巾來大膽縛歸舂磨寨婦女如雲聲慘悽官兵放掠三潭界擗鬚調笑
乞鴛花委頓朱顏馬頭拜當時乃有洪春春芳華夢逐溪烟灑慷慨捐生木箸
痛從容就死銀簪快到今三子相知心妾身赴義猶搔疥神嚴幸謝玄霜欺志

潔肯遭明月怪嘻嘻吾土稱彈丸決烈聲光千古邁有女有女懷春情羅襦微
解玉釵挂有婦有婦啼秋魂鷓鴣翎重刷蛾眉畫一朵芙蓉姿首倩一枝楊柳腰
肢賣長歌我顧激頰流肅肅遺風天地隘仙潭後志

泊德清縣望金鼇玉塵二峯詩

長洲高 啓季迪

歸遠行不緩頗失眺山水猶憐茲峯秀欲去舟且機層巒迴長谿日落蒼霧起
寒城動遙炊晚渡罷孤市豈唯地景幽况乃民俗美牛羊散樹下曖曖舊墟里
田腴收穫富縣靜爭訟止畏途遇樂境我意方一喜嘯歌逐漁翁暫宿浦煙裏
篠疎風翛翛月假波瀾瀾旅顏在塵中逢人固多恥安得託此居長年息行李
府志

曹孝子祠

潯陽張 羽鳳附

前登獵場西遺廟當路傍長揖問故老云是古曹王挺身代父刑斧鑕甘自當
至今百世下血食庇一方世降德日衰父子如參商原隰不見收溝壑等尋常

德清縣新志

卷十二
藝文

三

安得作斯人與世扶三綱迴車薦蘋藻涕泗沾衣裳府志

三月望日過塔院

陳 和尚節

紅葉辭春近青蠶杖藜扶病過東庵朱顏頓改愁臨鏡白髮相欺儘上簪結社
何人追靖節傳燈有士繼瞿曇煮茶燒筍閒滋味相對何妨日縱談吳興詩存

木箸痛節節婦死節

陳 霆水南

木箸痛痛若何哽噎不得語痛我姑與夫我昔主中饋此箸雙排舅姑位舅姑
舉箸婦心喜衰境須教饜滋味齊眉誓偕老舉案意儘恭此箸還歸伯鸞手羹
藜飯麥時相同天乎中道訣船鎖波心月波心有月照見腹橫賊之肉肯下咽
箸觸喉喉豈憚就舡猛叩喉管斷天地無聲鬼神見君不聞狗人國遺箸在途
亦必拾一箸且寶愛顧肯箸下喪軀魄世間愛箸若覩此面應赤木箸痛痛若
何痛定却思想所得孰爲多新市鎮志

仙潭十詠

陳 霆水南

老蛟全懶靜無波向晚平潭月色和山翠已收眉尙淺水光相盪鏡新磨客船
有笛吹楊柳漁浦無燈落雁鵝卻信仙人過舊隱冰絃彈處夜涼多三潭夜月
蘇痕交砌土花凝海底靈泉水竅生釀酒煮茶功却異分江貯月派同清炊烟
出戶催朝汲轆轤鳴秋雜市聲醉後不禁詩吻渴一瓢爭飲齒牙驚九井寒泉
髻杉癭柏共陰森飛棟懸鐘古殿深聲散碧空霜下降杵敲寒影月西沉憑誰
警悟先成佛老我痴聾正擁衾怪得暗塵遙懷攘故知催動利名心南寺曉鐘
汀洲漠漠樹依依十里溪山正夕暉村確尙占三舍遠客帆遙帶半稜飛近灘
漁戶將收網隔水人家未掩扉添得江鄉圖畫好滿羣鵝鴨傍船歸西溪夕照
非烟非雨細濛濛遠近峯巒一色中香徑曉迷蜂蝶路小池春暗杜蘭叢輕綃
障面桃還笑薄黛勻眉柳更工不道東風吹易散兩竿紅日畫橋東塔山花露
風搖蘿帶捲藤纓萬斛寒濤翠有聲秋夢忽驚醒酒石夜泉新沸煮茶鑄山僧
野老時時聽獨鶴孤琴事事清聞道石邊尋古甕總因靈爽悟三生塔院松風

德清縣新志

卷十二 藝文

四

向來遺蹟漫西東千古豪華慨嘆中谷變不量胡地馬山頽兼伐大夫松荒郊
儘讓寒烟碧野景時添夕照紅寂寞川原容易老一堆黃葉向西風馬跡秋蕪
桃花流水認仙踪古洞雲深有路通歲月足知秦網後山川依舊鳥聲中尋真
忽遇紅塵鳥避世堪稱白石翁擬貫百壺來野飲日將沉醉領東風桃源春洞
誰將古鐵鑄盤根百尺虬龍月下身耐盡雪霜存晚節閱殘簫鼓賽靈神子懸
清露銀鐺小葉踐蒼苔鴨脚勻歲月愈新材愈老掄才未必讓莊椿土祠古杏
金莖玉本發精英和氣還同閭氣生靈協瑞符騰地寶秀偕蘭玉際春榮五臺
漫詫天花落百藥堪倫雪藕清况是祝釐開淨土曾看頻歲報休禎佛舍靈芝
吳興台壁
覺海寺
胡蕙 楚英

明因寺

綸之子侯 璋 西翠

步屨閑尋老衲家緩吟不覺路欹斜惟聞香護迦陵語不見風開智慧花傑閣
危巢容鶴鵲古藤枯木綰龍蛇三生話盡歸來晚籠燭高挑爛絳紗新市
鎮志

招隱無人賦小山若泥雨屣每乘閑意行流水潺湲外身在叢林紫翠間化國樓臺當寶地上方鐘磬落塵寰催歸更有山僧偈重向西園叩竹關新市鎮志

自題前山草堂

蔡汝楠 白石

草堂舊結北山阿逋客還家洽薜蘿遶院松林嵐翠重滿庭蕉葉雨聲多清樽自對叢花發高枕無如啼鳥何若道世情堪澹處門前終日俯滄波吳興詩存

陪龍溪王丈虛閣劉侯遊慈相寺絕句

前人

白石清泉是法身山頭海眼幻中真還從一脈通靈竇轉憶當年卓錫人右半月泉

尋山出郭道人情靜夜攀依宿化城借問大還君不得滿山松作老龍身右聽松堂

（吳興詩存）

奉賦陳司諫渚山五十韻

胡藻 春江

多服丹墀客堂開畫錦雄廣庭羅甲乙巨壑鑿芙蓉鞭擊施神術驅馳運鬼工

德清縣新志

卷十二 藝文

五

清烟裁縠練碧水剪吳淞絳綵縷香葦金鈴綴暖叢山林驚古跡冰雪剝新容
油絹囊雲潤泉溝接澗通三三分別徑六六巖危峯障揭丹青裏壺藏日月中
紫深馴野鹿花盛集胡蜂鸚鵡雕籠北鴛鴦綠沼東樓臺嘯蜃氣漚沫噴魚喙
荇帶參金鯽松針刺玉駿閱花狂客喜洗竹小童慵亭飾搖青黛門鋪耀赤銅
天遊思汗漫洞奕夢巴邱鼈負蓬萊島蟾開桂子宮巖躡晨駭虎樹禿夜疑龍
路莽蜿蜒碧嵐霞蟬螭紅仙凡留勝地劉阮惑來踪梅下調孤鶴蘆邊數斷鴻
嶂形欺黛色池溜奪河淙槽柑蘇園俗瓊瓏李苑空螺形浮出沒蛇勢走橫縱
島嶼分衡泰兒孫拱華嵩棋臺低結柏書屋近依墉茗水他年景蘭亭此日翁
三眠初下柳五粒古時松仙掌雲間聳香爐日下烘蘇交偏滑屐蘿覆亦妨筇
綠野堪營老洪厓可送窮栖遲耽志僻躡蹻覺心忪漏借梧桐露香流茉莉風
顏巔疑覆釜峻壑訝懸鐘螢燭明宵焰荷盃供夏筒杏紅春俏俏梨白月溶溶
石室同唐渤丹床異晉洪繁英多菊桂暗陰數杉榕曲徑穿深竹空階映老桐

波痕萍蕩漾野色草纖茸洞口霞如綺巖阿月似弓蒼茫烟裏淡青潤雨中濃
岫陡堪吟几磯平便釣筍斜橋橫木獨小屋結茅重雞犬桃源近笙歌梓澤同
霧巾隨曉製花幔入春縫地縮千江窄星搖一氣冲險哉非我恃仁者樂吾從
沈澹秋多爽嶙峋勢頗崇乾坤誠極目四海總堯封

正德九年秋月偕學隱俞先生過大善寺投贈天雨自然二上人

邵銳

市橋看入古招提松柏森森夾路齊老去閒僧忘歲月倦來行客恨東西石壇
爽氣雲垂戶水殿晴陰日映溪世味若何心了擬從林下借幽棲

唐樓
鎮志

奉萱堂詩

王慎

北堂有萱花修葺發孤研堂中有慈母華髮披兩肩嗟哉孝子心培養何勤拳
花萼日以繁雨露滋芳鮮親壽日以隆孀居節彌堅模寫入圖畫賡歌載詩篇
迄今垂百禩緣素猶依然流澤被後人雲仍富才賢窮經取甲科鵬程奮高翥

德清縣新志

卷十二
藝文

六

繡衣霄漢上綵服庭闈前祖訓耿不忘于焉續餘編芳聲重揄揚盛業期勉旃
遠大自茲始圖形上凌烟

談氏
家譜

弔游提刑墓

靈子陳夢徵元弼

挾策遊荒落浮沉逐二儀藏修驚孟浪遊息任追隨興劇思尋勝才蕪愧浴沂
仰瞻祠宇盛重惜典刑微黃閣名猶赫烏臺節可悲偶登追宋事猛憶效唐題
禾稼憐秋瑟鴻飛脫旅泥高人千古夢英爽百年依鼉鳳功宗石龜螭德政碑
草平翁仲立花落杜鵑啼曲徑堆紅雨層巒列翠帷怪松鳴午籟疎竹透斜暉
烟鎖栖猿洞雲迷釣鯽磯幽巖藏野蕨別塢隱春雷樓閣高低畫溪山遠近闕
雨餘增瀑布水涸露平堤勝概天垂象翁蔥地吐奇無花殊負約有酒莫言歸
野鳥催詩急山僧步月遲尋芳多佩玉弔古滿珠璣思作登高賦爭無捧硯妃
洗盃澆一酌爲囑後人培

吳興
詩存

夏日修誌慈相寺

靈季子陳夢循元禮

綠陰層疊護高臺夾道蟬聲暮轉哀白足到今僧已故碧山如舊我重來登樓
拂壁尋遺墨憑檻觀泉半月泉悟劫灰良史未成慙館穀抽毫空慕馬遷才吳興合璧

餘不前溪

烏程錢鎮守中

茗水從南來真源自天目始出纔涓涓蛙跳雀可浴東風桃花水一夜高於屋
百里下吳興一汎更一曲青山浮水面處處居可築艸玄伊誰亭名花間疎竹

吳興詩存

韶村夜泊

談應祥

蘆葦弄秋聲輕舟泊晚汀客情成鶴夢人跡似流萍橫渡炊烟暗隔川漁火明
倚檣閒眺處片月逼人南溪小集情

雙節詩

為進士劉在明祖母之作

華亭董其昌思白

一門稱二老雙節足千秋阿母能存趙元孫未報劉還憐生死孝應動地天愁
封事含啼上綸音出鳳樓新市鎮志

德清縣新志

卷十二 藝文

七

清溪

上元黃周星九烟

舊是吳羌處士家溪山幽異勝繁華灣灣城郭憑流水面面峯嵐礙落霞百步
嶺同夔府眺千尋橋作雒陽誇此中天地宜圖畫但少桃源夾岸花吳興詩存

邱廉士詠

歸安吳振鯤鵬先

男兒眉眼為誰留滄海于今欲橫流自為先幾憂靡鳳故將闔宅付浮鷗當年
擬續懷沙賦此日看同泛蠡舟塊壘漫澆還痛哭獨開襟臆眺清秋吳興詩存

姚節母陸夫人

仁和金堡道隱

大憤誓欲雪血淚蜚成燐無為苦敖氏有此未亡人死不貴倉卒生惟留苦心
誰賡簡婦操表以厚羣倫新市鎮志

雙節

歸安韓昌箕仲弓

劉侯少小失所怙一朝射策聲名起畫荻和丸遡厥功母氏劬勞勉爾爾吁嗟
阿母當年事茹荼集蓼艱辛至上堂不敢泣恐損孀姑志下堂不敢死母殞兒

誰子暮暮復朝朝天風爲我發長號朝朝復暮暮空簷滴滴摧膺度雖然雍穆世所式主伯亞旅成一德提攜翊贊與有功其間張主誰之力攬揆喜見子成功萊綵烏紗自不同移孝可以報君子枉煞千秋說上宮仙潭後志

讀咏墨布袍詩有省游提刑殉宋事

沈戩穀器車

淺人要名而名滅至人逃名而名至百世不死名斯存一時只辨心難味上嘉縷縷布袍痕何料茫茫仙潭志不然料理身後名無乃蹉跎生前事試讀孤意不貪言發却四百年來闕千古忠魂轍不同豈在縱橫兩行字仙潭後志

過餘不鄉

本胡姓名夏古丹天木

百里荒城帶晚烟杖藜者在石橋邊寒凋榭木千家路草草蘆花幾縣田率爾鼓擊空有淚翻然長笑復看天太平不遠嗟何及猶意神宗四十年吳興詩存

月泉桂影

蔡方壺

按月泉之上向有山巖懸覆巖多桂樹月到此處印於泉中雖三五團圓止得半規後爲僧人建亭其上并去山巖之礙屋者而桂樹無存非復昔時半規入照矣後人特因其名

德清縣新志

卷十二

八

而以作之

馥馥仙枝紀廣寒誰分半面落雲端天香歸苑高僧渺水鏡蒙塵芳樹殘漫作娥眉千古恨猶存兔跡一泓看六朝事業今安在慧海無邊一指彈

陳水南先生入鄉賢祠

唐達瀨儒

正笏王庭失德音奸壬側目五雲霓百年載祀猶云晚三代輿評却在今頗覺崢嶸名寵異還疑縹渺魄來歆溪城盛典應加額草澤遺民不敢臨吳興詩存

同友遊桃源洞謁三賢祠

唐達瀨儒

草樹蕭蕭徑遠塵石中獅象倍嶙峋棲山英爽今如昔繞洞烟霞秋亦春忽覺此間猶有蜀安知世外別無秦閒心偶結登臨伴客似重來主反新新市鎮志

貽陳留尹陳明府

胡涓肅明

昔日吾鄉沈麟士開門教授見齊史口誦詩書手織簾故宅吳羌山下是今我不學慙昔賢到處抗顏說經旨聲希太古琴無弦忽遇知音論宮徵先生自是

謫仙人素衣不染京落塵簿書倥偬作詩賦去年識面今逾親談辨如雲揮玉塵怪爾文章蚤入神陳留風俗尙如古使君努力爲良循相去吳淞咫尺水他年抱節問漁津

阮元兩浙輜軒錄

題蔡方麓修撰升元早朝圖

海鹽查慎行初白

花冠催曉漏聲微樺燭光中翠袖圍未拂御鑪香已透玉纖親捧上朝衣

清家六

詩鈔

水精簾捲月如鉤侍史妝成盡下樓比似早朝還較早不教君起看梳頭

清詩別裁

前題

秀水朱彝尊竹垞

紅珠帳煖翠衾香初試温磨豆蔻湯門外馬頭風細細又馱殘夢入宮牆

十二銅街漏水催玲瓏髻子挽慵來自從朵殿簪毫後無復閒情夢玉臺

曝書亭集

吳羌山

余懷

德清縣新志

卷十二 藝文

九

萬疊青山一縣秋乾坤寥落放孤舟我來何處風吹帽僧住高峯雪滿樓紅樹

幾村迷路遠黃花無語向人幽豈知太守揮毫後更有題詩在上頭

吳興合璧

高士庵

在乾元山頂

吳綺

湖州太守

去年曾掃莓苔跡今來又著登山屐木葉猶餘宿雨斑溪光故遠秋煙白老僧

開閣爲傳茶依稀記得留題客凭欄遙望郡樓遮落日徒憐飛鳥疾

府志

蒙賜金歸葬先塋於邑西關外赤土山之北事竣星馳赴補恭紀

邑人蔡升元方麓

卅鑑擊歸內府金得營窀穸慰幽魂埋齒遍及先臣骨沒草難忘寸草心祖父

九原靈不泯兒孫百世感還深一坏片石皆君錫從此無憂風雨侵

幽宮卜築在城西只隔城灣一小溪赤土址連三世塚綠楊手植百年隄

塚前多桃

柳皆父手植

高懸篆額豐碑迴新陰山松矮樹齊竣事便教馳赴闕蒼茫回首白雲

低

紀恩集

扈從賜假省墓後一日奉曾祖演衷祖奕琦父啓晟三世木主同進鄉賢
祠恭紀
前人

錫類君恩渥貽謀祖德綿幸隨清蹕後常望白雲邊展幕初承假明禋未告虔
古來敦社祭當代重鄉賢不獨動名貴須知道誼先與情難強洽故事久相沿
寒族來南渡清門傍雲川亢宗推祖父砥行慕淵濶長厚交親頌聲施里巷傳
流徽猶宛爾崇祀共云然學校曾褒譽祠宮待吉蠲自從宮禁近坐令歲遷延
今日多榮命春風暫錫旋有懷光俎豆環廡走曾元躋躋冠裳集鏗鏗鐘鼓懸
酒分仙掌液香帶御鑪煙蘋藻供溪澗牲牢列几筵賓朋紛雜沓士女競喧闐
祀典隆三代親心慰九泉同堂還聚首先達得差肩禮自宮牆肅名堪邑乘編
公評誠克副盛事喜新悛敢詡儀文備都緣雨露鮮生成均罔極永永寸心鑄
集 紀恩

清溪八景恭和先修撰公啓傳韻

啓傳 孫 蔡賜勳 鼎書

德清縣新志

卷十二
藝文

十

萬象澄明松竹間清池流水照潏潏跨來飛彩青磨鏡占斷秋光綠映鬢大好
凌雲蟾窟近一空隱霧豹紋斑科名沈氏傳佳話更聽鳴鶴往復還 金龜秋月
山如蒼珮淨纖埃錦繡晴光迤邐開舒卷恍同披絮影氛氳低護講經臺青松
澗底隨龍起紅葉峯頭送雁來小憩僧寮堪共話清談還想晉時才 玉簪晴雲
名勝曾傳六一泉水中破鏡別成天小山試擬淮南賦大手誰題太守篇金粟
拋時浮細浪木犀悟澈證前緣迄今古寺僧頻汲爲問何年影復圓 月泉桂影
深谷丁丁斧韻幽野翁負擔幾時休每隨明月攜孤杖却借閒雲補敝裘萬壑
蒼崖開世界一肩紅葉度山坵會稽太守如堪繼長謝煙霞領越州 石壁歸樵
清晨初日照高林枕上聲來豁素襟西嶺遙催殘月墮南屏渾異晚煙深醒他
城郭千家夢傳出菩提一點心山寺名留唐代古朝朝禮佛聽鏘金 乾元曉鐘
斜陽一抹挂城闌左顧亭邊多酒人色映菰蒲翻岸側羣歸鵝鳴近溪濬漁舟
網影烘初夏畫舫簫聲及早春晉代衣冠陳跡在客來閒立話前因 龜溪夕照

騎驢吟興憶詩中北郭山光更掃空客屐尋來花遠近僧鞋踏去色微濛里鄰
孟頫藏春思堂近楊林話古風闌若一灣通約略御松何用閣開東野橋梅雪
沿山松竹透清芬一洗蓬頭迴出羣擁翠屏風初映日踢青香火漸如雲祠開
前代簾紋活花散諸天鳥語殷最是晚來飛急點接空虹彩影堪分光山過雨
臨溪草堂

稿詩

勾壘城

相傳為越王
句踐屯軍處

沈去矜

野水悠悠落日斜斷刀遺鏃半沈沙興亡說盡無人會幾處墩樓噪晚鴉

又

張祖定

幾年臣妾向姑蘇甲士三千竟沼吳伯業可憐隨逝水蕭蕭舊壘叫寒烏唐樓
鎮志

尤平章宅在庫橋

呂律

潭潭甲第此崔巍金積豪門鐵限扉寂歷空流橋下水數株垂柳暮鴉飛同前

德清縣新志

卷十二
藝文

十一

高節婦詩盛宗之妻

蔡筠涓川

結褵事君子歡愛百年期如何梁孟案一旦生別離驚飄蕩白日苦雨殞枯枝
顧彼雙鴛鴦比翼東南飛誓將重泉會白首誰肩仔皎皎匪石心潔清以自持
和羹奉姑嫜荆布獨相師弱息勤撫字下報死者知亮爲南山松安受霜雪欺
蒼蒼老榦梅冰霰益含滋崢嶸冷翠竹矯節臨碧漪高門標里閭褒錫來天墀
我聞再嘆息三嘆懷令儀抽毫賦黃鵠千歲欽蛾眉沈亦然新
市鎮續誌

新市道中

仁和厲鶚樊榭

擘岸風多損晝眠荻芽短短不生煙水村無避春寒處來覓詩家門繫船新市
鎮續誌

志

秋日遊五石菴

沈朱點雨梧

由來性僻常耽靜堊寺清涼恰可游濁世難將交道論達人還向醉鄉求風來
竹院爐烟裊雨過松牕徑草幽回首與君窮谷裏幾番相對笑談留南園書
屋稿

東萊先生讀書巖

前人

三徑蕭條掩夕陽風流千載仰圭璋名賢自益湖山勝下里猶留姓字香木落依稀窺曉月登吟慘淡冷秋妝我來閒眺搜遺迹可有書聲出上方南園書

偕胡漪邨慈相寺面壁窩看桂次東坡游法華寺韻

前人

鼓勇直探華嚴界一滴試尋曹溪派靜中領取木犀香鼻觀徐收恣清快竭來古寺宿霧開石厂流泉鳴泚泚徑從高閣而虛空眼寬不知身世隘氤氳消息湊單微輪囷老桂未朽壞坐久心清香妙忘疑入廣寒詫幽恠老僧酌我珍珠紅自云麴蘖親焙曬玉擘蟹螯金切橙檢點紫葵與綠蕪安定齋居善著書且撥牢愁脫世械舉盃白眼望青天如從瘞處爬瘡疥塵網功名若臘雞鸞鶴飄墮翮已鍛細參無隱繹禪味酌酒嚼花償逋債南園書

果山懷古

胡旭升鳴

一邱一壑總關愁綠野平泉幾度秋千古夕陽獨惆悵支筇閒上果山頭

德清縣新志

卷十二 藝文

十二

米顛拜石好奇異此地嶙峋石尙存月白風清荒草路小車應有未招魂沙隄一去遂徜徉抗疏朝端太激昂謝公高臥東山老不是秋風蟋蟀堂流寓同時憶二難寂寥南宋話叢殘狀元橋畔無人問搔首西風總一般樹設室遺

清溪放舟至仙潭

蔡環黼 拱其

一舸依然載客行落梅風送布帆輕明霞遲日花同笑芳芷新蒲水始生燕語關心餘別緒山容回首有離情平蕪東去迢迢路夜夢歸來記此程沈赤然新市鎮續誌

大善寺雜詩

釋大香

千秋禪寂樹清影護雙扉當時曾一宿花墮水田衣獨樹齋指示婆娑樹曾參造化禪至今空五內獨立小庭前無心柏何琪唐棲志略

甲申八月艤舟大善寺側贈拱上人

韓雍

弭棹唐樓日已沈淡煙疎語淨無塵依然相逐供香茗云是東林拱上人

西郊春望

蔡之定 穀山

郭外春風二月天成羣墅老話豐年君看牆角皚皓白齊菜花開百草先積穀山人集

告存和袁簡齋韻

蔡之定 穀山

一似輪迴悟夙因孟陬重見降靈均名場七十六年客都是隨園過去身
同人續集出郵筒執耳騷壇是此翁海內應多詩客在何妨借寇籲天公隨園續同人集

題葉仁甫白鶴山房詩草後

蔡之定 穀山

竹樹參差繞院深好風吹送北窗陰攜將白鶴山房集筆簞疏簾細細吟潘衍軒錄

浙續輜軒錄

訪大善寺讓山和尚

杭世駿 荊浦

古寺團團塔繡經草滿階問年頭似許對客眼初措佛座供銅盃香廚挂筍鞋

德清縣新志

卷十二 藝文

十三

日長喧鳥雀得共飽清齋唐樓鎮志略

俞貞烈女詩

陸震東 融伯

乾坤具正氣激發隨人資聖賢不離道夫婦亦與知或挾浩然氣刀鋸視若夷
或守介然操冰雪誓不移何用分廣狹是皆存倫彝卓哉俞氏女生長在茅茨
不扶而自直豈藉保姆師十三明女訓十四學婦儀十六來蹇修筮日將結褵
謂郎如松柏謂妾如菟絲依附定百年父母無貽罹何意賀在門訃者乃踵之
所天既已失有生復奚爲願得一憑棺同穴甘如飴姑嫜非所樂媒妁莫致辭
生雖慳一面從死無游移此語口不道此意誠勿欺天只不諒人改字前邨兒
畢命在今宵長訣夫何疑寒谿遶我門瑩澈空纖疵懷清若合契抱石投漣漪
蛟龍急避舍逆流擁其屍衣裳盡縫紉玉貌猶生時父母始歎訝鄰黨咸詫奇
一杯寄山麓幽光燭雲達我來問風土闡揚起敬思千秋有貞石庶亞曹娥碑

潘衍軒兩浙輜軒續錄

題南蘋水墨牡丹

沈亦然

南蘋花鳥得三昧不亞黃筌艾宣輩偶然濡墨作牡丹一洗花王富貴態檀心
倒暈世所珍何似此花尤絕塵若教裁向四香閣紛紛黃紫徒爭春庸工不語
俗兒笑不買胭脂那能肖豈知中有松煙香足治黃塵塞心竅請君愛護懸東
軒春風看到子與孫未須浪信五雜俎年年墨汁澆花根

新市鎮續誌

步拱元橋

俞廷鏞 南莊

村落蕭然亦復嘉背山臨水面桑麻隔河邱隴聞松籟傍舍田疇看稻華父老
神祠歸爛醉兒童鄉塾散喧譁拱元橋畔閒扶杖不入城門兩月餘

潘衍桐兩浙輻軒續錄

白雲橋晚眺

馮如璋 秋君

石柱立崔巍溪灣鎖鑰開雲低孤鳥沒風急片帆來流水前村抱斜陽古戍頽
高車良可誓誰是長卿才

唐樓鐘志

棲溪曲

錄二

楊汝楸

德清縣新志

卷十二 藝文

十四

兩岸人家夾綠波中間一道是官河月明樓外笑歌起欸乃聲中客夢多

深林古寺鐘聲晚遠水歸舟落照斜最是伍林頭一望粉垣高瓦萬人家

唐樓志略

遊西竺庵弔邱廉士

吳樹木 翼飛

綠柳垂垂野徑荒短垣廢院正斜陽殘碑共說邱廉士終歲何人醉一觴

沈亦然新

市鎮續誌

九日果山懷古

單 潮 泗濱

吾聞果山名勝傳三賢金蟹石獅列兩班荒草殘碑何處是我來弔古頻登山
登山得得上山轟遙看千林黃橘熟憶昔題餠暢雅遊狂歌酣飲山之麓此情
此景已年年未遂雄心莫問天丞相祠堂空落葉遺民別塢鎖寒煙寒煙落葉
秋將暮斜日悠悠愁古渡風急天高塞雁飛鐘鳴地僻孤帆度歸來野色半迷
離獨倚西風帽自欷沾酒漫尋陶令菊佩萸且擬杜陵詩詩通酒債生涯薄陶
杜于今不再作聊訪蘇門一嘯長茫茫霜月涼初落

沈亦然新市鎮續誌

題陸真人祠

汪鳴鑾 寶輪

朝遊碧落夕元溟瀟洒蒼髯駕玉輶鶴唳一聲秋月墮至今潭水尚清冷沈赤然新

同徐新田

養原嚴九能 元照游慈相寺 許宗彥 周生

步入招提去緣山石路平佛龕何太冷松蓋獨孤撐閣圮鐘猶挂泉空月未生
摩挲認碑字詩客愛留名鑑止水齋集

蔡母徐孺人割股圖

許宗彥 周生

金刀一割血出漉草木無靈不如肉阿翁呻吟氣力微阿父含辛淚相續鑪火
色青紅調湯瓦銚中精誠能與司命通遂使枯槁回春風當時孝婦意濟否非
所擬尚不惜軀命審論非與是但願翁年除黑籍不願婦名挂彤史誰歟聞者
不敬美况乃披文悉終始劉盧仍世接昏姻淑德慈儀聽睹真讀畫如觀武梁
壁揚芬愧乏彥昇文鑑止水齋集

德清縣新志

卷十二 藝文

十五

呈德清何藜閣

太青明府時明府議建輝山塔 許宗彥 周生

腹水衣山斗大城山殘水駛了無情真如葛屨唐民陋端賴鳴琴漢吏清畫虎
禦風元有術聚沙作塔豈難成要知保障無窮願聽取諸天讚歎聲鑑止水齋集

詠王節女

徐養原 新田

三從凜微言十年謹初筵在禮有常經稱情無恆制琅琊有賢母抱貞期畢世
隱疾處空閨堅心每自誓孝養勝男兒線纒同管遣但期親疾瘳何惜腕肉漬
幽情晤一室慧性耽六藝中更骨月憂坐令形骸廢壽算終中年奄忽遂長逝
在昔嘯榼女真摯孰可逮自此撤環瑱清操自勉勵抗希頌圖列允協貞孝謚
作詩補女誠庶使頽俗厲頑石廬詩集

同人登羗山

邑人徐璜 更名仁本

諸公幸相訪邀我陟林邱松影密藏寺竹聲遙過樓孤城背飛鳥遠水送行舟
無限溪山好看雲盍少留食舊德居吟草

遊城山

蔡錫熊 漢章

爲訪高人跡偷閒過此山松陰三面合竹翠四圍環曲徑花猶落禪房趣自閒
清談忘坐久塵念一時刪 廉南軒

孟春重經妙嚴寺

蔡錫熊 漢章

握別冬方暮從過雪未消巖花如有待林鳥更相招地僻門庭古人閒興趣饒
山僧殊不俗長擬共逍遙 廉南軒

清明後一日偕弟登方山絕頂

蔡錫熊 漢章

天晴挈伴上崇岡歷盡崎嶇興愈狂花氣迎人渾欲醉松風過處驟生涼征帆
隱隱橫天末牧笛寥寥度夕陽策杖登山幸不倦邇來足力頗相當 廉南軒

夜泊東衡里納涼

徐傳經 仲魚

夜熱不成寐起來酒半醒蛙聲如驟雨螢火亂飛星人對青山坐舟依綠樹停
納涼篷背好風月自冷冷

德清縣新志

卷十二 藝文

十六

按仲魚僑居禾中金陀坊少年好學書宗顏魯公畫似白陽山人詩不多
作奇逸有致（柳隱叢談）官國子監典簿著壽穀堂詩集（輜軒錄）

寓梅林村

蔡堃元 厚齋

避得塵囂俗幽居水竹斜何如結茅舍且住織簾家半榻書猶剩孤燈酒可除
寒鴉投古樹唵咏有萩花 梅林吟館小草

八月十七夜同沈用霖王誠許昌耀家從祖印金登文明塔砥柱閣復

集友人溪館

徐鑑深 雲麓

溪光十里暮烟晴溪上人家月色明半捲青簾移畫舫問攜紫茗借高朋初從
城曲穿烟樹忽到溪山最深處澄波四面碧樺開合作水晶宮裏住文明一塔
起中流高閣登臨几簟秋漁火幾星迷遠渚山城數折隱平疇幾人書劍情豪
放幾宵風月天清曠願得采石錦袍游不待潯江紅袖唱宵深喚酒向誰邊近
水林亭得月先聯句高才題石鼎藏鉤雅諠喧瓊筵座有嘉賓杯在手陳說是
非亦何有推篷還入芰荷間細把新詩拍銅斗 花樹軒吟草

訪嚴九能居士元照柯家山館

徐鑑深 雲麓

野館徧秋草凄然懷舊情寒泉憑客薦落葉此山行莊叟天懷栩栩雲林供養清

同游嚴丈鴻裁工畫倪丈鑑澄出示骨董柯陽頻小語極目晚烟橫

花樹軒吟草

秋日過沈雲禎先生祠

徐鑑深 雲麓

秋山氣清曠叢祠古雲深高賢渺千載書堂依碧林織簾安淡泊挾卷時披吟傷手不足損思親涕沾襟澄懷有遐契鶴書空見臨魚懸向對檻何當元悟心篤志託細帙正教傳素琴煙巒杳無極興起在來今願攀芳芷薦長憩古木陰斜陽映黑蝶道味倘可尋

同上

新市雜詩 錄四

仁和 吳繩基 瓶谷

菽乳饊名達兩京茶甘飯軟足怡情年來江北江南地到處人聞店姓程輕帆十幅掛斜陽遠客停舟水一方記得苕溪多土產有錢須買葉風箱

各處風箱

皆南柵葉姓所作他人莫傳其技

德清縣新志

卷十二 藝文

十七

處處河流近水田數竿瘦竹飽寒煙誰知筍瘦全無味獨有前溪四櫓船

近水土寒

有竹無筍惟武康笏船用四櫓來新市賣之

曾聞九井與三潭聚水能供萬室探既濟不如防未濟莫求掘地得分甘

新市鎮誌

半月泉讀蘇文忠公詩碣

沈用霖 行溥

請得一日假來遊半月泉何人施大手劈破水中天此公遊慈相半月泉詩也後題年月及同遊姓名詩字皆放逸為公真跡無疑僧莫之惜昔年曾陷荒烟因書志慨

欲覓水中天來遊半月泉雲光同吐納山色共激鮮萬古源無盡三秋魄未圓

昔賢題咏在斷碣墮荒煙

粵歸草

洛舍瀆

戴 望子 高

洛舍瀆南風浪喧大通橋北雨飛翻榜人苦勸公無渡遙指金鵝山氣昏

謫塵集

吳羌山懷古

沈用霖 行溥

吳羌不知何郡人隱居耕作避王莽之亂隨梅福入吳攜妻子徙烏程之餘不鄉時稱高士後人名其所居之山曰吳羌山

紫色鼉聲蹟已陳煙霞何處問遺民曾隨梅福同辭漢卻喜桃源獨避秦此地
馨香千載奉土人奉先生爲社公建祠致祭當時煙雨一犁春織簾繼起高蹤遠古廟荒祠若比
鄰左有織簾祠同上

半月泉懷東坡先生

武康王 誠松齋

東坡先生不可作七百餘年世寂寞我今照水憶東坡凡百東坡猶宛若東坡
昔在元祐年玉堂清秘燒金蓮一朝出守杭州去日日嘯傲西湖邊西湖近與
清溪連中有一道清冷泉泉聲邀月月在水萬古千秋不肯圓圓缺本無定去
來真有緣東坡先生俗慮捐左挹子方袖曹輔字子方右拍靖老肩鄭嘉會字靖老二人皆列名半月泉
碑重來施大手劈破水中天水天劈破等閒事只恐瓊樓玉宇高處難安眠我
拓東坡碑因誦東坡句結伴徒爲半日遊何如竟逐坡仙去坡仙兮坡仙不知
在天上兮在人間手掬寒泉薦一盞月波涌起疑有奎光懸松齋詩選
酒酣拔劍圖爲廖梓臣明府宗元題卽送其暫歸楚南

德清縣新志

卷十二
藝文

十八

戚士廉 附伯

詩才八斗酒一石豪氣十丈劍三尺濁酒澆胸魄礪消長劍仗天鬼魅辟身軀
鶴立勢軒昂神光炯炯雙瞳碧手種河陽一縣花君宰德清有善政腹藏賈誼千言策
撫時太息獨沈思磊落英姿露眉額君今襜被歸故鄉干戈滿地阻行迹匹馬
長驅不可留安問山程與水驛我歌一曲送君行且舞青鋒浮大白潘衍桐兩浙輜軒綴

食鯿魚 有序

餘杭章 濬 輪香

俗名逆魚考邑志五月溪水暴漲時太湖魚逆流而上大不踰二三寸
鱗紋細白名曰逆魚至夏至日卽止山海經謂苕水中多鯿魚卽此是
也

黃梅雨過鯿魚肥逆水來游傍釣磯三兩寸長莖葉小百千頭聚藻蒲依一鏡
乍卷青溪艇雙扇如撐白板扉漁人以白板側置舟中使燈光激射魚自躍入俗又呼爲跳白魚料得老漁乘夜去

半鈎涼月浸蓑衣

溯流而上太湖東薄比銀刀一望中

魏武食志謂之鯨魚詩詠蘇仙誇美似東坡贈孫莘老詩恣看脩網出

銀注傳郭璞釋名同

爾雅鯨魚鱗紋細白供盃酒溪水深青繫釣篷剛值鄉

郵蠶事罷半街曉市趁腥風

檢點山經讀異書閒披爾雅釋蟲魚地當茗水緣溪上影亂蘋絲聚族居一陣

雪翻風定後數枝槩打月來初勸君莫作江湖想不待純驢憶故廬

南茗新漲滑如油逆水魚肥溯上流粉板影搖微雨後筠籃聲喚曉風柔閒披

志乘添詩料列入盤殮佐酒籌記取一陰逢夏至具區萬頃任悠游

潘衍桐兩浙輶軒錄

清溪賽社詞

徐士麟 荇香

惠安侯錫九重天

戴侯舊封保濟顯佑侯清加封惠安

賽社迎來數百年舊例清明前四夜滿城鑼

鼓鬧喧闐

姓名柳葉列侯同古社分明綠與紅爆竹聲聲人攘攘肩輿直進

縣門中 上中祖廟纛旗開關號西南次第來歸自便民倉外路天壇盤繞踏

德清縣新志

卷十二 藝文

十九

蒼苔 阜安橋畔晚風寒都向焦山頂上看列炬登城相掩映半空疑是火龍

蟠 斲木懸燈字象丁當先兩點火流星西行更向地壇去來往通衢走不停

春到清明旋社迎

東嶺之神旋繞於市名曰旋社

高盤芝蓋到南城紛紛都上塘涇去

塘涇在見山門

外相傳戴侯舅氏居此是日演劇相迎

向晚歸來酒共傾

雲在山房詩稿

徐烈婦詞 并序

前人

婦徐氏黃文孫字錦華之繼室也籍隸嘉郡平湖縣與吾家同姓而譜系無可考因其祖名慶威號牧庵曾為福建太守伯父名浦號松畦任汀州府經歷故世居福建文孫以疾卒於官婦經理喪事畢即身殉於井餘詳烈婦本傳

古今多節婦青史名卓卓立節勵冰霜堅貞類松竹何如吾宗女籍隸駕湖曲能博高堂歡內則素嫺熟古林有少尹服官在海濱聞名思嘉耦願為鸞膠續之子賦于歸年屆二十六情比鴻案深空嗟鳳雛育良人運何蹇病魔與死逐與其生而寡不如死亦足甘心清流中從容赴井谷節烈世所欽天生是其獨有司憫其事秉筆為奏牘丹詔下九重旌獎勵風俗勒石垂久遠千秋仰芳躅

心惻箴義爰永受王明福雲在山房吟稿

曲園自述詩

邑人俞樾曲園

宣廟龍飛歲在庚元年辛巳月嘉平小春未屆猶非臘還是元楊月內生於道

光元年十二月二日距小寒尚兩日故星命家仍作子月論也十一月為元楊月說詳春在堂卷八爾雅云元楊虛也余一生虛名無實殆坐此乎

烏巾山下舊居家鵲喜樓頭靜不譁一夜春風吹喜氣迢迢千里到京華余舊居在

德清東門外烏巾山之陽地名南埭有小樓曰鵲喜因屋後有老樹一株鵲巢其上故得是名也余生於是樓先大夫時在京師有誌喜詩曰春風吹喜氣千里到幽燕

溱洧追思鄭大夫請從兩廡祀先儒衡量蘧瑗雖無媿未免沿訛禮殿圖余疏請以

鄭公孫僑從祀文廟兩廡援蘧瑗為例詔下部議從之然蘧伯玉自唐宋以來錫封從祀蓋以文翁禮殿圖本在弟子之列若子產舊無此說乃以伯玉誤而使子產亦從其誤至今思之殊未愜也

俎豆尊嚴崇聖祠聖兄未預聖心悲敬陳末議成先志配享從今有孟皮余又請以

聖兄孟皮配享崇聖祠從之先大夫印雪軒詩鈔有詠古詩四章其次章為孟皮未與配享而發余此疏敬成先志也

更向清溪問舊樓一泉一石總留題雖然忝竊名山席竟未看山到剡溪是年春回

德清縣新志

卷十二 藝文

二十

德清上先人家遂游北門外慈相寺有半月泉蟠龍石諸詩浙撫黃壽臣前輩薦余主縣縣講席然竟未赴也

吳中屋就便移居位置琴樽已有餘相國賜題門外榜德清太史著書廬乙亥四月

吳中新屋落成十九日遷入居之門外懸李少荃相國所題榜曰德清俞太史著書之廬

清明日回德清掃墓偶成

邑人俞樾曲園

烏巾山下舊柴荆喜有承平一片聲父老醵錢迎綠社吾鄉清明前後實社有紅社綠社之分兒童

散學過紅明吾鄉以清明次日為紅明日又次日為白明日連朝榆柳分新火幾處松楸認故塋只惜焚

黃猶未得虛傳兩度拜恩榮予兩次請封而救命未至

半月泉

邑人俞樾曲園

半月泉在德清北門外慈相寺之東以形似得名東坡有詩曰請得一假來遊半月泉何人施大手劈破水中天今刻石泉上舊有屋數椽歲久傾圮慈相寺僧上雲謀築樓三楹以為邑中士大夫游觀之所又東萊書院久廢有司致祭無以陳俎豆樓既成即奉東萊栗主於其中亦善舉也故為詩張之

蟾寒兔冷吳剛愁手持玉斧窮雕鏤劈破半月風騰騰化為一水清瀏瀏東坡先生官湖州請一日假來此游欣然題詩在上頭而今精舍在荒邱惟此半月

仍如鈎老僧好事工新鳩一樓高築山之幽名蹟長使東坡留祀典并爲東萊
籌嗚呼所慮何其周僧能若此吾儕羞廣寒宮闕雲中浮萬百千戶年年修神
斤鬼斧無時休願與月中仙人謀移一二戶來山陬眼前突兀成此樓然後招
集諸吟儔攜酒一榼茶一甌狂吟遠與髻翁酬

寶慶寺

邑人俞 樾 曲園

德清西門外有寶慶寺亦古刹也寺前松徑里許旁有石可坐十許人奇古可喜相
傳建文帝曾憩此故名蟠龍石寺中有僧像方頤廣頰云卽建文帝也因以詩識之

命舟出西門舟窮繼以屐但喜山寺深不嫌村路僻松陰一徑青雲氣千巖白

望蠡已無亭

舊有望蠡亭以望
見蠡山故名今圯

蟠龍猶有石相傳建文君曾此留遺迹至今老佛

像猶在梵王宅巍然天人姿修髯可半尺祝髮頭不冠跌坐足不爲我思明惠
宗守成亦令辟削藩議未成靖難師已迫可憐一炬火坐看六宮赤恩恩鬼門
啓草草神器擲度牒奉先皇袈裟換宮掖君臣雖偕行姓名已潛易但覺僧臘
高都忘年號革間關蜀道行辛苦滇南適誰知此一丘亦來分半席我今瞻遺

德清縣新志

卷十二

二十一

藝文

像歷年逾數百殘碑尙可捫斗室不嫌窄冷冷鐘磬清落落塵氛隔寄語好事
者應題大喜額

大喜乃建
文帝庵名

蟠龍石

邑人俞 樾 曲園

兩龍天矯戲宮柱一龍飛上九天舞一龍不勝墮泥土何時蜿蜒來此山山中
之石遂千古我思劫運當年遭骨肉竟爾干戈操雨中羊毛打更溼城上燕子
飛逾高燕子飛來龍遁去莽莽風雲竟何處金陵形勢空復雄白龍之庵一炬
燼白龍亦建
文帝庵名龍兮龍兮何不長此留雲冥冥風謾謾怒捲松濤滿山谷龍雖失
水尙有神長使蚊雷靜三伏相傳石旁數十
武內夏日無蚊我來問石石不知但驚此石何離奇
至今父老石邊坐猶話龍衣拂地時

自蘇至杭雜詩 摘四

邑人俞 樾 曲園

綠波春水暖盈盈百六韶光雨乍晴看取家家插楊柳教人知道是清明
田鷺尙早共嬉娛綠女紅男總不孤船尾船唇相對坐便知盪槳是兒夫

舟中值
清明節
鄉間婦
女乘小

舟若與操舟者相對必其夫也

清明作社是鄉風三社還分綠與紅只怪村農迎旋去聲社雷轟電掣太恩恩吾鄉

於清明日迎神昇之趨行市廛間謂之作社亦逐疫意也社有三曰大社曰紅社曰綠社鄉間有所謂旋社者昇神旋轉而行往往壞人廬舍亦散俗宜禁也

大虹橋下是通津藤蔓牽纏已滿身古語磨兜堅最好願題橋柱示行人吾邑東門

外大虹橋舟過其下者戒勿開口杭州武林門外拱宸橋亦然

己丑歲

今年湖州各縣皆荒於水而吾邑德清為甚聞之盡然因念去歲曾以擬墨賣銀一百四十圓助直隸山東之賑今歲亦有擬墨之作援舊例印一千本集成一數寄上海施君少欽彙付德清賑局以効杯水之助賦詩紀之

故鄉昨日有書傳話得窮閭盡可憐老我空存周急意貧儒惟仗賣文錢叨分

阿堵青銅百時洋錢一角廣印麻沙白版千去歲發棠今又請車薪杯水總幾

幾

余賣文助賑以擬墨百本寄與仰蓮（照瑗）觀察每本擬售洋一角乃承以十倍之直相饒賦此謝之

德清縣新志

卷十二 藝文

二十二

集腋成裘未覺勞戲憑筆墨換錐刀書來忽拜百朋賜文價俄增十倍高君以千縑謝皇甫我將一粥助黔敖他年龔遂傳中看此事雖微亦足豪

柳侯祠

邑人俞 樾 曲園

柳侯名察躬柳子厚之祖柳集中先侍御史神道表所稱德清君者是也有惠政既沒而邑人祠之歲久祠廢及宋而戴侯之神與邑人即以柳祠故址為之祠於是祀戴兼祀柳後又附以葉是為吾邑三總管神每歲清明前賽社甚盛自城中至各村聚總管廟亦甚多然與唐時初立柳祠之意則異矣同治十年冬余至德清省視先榮泊舟城中而自坐小舟至金鵝山展先通奉君之墓留奴子沈貴守舟忽有人至舟求見問其姓似是劉字沈曰卯金刀乎曰非也木字偏旁耳恩恩遂去余歸沈以告因思姓氏中木旁而與劉音相近者惟樓字然吾邑無此姓也及歸吳下以語江子平孝廉蔡瑜卿茂才兩君皆德清人也曰茲事絕異豈柳侯乎余固笑而不信也今年春送孫兒陞雲回德應童子試旬留半月訪知柳侯祠有專祠在西門城上因往瞻拜敬賦一詩

吾邑論祀典莫古於孔侯至今餘不廟絕然臨溪流次之莫如柳舊有惠政留是為德清君聞之柳柳州遺蹟不可考荒祠誰與修厥後戴侯出四境蒙其麻祀戴兼祀柳名位微不侔雖與戴並列乃與葉為儔至今稱三社廟貌盈山陬每當春賽社奔走來童叟區分紅與綠無乃為神羞邑人呼戴侯曰大社曰綠社同治十

年冬我此維扁舟有客來相訪問姓似是劉乃云是木旁則又疑爲樓吾邑無樓姓此疑將誰諷惜我不相值未得窮其由

題烏山廟壁

邑人俞 樾 曲園

吾邑烏巾山烏巾氏故蹟借問烏巾誰父老無能覈吳興之烏亭相傳在昇山亦云烏巾氏寄跡於其間烏亭誰爲之右軍王逸少吾以右軍故偶憶張宏號張宏號烏巾三國孫吳人篆隸皆擅場飛白尤入神右軍爲斯亭必爲斯人築當以工書故義獻皆私淑吾邑與接壤地無百里遙安知張烏巾不於此逍遙茲山名烏巾名當從此始廣韻烏字下不載烏巾氏可知烏巾氏唐前未有聞奈何沿俗說不知有張君吾擬築烏亭即於茲山麓先出此一篇敬爲父老告

均春在堂

傅氏婦三割股女再割股詩

邑人俞 樾 曲園

烏乎割股何事耶一之爲甚至於三是真忘其身所苦而但行其心所甘夫病

德清縣新志

卷十二 藝文

二十三

三危三活之至今鄉里爲美談吾獨異其第二次夫南妻北兩異地數千里外聞夫病惟有寸心可自致於此奏刀彼霍然如響斯應吁可異乃知割股事無他但以至誠動天地其事有效有不效其誠有至有不至稍有毫髮近名心卽屬虛夸無益事忽信人肉治虛羸邪說誤人陳藏器傅氏之婦何其賢割股救夫夫病痊夫曰此事良可傳婦曰吾不求名焉德清傅懋元（雲龍）妻李三次割股救夫病其第二次則懋元在德清葬親母以殤幼子故臥病枕席久不痊女時年甫十有五見母病危涕如雨徬徨無計起沈疴惟有背人私割股食母母有瘳無何兄又病於喉女曰兄死母亦死塊肉又爲兄劖圖一弱女子能辨此固宜名氏動天子乃女有弟年十二亦效爲之如其姊舊史俞樾聞而嗟曰賢與孝萃傅氏

傅氏女名范淑卽懋元女其母卽李也其弟曰范冕戶科給事中洪

良品以傅女事聞旌如律

詠涉趣園

邑人俞 樾 曲園

日涉聊成趣陶云君亦云閒情寄松菊佳話徧榆粉拋却紅塵累招來翠谷雲
浣花最深處一棹擬從君

孝女徐二姑詩

邑人俞 樾 山園

老去江郎筆已枯尙將史筆寫莊姝不傳才藻劉三妹只表貞妻徐二姑二姑
昆弟原非一姑與一兄皆嫡出坎男離女竟雙生楚國唐勒同一律無何乾陰
謝靈椿庶出諸郎散似塵只有一男與三女垢衣生鮮侍孀親不圖兄又魂游
岱臨死殷勤重語妹與妹同來不同去此後膝前惟妹在可能竟比北宮嬰夏
清冬溫妹代兄涕泣誓言聞命矣拌生了誓了終生長女三女後先嫁先嫁留
得二姑脂粉謝長依白髮母堂前不負黃泉兒地下卅年事變儘繁多古井沈
沈終不波惟把前年盟息壤不將獨處感如媧春風深閉閒庭院蠶母鴉娘希
覲面肩輿忽過所親家兩家阿姥皆相見女言吾母病龍鍾後日還期時過從
欲使病親先有託豈非大命豫知終晨粧明靚猶無恙殮碟經旬僦屬續歸去

德清縣新志

卷十二
藝文

二十四

泉臺見阿兄應言恨未能終養蘭臺舊史曲園翁爾父曾同入泮宮二姑父誠庵名本立江蘇

知縣余與同歲入學已歎故人失城北更欽孝女勝河東夏侯碎全奇女子離夫事父登

唐史何如不嫁更爲高巾幗完人了無滓傳語杭州探訪家莫將奇孝等恆沙

一自封章陳大吏果然恩命出京華余告之杭州采訪局遂得撫如例百行由來惟孝重一縣囑

囑咸感動未見門前綽楔高已看祠內馨香供光緒二十三年八月二日入德清節孝祠老我頽唐

病不支尙將名教強扶持惜無黃娟中郎筆來寫清溪孝女碑仍錄春在堂

白雲鄉晚眺

蔡 丕 紫岑

遠山斜隔故人鄉幾度披襟怯晚涼烟柳橋邊清水淺白雲深處野花香半村
紅杏留春色數點烏鴉逐夕陽獨步攜筇出幽徑一輪深月照橫塘趣園蓬蹤吟

立夏日支竈於庭掃葉爲薪以米和蠶豆又碎切肉及筍合煮成飯謂之

喫野米飯鄉俗也賦詩紀之

前人

南郊迎夏等迎春野飯年年學野人敗葉枯枝隨意拾泥鑪土鏗一番新清泉

絕浙予頭米活火憑燒車脚薪倘比七家茶故事還將庚癸乞比鄰吳俗立夏日七家米

大善寺看海棠

張淦 雪濤

尋春開倦眼招侶上空船溪漲半篙碧魚跳一點青樓臺盪波影薛荔單碑亭寂磬來香界山門短棹停

散策煩僧導迴廊屐印雙穿林憐鳥語隔戶吠驚危樹老拳如石花天紅到窗斜陽歸路近未及晚鐘撞唐樓

逆魚

邑人 徐本塔 仙厓

梅黃水漲逆魚肥美勝春鱸是也非見說燠籠傳食譜恰當賦罷遂初歸安雅堂詩

訪南蘋畫師

廣東 黃遵憲 公度

掀翻院體好新奇爭訪南蘋老畫師吳中沈南蘋始以南北合法相授受近世蛾眉工潑墨寫花曾

德清縣新志

卷十二 藝文 二十五

不買臙脂日本雜事詩

面壁窩

談祖佑 子瑜

可惜花時我未過中秋以後落花多山僧留得餘香在鎖住三間面壁窩子瑜吟稿

沈孝子詩 有序

武康王 誠 松齋

孝子名應科其事實見邑人徐晦堂雜志（今入列傳）晦堂名承烈字紹家德清諸生此條為嘉慶辛酉十一月十一日甲寅所記前摘浙江通志徐清獻公名旭齡負骨事末概應科之不通謂其年四十餘尚為牧犢子慨歎極深今去晦堂著書時又五十載孝子之姓名里貫亦越有知之者矣幸此書尚存後之人掇拾于蛛絲煤尾之中尚得發幽關隱豈非孝弟之至通於神明有不可泯滅者歟孝子四十後事未知究竟俟訪之松雪里人余作此詩在道光戊申亦十月十一日豈偶然哉雜著前藏吾友程君（維鈺）家此其第十八冊

清渭南頭一抔土苔花暈骨斑紋古年年寒食棠梨開一盂麥飯澆何所嗟哉沈孝子日夜慟不止父死骨未歸有生不如死芒屨不韞徑出門肝腸慘澹愁雲昏秦雲渺渺望不見但見太華戍削黃河渾朝望太華道仙掌三峯轟天表暮宿黃河邊飛沙沒脛寒佷烟千氣萬力喘不得一朝得到渭水側平原四望莽蕭瑟三寸桐棺復誰識仰天一慟來悲風精誠倏與精靈通何物騎牛人得

非五千道德元元公因公來拜前村叟昔年荷鋪出渠手是時叟病危屬續將不久忍死須臾爲君剖語甫出口氣絕口徧搯荒塚黃飛埃果有三石品字堆痛哭捧髑髒一齒呀然開滴血入骨骨欲活屬毛離裏何奇哉君不見庾公能平灑瀕灘蔡公能止鹿觸槐古來孝感有如此而况四千里外負骨重趺來鵝之山茗之水孝子招魂葬故址迄今六十年幽光發故紙惜哉旌表未及此我欲作詩上國史應科其名沈其氏

道光己酉春省垣有采訪節孝之舉余錄孝子事實并繕此詩上之兩浙總局咸豐元年巡撫常文節公題請旌表亦可以慰孝子之心并慰晦堂先生著書之心矣是年始借得燕居瑣語讀之則此條入鄉乘類中較雜著稍略并稱孝子之兄應登勸父哭踊哀動旁人應科負骨涓南賴應登經營養母亦以孝稱雜著中無養母云云故詩中不及附著之

登吳羗山頂

甲寅年作

武康王 誠 松齋

樓倚山南徑山北統觀山勢劇瓏玲湖田百頃圍碁勢山南所見市郭千家摺扇形山北所見不染纖塵兩高士獨超劫火一危亭癸丑冬寺燬一亭獨存攜詩閒倚欄干讀疑有雲中白鶴聽

德清縣新志

卷十二 藝文

二十六

已丑中秋夜同人登文明塔水閣

前人

窗開四面水三面正有此中明月多卓筆一枝塔倒影眠牛兩具山橫波閣東有大牛小鳥半明半滅見漁火若抑若揚聞權歌坐久不知衣露濕勸君速醮金巨羅均憶存草

半月泉上東萊讀書堂落成并于後楹供蘇文忠韓南澗吳履齋三賢栗

主詩以紀之

前人

斷崖鏡巘嶠古石漱瓊瑰不有羣賢迹誰邀半月來烟霞書社護俎豆講堂開猶憶澄潭上當年手疏裁東萊先生有重修半月泉疏

近思傳絕學博議當新藏忽向編摹地重開浩蕩天半輪圓缺影一榻舅甥緣此日來瞻拜分明見古賢

祠因伯恭重名以子瞻聞

南澗宋史無傳其以尙書致仕則見周益公集

夙企成公學還尋故相墳

德清縣志履齋

墓在禮辰門外舊志爲章鑑所作宋末人去履齋甚近其言當不謬康熙清志止據披榛遺斷碣謂爲履齋即吳璞墓或謂履齋歸葬宣城恐是凡說張家橋去半月泉止一里許

舊迹薦菊共清芬留得此邦彥心香百世薰東萊先生有專祠而三賢爲邑人共仰不可無祠故後後禮私祭之

轉思許恭簡余友江毓荃復聊謂德清近代鄉賢以許恭簡爲第一曾于半月泉近旁築覺覺堂講學道德經濟固可配食東萊旋以事竣未及設主講學在

茲鄉十畝閑閑地三間覺覺堂末流新建抱史謂恭簡篤信良知而道統念臺光慮夫援良知以入學者

山陰劉忠介公學于恭簡配食他年識斯言未可忘

微言徵往哲餘興發詩翁植杖徐高士鳴琴譚次公崇禎癸酉譚公元禮徐元同遊半月泉賦詩刻石今石碣尚嵌

壁上元禮即元春友夏弟也芒鞋山徑雪茗椀縣齋風汲得澄泓去清溪一夕同

風流今已渺止有數言存借問詞章富何如道德尊祀兼南北宋境隔佛仙門

樓上供大士西王母像好向月泉坐源流細討論

卽今兵未息翊贊賴忠良豈以狼烟近而令鹿洞荒松篁石壁秀蘋藻野橋香

持比寒泉舍千秋德澤長東萊訪朱子於寒泉精舍共輯近思錄（采訪冊）

過百寮山下

蔡鎮璠 瑜卿

峨峨百寮峯幽人結茅屋下有數頃田上有千尋木落葉自知寒秋收自知足

德清縣新志

卷十二

二十七

藝文

登高眺遐景行歌在空谷晝夜如循環物理悟往復昔日富家樓今日成平陸

路邊白骨堆天陰聞鬼哭來燕無枝棲莫傍草間宿除詩

六月移居市亭山傳經堂倪氏

蔡鎮璠 瑜卿

兵燹餘生歲幾遷卜居到此感從前林遮紅日忘三伏屋傍青山別一天菽水

事親新添計盤餐留客舊因緣雨餘草色添生意恂悅尋詩夢惠連鎮璠行西堂詩夢圖爲悼

亡弟而作

託跡林巒衆鳥欣聲聲求友幾回聞樓前牕小能容月戶外牆高不礙雲黯澹

丹青唐子畫藏有唐子畏春風桃李圖叢殘金石漢時文傳經借得兒寬屋筆硯安排當耨

耘 除餘詩

題戴望夢隱圖

蔡鎮璠 瑜卿

與君同作南閩客俯仰跼促天地窄有時乘興登山顛長嘯一聲滄海碧君懷

高曠無其倫偶然談笑皆天真每云富貴如夢耳胡爲役役隨風塵願依邱壑

結茅屋有田可耕書可讀白鹽赤米養慈親閉戶自精不干祿惜乎買山無寸
資衡門未尋長棲遲凌生爲作夢隱圖圖爲凌子與作烟霞縹渺疑有無痛飲欲醉劉
伶酒不逢阮藉誰爲友高歌欲鼓伯牙琴不遇子期誰知音况復東南連歲驚
鼙鼓茫茫大地無樂土安尋藏身巖谷間酣眠一覺游皇古思登五岳上蓬萊
臨風遠眺重徘徊吁嗟乎他邦不可以久處何如乘槎歸去來述堂詩

至邑城作

許德裕 蔭棠

橫塘三里漸成邨路轉雙橋見郭門四鏡好山環縣治一溪新漲汨城跟黃梅
雨洗魚場地紫簾秋縈客夢魂若問風光原不惡暫時游賞莫深論羅絲集

曉發錢家潭

烏程 施補華 均甫

極浦舟容與晨征太覺勞林風清不歇山月曉還高小港抽蘆葦平田動桔槔
農書如許讀吾欲學東臬澤雅堂詩集

偕戴子高同登吳羌山

江珍楹 子平

德清縣新志

卷十二 藝文

二十八

山山迴抱接杭州南渡當年此勝游鐘外獨尋來去路溪流長瀉古今愁清庵
自昔留高士好句何人在上頭與子登臨豈無意待添名蹟誌餘不海犀集

蠡山懷古 錄三

蔡 熙 緝齋

梳妝古鏡沒蒿萊猶話當年歌舞臺彷彿館娃故宮苑泥香露出玉釵來梳妝臺

臙脂顏色已銷磨想像猩紅點翠娥今日村娃頻自汲麗容還似昔年多臙脂泉

寶鐔於今歛古池英雄心事尙堪思而今化作雙龍去留得溶溶水滿陂洗劍池
（裕青軒集）

吉祥寺牡丹

邑侯王石樵招同人爲
庶殿錢別率賦奉謝

蔡廣颺 雲士

今年花時連月雨繁英飄落都成煙綠陰滿地春已暮鼠姑風緊催晴天吉祥
禪院花事好賢侯招客開瓊筵入門但覺香氣襲紛紛蜂蝶聲喧闐玉樓春色

數十木枝枝葉葉爭鮮妍更有魏紫態殊絕迎風綽約凌飛仙憶昔何侯名太青粵東人

政清暇公餘課士心拳拳手栽此本經十載遺恩並與甘棠傳我公惠政同兩

露澤及草木無私偏催科不擾四境謐采桑共樂蠶三眠琴堂訟少吏無事到

此公亦心怡然飛觴倒坐敢辭醉豪飲獨讓袁宏先燕臺此去四千里當歌令

我離情牽他時花發尋良會無限相思玉砌邊貢雲書屋詩草

鳳嶺朝陽

朱觀光 藤溪

東來紫氣繞雲端日出高岡破曉寒照眼桐花爭五采昂頭桑陰上三竿當年

樂奏笙簫去此地樓觀滄海寬更羨岐山同藹瑞商量獻曝野人歡

虹橋暮雪

朱觀光 藤溪

晚步橋梁風勢嚴雪花飛舞玉纖纖尋梅驢背詩情寫著樹鵝毛畫本添漁火

微茫蘆影鎖釣蓑隱約絮痕黏杖藜扶我衝寒過招飲前村有酒帘藤花溪詩稿

紀四兒范冕遺事

傅雲龍配 李端臨 更生

德清縣新志

卷十二 藝文

二十九

尺篲樛有節藝蘭馨早時刻畫石未盡事蹟具誌銘墓碑摧肝鳴之詩補聞癸未年初

聞之其兄喉滯涎四兒之仲兄范初病喉二豎不退舍我時心如煎兄死母亦死我女隱慮

此女范淑刲股非無功療母昔如是四兒年十二而亦願如姊股肉以和藥指血

以參餌兄起弟不起旌女未旌子戶科給事中洪公良品以女事聞旌如律初亦無名心曲園有詩紀

紅餘籀室吟草

題管夫人畫竹

仁和 陸漱芳 山東沂州知府陸莪女

文采風流絕妙詞一雙靜好結相知何緣灑盡湘妃淚不畫完枝書折枝兩浙輜軒

錄續

辛丑九月三日避居德清感而作此

許宗彥配 梁德繩 楚生

羽檄馳來四座驚倉皇挈眷竟宵征三更清露凝寒色一夜飛鴻動遠聲山水

故鄉重領略干戈滄海慮縱橫傷心一月危城裏勇將空餘汗血誠謂三鎮臺

時英夷寇乍浦（右春軒詩鈔）

歌謠分也况著者原稿既曰歌謠應仍其名而以詞賦附之尚有占驗等歌恐涉迷信故從
關載

弋陽謁謝文節祠長歌

蔡賡颺 雲士

君不見白雁飛來江水秋六陵夜哭冬青愁又不見匡山萬丈海濤立颯風一
夕漂龍舟偏安殘局竟如此乾坤但有孤臣留侍郎慷慨奮忠義信州不守空
離憂轉茶坂頭變名姓橋亭賣卜寒雲浮麻衣夜夜慟朝市血淚迸入江波流
薦書強迫燕臺去拚將枯骨埋荒邱曹娥碑碣屹然峙憫忠古寺風颯颯探薇
甘作首陽餓蒼烟黯淡沈松楸嗚呼文山死後金甌缺先生亮節真堪儔我來
故里問遺蹟殘戈斷鏃遺沙洲巍峨廟貌煥千載靈旗獵獵飄朱旂徘徊廊下
不禁三歎息但見中天明月皎皎懸城頭

頁雲書
屋詩草

史忠靖公印歌

戴望 子高

象質方徑寸文曰督師輔臣史
可法章周侍御得之金陵市上

德清縣新志

卷十二
藝文

三十

侍御示我史公印肅然如見古遺烈文有督師輔臣字審是甲申以後物淒其
天步當年蹙擁立孱王事倉卒奄兒苗種相怒頑哀哉天使明命絕外公命公
督四鎮遂令羣小司綸紵連章請餉不得與調護諸軍敝唇舌彊臣絕吭凌御
史劇
興平死大河藩蔽崇朝失春燈日宴羣妖興晉陽之甲武昌出吁嗟北史不得
歸又見戈矛生叛帥仰觀上相星獨明想見高懷徒鬱律當其草檄印牘尾恨
不擲化常山笏上游事急下流渡中原從此成顛蹶公騎箕尾歸天上此印沈
霾歷年月嗚呼滄桑已閱二百載流傳毫髮無剋缺定知天鑒忠藎心留與後
人作表樹朱文蟠屈疑公血上與日星同不滅公魂應傍孝陵居夜見精靈來
髣髴栗香
隨筆

戴侯祠古柏歌

蔡鎮璠 瑜卿

戴侯廟臨溪曲戴侯墓焦山麓門前柏陰何蕭森故老相傳宋至今手植不辨
是何人海中幾見飛紅塵鬱蟠元氣山川古亂後歸來喜摩撫凌秋傲骨撐風

霜入夜寒聲作雷雨我聞新甫山頭列數百大者十圍小千尺又聞孔明祠前
枝幹長上天下地流清芳嘉樹由來自珍重何須定作棟櫟用戴侯之德人所
思恍忽疑有神靈隨柏兮託根既得所我歌聊當甘棠詩陳餘

曹孝子祠銀杏歌

蔡熙 緝齋

紫金庵前有銀杏翠葉參差接蒼嶺嶺邊流水小橋低祠名孝子開佳境孝子
當時名節標代父捐軀純性秉能將罔極酬烏私曹娥英氣同耿耿蘋蘩歲薦
祠宇崇後人思之德彌永年年香火集里閭維茲老樹同留影色比金桃含美
姿狀俾綠李誇芳穎我聞此果如酒甘誰灑瓊漿醉骨鯁吁嗟乎荀龍班鳳孝
子兼家風七步人所景縱未簪花姓自芳詎隨荒草根常冷於今嘉陰滿青山
市亭之麓烟月靜何殊覺海寺中十丈姿志乘留傳事彪炳

清溪竹枝詞 錄三

蔡熙 緝齋

險塘一帶撼洪流保護咸稱賴戴侯每到禁煙寒食節清溪競渡鬧龍舟

德清縣新志

卷十二 藝文

三十一

村居下舍近漁莊郎理魚簪妾理妝輕槳曉穿荷葉浦恐他好夢破鴛鴦

餘溪水漲雨晴初漁女街頭賣逆魚妾鬢蓬鬆郎莫笑懶窺波鏡不妝梳裕青軒集

織女歎

蔡賡 雲士

寒蛩啼聲唧唧貧家女兒當戶織千縷萬縷終夜忙催成一疋充官糧家貧糧
重償不足孀未得衣心悲傷心悲傷淚沾臆機聲不斷腸斷絕隔院誰家歌板

徹詩書屋

祭馬頭娘歌

沈用霖 行溥

朝丁丁暮滴滴育蠶天氣宜晴和十日雨聲不曾寂蠶娘眉皺愁蠶飢蠶眠愁
雨葉復稀安得看蠶吐絲織成匹人衣錦繡我百結同我婦子亦有力殷勤具
雞黍來祭馬頭孃盟手再拜言小姑相扶將願孃鑒我意致詞達上蒼不願風
狂雨兼霧但求點點枝頭露者番多雨恐害蠶况有輸糧速催赴此時春繭未
曾登此日回天大可憑拜罷回身重致祝送神山下鼓鼙歸來徑繞桑間路

一抹霞烘遠村樹小姑戲問牽嫂裾何日酬神廟中去粵歸

蠶穀行

蔡鎮璠 瑜卿

蠅蠅蠶子生牆下桑葉綠團團蠶繭成陌上桑林禿檐葺燕語春晝長繰車軋軋斷還續去年十月穀少收縣裏租稅償不足今年三月絲未賣里正持符日催促丈夫去典嫁皆孀少婦無言坐茅屋牀頭小兒呱呱啼寒無縷布饑無粥華堂賓客方沈飲吳姬夜唱江南曲迷堂詩

大水行

沈用霖 行溥

百歲老翁未曾見原隰茫茫波一片人家咫尺不相過止有輕舟往來便山城跨溪兩岸高城中晝夜翻驚濤居民近市已惶恐不知村落成塘坳沛然直下莫能禦四野悲呼奈何許魚龍在陸鴻在澤觀此傷心淚如雨君不見吳興水自天目來年年暴漲迎黃梅奔流匯入太湖去平疇水滿新秧栽今年春夏蠲封穴地軸翻動天瓢摧秋來糜爛百草死野馬何處飛塵埃太湖之水忽倒灌

德清縣新志

卷十二 藝文

三十二

誰能力挽狂瀾迴惟天好生或援手陽景撥出陰霾開澄波不壅川不潰疏導便可通汗萊調和鼎鼐仗賢相庶徵念切周蠆垓哲時雨若又暘若驛克胡乃愆交推小民引咎示厥罰翻勞宵旰憂偏災佇看撫恤恩詔下熙熙萬姓登春臺同上

大水行 癸未

江毓荅 巽齋

戊夜鳴鑼早作食田家合夥車水出與桑賣地買苗秧秧欲栽時天已涼猶望秋收數斗粟新漲又來湮沒速飽食踏車半月上田水未空米先空早知插秧仍無地不如惰農翻得計惰農身逸囊有錢勤農作苦廚無烟昔年大水食無粟今年大水居無屋屋外有田匯深淵屋中有水如流泉衣服打包覓親戚親戚家中苔滿壁晚來艤棹蘆花中小港炊烟處處同身在扁舟心在室不歸難安歸不得日望水退無分毫夢回急兩聲瀟瀟屋宇傾地雨連綿望秋還費苗秧錢將錢買秧身無宅將錢修屋口無食田中

水白屋萍青旁風上雨棲此身苦向豪家貸千百瓦是黃金甑白璧錢荒物貴
兩難成路逢相識訴與聽答言饑歲盡飄泊屋傾可修猶是樂

錫庵詩鈔

大水謠 癸未

江毓荃 巽齋

淫雨來水沒案夫爲嗟婦爲歎打包出門行何處避患難遙望前村新墻轟轟
叩門無人留汝宿炊烟夜傍蘆溪曲人在舟中水在屋

移家謠

高者原下者隰深沒腰淺沒膝田秧復地秧農夫殫心力朝秧田暮湖曲淚似
淫霖斷復續屋裏有苔青野外無秧綠

秧田謠

種菱菱無收養蠶蠶未熟水勢逼人來浸淫及蠶屋棄之心不忍養之力不足
男呻女吟商量反覆投畀中流齊聲一哭未醫眼前瘡先剜心頭肉

原蠶謠

黃者水青者土高者塘下者戶晝夜相隄防不敢自言苦夜半時水汪汪叩人
家拆門窗拆門護塘君莫吝一寸板片萬人命

險塘謠

德清縣新志

卷十二
藝文

三十三

秧田已舟楫 陡門謠

賤賣絲食在腹貴賣絲藏在屋一旦遭水浸抱之向誰鬻路逢相識人對之失
聲哭答言君休哭儂自頭蠶已不熟

賣絲謠

浣溪紗 泊仙橋月夜留客

毛滂 澤民

晚色輕涼入畫舫雲峯飛盡玉爲天疎颺自爲月褰簾 細酌流霞君且住更
深風月更清妍爲誰淒斷小橋邊

仙潭後志

念奴嬌

許宗彥 周生

吾邑文明塔側舊有小閣圮收久矣里人相與
新之冬月返里舟過其下寓日感懷慨然有詠

峻嶒壞塔閃初陽下有飛樓飄縹緲手拓窗櫺擡倦眼迎面峯巒皆好木落擎風
江寒礙影霜氣澄清曉絕無人到此間容我長嘯爲想人物當年東鄉諸沈占
才情多少依舊溪山無限秀俯仰徒探幽抱禾黍縱橫樵漁星散一角荒城小
琅然簷鐸白鷗飛去煙杪

鑑止水齋集

金縷曲 中秋月食

徐倬

碧海晶簾問姮娥清輝須惜浮雲須遣幾點憂時
散漫空飛繭此夕風光猶較可忍來宵素魄留痕淺桂華盡愁何展斗邊一角
銀河顯怨無端投壺笑巧南箕舌扁更怕寒茫分道出惱亂人間鷄犬天上恨
嬋娟難免自有凌雲修月斧奈瓊樓玉宇非專典霓裳袖阿誰翦

雪橋詩話

按此詞蓋為順治十二年八月廢后事作諭禮部云自古立后皆慎重選使可母儀天下今
后乃容王于朕幼時因親定婚未經選擇宮闈參商已歷三載淑善難期不足仰承宗廟之重
謹于八月二十五日奏聞皇太后降為靜妃改居側宮 見蔣良騏東華錄王先謙本末載

白桃花賦 以春風無色最消魂為韻

蔡壽昌 爾眉

竹外水濱春風寫真雪元是玉雲亦為銀呼之欲出此中有人雨可洗妝不與
梨花同夢生窈薄命漫隨柳絮爭春當夫三春時節二月天工無花不紫有樹
皆紅偏鉛華其不御猶縞素以誰同定知情女無家魂離舊雨可是文君新寡
影瘦春風半灣流水一角平蕪形教水繪夢倩風扶昭其潔也不曰白乎年年

德清縣新志

卷十二

三十四

藝文

澹雨濃情勾留不少處處長廊短榭寂寞能無爾其桃曆初勻桃鬢無力紅豆
頻拈青春空憶祇應小玉為名不必衆香成國倘使李花見此自是無言若教
紈扇拋來定能生色數朵風前一枝簾外風腰約住於春朝月額描回於石瀨
數二十四番之信幽閒洵是可人問七十二品之中澹冶以誰為最樓西態嬌
牆東影搖相思不已相望云遙澹如欲瀉豔不能描枉教桃葉歌來白雪憐他
萍梗只恐桃源人去白雲遮斷蘭橈描摹別浦之心有如白水省識春風之面
不暈紅潮緬煎裙之人瘦兮羞欲對花影而魂消遂乃晶寒有暈玉軟無痕微
風啓幕涼月迎門斷雲此處流水前村抱來冰鏡一盒寒生蝶夢望去水牕卅
扇隔破花魂

蘆葦生兒芥有孫賦 以味含土膏氣飽風露為韻

蔡樹芝 湘

寒菜挑纜晚菘剪未綠甲參差紅丁髣髴種餘稜橫斜忙到連朝灌溉蘆芥
佐盤餐之供蔬譜增添兒孫安澹泊之風田家滋味有蘆葦焉上酥著美晶飯

流甘根栽秋九旨蓄冬三忽如甘蔗旁生離離擢秀恍比荔枝側出采采盈籃
黛烟低鎖之餘猶認錦綉乍脫珠露微垂之後尙疑香乳初含惟芥則輕拂姨
風微霑子雨不隨蘭妾分栽亦伴禾兄密補非同蕨長兒拳儼似桐垂孫乳若
作繩其之望幾家斜挂茅檐如求貽厥之思十畝同分桑土孫輩兒曹一碧周
遭攀生荒隴滋長平皋估子不殊乎釋笥抱娘却類乎叢蒿合瓜瓞爲一家芸
處別深愛護似葛藟之一本澆餘更足恩膏三徑青蔥一籬蔽芾品不必誇牛
肚之奇名不必入熊蹯之貴迎眸則庭玉堪憐入手則掌珠足慰倘使攜來田
父恍扶醉以偕歸如教掘到村童猶連枝之同氣種既殊葵品亦異苧味美於
回根香可敵惟分形之克肖戢戢偏多卻累葉之相承生生何巧應候醃同黃
矮繞滕成堆有時飯配紅陳含飴共飽莘莘相似蟄蟄偏同香在舍北影倚鄰
東倩菊婢以相隨尋餘曲徑約橘奴而作伴摘徧深叢居然號以宜男分種方
逢滿月莫謂鋤其非種嘗新卻稱家風遂乃翠隴遙瞻青疇小步賴風母以滋

德清縣新志

卷十二 藝文

三十五

生仰天公之保護村翁之長育曾勞田叟則徘徊屢顧園丁報添丁之喜半隴
涼煙野老供養老之需一畦寒露督學使羅羅邨選錄

詩話

盧法原之父正議能吟咏有詩云青衫白髮老參軍旋糶黃梁買酒樽但得有
錢留客醉全勝騎馬傍人門又云十月都門風薄衣夜砧聲裏雁南飛野人不
羨長安樂且趁鱸魚一飽歸見姚氏殘語談志

宋書沈慶之手不知書目不識字世祖逼令作詩慶之口授顏師伯曰微命值
多幸得逢時運昌朽老筋力盡徒步還南岡辭榮此聖世何媿張子房等句常
言衆人雖見古今不如下官耳學也兩般秋雨齋筆記

湖郡天聖寺畫壁趙文敏夫人所繪竹也筆致蕭森殊有遠韻有題詩云數枝
密葉數枝疏露壓煙啼秋雨餘宋室山河多少淚略無半點上林於庾子山
詩防露動林於夫人姓管氏字仲姬吾邑茆山人嘗入觀中宮寫梅稱旨所

題絕句甚佳然則夫人胸中豈徒有涓川千畝耶

陳尚古詩
雲樓雜記

仲姬才藻另有傳

明蔡總戎宏毅風雅能文有古儒將風年逾八秩能開五石弓強步健飯嘗自題小像云形癯如鶴性懶無鄰居官恥濁應世獨真清風兩袖白日一庭溪山舊業鷗鷺同盟逍遙任化物我同春我亦忘我爾是何人八十有五宏毅自題識者可以知其養矣

蔡氏
家乘

蔡白石名汝楠弱冠卽以詩聞初學六朝卽似六朝既而學劉長卿最後學陶韋唐應德云白石詩洗盡鉛華獨存本質幽元雅澹一變而得古作者之精蓋嘉靖初唐應德陳東反北郡之弊繼爲初唐之體至是乃稍變爲中唐而白石之風調得之皇甫兄弟者居多王元美在比部白石以臬副入長安酒間高歌其夔州諸詠吳明卿輒寤軒聲與歌聲相上下元美謂白石少年雅慕建安晚始淘洗攻錢劉索然易盡而又極詆吳人皇甫氏黃氏以爲如倚門之女施鉛粉強盼笑則一時風尙互相凌鑠可以想見厥後王李之業甚行蔡與皇甫

德清縣新志

卷十二

藝文

三十六

氏不啻退次三舍百年之際焰消而論定向之抑沒者乃復稍稍表見文章有定價豈不信哉

詩集
小傳

白石少負才名每與諸子誦詩吳明卿國倫輒閉目或故

作鼾睡聲白石若弗聞也者比開府中州明卿權謫籍屬白石字下一日來謁

白石留置賓筵上座明卿遜謝白石曰今日之會爲風雅若拘此例便爲俗吏

皮相矣歡飲竟日

西山
日記

丙午峴山秋社主者吳我齋李半溪繼入者蔡夷軒名

玘凡九人丁未春社主者蔡夷軒唐一庵繼入者張石川吳苕溪不期而會者

董潯陽以在告侍其師一庵至白石侍其翁夷軒至凡十有三人是日實逸老

堂爲會之始嘉靖二十六年三月

劉麟逸老
堂碑記

浙中詩派前推竹垞後堆西涯竹垞學博故能變化西涯才大故能恢張後有作者莫能越兩家之外也兩浙詩人其年輩科目前於西涯者有嚴子餐徐方虎李杲堂後於西涯者有汪季青沈方舟皆越中魁宿云子餐名沆餘姚人順治乙未進士官戶部方虎名倬德清人康熙癸丑進士官侍讀後家居特旨加

禮部侍郎異數也著蘋村集 先正事略湯西涯先生事略 方虎侍郎有句云篷中

倦客閒憑凡不見舟移見岸移張炳文詩云客行每厭水程遲山好轉嫌風力
順毛西河有皓月近雲行過疾之句方正澍有舟移如與月同行之句是均能
領會舟行情景者昔人謂狀難寫之景如在目前其斯之謂焉方虎又有驟中
謠云鷄初喔鳥再啼北斗闌干月沈西滿地冰霜驟足動踏破千家萬家夢古
質驚奇得未曾有 燕山孫溧
餘墨偶談

如臯冒辟疆有同人集自明末至清初名士吟詩極盛先君宰開平時其裔孫
特假而手鈔姓氏一帙始董其昌終蔡啓傅四百五十有六人 兩般秋雨
齋筆記

德清蔡明經壽昌少有神童之稱趙太守學轍府試愛其才以女妻之嘗偕游
碧浪湖趙口占魚鱗水紋圓到岸句命之對即應聲曰龍嘘雲氣直衝天後卒
於都門年僅三旬士論惜之 冷廬
雜識

徐詠梅先生球學術淹通尤敦志行爲贅塔長興獨居一室惟以文章自誤暇

德清縣新志

卷十二
藝文

三十七

則訪遺碑搜故實竟日不以爲勞嘗游龍華觀舊畫得沈石田文衡山諸手蹟
熟視不忍釋至卷尾見有季尙書烏程某氏名掩卷惟恐不速其生平議論必
依名節文章必守矩矱著有還印廬集詩最工七絕如立夏前一日呈嚴九丈
許大云鼠姑開到十分時勝侶招要未是遲我欲驅愁愁不去春來心事落花
知嘉禾舟中云侵曉蛙聲亂野塘黃雲覆壠漾晴光漁歌欸乃衝波去疏柳前
村又夕陽饒有風味 冷廬
雜識

狀元未第時每有佳話傳聞德清某狀元領順治甲午鄉薦公車北上有姬欲
從行狀元賦羅江怨詞云功名念縈縈情兩般事日營營幾番攪擾心難定欲
待念密絲細意捨不得黃卷青燈玉堂金馬人欽敬待要附鳳攀龍捨不得玉
貌花容千金難買恩情重怎能兩事都成遂功名又遂恩情三杯御酒嫦娥共
竟別之而去康熙庚戌果以第一人及第事之確否雖難必足以勵有志者云

徵人余德水熙朝新
語詞見隨園詩話

大善寺之無心柏獨樹房之栴樹吉祥院之銀杏樹亭溪村羅漢寺之怪樹或千餘年或數百年遺植也無心柏云是六朝之物唵噀法師作賦以張之而遊人多賦詩焉郭西章詩曰蒼顏翠質老巖阿飽嚼風霜蔓女蘿凡屬有心皆幻相欲空四大問南柯釋紹隆石庵詩曰西來祖意如何定大善庭前一樹真千古婆婆空五內趙家指示亦無心王丹麓詩曰萬木樵將盡孤標此獨存空心見明月勁節老乾坤鳳鸞終經宿蚍蜉何處屯蒼寒留古寺神力護朝昏今經兵燹寺既毀柏亦無存矣吉祥院之銀杏樹爲萬歷之初太宰張恭懿手植崇禎癸酉施之標記之極詳至道光二十五年五月二十五日夜火忽從樹中出枝幹殆盡識者謂大樹千年必遭自焚此其是歟亭溪羅漢寺中之怪樹張行素嘗題詩并序曰亭溪羅漢寺樹壅腫特甚相傳爲吳越王時所植感而賦之詩詳梵刹大善寺獨寺房之栴樹大陰畝許王伯穀篆額曰獨樹齋每陰雨則吐烟僧大香詩云千秋禪寂樹清影護雙扉當時曾一宿花墮水田衣今獨樹齋僅

德清縣新志

卷十二
藝文

三十八

存其名有僧守之嘗至其地訪其樹不復見矣今薈記之以存古迹而實詩話唐樓鑑志

藝術

藝文依史志之例本以所存典籍彙錄成編之謂也班固始依劉歆七略編爲八志之一竊考學問技術皆謂之藝古有六藝質勝於文際此藝術昌明舉世尊重則方技藝苑似應分列未能目以曲藝小道而略之此今志人物編方技之外而本編又有藝術也惟方技傳人藝術譚藝清代世家多獲宸翰歷代遺傳又有妙墨他如金石雕塑照相之膾炙人口者縱未能悉影其形安得不一鈎其要耶

宸翰

按此多康熙兩代之臨時染翰以頒賞文學侍從之臣得之彌珍與照例褒題者異故入藝術

清康熙三十四年六月二十六日御書七言絕句金扇一柄及臨董其昌綾幅賜兵部督捕左理事官胡會恩

三十八年三月二十七日御書秘閣清班四大字匾額賜內閣學士兼禮部左侍郎胡會恩

二十九日御書清華二字匾額左春坊左中允蔡升元

四十一年三月十九日御書清芬堂匾額賜兵部左侍郎胡會恩

四十二年聖祖南巡二月十六日御書黃髮受祉四大字匾額御製柳梢青詞一幅書賜禮部侍郎徐倬

又書唐太宗詩一幅賜工部尙書徐元正

又書臨黃庭堅綾幅賜左春坊左中允蔡升元

十七日御書唐五言句一幅賜原任吏部文選清吏司郎中談九乾

二十六日御書大字挑山二幅唐人五言絕句一幅五言律詩一幅又巡行江南無錫道中御書金扇一柄賜兵部左侍郎胡會恩之子江南池州府通判胡開京

德清縣新志

卷十二
藝文

三十九

又題無忝所生四大字匾額賜胡會恩之父前進士贈通奉大夫兵部左侍郎胡騏生

四十三年正月初七日御書持身清白承家訓勵志精勤報國恩對聯賜詹事府詹事蔡升元

四十四年正月初八日御書世恩堂匾額賜內閣學士兼禮部侍郎蔡升元

翠華重幸御書孝義匾額賜禮部侍郎徐倬

四月初四日御書修吉堂匾額賜工部尙書徐元正

四月初五日御書對聯賜禮部左侍郎胡會恩

初六日御書名文實政匾額賜胡會恩高祖前進士廣東順德縣知縣胡友信

十七日御書耆年篤學匾額及七言律詩金扇一柄賜大儒胡涓

四月十三日御書臨米芾字幅賜原任吏部文選清吏司郎中談九乾

五十年四月十九日御書壽祺雅正四字匾額賜禮部侍郎徐倬

雍正元年翰林院侍講學士戚麟祥蒙賜內府松花石硯瑪瑙水注蚌珠筆架藏佛及御書手諭

乾隆五十年正月初六日候選訓導蔡環黼預千叟宴蒙賜御製詩一幅紅藤杖竹如意綠磁盤螭帶鈎各一綵繡荷包二洋漆描金盃二又監生羅讚蒙賜同上

乾隆五十三年欽頒摹李迪雞雛待餉圖並御製詩由知縣周紹濂恭摹匾額供奉署內梅花廳

嘉慶元年正月初四日翰林院檢討朱榮等預千叟宴蒙賜御製詩一幅齒杖端硯銀盃各一宮包二玉玩一並紗羅綢緞

又原任江西南康府通判俞廷錦預千叟宴賜與朱榮同

嘉慶二年七月十三日賜親見七代五世同堂監生戴士宏七葉衍祥匾額

光緒十九年諭賜一品封典派赴各國游歷大臣皇太后萬壽慶典點景官傳

德清縣新志

卷十二
藝文

四十

雲龍福壽珍品

光緒二十三年賜候補道頤和園電燈委員兼庫官傅范初慈禧御筆壽字

妙墨

按張說文云鳳池墨妙謂書法也名畫錄云筆精墨妙謂繪事也又江淹賦云淵雲墨妙則言文矣茲錄書畫之妙者以志妙墨

蘭村沈畸仕宋爲御史遺有墨蹟卷高尺餘長丈許前後字凡五段首段行書沈國二大字中央之上草書御書二小字朱文方璽識其上篆文已不可辨次段爲畸手書首叙遠祖樂吳興山水清遠移家於此垂十餘世後叙已爲朝廷耳目之官奉命勘事吳門還朝得罪禍機不測蒙恩放逐今將遠行云云約二百餘言末署逐臣沈畸書後有趙忠簡鼎周文忠必大虞忠肅允文三跋各爲一段忠簡款書尙書僕射知樞密院事趙鼎書文忠忠肅俱署單款字極古樸草草而精神炯然直透紙背色尤蒼古之至

聽軒雨
贊紀

趙松雪之書畫名滿天下(見傳)然已成廣陵散現考大善寺額爲其所書字大徑尺結體固茂蓋真蹟也後進禪寮有古樹合抱陰蓋畝許王伯穀爲篆額

曰獨樹齋今仍其名書則易爲八分矣無名款字亦疎瘦可愛不知何人書也殿前又有無心柏一株高五丈七尺傳是石晉時物後有南屏詩僧讓山來主方丈而遺墨益覺生色新纂

吾邑有宣聖像水南集跋云此爲邑人趙仲穆手筆趙氏父子繪事妙今古于山水蟲魚草木每多寫意而此獨莊重詳慎胡夢石得于郡鈕氏夢石多藏法書名畫而此卷非端人不出示其貴重可知矣仙潭後志

明蔡官治大中丞第在邑之西郭外堂下植有蟠梅數本秀水錢籜石賦詩紀其事載周志其堂額曰清遠堂猶董香光所書殊爲難得同治後蔡兆騏修葺之

采訪冊

仙潭第一山爲鳴因寺額與匡廬真隱聽雨樓額俱劉允明所書允明中年書寺額垂老書樓額皆自評生平第一額毀於清嘉慶十九年正月初十日午後寺僧允人積木及苾梗而取其貨資偶因爆竹引火延燒遂滅百年之墨寶惜

德清縣新志

卷十二
藝文

四十一

哉又五石菴旃林勝蹟四大字額爲明末贈太僕寺卿周宗建取書忠勁之氣瞻者肅然采訪冊

宋強至部郎集湖州德清縣覺華寺藏經記云湖州德清縣覺華寺佛之徒曰昭序自落髮已能悚然服其師之教既尸寺事又能募錢若干緡購經若干卷簽書精妙爲髹函鈿軸以華之復嚴一室以藏之其所藏者能類而聚焉按此爲吾邑故事記之茶香室叢鈔

清邑清代廷對第一者三人第二者亦三人第三者一人均以善書名狀元蔡啓傳傳云工書法得顏魯公意榜眼徐天柱傳云書學李北海圓勁蒼秀自成一家探花俞陞雲見存其書甚爲輿論所稱又進士及第曾官翰林者二十餘人蔡之定傳云字宗歐王名播海內乾嘉間推翁覃溪劉石菴鐵冶亭蔡之定爲四大家其名望可知也俞樾傳云工篆隸而俞樾書名滿國中其餘雖爲政事文學所掩而其書仍卓卓可傳也新纂

工筆畫如沈銓竟成絕技在清末尚有價一幅值數千金今難一觀如得章衡丹青已珍如拱璧仕女畫得陳儒珍者亦稱名貴 新纂

金石 雕塑 照相

清邑鐵筆傳作無多若朱芾之圖章邊款扇骨石刻殊堪珍玩其次如徐楚善之金石亦覺可愛石刻除碑碣外尚有牌坊古茂精奇與其人之事蹟同一可傳能令見者肅然如爲嘉靖間南京兵部侍郎許恭簡城東文昌閣外鼎建之坊鏤空雕刻極其精細惜爲俗人毀壞者已多道光初年又被風吹傾一堞今兩堞屹然幸存想見其道學風節足資流傳其餘各坊稱是至於塑像昔惟神佛如覺海寺之四金剛邑人李振儀自塑西首二尊以東首二尊讓客手成古物矣又溪東戴廟惠安侯像中央一尊爲元以前所塑尤爲珍異至今之名匠裝神塑佛亦有相當之藝術石膏像在邑無相當歷史現始流行若名人之手捏肖像咸同間多有發見迄光緒年照相即攝影術通行則捏像已退舍惟寫

德清縣新志

卷十二 藝文

四十二

照(分墨畫鉛畫二種)現雖遜於拍照尙能與照相並峙勿替云 新纂

卷十二勘誤表

頁	面	行	字	原	文更	正備	註
七	後	八	十三	苦	若		
十九	前	十一	三	喧	喧		
又	後	九	二十	瀆	瀆		
二十四	前	九	十八	兒	兒		
二十七	前	一之二	二十四	後	於		
三十三	後	九	三	壞	壞		
三十九	前	三	十二下	(脫字)	賜		
四十	前	八	十三	檢	檢		
四十一	後	一	二十五	取	所		

二十三頁後面八行
十一字股字下似脫
一割股一二字
二七字嫁字下似
多一先嫁二字
三十一頁後面六行
二字一雲一字應在
頁下

德清縣新志卷十三

雜志

遺蹟

餘不溪名考

清鄭元慶石柱記箋釋餘不溪引留青日札云「不」作秋韻方鳩切非也當作虞韻風無切本作「拊」詩鄂不韡韡鄭注承華者鄂「不」當作拊「鄂」足也卽今言花蒂也此地有苕溪其流相通故曰餘英餘不其義可見按今吾邑人稱「餘不」正用風無切之音餘英溪卽武康之前溪也

春在堂茶室三鈔卷二

張烏巾居烏山

張彥遠法書要錄云吳時張宏好學不仕常著烏巾時人號爲張烏巾此人特善飛白能書者鮮不好之

按顏魯公湖州石柱記昇山有晉吳興太守王羲之烏亭清鄭元慶箋釋引寰宇通志烏亭在昇山上王羲之造以烏巾氏所居也又云予嘗讀書烏山問烏山何以名土人曰古

德清縣新志

卷十三 雜志

一

烏巾氏所居山上有烏亭舊址卽今烏巾庵山下有烏板橋義之子獻之嘗爲吳興此亭或獻之造余按吾邑德清有烏巾志稱昔有烏巾者其家善釀酒居此山此必一人無疑烏亭爲王獻之所造疑卽爲張烏巾而建蓋其人能書故獻之建亭以存其舊蹟也廣韻所載姓氏詳矣而十一模烏字下無烏巾氏可知唐以前並無以烏巾爲氏者烏巾氏之說後世訛傳也（春在堂茶室三鈔卷之三）

烏目山存疑

又張懷瓘書斷妙品九十八人中飛白五人張宏居第二云吳處士張宏字敬禮吳郡人篤學不仕恆著烏巾時號張烏巾并善篆隸其飛白妙絕飄若雲遊激如驚電飛仙舞鶴之態有類焉自作飛白序勢備說其美也可見張烏巾各體皆工且有著述傳後在書家中亦卓卓者又引歐陽詢曰飛白張烏巾冠世其後逸少子敬亦稱妙絕然則王大令爲築亭者必是此人吾邑鄰壤張烏巾遊跡在所必至吾邑烏山之得名亦必以此人也余家卽在烏山之陽表而出之以告故鄉父老（同上）

梁陶宏景真誥云瀆于斟字叔顯會稽上虞人漢桓帝時作徐州縣令靈帝時大將軍辟掾少好道後入吳烏目山中隱居遇慧車子授以虹景丹經修行得道注云吳無烏目山婁及吳興並有天目山或卽是也然天目何以謂之烏目余疑目乃巾字之誤古帽字也烏帽者烏巾也卽吾邑之烏山耳雖未敢質言姑附其說於此

同上

半月泉遊蹟

慈相半月泉上有蘇文忠公紀遊石刻大書蘇軾曹輔鄭嘉會劉季孫鮑朝懋蘇堅同遊元祐六年三月十一日後題一詩字跡比前差小詩云請得一日假來遊半月泉何人施大手劈破水中天詩早見侯志款署東坡二字清涼道人嘗讀東坡詩集不載是篇而同遊五人中爵里事實見於公集及施元之詩註者三人焉曰曹輔劉季孫蘇堅僅見於公和陶詩題而施註不載爵里事實者一人曰鄭嘉會其鮑朝懋則文集詩集均無可考祇於前志職官表中見其姓名考曹輔字子方海陵人元豐爲鄜延路經略司勾當公事歷福建路轉運使提點廣西刑獄文忠謫惠音問數相往來元祐黨禍諸人多在巡內子方周恤備至士論與之劉季孫字景文祥符人壯閔公平之少子初以右班殿直監饒州酒稅轉左藏副史爲兩浙兵馬都監駐杭州文忠爲守表薦之得知隰州以歿文忠常自書云劉景文慷慨奇士也博學能詩英偉冠世孔文舉之流耳嘗寄僕

德清縣新志

卷十三
雜志

二

詩云四海共知霜鬢滿重陽曾插菊花無歿之日家無一錢但有書二萬卷畫數百幅云其愛重之如此蘇堅字伯固不詳何處人文忠與講忠盟自黃徙汝同遊廬山後守杭州伯固以臨濮縣主簿監杭州商稅時方議開西湖伯固謂當參酌古今而用中策湖成其力爲多後一歲相從於揚州文忠歸自海南又待之於南華黃文節謫死宜州伯固自嶺外護其喪歸葬雙井其風義如此不僮博學能詩足稱也子庠家養直學世其家號後湖居士有文集行世鄭嘉會字靖老不詳何處人按文忠和陶詩自註云得鄭嘉會靖老書欲於海舶載書千餘卷見借因讀淵明贈羊長史詩云愚生三季後慨然念黃虞得知千載事上賴古人書次其韻以謝鄭君前志侯志縣令表載鮑朝懋元祐五年任蓋鮑時爲縣令而侍文忠同遊也惜不載其何處人以一追倍遊賞而得附名以不朽皆際遇也聽雨軒

文明塔尖

文明塔於清道光某年大風將塔尖吹去不知處僅留塔頂第二層卓然獨峙然玲瓦損廢塔座亦剝蝕矣邑人視文明塔爲文筆而塔每層有魁星軌取文章魁首意耳

砥柱樓

砥柱樓在文明塔下翼然阻溪以爲關鍵清康熙時胡比部彥昇建立雍正間衍聖公孔傳鐸復建乾隆時錢唐汪隆文重修邑之文士每於夏秋游詠其間爲韻事咸豐庚申前已頽廢迄未建復

均采訪冊

左顧亭

泊舟左顧亭訪縣中知識數家大抵倚山瞰溪易得卜築之勝前戶部侍郎李公子至之居甚輪輿其兄參政之子德甫者居郭外據一邱壑夔歲常過之今其人亡室亦虛矣聞運使沈度公雅方考室往觀之甚潔而庖堂之簷手可接也公雅素傳過庭所教常有知止易足之說意其規模出此左顧亭者孔愉放

德清縣新志

卷十三
雜志

三

龜處前兩大枯木可千年古物孔侯墓廟在焉廟居墓前與其夫人像皆盤膝坐蓋几席未廢時所作龜溪倚山而薪貴敢溪而下數得嘉魚以其密邇行都盡販以往風物已不逮曩年出郊三里游城山頃歲赴太學試道病暑三宿晚對軒題詩壁間故在凡僧寺皆南向此獨反北故夏無涼風聞自此過武康纔二十五里道間有梅花村以千萬計客行有程不得往午德清宿安溪

范成大
驂鸞錄

趙文敏別墅

吾鄉戴灣村下坦山之麓有土穀祠蓋村人祈年報歲之所也人咸稱神爲元趙文敏公祠址係其故居故老傳聞相沿久矣按郡志公宅在郡城中甘棠橋之南有銀杏一株爲公故物清涼道人

即著聽
雨軒者

曩時至郡曾一訪之公第舊址

卽今鈕姓之居銀杏在其宅中大陰畝餘高出雲表誠數百年之物今相隔二十年復至郡城則樹頂童矣旁枝猶葱鬱也戴灣祠址爲公楊林堂別業遍植梅花公有懷德清別業詩所謂楊林堂下百株梅是也清溪八景中有野橋梅

雪橋在慈相寺前距公別業僅半里許梅花放時自橋上望之若積雪然故以得名先輩沈濡羣先生有悼趙祠雙松詩序中謂祠係文敏別墅松爲公所手植挺勁蒼翠較之慈相寺數松更爲奇古清康熙某年蟲災而枯云云道人歷據舊聞祠爲公之別業無疑矣自戴灣以東若白羊圩賈塢籐山東衡諸村皆祀公爲土穀神二十里內若公之湯沐邑然而東衡里則公墓所在翁仲虎馬尙存祠在墓東數百步土人皆知卽是當時廬墓

聽雨軒

程森爲之立碑

東萊讀書堂

北郭外慈相寺左舊有呂東萊讀書堂久圯清咸豐四年十月慈相寺釋上雲擬重葺邑令王公捐貲助修邑紳贊之堂遂成堂後附其舅韓南澗并吳履齋蘇東坡栗主名三賢祠鄉先輩如王松齋陳青巖諸文士歲嘗祭祀讌飲其間青巖曾有祠聯云北山片席煙霞古南宋遺祠風月新今又鞠爲茂草矣

采訪冊

重月泉

德清縣新志

卷十三

雜志

四

宋韓元吉南澗甲乙彙慈相院重月泉題記云翳漢乃神導自嶽嵒窾堅肖明祀蠱弗治易甃而石泉用蠲潔施及壇宇旣液旣埽盈飲以滌澤滅其永休工識勤敬諗來裔韓公此記乃云重月泉記文似銘而不用韻語亦多難解姑記于此

春在堂叢鈔

五石菴墨蹟

周宗建字來玉一字季侯江南吳江人文和公用之孫也萬歷癸丑進士銓授吾郡武康令上臺以其廉明命兼視吾邑在萬歷乙卯丙辰間愛五石菴之清幽而屢過焉手書梅林勝蹟四字揭之楣間迄今已一百七十餘年而忠勁之氣猶勃勃然於翰墨中瞻者肅然起敬年湮代遠日就模糊菴僧慧通撤其居而新之恐真跡之淪亡因命工聖治其榜板仍鈎摹四大字於上懸之故所嗚呼公名滿天壤固不藉書法而後傳而後之人拳拳於此者蓋申其敬仰之意耳觀公之遺跡慕公之忠烈庶可以頑者廉而懦者立按明末時吳人憫公與

楊忠烈諱左忠毅斗光繆文貞昌期周忠介昌順魏忠節中大等爲魏忠賢黨所誣而慘死率肖像而祀之於家至今三吳士庶每當歲時伏臘令節良辰莫不燃燭焚香潔牲醴酒以致敬卽俗所稱南朝六神是已是則諸公之忠烈固宜戶祝而家尸然亦見直道猶存人心不死奕世之後談及諸公事蹟未有不扼腕咨嗟奉祀惟謹者無怪當時顏佩章諸人目擊時事奮不顧身也因紀忠毅五石菴墨蹟而併及之聽雨軒餘紀按南朝六神之像至今尙有之余幼居臨平歲終祀神所供紙馬曰南朝六神聖衆循流俗之見謂諸神之總名耳不知乃此六公也春在堂

庫橋浣金潭

尤平章宅在庫橋元平章尤某故宅址也傍有浣金潭相傳尤女浣金盆於此張之鼎詩高門聲勢可如雷富貴還同泡影猜昔日豪華遊樂處斷釵零壁總成灰(唐棲鎮志)按尤平章或疑卽游似以似曾任平章尤游音亦相似惟游似宅在新市此爲另一人耳

德清縣新志

卷十三
雜志

五

楊家倉

楊家倉在新市鳴因寺東北宋楊和王沂中秉武康節時置莊宅於此以貯其租入者也建炎三年討賊徐明於秀州倉或屯糧之所後因以名其地仙潭志餘

大麻駐蹕

清康熙乾隆間數南巡至大麻鄉停泊龍舟暫時駐蹕吳王廟廟之東西兩廊首列偶像二頂掛武裝云是康熙南巡時兩侍衛在該處失足墮河而死者塑作紀念又吳王老廟後臨水處有一枯楊枝梢拂地形若環虹五年前忽又老幹生梯依然垂綠相傳此樹乾隆南巡時令人栽植以資繫舟云采訪冊

東聖堂

東聖堂在縣南小南門外際風橋卽濟富橋西內塑真武像披髮仗劍而踏龜蛇歷來已久綵色塵蒙矣有鄉人過之以煙管之頭戲叩龜背其聲鏗然以爲銅鑄也私置所攜竹籃中而拾磚以襯神足歸而磨洗乃紫金所造因碎而售諸遠

方由是致富他日獨修廟宇并新像焉此清乾隆三十年間事上

堂宅園亭故址

聽松堂 在縣北右壁山慈相寺宋建明末廢

錦香亭 在大麻村向陽里明王守仁讀書處其父華嘗館於此後人築亭其上明末寇燬李志

范蠡宅 在蠡山舊傳范蠡泛湖時故居胡志

沈約宅 在餘不溪上流餘英志云約宗族所居胡志

韓元吉宅 在石壁山慈相寺西胡志

吳氏園 在新市狀元橋南宋吳潛游憩處

游似宅 在新市鎮壘石為山遺址尙存

遺聞

蔡官治護趙

明天啓四年十二月以郭尙友為保定巡撫培尙友者魏濟也初尙友營山西

德清縣新志

卷十三 雜志

六

崇撫趙南星不用推謝應祥嗣陳九疇攻應祥而尙友竟得保定蓋以啣南星故俾報復之耳尙友果與巡按馬逢臯訊南星事備極慘毒至責其子中書趙清衡甥王中龐二十板幾斃杖下非知府蔡官治推官許世蓋極力護持趙氏無遺類矣逢臯或是例推者也 荆脫官治德清人

蔡善繼剛直

天啓六年丙寅巡撫梁應澤復欲建祠於鄖陽荆南道蔡善繼不肯申詳迫之至再蔡以挂冠爭之應澤將疏參聞熹廟崩而止 三朝野紀 嗣魏璫生祠徧天下而福建獨無祠宇以蔡善繼不肯獻媚也崇禎登極謫忠賢鳳翔尋着錦衣衛擒赴治罪忠賢聞旨知不免因自經詔磔其尸於河間 見詳註聊齋志異圖詠府志有傳 善繼字五岳德清人進士及第升福建方伯清介不苟忠厚謙抑平夷服寇捐俸修洛陽橋以繼君謨宗績 蔡氏通譜

狀元夫人撤穀

崔應榴攤飯續談云俗傳浙省今年出狀元則秋收必歉因有狀元夫人親登城樓撒穀之說余初未之信及見鮑西岡續紀事詩云聞說勸農冠蓋出傾城又看狀元妻則信有其事矣鮑作詩爲丁丑是年狀元爲嘉善蔡以臺原籍德清人鮑所見當是蔡夫人也庚子狀元汪君如洋其夫人上城撒穀余友楊子讓見之按此則狀元夫人撒穀誠確有故事矣惜於古無徵耳茶香室續鈔

蔡生甫

清嘉慶十九年閏二月侍講學士蔡之定請行用鈔票上諭所奏泥古迂謬斷不可行前代用鈔其弊百端小民作僞必致獄訟繁興麗法者衆殊非利用便民之道且國家經費量入爲出不致遂行匱乏何得輕改舊章該學士以文學之臣迂腐陳奏著交部議處以爲妄言亂政者戒閩縣王慶雲照朝紀政近世銀幣日窮銀價日貴於是有議變通行紙幣者法本於唐之飛錢宋之交會其用同於近日五省之會票淮南之根窩但其說倡於嘉慶中鴻臚卿蔡之定聖武記

德清縣新志

卷十三
雜志

七

蔡生甫之定司業精於鑒賞收藏法書甚富以十粒明珠易一蘭亭善本其風

趣雅甚

武陵趙文恪公慎畛榆巢雜識

生甫能記前生嘗言前爲一念佛老嫗鐫印章一方曰黑

橋佛嫗猶不昧善根每日誦佛號常素食不茹葷形貌清古人皆呼爲蔡老嫗又蔡學士生甫曾自言前世爲杭州沿橋老嫗少寡好佛依塔爲活臨死復甦語其女曰余將轉生蔡氏以佛圖未焚暫歸其代燒卻以盡余心因言蔡氏里居家世甚詳惟太貧是幸男身汝夫後日其往看我遂卒既葬女夫往訪見蔡太翁告之故出子令視時方數月顧之而笑如舊相識學士既長不昧前因每以語人故至今不茹葷酒凜佛戒焉花間笑語並埋憂集紀曉嵐閱微草堂筆記

鼎甲盛事

康熙庚戌一甲一名德清蔡宮贊啓傳二名德清孫司空在豐三名長洲徐司寇乾學卽於是年十二月召對宏德殿賦詩卽日被命同直南書房又同主順天鄉試爲鼎甲盛事孫司空在豐充講官時扈駕南苑園內有鬣突出御用弓

矢授在豐射得之上大喜顧大臣曰孫在豐文武材也府志又奉上命講性相近

也對曰性本聖愚一樣但此論義理之性氣質之性便不能一樣上曰義理氣

質有兩個性乎對理即在氣質之中二者一也上嘉賞之熙朝新語

遜清承前明舊例順天鄉試正考官多以前一科一甲一名充之康熙初年幾

若定制如壬子則以庚戌狀元蔡啓樽主考乙卯則以癸丑狀元韓葵主考丁

巳則以丙辰狀元彭定求主考辛酉則以己未狀元歸允肅主考一時奔走聲

氣者遂先期輻輳於其門場屋中多僥倖者自歸宮詹入闈撰文自誓關節不

通榜後下第者譁然冀與大獄時魏象樞為大司寇以朝端碩望步行隨一僕

攜紅褐墊至歸所居宅外行四拜禮曰我為國家慶得人也復賦詩紀事徧示

朝列外始息然自後北闈試事不復令新殿撰持衡遂改三百餘年之舊制矣

郎潛紀聞

許禮經

德清縣新志

卷十三 八

德清方伯祖京乾隆戊子領解己丑會試卷已擯棄武進劉文定公綸搜得驚

詫曰有文若是而棄之乎徧示諸總裁皆歎賞即定元其先定元之本房謂此

卷乃禮記俗謂禮記為孤經乃言孤經不可中元文定依回久之遂置第五至

今首藝猶膾炙人口然會元徐閔之闈作世鮮有知之者冷雜廬識

十二年間兩狀元

蔡宗伯升元傳臚詩云入對彤廷策萬言句臚高唱帝臨軒君恩獨被臣家渥

十二年間元兩狀元蓋一謂蔡公啓傳也一時傳誦焉梁紹壬兩般秋雨雜筆記（參周志）

嚴九能書法

歸安嚴九能字元照生而識字四歲作書經尺有規矩十齡於屏風上為四體

書擅其藝者不能及號為奇氏奇書昔白香山七月識之無元士恂三歲識風

丁僅識此二字耳若夫生而識字則嚴先生而外未之有聞先生父樹蓀聚書

至萬卷九能居德清新纂

曲園受褒

俞太史樾視學河南時香巖制府英桂方爲河南巡撫一別十五年庚午歲重見於閩中公爲言咸豐九年自豫入覲蒙文宗召見語次及樾有俞樾寫作俱佳人頗聰明之諭是時樾去官已一年有餘尙在眷注之中昔蘇軾聞神宗有奇才之歎痛哭失聲樾以天涯殘客重聆先帝玉音不禁涕淚之橫集節春在堂隨筆因是鐫有一章曰先皇天語寫作俱佳常鈐於所書均采訪冊

王八棍

杭嘉湖三府接界有大麻村屬德清周圍一帶皆水鄉蘆蕩自明末爲劇盜盤踞者二十餘年官兵來剿屢挫其鋒聯絡太湖勢甚猖獗時有水師總兵王某見賊鋒銳利先用招撫誘致渠魁一二人乃悉知其黨有名號者用以賊攻賊之計或以說誘或以威劫隨得隨斃之前後凡數百人悉殄滅無遺類遠近呼爲王八棍蓋用刑重經八棍必斃也聞見卮言

德清縣新志

卷十三

九

收漕酷比

清乾隆戊子年春知府章紹聖以德清漕米未楚親往酷比差役蜂圍巨紳賜第辱及宦女諸生沈作楫等受杖仍通詳督撫嚴追邑人畏之如虎時事考

陸名揚

陸名揚歸安射村人常以小信把持漕務王壽榕以通判署歸安乃曰不除名揚歸安漕不可收也請於府會烏程及德清往探知明揚有備乃止而德清如期往已過射村聞程安兩令不敢復經其地迂道從武康回適武康上年亦有鬧漕事忽見大舟十餘銜尾來大駭謂將捕其村中人集衆奮擊船盡壞令僅以身免走訴於府烏程令又招至其署謂之曰名揚事方棘而君復挑釁於武康勢難兼辦訴無益不如歸咎於明揚歸安令必德君乃以明揚毆官告郡伯方公怒率程安兩令往而名揚已先令人於溪港之通舟楫處釘椿爲柵俾不敢深入并諭各村聞鉦聲畢集以拒比至兩岸瓦礫擊如雨婦豎交口詈

程安兩令見勢不敵易小舟遁郡伯船已入猝不得出事急立船脣將有所語失足墜於水幾死賴有拯之者免勢益不可已乃請於大憲發郡兵五百圍射村捕之名揚遁去後得之江蘇木瀆鎮名揚恐累村衆隨捕投案曰兩子不敢顧惟老母年七十餘倘邀寬典終其天年可無憾矣當事者許之帥撫軍奏於朝決明揚於市徐球書事

雙義

相傳蔡凱因事至京一日泊舟東昌府城外遇鄰舟房之孝山西太谷縣人奉父命販煤至京至是父病急促還託凱代運時七先肆擾西山煤路不通煤價飛漲凱獲盈餘銀十萬兩赴太谷縣而歸之互讓不決即乘夜潛行之孝父病愈將前銀運至凱家凱曰吾欲全兄孝心而出此若欲染指前何必不辭而返耶之孝游於邑知德清水災甚重凱已發粟賑濟然民間條銀未常蠲免仍迫追呼乃並請於邑令盡爲完納事聞於上之孝亦旌爲義民云又嘉靖乙卯正

德清縣新志

卷十三

十

雜志

月初旬續侯志倭由柘林至崇德蔓延塘栖回據新市值風雨留五日東西北三柵焚掠殆盡惟南柵賊居之僅存空舍里人沈秀沈年獻衣饋食接濟國軍僉事羅振辰表其家曰尙義時市河無水賊舟不得四達故遊掠東至孟西村西至梅林村北至童逕句城村南至栗林後臯村仙潭後志

孫氏和樂堂

吾邑孫氏上世以來兄弟同居世謂義門至明之微之其義愈篤中更憂患不但飲食之適室家之好一如承平時又作和樂之堂取義棠棣昆仲皓首嬉娛其間士大夫嘉歎作詩以寵綏之郡邑轉聞旌門以表異之牟嶽陵陽集

丁氏起家

餘不丁氏爲吳興大姓三世武弁至宣教公始力學登進士第爲天子史官斯亦榮矣典教南康嘗參訂朱氏儀禮經傳通解鈔梓以行於世陳旅安雅堂集

徐倪氏巨案

道光乙酉德清徐倪氏之案巡撫以至典史一省之官處分殆徧廉使王公惟
恂以無術平反此案遂至自裁身為三品大員輕生以殉識者少之而其志則
可閔也蔡生甫學士之定輓聯云剛毅木訥近仁生原無忝聰明正直而一沒
則爲神兩般秋雨
齋筆記

沈德高陰德

邑吏沈德高住丁家街初無子一夕聞舟中隱隱有哭聲自窗而入異之起而
竊聽似迫於情懷之難已者乃詣舟叩其故自言餘杭人父因訟累擊獄將鬻
妻以脫罪妻有娠已議價於新市吾夫妻本相得以父故不能兩全言時聲咽
數四妻更涕不可仰德高惻然竟如其價予以金不索償亦不自播晚年乃得
一子今則孫曾濟濟矣采訪
冊

戴侯入祀典

乾隆四十五年高宗巡視河工大學士阿桂請封故兵部尙書河道總督朱之

德清縣新志

卷十三
雜志

十一

錫爲河神諭禮部賜封朱之錫爲助順永甯侯並以德清保濟顯佑侯戴繼元
與各縣勅封之神一體春秋致祭載諸祀典並加封號清通禮及先正事略
朱梅麓尙書事略

祀神附會

武康黃眉山直坎北連德境有總管廟中供惠安侯戴繼元元封湖州路總管
清加封惠安侯右隨糧
王金勳元左東海王徐端塑白面長鬚相翅帽端爲嘉慶時河督東海乃其郡
鄉愚誤爲王且用前明服附會可笑百年後忘其由來與俞太史爲戴侯母舅
同一流傳妄孰甚也采訪
冊

劉王考

吾邑南門外城山之陽有劉王神像頰面修髯濃眉巨目旁坐者六人皆甲冑
兜鍪狀甚魁岸或以爲北宋劉幹或以爲南宋劉錡然廟無碑記不列祀典前
志失載莫可考也而神之爵銜俗稱東岳延壽司安鎮劉王昔在紹興東嶽廟
見兩廡各有小殿東祀忠顯公劉幹西祀忠愍公李若水吾邑之劉王人旣稱

爲東嶽延壽司則爲劉幹而非劉錡無疑也會稽有幹專祠縣官春秋致祭新市鎮劉王廟榜額柱聯竟稱南宋太尉威武軍節度使劉武穆公則祀錡已久矣聽雨軒續記按餘杭縣志載通濟橋劉王廟祀宋劉幹唐棲鎮志水北劉王堂亦謂祀宋劉幹字仲偃閩之崇安人第進士方臘攻衢婺時幹爲越州郡守擊敗之欽宗朝援太原有戰功奉命使金不屈死建元初贈資政殿大學士諡忠顯宋史列傳二劉功勳氣節均可崇拜若以保障浙西論當以餘杭縣志唐棲鎮志爲有依據新纂

東西廟

朱泗按前志神爲晉元帝將永昌元年王敦反公突陣戰死葬於新市明帝卽位追贈鎮國大將軍立祠新市以祀之周太祖廣順中改封保寧將軍宋高宗紹興五年詔封顯佑侯賜額永靈璽書俱勒石廟中元時進封靈感公明太祖洪武初列於祀典縣官春秋虔祀罔替清代因之土人奉之惟謹廟在覺海寺

德清縣新志

卷十三
雜志

十二

西卽今之西廟是也宋元祐中東隅人以走祀不便復建廟於平橋之東是爲東廟轄東南境西廟治西北方疆域井然兩廟巍然並峙也聽雨軒餘紀

異聞三則

楊鼎字鎮九號莘野少時文名著吳會復社中錚然有聲士大夫咸推重之生而駢脅猿臂武勇絕倫常讀書於城南教場側之清溪菴一夕讀竟獨步月至演武廳基忽見一少婦紅衫粉面自菴側嬾嬾而來鼎思菴僧率皆誠樸必無蕩檢之事而此時夜已將半菴後皆山婦從何來因立於當路俟之婦瞥見卽返身而奔鼎追之急遽跳入飲馬池鼎亦縱身下擒之則棺板也呼菴僧起劈之以斧見流血遂聚薪焚之聽雨軒又鼎復仇事見侯志

謝在杭閩之長樂人少讀書邑蕭氏園一夕坐燈下忽一女子前拜且泣謝叱之女子曰妾負冤久求公伸之非魅也妾湖州德清人幼隨父客此同行某甲者中表戚也利父囊橐遂殺父恐妾鳴於官並置之死今數載矣公異日必官

於湖望逮甲窮治抵罪使知姜父子死所父子瞑目矣謝許之是年謝中鄉試果筮仕湖州推官抵任後卽檄縣捕甲至一訊立伏遂抵罪郡人以爲神池北偶談
光緒丙子七月初忽有翦辮及壓人之異五月間始於鎮江漸入於浙至於鷄翼亦有時而失其毛謠言四起謂被翦壓者無不死男女舍其耕織夜則聚於一處互相守望甚至鼠耗夢嚙亦以爲妖鳴鉦相逐擾攘不休可笑亦可怪小南門汪老四脚夫也一夜聚臥於稻地被壓嘔血久之亦無他失辮者亦無恙有彭姓者好戲言羣以爲妖沃以糞穢拖至天壇將焚之幸爲興和醬園主人蔡嗣生所阻免蓋彭曾爲興和廚役也遠近裹足凡搗紙翦及面生可疑者往往指爲妖人冤屈致死僧道尤甚八月十六夜有漁船焚香點燭自平密溪穿城而東口喊南朝太均收妖自是竟絕按周志德清建造下水城時有翦辮之謠明史永樂十八年亦有妖婦唐賽兒翦紙爲人馬作亂事庚子年復有義和團妖言惑衆滿清皇太后端王等信之三忠被戮董福祥軍復殺外國公使等

德清縣新志

卷十三
雜志

十三

員遂演成聯軍入京賠款四百五十兆元之痛史傳云妖由人興本僞也人無覺焉妖不自作今丙子一事係親見之書之以勸庸人勿自擾耳新纂

日 星 光 聲 虹

明嘉靖三十四年續侯志數日並出日光亦搖蕩不定又天啓四年續侯志正月日數日無光日旁有數小日黑色上下摩盪

清順治七年十一月朔午時日食旣晝晦恆星見康熙元年正月朔晝晦二十九年七月星隕有聲六十一年星實有疾聲
乾隆十七年六月初六日黃昏時星實有聲

道光二十一年秋大星實於西南有聲如雷二十二年六月戊寅朔日食旣陰雲不見光晝晦

咸豐三年七月長星見北方八年八月慧星見形如帚自西北射東南小星無算月餘始隱九年八月十九日申刻紅光竟天十年二月初二日亥時天半隱

隱有兵馬聲從東北至西南又時聞天噓十一年五月長星見

同治九年七月十九夜有大星隕於東南

光緒九年八月長星見東南形如匹練

宣統二年秋有長星見東南西人名曰哈雷彗星

民國五年臘月二十六日夜有黑虹亘於天際自東北至西南

雨

明嘉靖三十四年十月天雨赤豆萬曆二十五年二月初二日雨黑水雜以黃

沙天啓四年正月十一日黑雨崇禎五年雨黑豆

清雍正十年正月天雨豆

水

明宣德七年九月烏程歸安德清長興武康久雨沒田正統五年嘉湖水災大

饑正德四年大水民疫五年復大水疫甚萬曆三十六年大水大街去水尺許

德清縣新志

卷十三

雜志

十四

近柵可移舟陸中歲大饑

仙潭後志

清康熙十三年五月至七月霖雨害稼歲侵十五年三月至五月久雨三十年

六月霖雨害稼九月十二日新市河中水忽涌立高丈餘徑圍俱有丈許

仙潭文獻

雍正五年七月初旬亢陽不雨十八日夜傳孝豐出蛟山水陡發安吉德清武

康田俱淪沒

乾隆二十六年大水三十四年春夏淫雨連旬大水損蠶麥田禾淪沒秋無收

三十五年春饑五十四年大水五十五年饑

嘉慶九年正月恆雨五月初至六月大雨田禾淪沒十年春又大水麥無收二

十二年正月起至十一月零雨間作無十日晴稻穀俱腐柴薪大貴

道光三年淫雨自三月至五月不止七月大水淪禾四年春大饑二十九年五

月大水淪禾險塘潰決民屑榆皮爲食三十年春饑米石錢六千餘鄉間向大

戶坐飯新市鎮搶掠米舖八月十四五日晝夜大雨禾稼被淹

咸豐九年冬小南棚漾水忽涌立丈餘高溢柵門至南街邱姓牆門口既復退

歸於漾新纂

同治四年夏秋雨禾遭損時以粵亂初平豁免錢漕

光緒八年七月二十二日大雨傾盆吳菴山泛洪天目水暴至禾盡淹無穫十五年六月二十四日起連雨七月二十八日風雨三晝夜險塘冲坍八月二十三夜大雨迄十月初八日禾盡淹蠲免冬漕三十二年七月初二日至二十三日大雨狂風禾苗假爛

宣統元年四月二十一日大雨連旬五月十三四日又大雨禾苗被淹二年五月至八月連雨田禾歉收三年閏六月十六夜大雨傾盆一週一日水漲七尺禾苗雜糧魚菱均被災均新纂

風

明隆慶二年正月元旦大風揚沙走石白晝晦冥自北畿抵浙江皆同

德清縣新志

卷十三

十五

雜志

清康熙四年夏大風拔木拆屋秋饑十一年八月初旬大風雨降小蟲青黑色如蟻蠓又如蠟有足有翅飛蝕禾稼立槁氣侵蠶種爲空九月桃李華草木甲圻蠶連出炒民大饑三十五年七月二十三日傍午颶風大作飛瓦拔樹民居傾覆壓傷甚夥

乾隆十七年八月大風拔木

光緒二十一年四月某日午晦大風走石拔木發墓拆屋而北圩竟成巨災見北

圩風災記

宣統三年閏六月十七日大風城內紫陽觀清溪書院城隍廟北門外趙文敏祠大樹盡拔牆屋倒禾類傷均新纂

雪

明萬曆二十三年大雪平地丈許兩月雪凍不釋死者甚衆烏隼狐兔虎狼俱凍死以歸烏長德四縣被災獨重准折漕糧之半

清康熙九年九月雨雪十二月大雪丈餘鳥獸乏食凍斃

乾隆五十六年正月大雪一晝夜堆積盈尺雪中有男女履跡各一兩兩相並

屋上尤多蘇松嘉湖一帶皆然

錢泳履園叢話

道光辛丑二十一年十月雪十一月朔至初五夜大雪平地丈餘道路不通屋宇壞者無算民有壓死饑死者

咸豐十一年十二月二十七日大雪至除夕止積深丈餘太湖冰凍次年元宵後始解同治十二年冬多雪大寒

光緒十八年十一月二十七日雨雪冰凍積四五尺大寒文明塔至長橋河船隻不通有行於冰面者至十二月初八日漸解

均新纂

雷 雹

清順治十三年十月壬戌癸亥大雨雹暝李杏重花百舌復鳴饑

仙潭文獻

康熙十三年除夕雷電二十二年九月二十二日立冬夜大震電十二月初九

德 清 縣 新 志

卷十三 雜志

十六

日大震電二十六年三月十四日震電雨雹如拳如孟桑豆麥俱損三十年十

二月二十六日震電

同上

道光七年十二月大雪雷十六年正月初五日大雷電二月十五日大風雨雷

電雹十七年正月初二日風雪雷電雹十八年除夕大雷電十九年正月雷大

雨雪

光緒十二年雷殛新市巡司署槐樹初順治己亥槐樹復蘇根在姬宅花臺下每值朔望必敬以香燭或在樹下溺卽有恙禱謝方愈至是竟槁二十七年五

月雷劈西門外關帝廟柱

均參采訪冊

旱 蝗 螟 蝻

清康熙十八年七月大旱六十年大旱

雍正十一年夏大旱

乾隆三十三年大旱五十年大旱蝗自五月至七月不雨溪港皆涸苗盡槁

嘉慶十九年夏五月至七月不雨二十四年五月初八日一雨至於八月無雨
高田乾涸

道光二十三年七月旱螟食禾饑

咸豐六年六月大旱螽長橋河縣河皆涸山田無秋七年夏旱秋飛蝗蔽天傷
禾稼

同治十二年夏秋大旱田禾減收

均新纂

地震 白毛 黑米等

明正德五年疫甚地震生白毛七年三月地震有聲

嘉靖三十九年四月湖屬地震屋廬搖動如舟河水撞激魚皆躍起

崇禎二年四月地震閏四月又震十二月又震歲大侵十七年春大疫民嘔血
縷卽死地震生白毛

清雍正十三年七月二十日已刻地震有聲自西來

德清縣新志

卷十三
雜志

十七

乾隆二十年十二月朔未刻地震屋瓦自鳴

道光二十一年六月十二日地震

咸豐三年三月初七日地大震初十日至十七日復震月餘始止

民國七年戊午正月初二日午後地震自東南至西北

咸豐九年地生毛形似猪鬃

光緒二十二年地生黑米研末投火有硝磺性

宣統元年二月初八日戊初地震

民國二年癸丑二月二十七日戊初地震

均新纂

物類

清康熙三十年十二月新市屠姓剖豕腹中有一蛇方首銳尾色赤長四尺餘

仙潭
文獻

光緒十五年七月野豕自入城踰屋至於城隍廟神桌下殮之

光緒三十三年九月初七日鍾管之乾濠地方突來一虎色黃而斑村人環視虎伏如故一無所畏衆以槍叉撻之嚙死二人傷五人而逸

道光元年夏大疫後秋鷄兩翅上俱生爪有五爪者皆飛空中

履園叢話

光緒初年務前胡大海木作鷄生一卵色如凍石中有水擲之不破

民國元年新塘徐子漁家鷄生一蛋有赭色五子登科四字

民國三年秋鷄翼生距多者五爪

以上動物類

相傳天順三年新市覺海寺觀音堂芝復生

仙潭文獻

萬曆二年芝生新市鎮周某

寢室

同上

清康熙二十年十月牡丹發榮

同上

光緒初年枯柏樹村之枯柏樹有何首烏籐盤繞頂上一時哄傳有小童出現引動求方者甚衆乃以其貲建復土地廟未幾柏樹復榮籐遂萎其實樹籐榮

枯本常事耳

以上植物類（均參采訪冊）

德清縣新志

卷十三
雜志

十八

火

清同治十三年四月初一夜城內大火自紫陽觀東首起沿河至張仙街口葉德裕止市屋均燬上南四舖乃築公牆

光緒二十一年十月初八日亥時南門牌頭街起至十字街口火焚去市房百數十間初火災屢見建醮於溪秀壇禱於呂祖乩示曰謹防戊亥二午爲難八字明年甲午十二月初十日戌亥時又大火自十字街口起延及長橋務前直街長發當牆止焚去房屋亦百數十間市面爲之蕭然富樂坊築公牆戊亥應時日二午應年火數有前定耶異歟

均采訪冊

光緒三十年六月初三夜新市火自魚行街羊行街後街北街朱家街曉翠巷劉王堂前至如意街善祥典外止燬全市五分之一火頭四越力窮噴救大災也宣統初年新市西柵大火延燒至魚行街止

民國十七年新市八字橋市心大火延燒甚廣精華罄盡河流瓦礫壅塞

填成陸地十八年初夏治城南門敏慎弄口起迄公牆止火火餘瓦礫由公家挑填三里塘以上兩事均出民國十二年以後祇作附錄（采訪冊）

墳墓

晉紫金光祿大夫開府儀同三司車騎將軍餘不亭侯孔貞諡墓在城山上餘不廟右首牆圈內

嘉慶十三年里人重修續侯志

宋寧海軍節度使掌書記沈嚴墓在永和鄉吳興志大壯嶺湖志宋范仲淹撰墓誌銘

襲陰將軍蔡日沂墓在縣西玉塵山麓瑤武垣蔡氏家乘

顯謨閣學士劉光祖墓在清溪良山兩浙防護錄

保濟顯佑侯戴繼元墓在縣城溪東焦山麓續侯志焦山誌墓上向有義骨千古清溪一人二石柱今圯民國五年程

森為立墓碑府志及兩浙防護錄誤以侯墓在郭南山川墳側茲查山川墳側係侯之祖塋現有碑石可稽墓前並有松柏二十餘株

元魏國公趙孟頫墓在東衡里民國四年程森加土修理為立墓碑存石朝官二石馬一餘倒損續侯志

廉訪鄧文原墓在百寮山府志元吳澄撰神道碑

明昭信校尉鳳陽懷遠將軍蔡淵墓在瑤武垣福甯林良作墓誌

老賢人王升墓在果山花園圩新市鎮志

德清縣新志

卷十三 雜志

十九

義士蔡綱墓在鳳凰山正統間出粟賑飢之義士

欽褒尙義蔡凱墓在仙童塢蔡氏家乘

山東泰安知州胡瑄墓在楊墓圩新市鎮志

宣武將軍指揮僉事蔡繩墓在玉塵山蔡氏家乘

四川按察副使談俊墓在楊家塢談氏家乘

大理寺丞貴州兵備道蔡中孚墓在仁和今名杭縣洛山蔡氏家乘

武略將軍總兵蔡能墓在青石衝明成化間諭祭葬蔡氏家乘

兵部侍郎蔡汝楠墓在武康郭官山萬曆甲戌欽賜御祭御葬

誥贈禮部尙書東閣大學士蔡紹宗墓在玉塵山仙人躡足家乘

江西左布政使胡爾慥墓在孟西圩新市鎮志

南安吏目蔡懋亨墓在蠡山隆慶壬申巡按御史謝廷傑勒其名以旌善亭曰輕財重義和睦鄉鄰

廣西橫州州判蔡紹魁墓在金鵝山蔡氏家乘

武略將軍指揮僉事蔡希賢墓在烏鳶山蔡氏家乘

工部主事劉在明墓在樂安村新市鎮志

贈通議大夫山東按察使蔡鐸墓在洗馬灘

都察院副都御史蔡官治墓在沙村

定海總兵蔡宏毅墓在蓮荷圩以上俱蔡氏家乘

廬州知府沈戩毅墓在句城橋新市鎮續志

清翰林院修撰蔡啓傳墓在沙村鳳凰山門人韓葵作墓誌道光間遷葬烏鳶山見家乘續周志

贈光祿大夫禮部尚書蔡演衷墓在赤土山之陽聖祖賜帑金營葬

贈光祿大夫禮部尚書蔡啓晟墓在赤土山之陽聖祖賜帑金營葬

陳康祺郎潛紀聞參府志

翰林院編修吏部文選司郎中蔡彬墓在六堡蔡氏家乘

中憲大夫翰林學士鴻臚寺少卿蔡之定墓在橫塘圩風水墩巡撫吳榮光作墓誌家乘

德清縣新志

卷十三 雜志

二十

江南布政司貴州河南主考談祖綬字紫垂墓在蠡山談氏家乘

處士嚴元照墓在縣北柯家山光緒間廣東高廉道歸安陸心源為立碑植樹

贈通奉大夫翰林院編修俞鴻漸墓在金鵝山俞氏家乘

翰林院學士刑科給事中蔡賡颺墓在中丞第西蔡氏家乘

贈榮祿大夫雲南恩安縣知縣鄉賢傅羹梅墓在尙博村

榮祿大夫直隸補用道傅雲龍墓在尙博上淇潢

資政大夫山東登萊青膠兵備道蔡匯滄墓在烏山

資政大夫奉天東邊兵備道徐本衡墓在韶村

福建福甯府知府俞林墓在薛家角

贈資政大夫翰林院編修俞樾墓在杭州法相

其他

鶴翔古樹

新市西永靈廟有銀杏二枝黛色參天數百年老幹也清嘉慶十年四月某夜忽有鶴迴翔樹杪縞衣玄裳清唳聞空達曙始去

沈嘉春桑梓叢談

副將曳虎

清乾隆四十年有人檻一虎至鳴因寺四方觀者以千計適郡副將白成龍河間人丙戌武狀元膺力絕人勇冠兩浙因事寓此令啓柙暢觀守者曰縱之恐不利白曰無害我發之自能收之虎出柙忽據地大吼猛撲而前白持其尾而曳之倒擲柙內虎爲僵伏者數日同上

曲園考

曲園爲俞太史樾別號人所知也惟考俞樾傳第云字陰甫不載別號蓋曲園建於江蘇蘇州係太史奉母以居之別墅自號曲園居士人遂以曲園先生稱之新纂

奇孝

德清縣新志

卷十三 雜志

二十一

呂山清字柏良號仰東居新市父某習賈山清繼其業藝精而性質事母任氏至孝母偶得痰疾祈方有雷陳海蛇二味誤以爲人舌遂焚香祝天以利刃自齧其舌未斷而血溢神眩身遂仆家人知之敷以藥得愈其性固質其奇孝殊足嘉也采訪冊

太平天國門牌

清咸豐十一年九月間洪楊軍襲浙分軍入清邑曾出示安民並編查戶口發給門牌茲以搜訪所及發見三區四莊住民沈蓮莊戶門牌一紙其文曰歸王鄧爲給發門牌藉便稽查以免滋擾事今據德清縣 鎮 鄉 營軍 帥 統下 師帥 統下 旅帥 統下 卒長 統下 司馬 伍長 距 城里村 戶沈蓮莊住三區四莊 妻 氏 年 歲 祖父 祖母 父 母 伯 伯母 叔 嬸 兄 嫂 弟 弟媳 子 媳 共計男女 名天父天兄天王太平天國

拾年 月 日給 號云云計幅長九寸四分闊九寸八分其上額爲「門牌」二字年月上蓋朱鈴一顆文曰「天父天兄天王太平天國殿前頂天宿衛浙江省天軍主將口天義楊桂玉」計二十九字邊紋刻二龍搶珠鈴長計七寸二分闊三寸八分觀此可推斯太平天國之組織暨入德安民之一斑云冊采訪

齊國夫人

齊國夫人胡氏德清人與隆國黃夫人志見侯相去纔數里賈濟川以制置使舟過龜溪見夫人適浣衣遂携以歸既而生似道性極嚴毅似道畏之當景定咸淳間屢入禁中隆國至同寢處恩寵甚渥年至八十三賜諡柔正齊東野語按吾邑於南宋之末有此二貴女亦奇然不足爲餘不溪生色也冊采訪

德清縣新志

卷十三 雜志

二十二

卷十三勘誤表

頁	面	行	字	原	文	更	正	備	註
六	前	三之一	七	右	石	石			
又六	前	五之一	七	售	舊	舊			
又八	後	一	一	巡	巡	巡			
又八	後	七	五	元	至	至		應加	
又十	後	十二	四	(脫字)	(衍刪)	(衍刪)			
又十二	前	十一	二十六	常	常	常			
又十四	前	七	二十七	擊	擊	擊			
又十四	後	四	十五	供	祀	祀			
又十四	前	五	三十五下	(脫文)	均參采訪冊	均參采訪冊		加作小註	
又十五	前	九	十下	(脫文)	同上	同上		同上	
又十五	後	二	四	新纂	(衍刪)	(衍刪)			
又十五	後	三	一	圻	圻	圻			

德清縣新志卷十三終

德清縣新志卷十四

補遺

清代鼎甲總

康熙九年庚戌科狀元蔡啓傳同科榜眼孫在豐十五年丙辰科榜眼胡會恩二十年壬戌科狀元蔡升元乾隆二十二年丁丑科狀元蔡以臺三十四年己丑科榜眼徐天柱光緒二十四年戊戌科探花俞陞雲均邑人清代一縣產鼎甲七人者史亦罕見

廷試襄校官

清宣統二年庚戌科點派許炳堃為廷試留學生襄校官

按炳堃係光緒三十四年戊申科舉人選舉志

列入庚戌實現
差之誤并正

清代進士總

順治己丑科沈令式 王教 陳凝 方于光 乙未科胡健 己亥科許璋

德清縣新志

卷十四
補遺

辛丑科王懋聲

康熙庚戌科蔡啓傳 孫在豐 張錄 徐灝 癸丑科徐倬 楊鼎 丙辰

科胡會恩 談九乾 沈永裕 己未科蔡維寅 壬戌科蔡升元 乙丑科

徐元正 戊辰科戴振河 辛未科蔡疇 庚辰科蔡彬 吳卜雄 癸未科

沈淇 己丑科戚麟祥 壬辰科許鎮 乙未科胡彥穎

雍正癸卯科徐以升 蔡書紳 沈志榮 庚戌科沈孟堅 車際亨 戚振

鷺 戚敬言 胡彥昇 癸丑科胡承昊 仲作楫

乾隆丁巳科胡官龍 己未科胡彥輔 壬戌科徐璋 童士紳 乙丑科徐

開厚 甲戌科蔡書升 丁丑科蔡以臺 蔡亮茂 庚辰科沈一鳴 辛巳

科沈作梓 癸未科徐天驥 高葵 己丑科徐天柱 許祖京 戚蓼生

辛卯科陳廷棟 乙未科陳墉 戊戌科談承升 甲辰科沈維坤 丁未科

談祖綬 邱琛 庚戌科陳登泰 癸丑科蔡之定

嘉慶丙辰科袁樾 朱榮 乙未科俞恆澤 俞恆潤 許宗彥 陳斌 壬戌科王崇本 乙丑科車宸英

道光壬午科蔡廣颺 陳熙健 甲辰科沈雲 庚戌科俞樾 戚士彥

咸豐壬子科俞奎垣 庚申科徐芝淦

同治戊辰科戚人銑 辛未科馮壽鏡

光緒甲午科陳瑞玉 乙未科沈桐 戊戌科俞陞雲 庚戌科俞同奎 以

上清代邑人之中進士者共計八十一人除彙錄選舉志外餘係查補其武科

猶未計也

均采訪冊

右選舉志補遺

徐誠庵荔園詞序

俞樾

古人之詩無不可歌者三百篇以至漢魏無論矣至唐人而永豐楊柳之篇禁中奏御黃河遠上之章旗亭傳唱蓋詩與樂猶未分也其後以五言七言限於

德清縣新志

卷十四
補遺

二

字句不能暢達其意乃爲長短之句抑揚頓挫以寄流連往復之思而詞興焉詞興而詩於是不盡可歌矣詞之初興小令而已椎輪大輅踵事而增柴桑歸去之辭蘇東坡衍之而成哨遍屈子東皇太乙之歌高疏寮采其意而成鶯啼序一唱三歎大放厥詞實開元人北曲之權輿焉曲興而詞於是不盡可歌矣嗟乎聲音之道與世升降詩而流爲詞詞而變爲曲至於曲而聲音之道卑矣於是十二律八十四調及自宋以來相傳之十六字譜悉舉而委之伶工而士大夫以爲無吾事其何解於知聲而不知音知音而不知樂之譏哉少陵云晚節漸於詩律細夫詩之律誠有難言至詞之律則宋元槩獲猶有可尋承學之士所宜遵守然周公謹賦木蘭花漫西湖十景詞六日而成楊守齋見之曰語麗矣如律未諧何遂相與訂正數月而後定填詞易而協律難自昔然矣張玉田之父寄翁賦瑞鶴仙詞有云紛蝶兒撲去花心不去問了尋春兩翅詞成歌之惟撲字不諧易以守字乃諧嗟乎詞人之詞不當如是耶徐誠庵大令余

三十六年前與同補博士弟子員者也今需次吳下而余適寓吳朝夕往來相得其歡出所著荔園詞二卷見示余讀之則於紫霞翁所論作詞五要無一不合蓋嚴於守律者也以余亦嘗從事于此問序於余余不知律何足知詞毛公不云乎曲合樂曰歌徒歌曰謠余之詞但可謂之謠而已若誠庵之詞其尙有詩樂相通之遺意乎因書此于簡端願世之人識曲而聽其真勿徒賞其字句之工也

春在堂雜文

徐誠庵詞律拾遺序

同前

余嘗謂唐宋以後至有明一代而學術衰息無論其餘卽詞爲小道亦散散無足觀雖以楊升庵之淹博而所爲詞龐亂鈎裂他可知矣及有清之興大儒輩出論學則務實行而掃空談治經則守師法而恥臆說舉義理名物聲音訓詁無一不實事求是力追古初而萬氏詞律一書亦出於其間宗花間尊前之典型而痛闢嘯餘圖譜之紕繆苟合乎古雖拗於吻而必遵或背乎法雖熟於耳

而必斥蓋就詞而論亦庶幾所謂吾從先進者乎然掃除榛楛大輅權輿廓清之績雖著補苴之功或疏吾友徐君誠庵固詞人也廣搜博采涉書獵史成詞律拾遺八卷卷一至卷六補萬氏所未備原書未收之調今爲補之曰補調原書已收之調而體有未具今亦補之曰補體卷七卷八則訂正萬氏原注者居多曰補注書成出以示余且屬爲之序余不知音何足序君之書顧念詞學之衰久矣宋沈義父撰學府指迷謂詞中去聲字最喫緊入聲可代平聲不可代上聲所論皆入微而三百年來莫窺斯秘至萬氏出而規矩先民不踰尺寸爲詞家一大功臣今徐君拾遺補闕繩愆糾繆又爲萬氏一大功臣從此兩書並行用示詞林正軌俾後之論詞者知昭代詞學之盛直接兩宋亦猶經學之盛直接兩漢也又不獨有功萬氏已也余幸與誠庵遊獲觀此書之成故不辭而序之欲學者知萬氏之後復有是書家置一編以爲仿式庶不負其拳拳編緝之雅意也夫

春在堂雜文

邑人工詞者鮮兩序不特傳徐氏之撰述實以示學詞之楷模因前編無此亟錄以補遺

詠中東戰史有序

程 森 景川

甲午年新聞報載中東戰事甚詳初載我海軍勝東鄰軍敗全國人民無不中宵起舞舉手相慶無何聞國軍一部分不戰而退節節失利馴至完全銷滅以致失地喪權賠款忍辱以求和賦此寄慨

新聞報看品茶樓問誰人間第一流義士敢言關外貶指安御史庸臣誤事閣

中留指某滿相蹉跎此日追前日我海軍因退守敗績多少新愁併舊愁可有虎旗撐義舉佇

看他日雪深仇

世事興衰幾變遷海疆角逐溯當年勢成騎虎鈴難解見釋拙笑求魚木誤緣

鐵弩三千雄左顧指戰前我之台灣金城百二峙東邊指我東三省扶桑幻出蚩尤日后羿

應慙未射顛

千日經營一旦空莫將往事問蒼穹攘夷強備唐元略和敵意隨君相衷東海

銅鉦摧落豈南台鐵艦破長風東鄰會喪師台灣我艦隊初甚可恃當途初計原無舛爭奈孤臣術

德 清 縣 新 志

卷十四

四

補遺

有窮劉大將軍永福善戰而無濟又海軍提督丁汝昌戰敗自殺

甕脯沉埋未有名徒聞割地夢魂驚欲將驥足馳千里誰許鵬搏破萬程西海

待驅精衛塞俄法德等國代索還遼東而責酬報東瀛先釣巨鼈傾東鄰得我台灣及其他利益飛輪渡得重洋

面挾策書生上北京英卿徐公聘余北上正欲詣闕上書卒以道梗未果

重陽遊北郭慈相寺

前 人

偶來北郭挹秋光野菊畦旁熠熠黃山賸殘妝含睡意擾他迂我度重陽

半村深處籠孤烟帶郭人家樂有年打稻聲隨樵唱韻夕陽影裏駐吟鞭

遊慈相寺和敬之韵

前 人

約趁新晴作勝遊野橋坐聽澗泉流他年預結深山隱敬之忽發功成身退之語故云竹屋柴扉

此處幽

尋幽乘興發高歌幽到寒泉靜不波怪道僧家堪入定原來清福在山多

霽霖忽霽盡人誇時大雨連旬適出遊日晴霽明日又雨故前云約趁新晴也野色平林望眼賒聽得歸途樵唱

晚半肩紅樹夕陽斜

胸襟磊落率天真傲骨嶙嶙不染塵直把浮雲視富貴笑他忙煞夢中人

山徑紆徐野草剛鐘聲隱隱度禪關塵襟到此多消盡泉自清流山自閑

按遊慈相寺作多兼詠半月泉以月泉吟作過多今選之似非不足言志也

清溪梅天卽事

前人

空濛山色四圍融水漲餘溪鎖落虹偏是輕寒偏遇暖乍來驟雨乍翻風鳩呼
野外畦耕綠魚賣街頭鬻躍紅聞說二蠶絲更熟農家處處樂村翁

溪城四詠

前人

山腰捧出玉盤斜楓落層巒入望餘僧叩重門驚雪艷烏啼古寺警霜華滿天
星斗寒無影繞郭人家靜不譁空谷誰憐高士去清輝猶照廢園花 吳堯夜月
曙色初開玉滿殘問誰獨詠試毫端 沈約至餘溪有霜天獨詠 畫橋騎踏征人冷 韋應物詩曉騎踏霜橋
古寺鐘敲清韻寒月落城頭吹角聽烟涵水面捲簾看楓林隔岸搖紅影疑是

德清縣新志

卷十四 補遺

五

晴霞照遠巒 餘不曉霜

鴉噪梁園冷不飛郊原處處掩重扉人歸野岸披裘重 人歸暮雪時 水咽寒塘喚渡

稀竦影白連雲外路詩情清引靜中機騎驢探得餘溪勝漁火微芒泊釣磯 虹橋莫雪

橋莫雪

梧岡踏破亂烟橫旭日遙看海上生萬里赤霞升早曙滿山紅樹擁孤城負喧
復啓來儀象獻曝羣娛遇秦情吹律應教先得暖嶺頭策杖聽鸞笙 鳳嶺朝陽

題黃宴華肖像 有序

前人

宴華曾攝有小影鬚眉酷肖嗣復寫入畫照手携長孫苒園旁列松鶴琴罇頗得樂趣題詠之者甚夥但他詩皆濃拙余從淡寫今宴華久歸道山苒園已卓犖不羣昨見懸像不禁慨然爰追錄之以存鴻爪

甲寅元月十九日記

問君何所好笑語示平生老比蒼松健閒尋白鶴盟抱琴愛古調把酒暢餘情
聽罷余還喜桐枝日向榮

謹按宴華先生與嗣君暨人君積德累仁邑人欽仰兩世遺像均鬚眉清古辛未四月余適獲其原攝小影歸諸其家因緣豈偶然哉先生於新志尙未有傳爰識其略如是鳳鳴補注

復吳知事鬻舉爲樽節開支與修縣志文

程 森

馮步達 沈汝楷 鍾毓才 蔡兆驄
施 涵 姚福昌 馮延齡 嵇葆元
具稟公民 程 森 徐肇基 徐師善 徐士熙 等
徐士駿 許德修 潘寶仁 吳 瀨
金有恆 費 梧 沈瀛鵬 唐元第

本年六月三十日奉知事批公民等請脩縣志由奉批據稟已悉查接管卷內二年份帶收抵補金每石一角共銀二千一百餘元業經林前知事撥充地方自治經費指定用途並奉巡按使批行下縣除維持小學外約可酌撥若干節查明議復在案是前款既受他項要需吸攝已難完全作爲脩志的款無待明言然縣志爲一邑文獻之徵邦人君子既願担蒐集纂脩本知事自應竭力提倡樂觀厥成惟值創辦伊始務宜統籌全局立定基礎方能着手進行據稟前情除一面由本知事擬議辦法在原有附稅內詳請巡按使酌撥經費補助外

德 清 縣 新 志

卷十四
補遺

六

其餘不敷之款仰該公民等妥籌募集方法稟候核辦務使款有着而事舉勿致曠日虛糜是爲切要此批等因奉此仰見知事維繫志乘鄭重文獻之至意公民等欽佩莫名正在擬復間續奉財政廳批同前由內開稟悉該縣抵補金附稅應減數內准撥之脩志經費如果對於學費毫無妨碍仍應照案撥給仰德清縣知事查明辦理並具復察奪原稟抄發此批等因奉查三年份抵補金附捐一角之數計銀二千一百餘元本爲公民金應森等稟准減免之款故奉財政廳批飭改充脩志之用並備文詳復巡按使前經稟明在案是林前知事所撥之地方自治經費似不指此款而言亦甚顯明况二年度城鎮鄉自治會對於抵補金附捐三角並無指明一角二分爲教育費之定議而財政廳批飭金應森等稟內又有四年度抵補金附捐改收四角之示如果林前知事於教育脩志雙方兼顧則二年度抵補金附捐尙存一角八分何以不爲處置查三年度之縣稅存儲未發者尙有五千餘元同年度征起抵補金附捐指定學款

者亦有一千餘元倘荷再撥上列兩款以充教費足以維持現狀而有餘至於縣志自前清嘉慶年後迄未重脩設使地方有款可籌則事早實行想無時逾百年遲延至今而始有創脩之舉吾邑閭閻清苦財力困窮諒早在知事洞鑒之中現經再四籌議僉謂財政廳長詳准巡按使撥充脩志經費三千元本是返還於民之款在名義上原無不合奉批前因唯有查照原定三千元之數除刊費外再行竭力撙節仰懇知事鑒核仍撥銀二千一百七十八元充作脩志經費如有不敷另行計議續請庶志乘有告成之望無垂廢之虞一面并乞迅詳巡按使備案實爲德便理合具稟環請察照施行謹稟 民國四年七月遞

覆修志局

吳鷺皋

迭按手書備悉種切清邑修志經執事手刪躬定既無遺濫之嫌比事屬辭復擅文章之美披覽之餘本擬卽趙因代丐觀察張公序言幸不辱命甫於今日賜下有負催促之勞張公鴻篇古樸醇厚設檢拙作附弁簡端愧慙多矣茲將

德清縣新志

卷十四
補遺

七

原函並序暨志藁十五册一併寄奉至乞察收爲荷 十一年五月日

附張道尹鼎銘原函

前奉手翰並新志稿十五本誦悉一是清邑閱百餘年始議修志時代較久蒐討良艱幸得執事暨程紳耆梓其間運以精心持以毅力用能麟炳燭潤色鴻篇文化覃敷斑斑可見尊撰序中有保持其愛戀鄉土之念激起其推廣實業之心二語殷殷撫字言爲心聲尤深佩慰程紳函請執事索序弟少年藝事久而愈荒重以省務紛綸時局惶擾伺那握管暇晷幾無惟聞昔賢曾文正搜集各縣志書動輒擇尤加序以示勗勉弟詎敢僭擬前人特表章人善則又未容忍置爰用率爾操觚叙次數行一併函覆卽希登收隨寄程紳彙付手民以成偉舉可也弟張鼎銘

又

俞陞雲

手示敬悉承寄示縣志稿本體例謹嚴搜采臆富此皆執事之心精力果及諸賢編述之功俾吾鄉文獻有徵信今傳後佩慰無似弟遠客燕京未得躬隨校勘可勝主臣原稿仍交郵奉卽希鑒收示覆是荷

又

俞陞雲

承續示志稿循覽一過具見雅才精博綱舉目張至自光宣朝以迨民國新猷

創始類皆曩史所無緣事起例搜討尤爲非易甚佩徵集之備裁度之審也科第及列傳寒家得附鄉賢之末可勝慚幸原稿仍交郵寄卽希察收他日剞劂告成祈頒全帙藉資藏弄爲感再列傳中有張汝祥篇張在新市僅設商肆究非邑人其刺馬一事據私家所紀止挾仇報復非朱郭游俠倫比似可從刪仍乞尊奪

又

俞陸雲

久疏賤候延企爲勞昨奉手札敬承一是囑撰序文自慚媿陋鄉先生中有人命筆甚爲合宜如不獲命當卽圖裁答藉追隨羣彥一貢其愚用副雅命日來擬南下一行復示仍寄京寓可也

按修志文牘書函積稿盈尺偶舉一例以備徵考

編印新志籌備會議 二十年九月十七日下午一時

出席人員 張友才 許公武 程鳳來 蔡景謨 程志和 程鳳琴

德清縣新志

卷十四
補遺

八

金鳴盛 蔡渭生 程志和代

主席 金鳴盛 紀錄 程鳳琴 開會如儀

甲·報告事項

主席報告已修新志業經黃蕓園先生覆審及俞階青先生鑒定今因付刊在卽爲謀合現代體例起見擬再行推員審查並分四期刊印及應速撰補編以期接續新志增加事實

乙·討論事項

(一)新志稿應如何推定人員審查案

決議 第一期請金鳴盛孫瑞桓兩先生爲審查主任第二期請蔡渭生許公武兩先生爲審查主任第三期以後如原覆審黃先生仍在京部供職再行開會推舉上項人員由縣長函聘

(二)新志補編(自民國十二年至二十年)應如何推定人員編纂案

決議 設續纂一人請蔡渭生先生擔任編纂七人請許公武蔡子良張友才茹管庭李安程鳳鳴程鳳琴諸先生擔任組織編纂委員會辦理之（聘任辦法與第一案同）

決議 先印六百部並商保存紙版

（四）推定接洽刊印及接洽校對人員案

決議 請程鳳鳴胡保樑兩先生分別擔任（聘任辦法與第一案同）

（五）規定開始付印日期案

決議 定於國慶日付印至刊刻審查委員會即日成立由各主任分期主持之

主席 金鳴盛

紀錄 程鳳琴

德清縣新志

卷十四
補遺

九

（右藝文志補遺）

年號備覽

新志事實人物較富人物取裁斷自六朝然六朝迄唐傳者究鮮宋元以降則漸增繁時代年號相與有關而於建置及各編亦均有相繫爰錄宋元明清四代廟號年號俾便檢閱迨夫今茲以國立國廢除舊用年號矣

宋太祖有位十六年建號建隆 改元乾德 開寶

太宗 二十年 太平興國 雍熙 端拱 淳化 至道

真宗 二十五年 咸平 景德 大中祥符 天禧 乾興

仁宗 四十一年 天聖 明道 景祐 寶元 康定 慶曆 皇佑

至和 嘉祐

英宗 四年 治平

神宗 十八年 熙寧 元豐

哲宗 十五年 元祐 紹聖 元符
 徽宗 二十五年 建中靖國 崇寧 大觀 政和 重和 宣和
 欽宗 一年 靖康
 高宗 三十六年 建炎 紹興
 孝宗 二十七年 隆興 乾道 淳熙
 光宗 五年 紹熙
 寧宗 三十年 慶元 嘉泰 開禧 嘉定
 理宗 四十年 寶慶 紹定 端平 嘉熙 淳祐 寶祐 開慶
 景定
 度宗 十年 咸淳
 恭宗 二年 德祐 以上十六帝共三百十七年
 元世祖 十八年 至元

德清縣新志

卷十四 補遺

十

成宗 十三年 元貞 大德
 武宗 四年 至大
 仁宗 九年 皇慶 延祐
 英宗 三年 至治
 泰定帝 四年 泰定
 文宗 五年 天歷 至順
 順帝 三十五年 元統 至元 至正 以上八帝共九十一年
 明太祖 三十一年 洪武 惠帝 四年 建元
 成祖 二十二年 永樂 仁宗 一年 洪熙
 宣宗 十年 宣德 英宗 十四年 正統
 代宗 七年 景泰 英宗復辟 八年 天順
 憲宗 二十三年 成化 孝宗 十八年 弘治

武宗	十六年	正德	世宗	四十五年	嘉靖
穆宗	六年	隆慶	神宗	四十七年	萬曆
光宗	一年	泰昌	熹宗	七年	天啓
毅宗	十六年	崇禎	以上十六帝共二百七十六年		
清世祖	十八年	順治	聖祖	六十一年	康熙
世宗	十三年	雍正	高宗	六十年	乾隆
仁宗	二十五年	嘉慶	宣宗	三十年	道光
文宗	十一年	咸豐	穆宗	十三年	同治
德宗	三十四年	光緒	宣統帝	三年	宣統

以上九帝共二百六十八年

纂輯餘話

一、志爲一縣之書卽古者一國之史於興修時夙有二便（地近則易覈時

德清縣新志

卷十四
補遺

十一

近則述真）三長（識足以斷凡例明足以決去取公足以絕請託）四要（簡一嚴二實三雅四）五難（明晰天文一考衷地理二調劑衆議三廣徵藏書四杜絕是非五）八忌（條理混雜一詳簡失當二偏重文辭三虛飾名勝四擅翻舊案五浮記功績六泥古不變七貪載奇文八）之說須盡乘二便擅三長概四要去五難除八忌之能始可與言修甚矣秉筆之不易也清邑新志光緒間曲園太史議修而未果名家不作才難興嘆茲幸其孫階青太史躬定今志猶有家學堪繼（一人特撰爲名家父子世繼爲家學）否則後起未必無人時近卒恐難乘此今乘之便也

二、志之爲體當詳於史詳則廣搜今古勒爲成規在地方足爲官司所考社會所摩在中央得備輜軒之采國史之資緣是潤色訪稿每主多留特刪蕪不淨難免文不雅馴此存心之苦也

三、世稱縣志之善莫如韓五泉朝邑康對山武功陸清獻靈壽曾由會稽章

實齋氏爲之書後然書之而亦議之其猶有疵可知章氏長于史書者也其自作除永清亳州兩志外尙有天門和州等志均稱善本足資取法但後人亦不無議其繁瑣者如富陽志主修香山汪文炳其著者也若然修志一役竟莫可師承今書除承前志外多緣事起例不泥於古亦不背於今

四、新志門類以囿前例無所增益但搜求掌故充實內容已視前志倍蓰
五、志書主修鑒定總纂向多鼎列惟總纂未必皆爲史氏如江蘇奉賢志則爲訓導歲貢張文虎所成浙江餘杭志則原纂爲廩生朱文藻續纂增生崔應榴皆諸生而主筆也與修職掌既各有專主自不得互兼惟今書爲慎重起見於付刊前曾經推員審查復經黨部參閱以期無濫無遺且仍推原覆審兼部分審查以收駕輕就熟之效

六、各縣志序多寡懸絕如上虞奉賢則自督撫學政司道府縣以迄士庶隲

德清縣新志

卷十四
補遺

十二

至十餘琳瑯滿目烏程縣志僅總纂一篇而已又聞曾文正喜披各縣志書擇尤爲之作序以尊文獻今志序文不逮上奉之多勝於程邑之少其撰者諸君均先見帙而後下筆不同酬應足爲邑光惟溢美處終於疚心
七、前志目錄輿地宮室食貨法制曰考職官選舉曰表治行人物曰傳藝文雜綴曰志茲沿通例概名之志並承續志將宮室改稱建置復於卷末另撰補遺

八、輿地帙仍兩卷目錄除刪星野及分別移併改稱外新增氣候等目
九、建置志目納屬司於縣廨移書院於學校另加倉廩會所教堂等目
十、食貨志貢辦名目不合時代已予歸併新增生活以重民生
十一、法制志刑例一目納入司法並撰新政將戊子變法後縣政詳叙之
十二、職官志目舊有治屬夷考其實巡檢而已今在縣令下分別列舉以清

眉目

十三、選舉志目刪恩封恩蔭添列典試同考學政特科代議鄉飲等與原志相關各目以增事例

十四、治行以志官斯土之有績者除守令外兼及良佐闕良佐則及師賓
十五、人物以志邑人或寓公之足傳者前有非史不撰之說本屬狹義建國以還尤未適合故增列傳統編但未躬加論贊以明所不敢僭至分類各編或係補續或係新纂分門別類已詳原卷又以人數較多用是擴
張卷帙

十六、藝文采錄仿文徵例以有關掌故者爲限原目典籍裁併分移並區碑刻論議諭敕歌謠詩話藝術各目以益帙幅碑刻附文昉於象山至前志著述題詠多采及近作今仍之但以補充事例者爲限

十七、雜誌目錄原有異聞災祥恐涉迷信故從闕佚墨園池並予歸納
十八、補遺一卷於正編失載者搜輯之而以回顧或總括前編爲旨歸

德清縣新志

卷十四
補遺

十三

十九、前志曾載字數以防竄改今不賡采而易爲檢送定本分請黨政機關鈐印存檔以備查對而杜流弊

二十、新志既止於民國十二年則是年以後事實例毋須采惟出版前如有必須之備識亦附書之

二一、新志各卷與時代均有關連而建置人物兩志尤相需除前清與民國於每事之首分別標明外餘自宋代迄清另附年號備覽

二二、今志例目雖經民政教育兩廳核定而銓次自慚失法有賴本邑同事全省諸賢努力贊襄熱誠校正俾得從容秉筆素願克償差幸故鄉文獻及我世而足徵猶希補輯流傳後君子其負責

校刊贖言

一、新志印刷字跡清晰尙悅人目至校勘先由承印商肆攬約載明分別初校覆校各一次初校原議由肆負責但因文義較深另又加以助力復因

校樣墨糊以及覆校後付機前不再送勘坐是訛字難免正誤倍艱除隨時勘正外另附補表

- 二、劄刷格式原定以志爲綱（如開卷曰輿地志綱也）以綱領目（如沿革目也）目下分節是爲子目（如沿革考沿革表爲分節之子目也其餘可以隅反）排時綱低頂格一字目低二字子目高下原無規定要以便覽爲宜卒因校樣無天地綫校勘苦艱茲於劄刷將成覆閱尙有未安者如卷一頁四之山名參照前後頁爲低應提二格卷四頁卅三之鹽鹺卷六頁廿三之武科均目應各移一格又鹽鹺本文應易至卅六頁緊接俸給以分涇渭蓋鹽之於邑非主稅而多相關故另立目不併於徵權緣加說明以俟再版之正
- 三、新志先印樣本後勒成書樣本分送後領存序文分冠以姓插入原序同弁簡端其序言內附有標點符號者仍原稿

德清縣新志 卷十四 補遺 十四

四、現印書本目錄下必附頁數用便檢查本書以頁數較多分次裝訂故目次不及提前改附卷末

（右凡例目錄及各卷補遺）

卷十四勘誤表

面	行	字	原	文	更	正	備	註
二	前	二	戊	戊				以下均同並應改正
四	後	八	徒	陡				
五	前	六	滿	漏				
九	前	三	住	任				
十一	前	十	九	十				
十二	後	十	子	子				
二	前	一	戊	戊				
四	後	八	徒	陡				
五	前	六	滿	漏				
九	前	三	住	任				
十一	前	十	九	十				
十二	後	十	子	子				

德清縣新志卷十四終

德清縣新志跋(二)

邑之有志、猶國之有史、族之有譜、史本紀一朝、積而稱歷、譜以誌一姓、小亦稱宗、邑而有志也、則疆域政治之沿革、人物民俗之隆替、藝術遺聞之傳述、一覽卽知其端末、其關係豈淺鮮哉、考我邑之有志、自宋始、嘉熙間、邑侯章公、主輯餘不志、明嘉靖初、邑令方公、復增修之、仍名餘不志、至遜清康熙十二年、中州侯公元棐、就餘不志、而增益之、更名德清縣志、迄嘉慶年、邑侯北平周公、更輯爲續志、余總角隨宦時、嘗聞先大夫步青公曰、我邑志乘、嘉慶而後、已百有餘年、失修之矣、深以文化掌故之闕失難徵爲憂、願任修輯、有志未成、竟齎以終、越四載、父執程公景川、承邑侯固始吳公鸞舉修志之聘、任總纂焉、程良史才也、經八歲而稿成、未付劖劂、遽歸道山、哲嗣志和先生、仰承先志、出其副稿、於前邑侯金公鳴盛蒞任

德清縣新志

跋一

一

之初、卽以核定刊費、速付梨棗爲請、旋其堂弟養蘇姻兄銜省令調長邑之教育局、司木鐸、掌文衡、於是隨其伯兄博訪周諮、詳加審勘、精加校讎、並籌措經費、議付手民、請當道題簽曰、德清縣新志、蓋接前志、廣爲搜補、而復多創制、名之曰新、不曰宜乎、竊念程公與先大夫之於邑志也、一以稿成未刊而卒、一以有志未逮而終、不無遺憾、今茲劖劂甫竣、余不敏不文、而樂觀新志之告成、敬附數言於簡末、同誌先志之已酬云爾。

中華民國二十一年中秋邑人徐益壽介延甫謹跋於覺廬

德清縣新志跋(三)

先君子景川公壯歲客吳興陸氏。陸氏藏書名東南，因得暢意擇觀；著力史乘；復與名流日夕講貫，嫻習史志之學，著述盈帙。自從政後，簿書鞅掌，始稍稍閒。民國四年回籍，吳侯鶴巢延纂新志，受任後孜孜者閱八年；謂：賴羣賢力，克底於成。稿定，以艱於刊費，難付剞劂，迨夫見背，而邑令儼增補，置彙久不決。鳴屢請又以費絀辭。寒家有副稿，亦因久擱：鼠竊蠹蝕，日漸剝削；思以私力開雕，孰知刊一行字，類挽百石弓；每念彙將淪棄，往往淚下沾襟。十五年夏，備位省署諮議，無所建樹。每謁中座，輒以爲此言，允檄縣而未果，益遙遙無刻期。十八年冬，弟翥雲長縣府第一科，適有公款數印資，建議黃縣長百新，極荷贊可，亟呈民政教育兩廳壽梨棗；兩廳爲慎重計，衡量例目，指詢者再；嗣金公韻和主邑事，徇請再呈，時鳴佐教廳

牘；冒昧謁兩長，陳巔末；奉諭參訂！始與原彙無出入，案隨定；惟原呈以總纂已歿卒，擬由縣長暫兼，完成其事一節；民廳未許。公竟以責諸鳴；竊念父作子述，校綴次第，本有先例，義無可辭；但因旅會垣，難端返；轉丐教育局孫局長主其政；初有成議，孫移吳興去。堂弟養蘇繼其職；蕭規曹隨，執行益力；且賴先達蔡公涓生等之指導；黨部許同志公武等之翊贊；欸會張常委信齋等之接濟，以及省縣各同文之銓釋匡襄，衆擎易舉，乃獲付梓。鳴雖負校綴；僅僅尋其指歸，補其闕文，於各卷分繫小叙，卷末增草藝術與夫補遺督印而已，他何與哉？原編不列總纂著作；茲仿洪若皋誌臨海，戚學標續太平，吳慶坻纂杭府志兼入已作之例，爲先君子補列之，以實文獻，想當世亦不見譏也！特歲事卒卒，訛誤實多，博雅匡正，不肖敬須！頃手民告刷竟，識其崖略如是。中華民國二十一年雙十節程鳳鳴志和甫謹跋。

德清縣新志目錄補次

頁數

卷一輿地志一..... 一一四〇

沿革..... 一一二

疆域..... 二

山水..... 三一六

橋梁..... 一六一二六

形勝..... 二六一二七

城郭..... 二七

屯戍..... 二七一三〇

市鎮..... 三〇一三一

區鄉..... 三一—三九

附劃區..... 三九—四〇

卷二輿地志二..... 一一—二一

寨柵..... 一

街巷..... 一一三

德清縣新志

目錄補次

田土..... 三

風俗..... 三一—二三

物產..... 一三一—三〇

氣候..... 三〇—三二

卷三建置志..... 一一—二七

縣廨..... 一一—三

公署..... 三

學校..... 三一—三

倉廩..... 一三一—二四

會所..... 一四—一六

舖舍..... 一六

賢祠..... 一六一—二七

壇廟..... 一七一—二〇

寺觀..... 二〇—二六

教堂..... 二六

坊表……………二六一二七

戶口……………一一二

農桑……………二一一五

糧賦……………一五—三一

徵權鹽課……………三一—三六

俸給……………三六—三七

生活……………三七—三八

卷五法制志……………一一—二六

禮儀……………一一—二

鄉約……………一三一—四

保甲……………一四

軍政……………一四—一六

役法……………一六—一七

司法……………一七—一八

德清縣新志

目錄補次

二

郵政……………一八—二一

新政……………二一—二六

卷六職官志……………一一—二二

縣令……………一一—三

主簿……………三一—四

巡檢……………四—六

典史……………六—七

教職……………七—九

武職……………九—一一

警職……………一一—一二

卷六選舉志……………一一—二八

典試同考……………一二—一三

學政……………一三—一四

進士……………一四—一六

舉人……………一六—二〇

貢生	二〇—二三
武科	二三—二四
特科	二四
代議	二四—二七
徵召薦辟	二七—二八
鄉飲	二八
卷七治行志	一—四
名守	一
賢令良佐	一—四
卷七人物志一統編	五—二七
列傳	五—二七
卷八人物志二分編	一—四〇
儒行	一—三
名業	三—一四
文苑	一四—二〇

德清縣新志

目錄補次

三

武功	二二—二三
忠節	二二—二九
孝義	二九—三四
方技	三四—三六
膺賢	三六—三八
隱逸	三八
方外	三八—三九
卷九人物志三特編	一—二三
列女	一—三
卷十藝文志一碑刻	一—二一
碑目	一—三
附文	三—二一
卷十一藝文志二	一—四〇
紀載	一—二三
論議	二三—三四

論敕	三四—三六
著作	三七—四〇
卷十二藝文志二	一—四二
題詠	一—二九
歌謠	三〇—三五
詩話	三五—三八
藝術	三八—四二
卷十三雜志	一—二二
遺蹟	一—六
遺聞	六—一八
塚墓	一八—二〇
其他	二〇—二三
卷十四補遺	一一—一四

德清縣新志

目錄補次

四

補勘誤表

分類	頁	面	行	字	原文	更正	備註
沈序	一	前	四	九	益	益	
序言	一—三	前	二	二十六	泉	泉	以下同
王序	一	前	一	十三	十	也	方五十里
蔡序	一	後	二	十六下	候	也	
凡例	一—二	後	二	二	候	也	
卷一	二—六	後	六	二	瀆	夫	瀆前瀆
卷二	三—三	前	一	一	按	夫	疆域
卷三	四—九	後	一	一	按	夫	本斗字今通作埒前後均同
卷四	十—十四	後	六	一	按	夫	勘誤表備註內加「下同」二字
卷五	十五—十八	後	三	七	熱	熱	二十頁溫崧下同
卷六	十九—二十三	後	一	七	熱	熱	鞭笞
又	二十四—二十六	後	三	七	熱	熱	鳴因
又	二十七—三十一	後	五	七	熱	熱	首徒
又	三十二—三十五	後	四	七	熱	熱	四年
又	三十六—三十八	後	三	七	熱	熱	連入三十四年戊申科
又	三十九—四十一	後	三	七	熱	熱	
又	四十二—四十五	後	四	七	熱	熱	
又	四十六—五十二	後	七	七	熱	熱	
又	五十三—五十六	後	四	七	熱	熱	
又	五十七—六十二	後	六	七	熱	熱	
又	六十三—六十六	後	四	七	熱	熱	
又	六十七—七十一	後	五	七	熱	熱	
又	七十二—七十六	後	五	七	熱	熱	
又	七十七—八十一	後	五	七	熱	熱	
又	八十二—八十六	後	五	七	熱	熱	
又	八十七—九十一	後	五	七	熱	熱	
又	九十二—九十六	後	五	七	熱	熱	
又	九十七—一百零一	後	五	七	熱	熱	
又	一百零二—一百零六	後	五	七	熱	熱	
又	一百零七—一百一十一	後	五	七	熱	熱	
又	一百一十二—一百一十六	後	五	七	熱	熱	
又	一百一十七—一百二十一	後	五	七	熱	熱	
又	一百二十二—一百二十六	後	五	七	熱	熱	
又	一百二十七—一百三十一	後	五	七	熱	熱	
又	一百三十二—一百三十六	後	五	七	熱	熱	
又	一百三十七—一百四十一	後	五	七	熱	熱	
又	一百四十二—一百四十六	後	五	七	熱	熱	
又	一百四十七—一百五十一	後	五	七	熱	熱	
又	一百五十二—一百五十六	後	五	七	熱	熱	
又	一百五十七—一百六十一	後	五	七	熱	熱	
又	一百六十二—一百六十六	後	五	七	熱	熱	
又	一百六十七—一百七十一	後	五	七	熱	熱	
又	一百七十二—一百七十六	後	五	七	熱	熱	
又	一百七十七—一百八十一	後	五	七	熱	熱	
又	一百八十二—一百八十六	後	五	七	熱	熱	
又	一百八十七—一百九十一	後	五	七	熱	熱	
又	一百九十二—一百九十六	後	五	七	熱	熱	
又	一百九十七—二百零一	後	五	七	熱	熱	
又	二百零二—二百零六	後	五	七	熱	熱	
又	二百零七—二百一十一	後	五	七	熱	熱	
又	二百一十二—二百一十六	後	五	七	熱	熱	
又	二百一十七—二百二十一	後	五	七	熱	熱	
又	二百二十二—二百二十六	後	五	七	熱	熱	
又	二百二十七—二百三十一	後	五	七	熱	熱	
又	二百三十二—二百三十六	後	五	七	熱	熱	
又	二百三十七—二百四十一	後	五	七	熱	熱	
又	二百四十二—二百四十六	後	五	七	熱	熱	
又	二百四十七—二百五十一	後	五	七	熱	熱	
又	二百五十二—二百五十六	後	五	七	熱	熱	
又	二百五十七—二百六十一	後	五	七	熱	熱	
又	二百六十二—二百六十六	後	五	七	熱	熱	
又	二百六十七—二百七十一	後	五	七	熱	熱	
又	二百七十二—二百七十六	後	五	七	熱	熱	
又	二百七十七—二百八十一	後	五	七	熱	熱	
又	二百八十二—二百八十六	後	五	七	熱	熱	
又	二百八十七—二百九十一	後	五	七	熱	熱	
又	二百九十二—二百九十六	後	五	七	熱	熱	
又	二百九十七—三百零一	後	五	七	熱	熱	
又	三百零二—三百零六	後	五	七	熱	熱	
又	三百零七—三百一十一	後	五	七	熱	熱	
又	三百一十二—三百一十六	後	五	七	熱	熱	
又	三百一十七—三百二十一	後	五	七	熱	熱	
又	三百二十二—三百二十六	後	五	七	熱	熱	
又	三百二十七—三百三十一	後	五	七	熱	熱	
又	三百三十二—三百三十六	後	五	七	熱	熱	
又	三百三十七—三百四十一	後	五	七	熱	熱	
又	三百四十二—三百四十六	後	五	七	熱	熱	
又	三百四十七—三百五十一	後	五	七	熱	熱	
又	三百五十二—三百五十六	後	五	七	熱	熱	
又	三百五十七—三百六十一	後	五	七	熱	熱	
又	三百六十二—三百六十六	後	五	七	熱	熱	
又	三百六十七—三百七十一	後	五	七	熱	熱	
又	三百七十二—三百七十六	後	五	七	熱	熱	
又	三百七十七—三百八十一	後	五	七	熱	熱	
又	三百八十二—三百八十六	後	五	七	熱	熱	
又	三百八十七—三百九十一	後	五	七	熱	熱	
又	三百九十二—三百九十六	後	五	七	熱	熱	
又	三百九十七—四百零一	後	五	七	熱	熱	
又	四百零二—四百零六	後	五	七	熱	熱	
又	四百零七—四百一十一	後	五	七	熱	熱	
又	四百一十二—四百一十六	後	五	七	熱	熱	
又	四百一十七—四百二十一	後	五	七	熱	熱	
又	四百二十二—四百二十六	後	五	七	熱	熱	
又	四百二十七—四百三十一	後	五	七	熱	熱	
又	四百三十二—四百三十六	後	五	七	熱	熱	
又	四百三十七—四百四十一	後	五	七	熱	熱	
又	四百四十二—四百四十六	後	五	七	熱	熱	
又	四百四十七—四百五十一	後	五	七	熱	熱	
又	四百五十二—四百五十六	後	五	七	熱	熱	
又	四百五十七—四百六十一	後	五	七	熱	熱	
又	四百六十二—四百六十六	後	五	七	熱	熱	
又	四百六十七—四百七十一	後	五	七	熱	熱	
又	四百七十二—四百七十六	後	五	七	熱	熱	
又	四百七十七—四百八十一	後	五	七	熱	熱	
又	四百八十二—四百八十六	後	五	七	熱	熱	
又	四百八十七—四百九十一	後	五	七	熱	熱	
又	四百九十二—四百九十六	後	五	七	熱	熱	
又	四百九十七—五百零一	後	五	七	熱	熱	
又	五百零二—五百零六	後	五	七	熱	熱	
又	五百零七—五百一十一	後	五	七	熱	熱	
又	五百一十二—五百一十六	後	五	七	熱	熱	
又	五百一十七—五百二十一	後	五	七	熱	熱	
又	五百二十二—五百二十六	後	五	七	熱	熱	
又	五百二十七—五百三十一	後	五	七	熱	熱	
又	五百三十二—五百三十六	後	五	七	熱	熱	
又	五百三十七—五百四十一	後	五	七	熱	熱	
又	五百四十二—五百四十六	後	五	七	熱	熱	
又	五百四十七—五百五十一	後	五	七	熱	熱	
又	五百五十二—五百五十六	後	五	七	熱	熱	
又	五百五十七—五百六十一	後	五	七	熱	熱	
又	五百六十二—五百六十六	後	五	七	熱	熱	
又	五百六十七—五百七十一	後	五	七	熱	熱	
又	五百七十二—五百七十六	後	五	七	熱	熱	
又	五百七十七—五百八十一	後	五	七	熱	熱	
又	五百八十二—五百八十六	後	五	七	熱	熱	
又	五百八十七—五百九十一	後	五	七	熱	熱	
又	五百九十二—五百九十六	後	五	七	熱	熱	
又	五百九十七—六百零一	後	五	七	熱	熱	
又	六百零二—六百零六	後	五	七	熱	熱	
又	六百零七—六百一十一	後	五	七	熱	熱	
又	六百一十二—六百一十六	後	五	七	熱	熱	
又	六百一十七—六百二十一	後	五	七	熱	熱	
又	六百二十二—六百二十六	後	五	七	熱	熱	
又	六百二十七—六百三十一	後	五	七	熱	熱	
又	六百三十二—六百三十六	後	五	七	熱	熱	
又	六百三十七—六百四十一	後	五	七	熱	熱	
又	六百四十二—六百四十六	後	五	七	熱	熱	
又	六百四十七—六百五十一	後	五	七	熱	熱	
又	六百五十二—六百五十六	後	五	七	熱	熱	
又	六百五十七—六百六十一	後	五	七	熱	熱	
又	六百六十二—六百六十六	後	五	七	熱	熱	
又	六百六十七—六百七十一	後	五	七	熱	熱	
又	六百七十二—六百七十六	後	五	七	熱	熱	
又	六百七十七—六百八十一	後	五	七	熱	熱	
又	六百八十二—六百八十六	後	五	七	熱	熱	
又	六百八十七—六百九十一	後	五	七	熱	熱	
又	六百九十二—六百九十六	後	五	七	熱	熱	
又	六百九十七—七百零一	後	五	七	熱	熱	
又	七百零二—七百零六	後	五	七	熱	熱	
又	七百零七—七百一十一	後	五	七	熱	熱	
又	七百一十二—七百一十六	後	五	七	熱	熱	
又	七百一十七—七百二十一	後	五	七	熱	熱	
又	七百二十二—七百二十六	後	五	七	熱	熱	
又	七百二十七—七百三十一	後	五	七	熱	熱	
又	七百三十二—七百三十六	後	五	七	熱	熱	
又	七百三十七—七百四十一	後	五	七	熱	熱	
又	七百四十二—七百四十六	後	五	七	熱	熱	
又	七百四十七—七百五十一	後	五	七	熱	熱	
又	七百五十二—七百五十六	後	五	七	熱	熱	
又	七百五十七—七百六十一	後	五	七	熱	熱	
又	七百六十二—七百六十六	後	五	七	熱	熱	
又	七百六十七—七百七十一	後	五	七	熱	熱	
又	七百七十二—七百七十六	後	五	七	熱	熱	
又	七百七十七—七百八十一	後	五	七	熱	熱	
又	七百八十二—七百八十六	後	五	七	熱	熱	
又	七百八十七—七百九十一	後	五	七	熱	熱	
又	七百九十二—七百九十六	後	五	七	熱	熱	
又	七百九十七—八百零一	後	五	七	熱	熱	
又	八百零二—八百零六	後	五	七	熱	熱	
又	八百零七—八百一十一	後	五	七	熱	熱	
又	八百一十二—八百一十六	後	五	七	熱	熱	
又	八百一十七—八百二十一	後	五	七	熱	熱	
又	八百二十二—八百二十六	後	五	七	熱	熱	
又	八百二十七—八百三十一	後	五	七	熱	熱	
又	八百三十二—八百三十六	後	五	七	熱	熱	
又	八百三十七—八百四十一	後	五	七	熱	熱	
又	八百四十二—八百四十六	後	五	七			